

〔重刊訂正本〕

中國醫學大成

錢若利題



〔重刊訂正本〕

中國醫學大成

四集

上海科學技術出版社

中國醫學大成 (全套共五十冊)

上海科學技術出版社出

(上海瑞金二路四五〇號)

新華書店上海發行所發行

上海市印刷十

開本七八七×一〇九二

三十二開

精裝

總字數二一,七九〇,〇〇〇

總印張

一九九〇年六月第一版 一九九〇年六月第二

C0108003



醫學心悟

〔清〕程鐘齡 著

原 編 曹炳章

總審定 裘沛然

總審閱 蕭敏材 朱邦賢 沈麗君

重刊訂正《中國醫學大成》序

《中國醫學大成》一書，我鄉先輩四明曹炳章先生所輯集，爲發揚中醫學，保存古醫籍，以饗同道並惠後學作也。曹氏纂集是書時，正值西學東漸，國內淺見倖進之徒，競尙浮華，大肆鞭撻我國文化固有之精英，如民族醫學，悉在消滅之列，中醫學不絕如縷。而先生乃在此時從事中醫叢書巨著之編輯，姑不論其學術價值，獨其保存民族文化精粹之苦心孤詣令人可敬，其卓識遠見，又何其可欽也。

楊志一在原書序中有說：『大凡學術之成立，歷久而不敗者，必有其真實之價值在。』善哉言乎！中華民族立國數千年而得以生存繁衍，如無優秀之文化及可貴之醫學，則亦何逃於優勝劣敗之例。尤

其在科學迅猛發展之今日，百技更新，而古老之中醫藥學日益引起國內外有識之士之重視。各類中醫藥研究所之建立，亦爲保護人民健康之需要，順應世界醫學發展之潮流而設。凡此種種，夫豈偶然。

惟中醫學歷史悠久，濫觴於炎黃，昌盛於漢唐，歷代醫家多有創見，其學術經驗載於文獻者浩如煙海，遺佚者可弗論，僅就先生纂集之時，存書尙達萬種，學者既不能盡讀，又無力購置，且諸書精粗雜糅，版本文字舛誤殊多，使學習中醫者常興望洋之嘆。先生乃爲之博採精選，上自先秦，下迄近代，凡理論、方藥、臨床各科咸備，別爲十三類，書計三百六十五種，分醫經、藥物、診斷、方劑、通治、外感病、內科、外科、婦科、兒科、針灸、醫案及外集雜著各類。其中傷科、眼科及五官病歸入外科，推拿、手術歸入針灸，醫論、醫話、醫史歸入雜著。所收各書，皆中醫要籍，大都內

容精粹，切合實用，版本亦從精選，並加句斷。各書之首，皆列著作校刊略歷及內容提要，以便讀者入門粗知梗之助。

中醫學歷來叢書頗少，是書搜羅廣而選擇精，洵爲前所未有之巨著。惜全書印刊未半而抗戰軍興，烽煙迷漫，醫籍出版被迫中輟。而已印行之一百三十六種，今亦散佚不全。上海科學技術出版社爲應學者需求，重爲付梓，並影印以存原貌。書中明顯錯訛者，由我院及中醫文獻研究所等有關單位專業人員校勘改正，使之益臻完善。

夫文以載道，中醫學爲我國醫學之重要財富，文獻則是寶庫中之重要內容。故有志斯道者，務求先通中醫之理論法則、方藥效用和臨床處置，使對中醫學有全面之理解，更須驗之臨床，以汲取其理論精華與豐富經驗。學問之事，原恃艱苦以求而非獵取可得。昔張仲景勤求古訓，博採衆方；孫思邈青衿之歲，高尚是典，白首之

年，未嘗釋卷；葉香岩以不讀破萬卷，不敢輕言醫。茲三人者，皆由勤奮好學而成一代高醫，故學習中醫宜下一番札實工夫。在此基礎上運用現代科學技術研究和整理中醫學，才有闡明和提高希望。中西醫結合，亦將另具特色。以務實精神，走中醫現代化循序而進之道路，勇於繼承，敢於創新，使傳統醫學有所發現與創造。苟能如此，不僅爲祖國爭光，並將爲人類造福。

本叢書一百三十六種，分爲五十冊；每冊後並皆附有全部書目。它的出版，爲中醫和愛好中醫者提供珍貴之醫學文獻，讀者勤習而深研之，必能奠定中醫學根柢，大有助於中醫事業之繼承與發展。

裘沛然

一九八八年六月作於
上海中醫學院

〔清〕

程鍾齡

著

醫
西
學
心
悟

中國醫學大成

醫學心悟提要

清程鍾齡撰。鍾齡字國彭。天都人。其卷一首列醫中百誤歌。保生四要。治陰虛無上妙方。人參果。醫有徹始徹終之理。皆屬調神養心。移精變氣之法。爲不藥良方。火字解。別虛火實火。虛火宜補。實火宜瀉。若誤治之。禍如反掌。茲以內出者爲子火。外至者爲賊火。千古晦義。一旦昭然。寒熱虛實陰陽。著爲辨論。約之則在指掌之中。推之可應無窮之變。而醫門治法。本有八法。而方書或言五法。或言六法。時醫更執偏見。各用一二法。自以爲是。遂至治不如法。輕病轉重。重病轉危。而終至於無法。大可傷也。今著爲八法。反覆詳論。苟能沉酣於八法之中。將以扶危定傾。庶幾其有活法矣。傷寒有綱領及主治四字論。不思傷寒只此表裏寒熱四字。由四字而數爲八句。傷寒實無餘蘊。夫傷寒有表寒。有裏寒。有表熱。有裏熱。有表裏皆熱。有表裏皆寒。有表寒裏熱。有表熱裏寒。精乎此。非惟三百九十七法。一百一十三方可坐而得。卽千變萬化。亦皆範圍於其中。因著傷寒四字論。以爲後學津梁云。其他辨陰症之說。論疫辨六氣相雜。論中風。中風寒熱辨。中風不語辨。中風

類中辨症法。雜症主治四字論。入門辨症訣。皆有心得發明。其卷二、凡傷寒類傷寒辨。傷寒六經見症法。六經各經症。太陽陽明各腑症。論裏中之裏。合病併病。直中三陰諸症。兩感傷寒兼症。茲集分析清楚。綱舉目張。辨論詳明。毫無濛混。治傷寒取則乎此。可漸登仲景之堂而入其室矣。其卷三、凡中風類中風。有寒熱之別。實因人之臟腑爲轉移。從此勘破。則清涼溫熱之劑。各當其可。而古今之疑團以析。他如風寒暑濕燥火。天之六氣也。六氣相雜。互相爲病。最宜細辨。若概指爲傷寒。投以散劑。爲害最烈。醫者不可不慎於其初。其他至卷四、各內傷雜證。皆辨清寒熱虛實。然後施以寒熱溫平之藥。庶幾投無不效。其卷五、婦科。女人之病多於男子。因其有行經胎產等事也。且性情多鬱。尤易生病。故治法另有變通。詳著於後。其與男子同病者不載。其卷六、專著外科。首列華佗外科十法。次列外科證治方藥。末附載急救要法。所列方證。言簡意賅。皆爲經驗閱歷之談。前紹興名醫邵蘭蓀治病頗有神效。詢其所宗何書。則云治雜證時病。惟程氏醫學心悟及葉氏臨證指南二書而已。嗣查其立方用藥。果無一不本諸於此二書。是書之價值。可以概見。

序

古人有言。病臥於床。委之庸醫。比於不慈不孝。是以爲人父子者。不可以不知醫。雖然。醫豈易知乎哉。知其淺而不知其深。猶未知也。知其偏而不知其全。猶未知也。以卑鄙管窺之見。而自稱神良。其差誤殆有甚焉。予少多病。每遇疾。則纏綿難愈。因爾酷嗜醫學。潛心玩索者有年。而四方求治者日益繁。四方從遊者日益衆。然此衷常慄慄危懼。凡書理有未貫徹者。則晝夜追思。恍然有悟。則援筆而識之。歷今三十載。殊覺此道精微。思貴專一。不容淺嘗者問津。學貴沉潛。不容浮躁者涉獵。蓋以上奉君親。中及僚友。下逮卑幼。性命攸關。其操術不可不工。其處心不可不慈。其讀書明理。不至於豁然大悟不止。爰作是書。以教吾徒。而名之曰醫學心悟。蓋警之也。然心悟者。上達之機。言傳者。下學之要。二三子讀是書而更加博覽羣言。沉思力索。以造詣於精微之域。則心如明鏡。筆發春花。於以拯救蒼生。而藥無虛發。方必有功。仰體天帝好生之心。修證菩提普救之念。俾閭閻昌熾。比戶安和。永杜夭折之傷。咸登仁壽之域。豈非業醫者所深快乎。况爲父者。知此可以

言慈爲子者。知此可以言孝。以之保身而裕如。以之利人而各足。存之心。則爲仁術。見之事。則爲慈祥。尤吾道中所當景慕也。二三子識之。予日望之。

天都普明子程國彭鍾齡氏書

凡例

一、醫道自靈素難經而下。首推仲景。以其爲製方之祖也。然仲景論傷寒。而溫熱溫疫之旨有未暢。河間論溫熱及溫疫。而於內傷有未備。東垣詳論內傷。發補中枳朮等論。卓識千古。而於陰虛之內傷。尙有缺焉。朱丹溪從而廣之。發陽常有餘。陰常不足之論。以補前賢所未及。而醫道亦大全矣。夫復何言。不知四子之書。合之則見其全。分之即見其偏。茲集兼總四家。而會通其微意。以各適於用。則庶乎其不偏耳。

一、虛火實火之別。相隔霄壤。虛火可補。實火可瀉。若誤治之。禍如反掌。茲以內出者爲子火。外至者爲賊火。分別虛實。以定補瀉。似千古晦義。一旦昭然。而於對症用藥之間。有畫沙印泥之趣。

一、凡病不外寒熱虛實表裏陰陽。茲特著爲辨論。約之則在指掌之中。推之可應無窮之變。學者宜究心焉。

一、醫門論治。本有八法。而方書或言五法。或言六法。時醫更執偏見。各用一二法。

自以爲是。遂至治不如法。輕病轉重。重病轉危。而終則至於無法。大可傷也。予故著爲醫門八法。反覆詳論。俾業醫者沉酣於八法之中。將以扶危定傾。庶幾其有活法矣。

傷寒門。古稱三百九十七法。一百一十三方。尙不能盡其變。遂謂仲景傷寒論非全書。而予獨以四字論括之。何其簡也。不思傷寒只此表裏寒熱四字。由四字而數爲八句。傷寒實無餘蘊。夫傷寒有表寒。有裏寒。有表熱。有裏熱。有表裏皆熱。有表裏皆寒。有表寒裏熱。有表熱裏寒。精乎此。非惟三百九十七法。一百一十三方。可坐而得。卽千變萬化。亦皆範圍於其中。予讀仲景書十數年。頗有心得。因著傷寒四字論。以爲後學津梁云。

一、傷寒有經病。有腑病。有合病併病。有直中症。有兩感症。有傷寒兼症。茲集分析清楚。綱舉目張。辨論詳明。毫無濛混。治傷寒者取則乎此。可漸登仲景之堂。而入其室矣。

一、中風寒熱之別。實因乎人之臟腑爲轉移。從此勘破。則清涼溫熱之劑。各當其可。而古今之疑團以釋。

一、風寒暑濕燥火。天之六氣也。六氣相雜。互相爲病。最宜細辨。若概指爲傷寒。投以散劑。爲害實甚。不可不慎於其初。

一、雜症各有內傷外感之不同。須從此分別。則治法不至混淆。而取效神速。

一、女人之病。多於男子。因其有行經胎產等事也。且性情多鬱。尤易生病。故治法另有變通。茲特詳著於後。其與男子同病者不載。特載其不同者而已。非缺也。

醫學心悟目錄

卷一

醫中百誤歌	一
保生四要	五
治陰虛無上妙方	六
人參果	七
醫有徹始徹終之理	八
內傷外感致病十九字	九
火字解	一〇
脈法金針	一二
寒熱虛實表裏陰陽辨	一五
醫門八法	一七

論汗法	一七
論和法	二一
論下法	二四
論消法	二九
論吐法	三二
論清法	三五
論溫法	三八
論補法	四一
傷寒綱領	四六
傷寒主治四字論	四六
經腑論	四八
陰症有三說	五二

論疫	五三
六氣相雜須辨論	五四
論中風	五六
中風寒熱辨	五七
中風不語辨	五八
中風類中辨症法	五九
雜症主治四字論	六〇
入門看症訣	六一
色	六一
鼻	六二
唇口	六三
耳	六四
目	六四
舌	六五

卷二

身	六五
胸	六六
腹	六六
小腹	六七
傷寒類傷寒辨	一
傷寒六經見症法	五
太陽經症	五
陽明經症	一五
少陽經症	一七
太陰經症	二二
少陰經症	二四
厥陰經症	二六

卷二

太陽腑病	三〇
陽明腑病	三一
論裏中之裏	三七
復論陽明本症用藥法	三八
論陽明兼症用藥方	三九
合病併病	四〇
直中三陰諸症	四〇
兩感	四六
傷寒兼症	四七
中風門	一
類中風	七
傷暑 <small>霍亂絞腸痧</small>	一三

疫癘	一六
虛勞	一八
咳嗽	三一
喘	三五
吐血	三七
頭痛	三九
心痛	四三
胸痛	四七
脇痛	四七
胃脘痛	四九
腹痛	四九
少腹痛	五三
身痛	五五
肩背臂膊痛	五五

腰痛	五七
痺風 <small>鶴膝</small>	五九
痿	六四
脚氣	六六
癘風	六六
噎隔	六八
痢疾	七〇
泄瀉	七二
瘧疾	七三
論水腫鼓脹	七五
水腫	七六
鼓脹	七八
積聚	八一
疝氣	八三

卷四

痰飲	八五
嘔吐噦呃逆	八七
三消	八八
熱淋	九一
小便不通 <small>關格 婦轉 孕婦</small>	九二
大便不通 <small>遺尿 脫肛 腸交</small>	九四
小便不禁	九六
便血	九七
尿血	九八
遺精	一
赤白濁	二
黃疸	三

不能食	五
不得臥	六
自汗盜汗	七
癲狂癇	八
驚悸恐	一〇
眩暈	一一
健忘	一三
嘈雜	一三
咽喉 <small>口舌齒唇</small>	一四
目	二四
面	二九
癰癰	二九
鼻	三〇
耳	三一

卷五

痔瘡	三二
內癰	三四
諸蟲	三五
蟲毒	三六
五絕	三六
婦人門	一
月經不調	一
室女經閉成損	三
暴崩下血	四
帶下	五
求嗣	六
轉女爲男說	八

診婦人有孕法	八
驗胎法	九
食忌	九
藥忌	〇
惡阻	一
胎動不安	二
胎漏	三
子懸子眩	四
胎不長	五
半產	五
子煩	六
子癰	七
子鳴	八
子瘖	九

孕婦內癰	一九
鬼胎 <small>夢與鬼交</small>	二〇
熱病胎損	二一
娠妊小便不通 <small>轉胞胞損</small>	二二
胎水腫滿	二三
乳自出	二四
臨產將護法	二四
十產論	二八
交骨不開產門不閉	三一
胞衣不下	三一
產後將護法	三三
產後血暈	三五
產後不語	三五
產後發熱	三六

卷六

產後顛狂	三七
心神驚悸	三八
汗多變瘰	三八
產後身痛	三九
產後腰痛	四〇
惡露不絕	四一
產後心腹諸痛	四二
蓐勞	四三
喘促	四三
鼻黑鼻衄	四四
產後乳疾	四四
乳癰乳巖 <small>乳卸</small>	四五
婦人隱疾	四七

外科十法	一
內消法一	二
艾灸法二	三
神火照法三	三
刀針砭石法四	三
圍藥法五	四
開口除膿法六	五
收口法七	五
總論服藥法八	六
復論五善七惡救援法	六
九	七
將息法十	八
外科症治方藥	九
發背 <small>對心發腎俞發搭背手發足發</small>	九

腦疽	偏對口	對口	一八
鬢疽	發頭天行	毒	一八
井口疽	脇癰	魚口	一九
疔瘡	癰	穿骨	二〇
喉痺			二一
纏喉風			二二
纏舌喉風			二二
乳蛾			二二
舌舄			二二
懸癰			二三
腮癰			二三
喉瘡			二三
走馬牙疳	牙癰	牙痛	二三
喉瘤			二四

齒唇		二四
肺絕喉痺		二四
癰癰		二七
鼻痔	鼻淵	二八
聾耳	入百蟲	二九
服丹	忽眼珠	二九
白禿瘡	落髮	三〇
粉刺雀斑		三〇
破傷風		三一
跌打損傷		三一
乳癰	乳岩	三二
附骨疽	伏兔	三四
蛇頭毒		三四
脫疽		三五

臙瘡	三五
脹癰	三五
懸癰	三六
下疳	三七
楊梅結毒	三八
大麻風	三九
湯泡火燒	四〇
疥瘡	四〇
頑癬	四一
自刎	四二
竹木刺入肉	四二
瘋犬咬	四二
誤服砒毒	四三
自縊	四三

落水	四三
魘夢不醒	四四

醫學心悟

清 天都 程國彭鍾齡撰著

鄞縣 曹赤電炳章圈點

卷一

醫中百誤歌

醫中之誤有百端。漫說肘後盡金丹。先將醫誤從頭數。指點分明見一斑。醫家誤。辨症難。三因分症似三山。內因。外因。不內不外。此名三因。三山別出千條脈。病有根源仔細看。起必求其本。須從根處看。明。醫家誤。脈不真。浮沉遲數不分清。却到分清渾又變。細如熱極。極反脈。鼓起根處看。明。醫家誤。胸中不了了。指難明。扁鵲云。持脈之道。如臨深淵。而望浮雲。胸中不了了。指難明。醫家誤。失時宜。寒熱溫涼要相時。時中消息。團團轉。惟在沉潛觀化機。之寒暑相推。在靜觀而自得之。正非五運六氣所醫家誤。不明經。十二經中好問因。經中不辨循環理。管教陽症入三陰。六淫能拘也。所醫家誤。不明經。十二經中好問因。經中不辨循環理。管教陽症入三陰。則無邪善治三陽。醫家誤。藥不中。攻補寒溫不對症。實實虛虛誤匪輕。舉手須知嚴。

且慎。用藥相反。醫家誤。伐無過。伐無過謂攻藥有專司切莫錯。引經報使本殊途。
投劑差訛事輒覆。藥一味雖不相反而舉用非其經猶為未合如芩連知柏醫家誤。
藥不稱重病藥輕輕反重。輕重不均皆誤人。此道微乎危亦甚。藥雖對症而輕重
猶難醫家誤。藥過劑。療寒未已熱又至。療熱未已寒更生。勸君舉筆須留意。與病
相稱而用之過當則仍不醫家誤。失標本。緩急得宜方是穩。先病為本後為標。纖
悉幾微要中肯。病其緩急而施治注醫家誤。舍正路。治病不識求其屬。壯水益火
究根源。太僕之言須誦讀。王太僕云熱之不熱是無火也寒之不寒是無水也無
此謂求醫家誤。昧陰陽。陰陽極處沒抓拿。亢則害兮承迺制。靈蘭秘旨最神良。其屬也
害其物承乃制其極此五醫家誤。昧寒熱。顯然寒熱易分別。寒中有熱熱中寒。須
得長沙直秘訣。長沙用藥寒因熱用熱因寒用或先寒後熱或先熱後寒或寒熱
景書仲景法不必泥仲景醫家誤。昧虛實。顯然虛實何難治。虛中有實實中虛。用
方而通變。用法尤為得當。醫家誤。
藥東垣有次第。脾胃論內外傷辨補中枳醫家誤。藥姑息。症屬外邪須克治。痞滿
燥實病堅牢。茶果湯丸何所濟。醫家誤。藥輕試。攻病不知顧元氣。病若祛時元氣
傷。似此何勞君算計。輕劑誤事峻劑醫家誤。不知幾。脈動症變只幾希。病在未形

先着力。明察秋毫乃得之。病至思治末也。見微知著。醫家誤。鮮定見。見理真時莫
改變。恍似乘舟破浪濤。把舵良工却不眩。不移起人於垂危之際。足徵學識。而醫
家誤。強識病。病不識時。莫強認。謙躬退位。讓賢能。務俾他人全性命。亦良醫也。不知
醫家誤。在刀針。針有時宜。并淺深。膿熱針則傷好肉。膿未熟早針則毒氣泄。不出而內敗。膿
百毒總應先艾灸。隔蒜灸法。勝於刀針。外科正宗。頭面之上。用神燈。宜用神燈照。
法外科正宗云。內服蟾蜍丸。一服外將神火要醫家誤。薄愚蒙。先王矜恤。是孤窮病
篤必施真救濟。好生之念。合蒼穹。良藥以濟之。醫家誤。不克己。見人開口。便不喜。
豈知藟藿有一能。何況同人說道理。醫家誤未已。病者誤方興。與君還細數。請君
為我聽。病家誤。蚤失計。初時抱恙。不介意。人日虛。今病日增。縱有良工也。費氣。須
治病家誤。不直說。諱疾試醫工與拙。所傷所作。只君知。縱有名家猜不出。我有疾
必盡告醫者。然後診脈。雖中醫亦可治。病家誤。性躁急。病有回機。藥須吃。藥既相
宜。病自除。朝夕更醫。也不必。既效。更不病家誤。不相勢。病勢沉沉。急變計。若再蹉跎
時日深。恐怕回春無妙劑。不效。則更病家誤。在服藥。服藥之中。有竅妙。或冷或熱。要
分明。食後食前。皆有道。病家誤。最善怒。氣逆衝胸。仍不悟。豈知肝木尅脾元。願君

養性須回護。病家誤。苦憂思。憂思抑鬱欲何之。常將不如己者比。知得雄來且守雌。病家誤。好多言。多言傷氣最難痊。勸君默口存神坐。好將真氣養真元。病家誤。染風寒。風寒散去又復還。譬如城郭未完固。那堪盜賊更摧殘。病家誤。不戒口。口腹傷人處處有。食飲相宜中氣和。鼓腹含哺天地久。病家誤。不戒慎。閨房衽席不知命。命有顛危可若何。願將好色人爲鏡。病家誤。救絕氣。病人口而救之也。以手救氣閉口莫閉鼻。若連鼻子一齊捫。譬如入井復下石。鼻主呼吸閉緊則呼吸絕世人多蹈此弊故切言之兩者有誤誤未歇。又恐旁人誤重疊。還須屈指與君陳。好把旁人觀一切。旁人誤。代驚惶。不知理路亂忙忙。用藥之時偏作主。平時可是學岐黃。旁人誤。引邪路。妄把師巫當。仙佛有病之家易着魔。到底昏迷永不悟。更有大誤藥中尋。與君細說好留神。藥中誤。藥不真。藥材真緻力方深。有名無實何能效。徒使醫家枉用心。郡邑大覓藥若荒僻處須加細辨藥中誤。失炮製。炮製不工非善劑。市中之藥未蒸炒。勸君審度纔堪試。洗炙蒸一皆依法製藥中誤。醜人參。或用粗枝枯小參。蒸過取湯兼灌錫。方中用下却無功。參以原枝乾結爲美蒸過取湯藥中誤。秤不均。賤藥多兮貴藥輕。君臣佐使交相失。債事由來最惱人。仍有藥中誤。好向水中尋。勸君煎藥務得人。煎

藥誤。水不潔。油湯入藥。必嘔噦。日入嘔噦之時。病轉增。任是名醫。審不決。煎藥誤。水頻添。藥爐沸起。又加些。氣輕力減。何能效。枉怪醫家主見偏。此係醫中百種誤。說與君家記得熟。記得熟時。病易瘳。與君共享大春秋。

保生四要

一曰飲食

人身之貴。父母遺體。食飲非宜。疾病蜂起。外邪乘此。纏綿靡已。浸淫經絡。凝塞腠理。變症百端。不可勝紀。唯有縱酒。厥禍尤烈。酒毒上攻。虛炎灼肺。變為陰虛。祇緣酷醉。虛羸之體。全賴脾胃。莫嗜膏粱。澹食為最。口腹無譏。真真可貴。

二曰慎風寒

人身之中。曰榮與衛。寒則傷榮。風則傷衛。百病之長。以風為最。七十二候。傷寒傳變。賊風偏枯。歪斜痿痺。寒邪相乘。經絡難明。初在三陽。次及三陰。更有中寒。肢冷如冰。急施溫補。迺可回春。君子持躬。戰戰兢兢。方其汗浴。切莫當風。四時俱謹。尤慎三冬。匪徒衣厚。惟在藏精。

三曰惜精神

人之有生。惟精與神。精神不敝。四體長春。嗟彼昧者。不愛其身。多言損氣。喜事勞心。或因名利。朝夕熱中。神出於舍。舍則已空。兩腎之中。名曰命門。陰陽相抱。互爲其根。根本無虧。可以長生。午未兩月。金水俱傷。隔房獨宿。體質輕強。亥子丑月。陽氣潛藏。君子固密。以養微陽。金石熱藥。切不可嘗。積精全神。壽考彌長。

四曰戒嗔怒

東方木位。其名曰肝。肝氣未平。虛火發焉。諸風內動。火性上炎。無恚無嗔。涵養心田。寧靜。天君泰然。善動肝氣。多至嘔血。血積於中。漸次發咳。凡人舉事務期有得。偶爾失意。省躬自克。戒爾嗔怒。變化氣質。和氣迎人。其儀不忒。

治陰虛無上妙方

天一生水。命曰真陰。真陰虧則不能制火。以致心火炎上而尅肺金。於是發熱咳嗽。吐痰諸症生焉。蓋發熱者。陽勝陰也。咳嗽者。火刑金也。吐痰者。腎水虛泛而爲痰。如鍋中之水。熱甚則騰沸也。當此時勢。豈徒區區草木之功所能濟哉。必須取

華池之水。頻頻吞嚥。以靜治於無形。然後以湯丸佐之。庶幾水升火降。而成天地交泰之象耳。主方在吞津液。華池之水。人身之金液也。敷布五臟。洒陳六腑。然後注之於腎。而爲精。腎中陰虧。則真水上泛。而爲痰。將並華池之水。一擁俱出。痰愈多。而肌愈瘦。病誠可畏。今立一法。二六時中。常以舌抵上腭。令華池之水。充滿口中。乃正體舒氣。以意目力。送至丹田。口復一口。數十乃止。此所謂以真水補真陰。同氣相求。必然之理也。每見今之治虛者。耑主六味地黃等藥。以爲滋陰壯水之法。未爲不善。而獨不於本原之水。取其點滴。以自相灌溉。是舍真求假。不得爲保生十全之計。此予所以諄諄而爲是言也。衛生君子。尙明聽之哉。

人參果

昔者純陽呂祖師。出賣人參果。一文一枚。專治五勞七傷。諸虛百損。并能禦外邪。消飲食。輕身不老。却病延年。真神丹妙藥也。市人聞之。環聚爭買者千餘人。祖師大喝曰。此果人人皆有。但汝等不肯服食耳。衆方醒悟。今之患虛者衆矣。或歸怨貧乏。而無力服參。或歸怨醫家。不早爲用參。或歸怨醫家。不應早用參。或歸怨用

參之太多。或歸怨用參之太少。或歸怨用參而不用桂附以爲佐。或歸怨用參而不用耆朮以爲援。或歸怨用參而不用二地二冬以爲制。議論風生。全不反躬自省。以致屢效屢復。難收全功。不佞身肩是任。寧敢造次。博稽古訓。百法追尋。每見歷代良醫。治法不過若此。於是睜開目力。取來參果一車。普送虛人服食。凡病危而復安者。不論有參無參。皆其肯服參果者也。凡病愈而復發者。不論有參無參。皆其不服參果者也。世人請自思維。定知此中消息。惟願患者各懷其實。必然服藥有功。住世永年。無負我祖師垂救之至意。是懇是禱。

以上數篇。發明醫中之誤。細詳調攝之方。蓋弭患于未有。治未病之意也。後此皆言治法。

醫有徹始徹終之理

或問曰。醫道至繁。何以得其要領。而執簡以馭繁也。余曰。病不在人身之外。而在人身之中。子試靜坐內觀。從頭面推想。自胸至足。從足跟推想。自背至頭。從皮肉推想。內至筋骨臟腑。則全書之目錄在其中矣。凡病之來。不過內傷外感。與不內

外傷三者而已。內傷者。氣病、血病、傷食。以及喜、怒、憂、思、悲、恐、驚是也。外感者。風、寒、暑、濕、燥、火是也。不內外傷者。跌打損傷五絕之類是也。病有三因。不外此矣。至於變症百端。不過寒、熱、虛、實、表、裏、陰、陽八字盡之。則變而不變矣。論治法不過七方與十劑。七方者。大、小、緩、急、奇、偶、複。十劑者。宣、通、補、瀉、輕、重、滑、瀉、燥、濕也。精乎此。則投治得宜矣。又外感之邪。自外而入。宜瀉不宜補。內傷之邪。自內而出。宜補不宜瀉。然而瀉之中有補。補之中有瀉。此皆治法之權衡也。又有似症。如火似水。水似火。金似木。木似金。虛似實。實似虛。不可以不辨。明乎此。則病無遁情矣。學者讀書之餘。閉目凝神。時刻將此數語細加領會。自應一旦豁然融會貫通。徹始徹終。了無疑義。以之司命奚愧焉。

內傷外感致病十九字

人身之病。不離乎內傷外感。而內傷外感中。只一十九字盡之矣。如風、寒、暑、濕、燥、火。外感也。喜、怒、憂、思、悲、恐、驚。與夫陽虛、陰虛、傷食。內傷也。總計之共一十九字。而千變萬化之病。于以出焉。然病即變化。而總不離乎一十九字。一十九字。總之一

內傷外感而已。所謂知其要者。一言而終。不知其要。流散無窮。此道中必須提綱絜領。然後拯救有方也。

火字解

從來火字。內經有壯火、少火之名。後人則曰天火、人火、君火、相火、龍火、雷火。種種不一。而朱丹溪復以虛實二字括之。可謂善言火矣。乃人人宗其說。而於治火。卒無定見。何也。是殆辨之猶未確歟。予因易數字以解之。夫實火者。六淫之邪。飲食之傷。自外而入。勢猶賊也。虛火者。七情色慾。勞役耗神。自內而發。勢猶子也。賊至則驅之。如消散、清涼、攻伐等藥。皆可按法取用。蓋刀鎗劍戟。原爲驅賊設也。子逆則安之。如補氣、滋水、理脾等藥。皆可按法施治。蓋飲食器用。原爲養子設也。夫子者。奉身之本也。若以驅賊者驅其子。則無以爲養身生命之本矣。人固不可認賊作子。更不可認子作賊。病機一十九條。言火者什之八。言寒者什之二。若不明辨精切。恐後學卒至模糊。余故反復詳言。以立施治之法。外火。風寒、暑濕、燥火。及傷熱飲食。賊火也。賊可驅而不可留。

內火。七情、色慾、勞役、耗神。子火也。子可養而不可害。

驅賊火有四法。

一曰發。風寒擁閉。火邪內鬱。宜升發之。如升陽散火湯之類是也。

二曰清。內熱極盛。宜用寒涼。如黃連解毒湯之類是也。

三曰攻。火氣鬱結。大便不通。法當攻下。此釜底抽薪之法。如承氣湯之類是也。

四曰制。熱氣拂鬱。清之不去。攻之不可。此本來真水有虧。不能制火。所謂寒之不寒。是無水也。當滋其腎。如地黃湯之類可用也。

養子火有四法。

一曰達。肝經氣結。五鬱相因。當順其性而升之。所謂木鬱則達之。如逍遙散之類是也。此以一方治木鬱。而諸鬱皆解也。

二曰滋。虛火上炎。必滋其水。所謂壯水之主。以鎮陽光。如六味湯之類是也。

三曰溫。勞役神疲。元氣受傷。陰火乘其土位。經曰勞者溫之。又曰甘溫能除大熱。如補中益氣之類是也。

四曰引。腎氣虛寒。逼其無根失守之火。浮遊於上。當以辛熱雜於壯水藥中。導

之下行。所謂導龍入海。引火歸元。如八味湯之類是也。

以上治火法中。賊則宜攻。子則宜養。固已然有邪盛正虛之時。而用攻補兼行之法。或滋水制火之法。往往取效。是知養子之法。可借爲驅賊之方。斷無以驅賊之法。而爲養子之理。蓋養正則邪自除。理之所有。伐正而能保身。理之所無也。世人妄用溫補以養賊者。固多。而恣行攻伐以驅子者。更復不少。此皆不得火字真詮。而貽禍斯民也。可不慎歟。

脈法金針

脈有要訣。胃、神、根三字而已。人與天地相參。脈必應乎四時。而四時之中。均以胃氣爲本。如春弦、夏洪、秋毛、冬石。而其中必兼有和緩悠揚之意。乃爲胃氣。謂之平人。若弦多胃少曰肝病。洪多胃少曰心病。毛多胃少曰肺病。石多胃少曰腎病。如但見弦、洪、毛、石。而胃氣全無者。則危矣。夫天有四時。而弦、洪、毛、石。四脈應之。四時之中。土旺各十八日。而緩脈應之。共成五脈。五臟分主之。如肝應春。其脈弦。心應夏。其脈洪。肺應秋。其脈毛。冬應腎。其脈石。脾土應長夏。其脈緩也。然而心、肝、脾、肺、

腎。雖各主一脈。而和緩之象必寓乎其中。乃爲平脈。否則卽爲病脈。若但見弦洪毛石。而胃氣全無者。卽爲真象脈見矣。凡診脈之要。有胃氣曰生。胃氣少曰病。胃氣盡曰不治。乃一定之診法。自古良工。莫能易也。夫胃氣全虧。則大可危。胃氣稍乖。猶爲可治。卽當於中候求其神氣。中候者。浮中沉之中也。如六數七極。熱也。中候有力。則有神矣。三遲二敗。寒也。中候有力。則有神矣。脈中有神。則清之而熱卽退。溫之而寒卽除。若寒熱偏勝。中候不復有神。清溫之劑。將何所恃耶。雖然。神氣不足。猶當察其根氣。根氣者。沉候應指是也。三部九候。以沉分爲根。而兩尺又爲根中之根也。脈訣云。寸關雖無。尺猶未絕。如此之流。何憂殞滅。歷試之。洵非虛語。夫人之有脈。如樹之有根。枝葉雖枯。根蒂未壞。則生意不息。是以診脈之法。必求其根以爲斷。而總其要領。實不出胃神根三者而已。如或胃神根三者稍有差忒。則病脈斯見。其偏於陽。則浮、芤、滑、實、洪、數、長、大、緊、革、牢、動、疾、促。以應之。其偏於陰。則沉、遲、虛、細、微、瀋、短、小、弦、濡、伏、弱、結、代、散。以應之。惟有緩脈。一息四至。號曰平和。不得斷爲病脈耳。其他二十九字。皆爲病脈。必細察其形象。而知其所主病。其曰浮、不沉也。主病在表。沉、不浮也。主病在裏。遲、一息三至也。爲寒。數、一息五至也。爲

熱。滑、往來流利也。為痰為飲。濇、往來滯濇也。為血少氣凝。虛、不實也。為勞倦。實、不虛也。為邪實。洪、大而有力也。為積熱。大、虛而無力也。為體弱。微、細而隱也。小、細而顯也。為氣少。弦、端直之象也。為水飲。長、過乎本位也。為氣旺。短、不及本位也。為氣少。緊、如引繩轉索也。為寒為痛。弱、微細之甚也。為氣血兩虧。濡、沉而細也。為真火不足。動、如豆粒動搖之象也。為氣血不續。伏、脈不出也。為寒氣凝結。又或因痛極而致促。數時一止也。為熱盛。結、緩時一止也。為寒盛。芤、邊有中無也。為失血。代、動而中止。有至數也。亦為氣血不續。又為跌打悶亂。以及有娠數月之兆。革、浮而緊急也。為精血少。牢、沉而堅硬也。為胃氣不足。疾、數之甚也。為極熱。散、渙而不聚也。為衛氣散漫。惟有緩者和之至也。為無病。其所主病。大略如此。如或數脈相參而互見。則合而斷之。以知其病。至於脈有真假。有隱伏。有反關。有怪脈。均宜一一推求。不可混淆。何謂真假。如熱症脈濇細。寒症反鼓指之類。何謂隱伏。如中寒腹痛。脈不出。又外感風寒。將有正汗。亦脈不出。書云。一手無脈曰單伏。兩手無脈曰雙伏。何謂反關。正取無脈。反在關骨之上。或見於左。或見於右。診法不可造次。何謂怪脈。兩手之脈。如出兩人。或乍大乍小。遲數不等。此為祟症。又有老少之脈不同。

地土方宜不同。人之長短肥瘦不同。診法隨時而斟酌。然而脈症相應者。常也。脈症不相應者。變也。知其常而通其變。診家之要。庶不相違矣。然總其要領。總不出胃神根三字。三字無虧。則爲平人。若一字乖違。則病見矣。若一字全失。則危殆矣。必須胃神根三者俱得。乃爲禎祥之兆。此乃診家之大法。偶爲筆之於書。以備參考。

寒熱虛實表裏陰陽辨

病有總要。寒、熱、虛、實、表、裏、陰、陽八字而已。病情既不外此。則辨症之法。亦不出此。一病之寒熱。全在口渴與不渴。渴而消水與不消水。飲食喜熱與喜冷。煩躁與厥逆。溺之長短赤白。便之澇結。脈之遲數以分之。假如口渴而能消水。喜冷飲食。煩躁。溺短赤。便結。脈數。此熱也。假如口不渴。或假渴而不能消水。喜飲熱湯。手足厥冷。溺清長。便澇。脈遲。此寒也。一病之虛實。全在有汗與無汗。胸腹脹痛與否。脹之減與不減。痛之拒按與喜按。病之新久。稟之厚薄。脈之虛實以分之。假如病中無汗。腹脹不減。痛而拒按。病新得。人稟厚。脈實有力。此實也。假如病中多汗。腹脹時

減。復如故。痛而喜按。按之則痛止。病久稟弱。脈虛無力。此虛也。一病之表裏。全在發熱與潮熱。惡寒與惡熱。頭痛與腹痛。鼻塞與口燥。舌胎之有無。脈之浮沉以分之。假如發熱惡寒。頭痛鼻塞。舌上無胎。脈息浮。此表也。假如潮熱惡熱。腹痛口燥。舌胎黃黑。脈息沉。此裏也。至於病之陰陽。統上六字而言。所包者廣。熱者爲陽。實者爲陽。在表者爲陽。寒者爲陰。虛者爲陰。在裏者爲陰。寒邪客表。陽中之陰。熱邪入裏。陰中之陽。寒邪入裏。陰中之陰。熱邪達表。陽中之陽。而真陰真陽之別。則又不同。假如脈數無力。虛火時炎。口燥唇焦。內熱便結。氣逆上衝。此真陰不足也。假如脈大無力。四肢倦怠。唇淡口和。肌冷便溏。飲食不化。此真陽不足也。寒熱虛實表裏陰陽之別。總不外此。然病中有熱症而喜熱飲者。同氣相求也。有寒症而喜冷飲。却不能飲者。假渴之象也。有熱症而大便溏瀉者。挾熱下利也。有寒症而大便秘反硬者。名曰陰結也。有熱症而手足厥冷者。所謂熱深厥亦深。熱微厥亦微是也。有寒症而反煩躁。欲坐臥泥水之中者。名曰陰躁也。有有汗而爲實症者。熱邪傳裏也。有無汗而爲虛症者。津液不足也。有惡寒而爲裏症者。直中於寒也。有惡熱口渴而爲表症者。溫熱之病自裏達表也。此乃陰陽變化之理。爲治病之權衡。

尤辨之不可不早辨也。

醫門八法

論病之原。以內、傷、外、感四字括之。論病之情。則以寒、熱、虛、實、表、裏、陰、陽八字統之。而論治病之方。則又以汗、和、下、消、吐、清、溫、補八法盡之。蓋一法之中。八法備焉。八法之中。百法備焉。病變雖多。而法歸於一。此予數十年來。心領神會。歷試而不謬者。盡見於八篇中矣。學者誠熟讀而精思之。於以救濟蒼生。亦未必無小補云。

論汗法

汗者。散也。經云。邪在皮毛者。汗而發之是也。又云。體若燔炭。汗出而散是也。然有當汗不汗。誤人者。有不當汗而汗。誤人者。有當汗不可汗。而妄汗之。誤人者。有當汗不可汗。而又不可以不汗。汗之不得其道。以誤人者。有當汗而汗之。不中其經。不辨其藥。知發而不知斂。以誤人者。是不可以不審也。何則。風寒初客於人也。頭痛發熱而惡寒。鼻塞聲重而體痛。此皮毛受病。法當汗之。若失時不汗。或汗不如

法。以致腠理閉塞。榮衛不通。病邪深入。流傳經絡者有之。此當汗不汗之過也。亦有頭痛發熱與傷寒同。而其人倦怠無力。鼻不塞。聲不重。脈來虛弱。此內傷元氣不足之症。又有勞心好色。真陰虧損。內熱晡熱。脈細數而無力者。又有傷食病胸膈滿悶。吞酸噯腐。日晡潮熱。氣口脈緊者。又有寒痰厥逆。濕淫脚氣。內癰外癰。瘀血凝結。以及風溫濕溫。中暑自汗諸症。皆有寒熱與外感風寒似同而實異。若誤汗之。變症百出矣。所謂不當汗而汗者此也。若夫症在外感應汗之例。而其人臍之左右上下。或有動氣。則不可以汗。經云。動氣在右。不可發汗。汗則衄而渴。心煩。飲水即吐。動氣在左。不可發汗。汗則頭眩。汗不止。筋惕肉瞤。動氣在上。不可發汗。汗則氣上衝。正在心中。動氣在下。不可發汗。汗則無汗。心大煩。骨節疼。目運。食入則吐。舌不得前。又脈沉咽燥。病已入裏。汗之則津液越出。大便難而譫語。又少陰症。但厥無汗。而強發之。則動血未知從何道出。或從耳目。或從口鼻出者。此爲下厥上竭。爲難治。又少陰中寒。不可發汗。汗則厥逆踈臥。不能自溫也。又寸脈弱者。不可發汗。汗則亡陽。尺脈弱者。不可發汗。汗則亡陰也。又諸亡血家不可汗。汗則直視。頸上陷。淋家不可汗。汗則便血。瘡家不可汗。汗則瘳。又傷寒病在少陽。不可

汗。汗則譫妄。又壞病虛人。及女人經水適來者。皆不可汗。若妄汗之。變症百出矣。所謂當汗不可汗而妄汗誤人者此也。夫病不可汗。而又不可以不汗。則將聽之乎。是有道也。傷寒賦云。動氣理中去白朮。是即於理中湯去朮而加汗藥。保元氣而除病氣也。又熱邪入裏而表未解者。仲景有麻黃石膏之例。有葛根黃連黃芩之例。是清涼解表法也。又太陽症。脈沉細。少陰症。反發熱者。有麻黃附子細辛之例。是溫中解表法也。又少陽中風。用柴胡湯加桂枝。是和解中兼表法也。又陽虛者。東垣用補中湯加表藥。陰虛者。丹溪用芎歸湯加表藥。其法精且密矣。總而言之。凡一切陽虛者。皆宜補中發汗。一切陰虛者。皆宜養陰發汗。挾熱者。皆宜清涼發汗。挾寒者。皆宜溫經發汗。傷食者。則宜消導發汗。感重而體實者。汗之宜重。麻黃湯。感輕而體虛者。汗之宜輕。香蘇散。又東南之地。不比西北。隆冬。開花。少霜雪。人稟常弱。腠理空疎。凡用汗藥。只須對症。不必過重。予嘗治傷寒初起。專用香蘇散。加荆防。川芎。秦艽。蔓荊等藥。一劑愈。甚則兩服。無有不安。而麻黃峻劑。數十年來。不上兩餘。可見地土不同。用藥迥別。其有陰虛陽虛。挾寒挾熱。兼食而爲病者。即按前法治之。但師古人用藥之意。而未嘗盡泥其方。隨時隨症。酌量處治。往往

有驗。此皆已試之成法。而與斯世共白之。所以拯災救患者莫切乎此。此汗之之道也。且三陽之病淺深不同。治有次第。假如症在太陽。而發散陽明。已隔一層。病在太陽陽明。而和解少陽。則引賊入門矣。假如病在二經。而專治一經。已遺一經。病在三經。而偏治一經。即遺二經矣。假如病在一經。而兼治二經。或兼治三經。則邪過經矣。況太陽無汗。麻黃爲最。太陽有汗。桂枝可先。葛根專主陽明。柴胡專主少陽。皆的當不易之藥。至於九味羌活。乃兩感熱症。三陽三陰并治之法。初非爲太陽一經設也。又柴葛解肌湯。乃治春溫夏熱之症。自裏達表。其症不惡寒而口渴。若新感風寒惡寒。而口不渴者。非所宜也。又傷風自汗。用桂枝湯。傷暑自汗。則不可用。若誤用之。熱邪愈盛。而病必增劇。若於暑症而妄行發散。復傷津液。名曰重喝。多致不救。古人設爲白朮、防風例。以治風。設益元散、香薷飲。以治暑。俾不犯三陽禁忌者。良有以也。又人知發汗退熱之法。而不知斂汗退熱之法。汗不出則散之。汗出多則斂之。斂也者。非五味、酸棗之謂。其謂致病有因。出汗有由。治得其宜。汗自斂耳。譬如風傷衛。自汗出者。以桂枝湯和榮衛。祛風邪。而汗自止。若熱邪傳裏。令人汗出者。乃熱氣熏蒸。如釜中吹煮。水氣旁流。非虛也。急用白虎湯清之。

若邪已結聚。不大便者。則用承氣湯下之。熱氣退。而汗自收矣。此與傷暑自汗略同。但暑傷氣。爲虛邪。只有清補并行之一法。寒傷形。爲實邪。則清熱之外。更有攻下止汗之法也。復有發散太過。遂至汗多亡陽。身暈動欲擗地者。宜用真武湯。此救逆之良藥。與中寒冷汗自出者。同類并稱。又與熱症汗出者。大相徑庭矣。其他少陽症頭微汗。或盜汗者。小柴胡湯。水氣症頭汗出者。小半夏加茯苓湯。至於虛人自汗盜汗等症。則歸脾補中八珍十全。按法而用。委曲尋繹。各盡其妙。而後卽安。所謂汗之必中其經。必得其藥。知發而知斂者。此也。嗟嗟。百病起於風寒。風寒必先客表。汗得其法。何病不除。汗法一差。夭枉隨之矣。吁。汗豈易言哉。

論和法

傷寒在表者可汗。在裏者可下。其在半表半裏者。惟有和之一法焉。仲景用小柴胡湯加減是已。然有當和。不和。誤人者。有不當和。而和以誤人者。有當和而和。而不知寒熱之多寡。稟質之虛實。臟腑之燥濕。邪氣之兼併。以誤人者。是不可不辨也。夫病當耳聾脅痛。寒熱往來之際。應用柴胡湯和解之。而或以麻黃桂枝發表。

誤矣。或以大黃、芒硝攻裏。則尤誤矣。又或因其胸滿脅痛而吐之。則亦誤矣。蓋病在少陽。有三禁焉。汗吐下是也。且非惟汗吐下有所當禁。即舍此三法。而妄用他藥。均爲無益而反有害。古人有言。少陽膽爲清淨之府。無出入之路。只有和解一法。柴胡一方。最爲切當。何其所見明確。而立法精微。亦至此乎。此所謂當和而和者也。然亦有不當和而和者。如病邪在表。未入少陽。誤用柴胡。謂之引賊入門。輕則爲瘧。重則傳入心胞。漸變神昏不語之候。亦有邪已入裏。燥渴譫語。諸症叢集。而醫者僅以柴胡湯治之。則病不解。至於內傷勞倦。內傷飲食。氣虛血虛。癰腫瘀血諸症。皆令寒熱往來。似瘧非瘧。均非柴胡湯所能去者。若不辨明症候。切實用藥。而借此平穩之法。巧爲藏拙。誤人匪淺。所謂不當和而和者此也。然亦有當和而和。而不知寒熱之多寡者何也。夫傷寒之邪。在表爲寒。在裏爲熱。在半表半裏。則爲寒熱交界之所。然有偏於表者。則寒多。偏於裏者。則熱多。而用藥須與之相稱。庶陰陽和平。而邪氣頓解。否則寒多而益其寒。熱多而助其熱。藥既不平。病益增劇。此非不和也。和之而不得。寒熱多寡之宜者也。然又有當和而和。而不知稟質之虛實者何也。夫客邪在表。譬如賊甫入門。豈敢遽登吾堂而入吾室。必窺其

堂與空虛。乃乘隙而進。是以小柴胡用人參者。所以補正氣。使正氣旺。則邪無所容。自然得汗而解。蓋由是門入。復由是門出也。亦有表邪失汗。腠理緻密。賊無出路。由此而傳入少陽。熱氣漸盛。此不關本氣之虛。故有不用人參而和解自愈者。是知病有虛實。法在變通。不可誤也。然又有當和而和。而不知臟腑之燥濕者。何也。如病在少陽。而口不渴。大便如常。是津液未傷。清潤之藥。不宜太過。而半夏、生薑皆可用也。若口大渴。大便漸結。是邪氣將入於陰。津液漸少。則辛燥之藥可除。而花粉、瓜蒌有必用矣。所謂臟腑有燥濕之不同者此也。然又有當和而和。而不知邪之兼併者何也。假如邪在少陽。而太陽陽明症未罷。是少陽兼表邪也。小柴胡中須加表藥。仲景有柴胡加桂枝之例矣。又如邪在少陽。而兼裏熱。則便閉、譫語、燥渴之症生。小柴胡中須兼裏藥。仲景有柴胡加芒硝之例矣。又三陽合病。閤目則汗。面垢譫語遺尿者。用白虎湯和解之。蓋三陽同病。必連胃腑。故以辛涼之藥內清本腑。外徹肌膚。令三經之邪一解散。是又專以清劑爲和矣。所謂邪有兼併者此也。由是推之。有清而和者。有溫而和者。有消而和者。有補而和者。有燥而和者。有潤而和者。有兼表而和者。有兼攻而和者。和之義則一。而和之法變化。

無窮焉。知斯意者。則溫熱之治。瘟疫之方。時行疫癘。皆從此推廣之。不難應手而愈矣。世人漫曰和解。而不能盡其和之法。將有增氣助邪。而益其爭。堅其病者。和云乎哉。

論下法

下者。攻也。攻其邪也。病在表。則汗之。在半表半裏。則和之。病在裏。則下之而已。然有當下不下。誤人者。有不當下而下。誤人者。有當下不可下。而妄下之。誤人者。有當下不可下。而又不可以不下。下之不得其法。以誤人者。有當下而下之。不知淺深。不分便溺與蓄血。不論湯丸。以誤人者。又雜症中。不別寒熱積滯。痰水蟲血。癰膿。以誤人者。是不可不察也。何謂當下不下。仲景云。少陰病。得之二三日。口燥咽乾者。急下之。少陰病。六七日。腹滿不大便者。急下之。下利。脈滑數。不欲食。按之心下硬者。有宿食也。急下之。陽明病。譫語。不能食。胃中有燥屎也。可下之。陽明病。發熱汗多者。急下之。少陰病。下利清水。色純青。心下必痛。口乾燥者。急下之。傷寒六七日。目中不了了。睛不和。無表症。大便難者。急下之。此皆在當下之例。若失時不

下。則津液枯竭。身如槁木。勢難挽回矣。然又有不當下而下者何也。如傷寒表症未罷。病在陽也。下之則成結胸。病邪雖已入裏。而散漫於三陰經絡之間。尙未結實。若遽下之。亦成痞氣。况有陰結之症。大便反硬。得溫則行。如開冰解凍之象。又雜症中有高年血燥不行者。有新產血枯不行者。有病後亡津液者。有亡血者。有日久不更衣。腹無所苦。別無他症者。若誤下之。變症蜂起矣。所謂不當下而下者此也。然又有當下不可下者何也。病有熱邪傳裏。已成可下之症。而其人臍之上。下左右。或有動氣。則不可以下。經云。動氣在右。不可下。下之則津液內竭。咽燥鼻乾。頭眩心悸也。動氣在左。不可下。下之則腹內拘急。食不下。動氣更劇。雖有身熱。臥則欲蹠。動氣在上。不可下。下之則掌握煩熱。身浮汗泄。欲得水自灌。動氣在下。不可下。下之則腹滿頭眩。食則清穀。心下痞也。又咽中閉塞者。不可下。下之則下輕上重。水漿不入。蹠臥身疼。下利日數十行。又脈微弱者。不可下。脈浮大。按之無力者。不可下。脈遲者。不可下。喘而胸滿者。不可下。欲吐欲嘔者。不可下。病人陽氣素微者。不可下。下之則呃。病人平素胃弱。不能食者。不可下。病中能食。胃無燥屎者。不可下。小便清者。不可下。病人腹滿時減。復如故者。不可下。若誤下之。變症百

出矣。所謂當下不可下。而妄下誤人者。此也。然有當下不可下。而又不得不下者。何也。夫以羸弱之人。虛細之脈。一旦而熱邪乘之。是爲正虛邪盛。最難措手。古人有清法焉。有潤法焉。有導法焉。有少少微和之法焉。有先補後攻。先攻後補之法焉。有攻補並行之法焉。不可不講也。如三黃解毒清之也。麻仁梨汁潤之也。蜜煎猪膽汁。土瓜根導之也。涼膈散。大柴胡。少少和之也。更有脈虛體弱。不能勝任者。則先補之。而後攻之。或暫攻之。而隨補之。或以人參湯送下三黃枳朮丸。又或以人參瓜蒌枳實攻補並行。而不相悖。蓋峻劑一投。卽以參朮歸芍維持調護於其中。俾邪氣潛消。而正氣安固。不愧爲王者之師矣。又有雜症中。大便不通。其用藥之法。可相參者。如老人久病人。新產婦人。每多大便閉結之症。丹溪用四物湯。東垣用通幽湯。予嘗合而酌之。而加以菴蓉。枸杞。柏子仁。芝蔴。松子仁。人乳。梨汁。蜂蜜之類。隨手取效。又嘗於四物加升麻。及前滋潤藥。治老人血枯。數至圍而不能便者。往往有驗。此皆委曲疏通之法。若果人虛。雖傳經熱邪。不妨借用。寧得猛然一往。敗壞真元。至成洞瀉。雖曰天命。豈非人事哉。所謂下之貴得其法者。此也。然又有當下而下。而不知淺深。不分便溺與蓄血。不論湯丸。以誤人者。何也。如仲景

大承氣湯。必痞滿燥實兼全者。乃可用之。若僅痞滿而不燥實者。仲景只用瀉心湯。痞滿兼燥而未實者。仲景只用小承氣湯。除去芒硝。恐傷下焦陰血也。燥實在下而痞滿輕者。仲景只用調胃承氣湯。除去枳朴。恐傷上焦陽氣也。又有太陽傷風症。誤下而傳太陰。以致腹痛者。則用桂枝湯加芍藥。大實痛者。桂枝湯加大黃。是解表之中兼攻裏也。又有邪從少陽來。寒熱未除。則用大柴胡湯。是和解之中兼攻理也。又結胸症。項背強。從胸至腹硬滿而痛。手不可近者。仲景用大陷胸湯丸。若不按不痛者。只用小陷胸湯。若寒食結胸。用三白散。熱藥攻之。又水結胸。頭出汗者。用小半夏加茯苓湯。水停脇下。痛不可忍者。則用十棗湯。凡結胸陰陽二症。服藥罔效。活人俱用枳實理中丸。應手而愈。又河間三書云。鬱熱蓄甚。神昏厥逆。脈反滯澀。有微細欲絕之象。世俗未明造化之理。投以溫藥。則不可救。或者妄行攻下。致殘陰暴絕。勢大可危。不下亦危。宜用涼膈散合解毒湯。養陰退陽。積熱藉以疎散。則心胸和暢。而脈漸以生。此皆用藥淺深之次第也。又如太陽症未罷。口渴。小便短澀。大便如常。此爲溺澀不通之症。治用五苓散。又太陽病本熱結膀胱。其人如狂。少腹硬滿而痛。小便自利者。此爲蓄血下焦。宜抵當湯丸。若蓄血輕

微。但少腹急結。未至硬滿者。則用桃核承氣湯。或用生地四物湯。加酒洗大黃各半下之。尤爲穩當。蓋溺瀆症大便如常。燥糞症小便不利。蓄血症小便自利。大便色黑也。此便溺蓄血之所由分也。血結膀胱。病勢最急。則用抵當湯。稍輕者。抵當丸。結胸惡症悉具。則用大陷胸湯。稍輕者。大陷胸丸。其他蕩滌腸胃。推陳致新之法。則皆用湯。古人有言。凡用下藥攻邪氣。湯劑勝丸散。誠以熱淫於內。用湯液滌除之。爲清淨耳。此湯丸之別也。然又有雜症中。不別寒熱積滯。痰水蟲血痰膿。以誤人者何也。東垣治傷食症。腹痛便閉拒按者。因於冷食。用見睨丸。因於熱食。用三黃枳朮丸。若冷熱互傷。則以二丸酌其所食之多寡而互用之。應手取效。又實熱老痰。滾痰丸。水腫實症。神祐丸。蟲積。剪紅丸。血積。花蕊丹。失笑丸。腸癰。牡丹皮散。隨症立方。各有攸宜。此雜症攻下之良法也。近世庸家。不講於法。每視下藥爲畏途。病者亦視下藥爲砒鴆。致令熱症垂危。袖手旁觀。委之天數。大可悲耳。昔張子和儒門事親三法。卽以下法爲補。謂下去其邪而正氣自復。穀肉果菜。無往而非補養之物。雖其說未合時宜。而於治病攻邪之法。正未可缺。吾願學者仰而思之。平心而察之。得其要領。以施救濟之方。將以躋斯民於壽域。不難矣。

論消法

消者。去其壅也。臟腑筋絡肌肉之間。本無此物。而忽有之。必爲消散。乃得其平。經云。堅者削之。是已。然有當消不消。誤人者。有不當消而消。誤人者。有當消而消之。不得其法。以誤人者。有消之而不明部分。以誤人者。有消之而不辨夫積聚之原。有氣血積食停痰蓄水。癰膿蟲蠱勞瘵。與夫痲痺癰疽七疝。胞痺腸覃石瘕。以及前後二陰諸疾。以誤人者。是不可不審也。凡人起居有常。飲食有節。和平恬淡。氣血周流。谷神充暢。病安從來。惟夫一有不慎。則六淫外侵。七情內動。飲食停滯。邪日留止。則諸症生焉。法當及時消導。俾其速散。氣行則愈耳。倘遷延日久。積氣盤踞堅牢。日漸強大。有欲拔不能之勢。雖有智者。亦難爲力。此當消不消之過也。然亦有不當消而消者。何也。假如氣虛中滿。名之曰鼓。腹皮膨急。中空無物。取其形如鼓之狀。而因以名之。此爲敗症。必須填實。庶乎可消。與蟲症之爲蟲。爲血。內實而有物者。大相徑庭。又如脾虛水腫。土衰不能制水也。非補土不可。真陽大虧。火衰不能生土者。非溫煖命門不可。又有脾虛食不消者。氣虛不能運化而生痰者。

腎虛水泛爲痰者。血枯而經水斷絕者。皆非消導所可行。而或妄用之。誤人多矣。所謂不當消而消者此也。然又有當消而消之不得其法者何也。夫積聚癥瘕之症。有初中末之三法焉。當其邪氣初客。所積未堅。則先消之而後和之。及其所積日久。氣鬱漸深。濕熱相生。塊因漸大。法從中治。當祛濕熱之邪。削之栗之。以底於平。但邪氣久客。正氣必虛。須以補瀉疊相爲用。如薛立齋用歸脾湯。送下蘆薈丸。予亦嘗用五味異功散。佐以和中丸。皆攻補並行中治之道也。若夫塊消及半。便從末治。不使攻擊。但補其氣。調其血。導達其經脈。俾榮衛流通。而塊自消矣。凡攻病之藥。皆損氣血。不可過也。此消之之法也。然又有消之而不明部分者何也。心、肝、脾、肺、腎分佈五方。胃、大腸、小腸、膀胱、三焦、膽與亶中。皆附麗有常所。而皮毛、肌、肉、筋骨各有淺深。凡用湯丸膏散。必須按其部分。而君臣佐使駕馭有方。使不得移。則病處當之。不至誅伐無過矣。此醫門第一義也。而於消法爲尤要。不明乎此。而妄行剋削。則病未消而元氣已消。其害可勝言哉。况乎積聚之原。有氣血食積。停痰蓄水。癰膿。蟲蠱勞瘵。與夫疰癰癥瘕。七疝胞痺。腸覃石瘕。以及前後二陰諸疾。各各不同。若不明辨。爲害匪輕。予因約略而指數之。夫積者。成於五臟。推之不

移者也。聚者成於六腑。推之則移者也。其忽聚忽散者。氣也。痛有定處而不散者。血也。得食則痛。噉腐吞酸者。食積也。腹有塊。按之而爽者。痰也。先足腫。後及腹者。水也。先腹滿。後及四肢者。脹也。痛引兩脅。咳而吐涎者。停飲也。咳而胸痛。吐膿腥臭者。肺癰也。當胃而痛。嘔而吐膿者。胃脘癰也。當臍而痛。小便如淋。轉側作水聲者。腸癰也。憎寒壯熱。飲食如常。身有痛。偏着一處者。外癰也。病人嗜食甘。甜或異物。飢時則痛。唇之上下有白斑點者。蟲也。蟲有九。濕熱所生而爲蛇爲蠶。則血之所成也。胡以知爲蛇蠶。腹中如有物動而痛不可忍。吃血故也。又嶺南之地。以蟲害人。施於飲食。他方之蟲。多因近池飲冷。陰受蛇虺之毒也。病人咳嗽痰紅。抑抑不樂。畏見人。喉癢而咳劇者。勞瘵生蟲也。疰如弓弦筋病也。癰則隱癰。附骨之病也。癰則有塊可徵。積之類也。瘕者。或有或無。痞氣之類也。少腹如湯沃。小便濇者。胞痺也。痛引辜丸。疝也。女人經水自行。而腹塊漸大。如懷子者。腸覃也。經水不行。而腹塊漸大。并非妊者。石瘕也。有妊無妊。可於脈之滑濇辨之也。至於濕熱下墜。則爲陰菌。陰蝕。陰挺。下脫。陰莖腫爛之類。而虛火內爍。庚金則爲痔漏。爲懸癰。爲臟毒。種種見症。不一而足。務在明辨症候。按法而消之也。醫者以一消字。視爲泛

常。而不知其變化曲折。較他法爲尤難。則奈何不詳稽博考。以盡濟時之仁術也耶。

論吐法

吐者。治上焦也。胸次之間。咽喉之地。或有痰食癰膿。法當吐之。經曰。其高者因而越之是已。然有當吐不吐誤人者。有不當吐而吐以誤人者。有當吐不可吐而妄吐之以誤人者。亦有當吐不可吐而又不可以不吐。吐之不得其法以誤人者。是不可不辨也。卽如纏喉鎖喉諸症。皆風痰鬱火壅塞其間。不急吐之。則脹閉難忍矣。又或食停胸膈。消化弗及。無由轉輸。脹滿疼痛者。必須吐之。否則胸高滿悶。變症莫測矣。又有停痰蓄飲。阻塞清道。日久生變。或防礙飲食。或頭眩心悸。或吞酸噯腐。手足麻痺。種種不齊。宜用吐法導祛其痰。諸症如失。又有胃脘癰。嘔吐膿血者。經云。嘔家有膿。不須治。嘔膿盡自愈。凡此皆當吐而吐者也。然亦有不當吐而吐者何也。如少陽中風。胸滿而煩。此邪氣而非有物。不可吐。吐則驚悸也。又少陰病。始得之。手足厥冷。飲食入口則吐。此膈上有寒飲。不可吐也。病在太陽。不可吐。

吐之則不能食。反生內煩。雖曰吐中有散。然邪氣不除。已爲小逆也。此不當吐而吐者也。然又有當吐不可吐者何也。蓋凡病用吐。必察其病之虛實。因人取吐。先察其人之性情。不可誤也。夫病在上焦可吐之症。而其人病勢危篤。或老弱氣衰者。或體質素虛。脈息微弱者。婦人新產者。自吐不止者。諸亡血者。有動氣者。四肢厥冷。冷汗自出者。皆不可吐。吐之則爲逆候。此因其虛而禁吐也。若夫病久之人。宿積已深。一行吐法。心火自降。相火必強。設犯房勞。轉生虛症。反難救藥。更須戒怒。凝神調息靜養。越三旬而出戶。方爲合法。若其人性氣剛暴。好怒喜淫。不守禁忌。將何恃以無恐。此又因性情而禁吐也。所謂當吐不可吐者此也。然有不可吐而又不得不吐者何也。病人脈滑大。胸膈停痰。胃脘積食。非吐不除。食用瓜蒂散。與橘紅淡鹽湯。痰以二陳湯用指探喉中而出之。體質極虛者。或以桔梗煎湯代之。斯爲穩當。而予更有法焉。予嘗治寒痰閉塞。厥逆昏沉者。用半夏橘紅各八錢。濃煎半杯。和薑汁成一杯。頻頻灌之。痰隨藥出。則拭之。隨灌隨吐。隨吐隨灌。少頃痰開藥下。其人卽甦。如此者甚衆。又嘗治風邪中臟將脫之症。其人張口痰鳴。聲如曳鋸。洩便自遺者。更難任吐。而稀涎皂角等藥。既不可用。亦不暇用。因以大劑

參附薑夏濃煎灌之。藥隨痰出。則拭之。隨灌隨吐。隨吐隨灌。久之。藥力下咽。胸膈流通。參附大進。立至數兩。其人漸甦。一月之間。參藥數斤。遂至平復。如此者。又衆。又嘗治風痰熱閉之症。以牛黃丸灌如前法。頸疽內攻。藥不得入者。以蘇合香丸灌如前法。風熱不語者。以解語丹灌如前法。中暑不醒者。以消暑丸灌如前法。中惡不醒者。以前項橘半薑汁灌如前法。魘夢不醒者。以蓮鬚葱白煎酒灌如前法。自縊不醒者。以肉桂三錢煎水灌如前法。喉閉喉風。以杜牛膝搗汁。雄黃丸等灌如前法。俱獲全安。如此者。又衆。更有牙關緊急。閉塞不通者。以搐鼻散吹鼻。取嚏。嚏出牙開。或痰或食。隨吐而出。其人遂甦。如此者。尤衆。蓋因症用藥。隨藥取吐。不吐之吐。其意更深。此皆古人之成法。而予稱爲變通者也。昔仲景治胸痛不能食。按之反有涎吐。下利日數十行。吐之則利止。是以吐痰止利也。丹溪治妊婦轉脬。小便不通。用補中益氣湯。隨服而探吐之。往往有驗。是以吐法通小便也。華陀以醋蒜吐蛇。河間以狗油。雄黃同瓜蒂以吐蟲而通膈。丹溪又以韭汁去瘀血以治前症。由此觀之。症在危疑之際。古人恆以通劑盡其神化莫測之用。况於顯然易見者乎。則甚矣。吐法之宜講也。近世醫者。每將此法置之高閣。亦似汗下之外。并

無吐法。以致病中常有自嘔自吐而爲順症者。見者驚。聞者駭。醫家亦不論虛實而亟亟止之。反成壞病。害人多矣。吁。可不畏哉。

論清法

清者。清其熱也。臟腑有熱則清之。經云。熱者寒之是已。然有當清不清誤人者。有不當清而清誤人者。有當清而清之。不分內傷外感以誤人者。有當清而清之。不量其人。不量其症。以誤人者。是不可不察也。夫六淫之邪。除中寒寒濕外。皆不免於病熱。熱風熏蒸。或見於口舌脣齒之間。或見於口渴便溺之際。灼知其熱而不清。則斑黃狂亂。厥逆吐衄。諸症叢生。不一而足。此當清不清之誤也。然又有不當清而清者何也。有如勞力辛苦之人。中氣大虛。發熱倦怠。心煩溺赤。名曰虛火。蓋春生之令不行。無陽以護其榮衛。與外感熱症相隔霄壤。又有陰虛勞瘵之症。日晡潮熱。與夫產後血虛。發熱煩躁。症象白虎。誤服白虎者難救。更有命門火衰。浮陽上泛。有似於火者。又有陰盛隔陽假熱之症。其人面赤狂躁。欲坐臥泥水中。或數日不大便。或舌黑而潤。或脈反洪大。崢崢然鼓擊於指下。按之豁然而空者。或

口渴欲得冷飲而不能下。或因下元虛冷。頻飲熱湯以自救。世俗不識。誤投涼藥。下咽卽危矣。此不當清而清之誤也。然又有清之而不分內傷外感者何也。蓋風寒閉火。則散而清之。經云。火鬱發之是也。暑熱傷氣。則補而清之。東垣清暑益氣湯是也。濕熱之火。則或散或滲。或下而清之。開鬼門。清淨府。除陳莖是也。燥熱之火。則潤而清之。通大便也。傷食積熱。則消而清之。食去火自平也。惟夫傷寒傳入胃腑。熱勢如蒸。自汗口渴。飲冷而能消水者。藉非白虎湯之類。鮮克有濟也。更有陽盛拒陰之症。清藥不入。到口隨吐。則以薑汁些少爲引。或薑製黃連反佐以取之。所謂寒因熱用是也。此外感實火之清法也。若夫七情氣結。喜怒憂思悲恐驚。互相感觸。火從內發。丹溪治以越鞠丸。開六鬱也。立齋主以逍遙散。調肝氣也。意以一方治本鬱而諸鬱皆解也。然經云。怒則氣上。喜則氣緩。悲則氣消。恐則氣下。驚則氣亂。思則氣結。逍遙一方。以之治氣上氣結者。固爲相宜。而於氣緩氣消氣亂氣下之症。恐猶未合。蓋氣虛者必補其氣。血虛者必滋其血。氣旺血充。而七情之火悠焉以平。至若真陰不足而火上炎者。壯水之主以鎮陽光。真陽不足而火上炎者。引火歸原。以導龍入海。此內傷虛火之治法也。或者曰。病因於火。而以熱

藥治之。何也。不知外感之火。邪火也。人火也。有形之火。後天之火也。得水則滅。故可以水折。內傷之火。虛火也。龍雷之火也。無形之火。先天之火也。得水則炎。故不可以水折。譬如龍得水而愈奮飛。雷因雨而益震動。陰濛沉晦之氣。光燄燭天。必俟雲收日出。而龍雷各歸其宅耳。是以虛火可補而不可瀉也。其有專用參耆而不用八味者。因其穴宅無寒也。其有專用六味而不用桂附者。因其穴宅無水也。補則同。而引之者稱不同耳。蓋外感之火。以涼爲清。內傷之火。以補爲清也。然又有清之而不量其人者何也。夫以壯實之人。而患實熱之病。清之稍重。尙爲無礙。若本體素虛。臟腑本寒。飲食素少。腸胃虛滑。或產後病後。房室之後。卽有熱症。亦宜少少用之。寧可不足。不使有餘。或餘熱未清。卽以輕藥代之。庶幾病去人安。倘清劑過多。則療熱未已。而寒生矣。此清之貴量其人也。然又有清之不量其症者何也。夫以大熱之症。而清劑太微。則病不除。微熱之症。而清劑太過。則寒症卽至。但不及猶可再清。太過則將醫藥矣。且凡病清之而不去者。猶有法焉。壯水是也。王太僕云。大熱而甚。寒之不寒。是無水也。當滋其腎。腎水者。天真之水也。取我天真之水。以制外邪。何邪不服。何熱不除。而又何必沾沾於寒涼以滋罪戾乎。由是

觀之外感之火。尙當滋水以制之。而內傷者更可知矣。大抵清火之藥。不可久恃。必歸本於滋陰。滋陰之法。又不能開胃扶脾。以恢復元氣。則參、苓、耆、朮亦當酌量而用。非曰清後必補。但元氣無虧者。可以不補元氣。有虧必須補之。俟其飲食漸進。精神爽慧。然後止藥可也。此清之貴量其症也。總而言之。有外感之火。有內傷之火。外感爲實。內傷爲虛。來路不同。治法迥別。寧曰。熱者寒之。遂足以畢醫家之能事也乎。

論溫法

溫者。溫其中也。臟受寒侵。必須溫劑。經云。寒者熱之是已。然有當溫不溫誤人者。卽有不當溫而溫以誤人者。有當溫而溫之不得其法。以誤人者。有當溫而溫之不量其人。不量其症。與其時。以誤人者。是不可不審也。天地殺厲之氣。莫甚於傷寒。其自表而入者。初時卽行溫散。則病自除。若不由表入而直中陰經者。名曰中寒。其症惡寒。厥逆。口鼻氣冷。或冷汗自出。嘔吐瀉利。或腹中急痛。厥逆無脈。下利清穀。種種寒症并見。法當溫之。又或寒濕侵淫。四肢拘急。發爲痛痺。亦宜溫散。此

當溫而溫者也。然又有不當溫而溫者何也。如傷寒邪熱傳裏。口燥咽乾。便閉譫語。以及斑黃狂亂。衄吐便血諸症。其不可溫。固無論矣。若乃病熱已深。厥逆漸進。舌則乾枯。反不知渴。又或挾熱下利。神昏氣弱。或脈來瀦滯。反不應指。色似烟熏。形如槁木。近之無聲。望之似脫。甚之血液衰耗。筋脈拘攣。但唇口齒舌乾燥。而不可解者。此爲真熱假寒之候。世俗未明亢害承制之理。誤投熱劑。下咽卽敗矣。更有鬱熱內蓄。身反惡寒。濕熱脹滿。皮膚反冷。中暑煩心。脈虛自汗。燥氣焚金。痿軟無力者。皆不可溫。又有陰虛脈細數。陽乘而吐血者。亦不可溫。溫之則爲逆候。此所謂不當用溫而溫者也。然又有當溫而溫之不得其法者何也。假如冬令傷寒。則溫而散之。冬令傷風。則溫而解之。寒痰壅閉。則溫而開之。冷食所傷。則溫而消之。至若中寒暴痛。大便反硬。溫藥不止者。則以熱劑下之。時當暑月。而納涼飲冷。暴受寒侵者。亦當溫之。體虛挾寒者。溫而補之。寒客中焦。理中湯溫之。寒客下焦。四逆湯溫之。又有陰盛格陽於外。溫藥不效者。則以白通湯加入尿猪膽汁反佐以取之。經云。熱因寒用是已。復有真虛挾寒。命門火衰者。必須補其真陽。太僕有言。大寒而盛。熱之不熱。是無火也。當補其心。此心字指命門而言。內經所謂七節

之旁。中有小心是也。書曰。益心之陽。寒亦通行。滋腎之陰。熱之猶可是也。然而醫家有溫熱之溫。有溫存之溫。參耆歸朮。和平之性。溫存之溫也。春日煦煦是也。附子薑桂。辛辣之性。溫熱之溫也。夏日烈烈是也。和煦之日。人人可近。燥烈之日。非積雪凝寒。開冰解凍。不可近也。更有表裏皆寒之症。始用溫藥。裏寒頓除。表邪未散。復傳經絡。以致始爲寒中。而其後轉變爲熱中者。容或有之。藉非斟酌時宜。對症投劑。是先以溫藥救之者。繼以溫藥賊之矣。亦有三陰直中。初無表邪。而溫劑太過。遂令寒退熱生。初終異轍。是不可以不謹。所謂溫之貴得其法者。此也。然又有溫之不量其人者。何也。夫以氣虛無火之人。陽氣素微。一旦客寒乘之。則溫劑宜重。且多服。亦可無傷。若其人平素火旺。不喜辛溫。或曾有陰虛失血之症。不能用溫者。卽中新寒。溫藥不宜太過。病退則止。不必盡劑。斯爲克當其人矣。若論其症。寒之重者。微熱不除。寒之輕者。過熱則亢。且溫之與補。有相兼者。有不必相兼者。虛而且寒。則兼用之。若寒而不虛。卽專以溫藥主之。丹溪云。客寒暴痛。兼有積食者。可用桂附。不可遽用人參。蓋溫卽是補。予遵其法。先用薑桂溫之。審其果虛。然後以參朮輔之。是以屢用屢驗。無有差忒。此溫之貴量其症也。若論其時。盛夏

之月。溫劑宜輕。時值隆冬。溫劑宜重。然亦有時當盛暑而得虛寒極重之症。曾用參附煎膏而治愈者。此捨時從症法也。譬如霜降以後。禁用白虎。然亦有陽明症。蒸熱自汗。譫語煩躁。口渴飲冷者。雖當雨雪飄搖之際。亦曾用白虎治之而痊安。但不宜太過耳。此溫之貴量其時。而清劑可類推已。邇時醫者。羣尙溫補。痛戒寒涼。且曰。陽爲君子。陰爲小人。又曰。陽明君子。苟有過。人必知之。誠以知之。而卽爲補救。猶可言也。不思藥以療病。及轉而療藥。則病必增劇。而成危險之候。又况桂枝下咽。陽盛則殆。承氣入胃。陰盛以敗。安危之機。禍如反掌。每多救援弗及之處。仁者鑒此。顧不痛歟。吾願醫者。精思審處。晰理不差於毫釐。用藥悉歸於中正。俾偏陰偏陽之藥。無往不底於中和。斯爲善治。噫。可不勉哉。

論補法

補者。補其虛也。經曰。不能治其虛。安問其餘。又曰。邪之所湊。其氣必虛。又曰。精氣奪則虛。又曰。虛者補之。補之爲義大矣哉。然有當補不補。誤人者。有不當補而補。誤人者。亦有當補而不分氣血。不辨寒熱。不識開閤。不知緩急。不分五臟。不明根

本不深求調攝之方以誤人者。是不可不講也。何謂當補不補。夫虛者損之漸。損者虛之積也。初時不覺。久則病成。假如陽虛不補。則氣日消。陰虛不補。則血日耗。消且耗焉。則天真榮衛之氣漸絕。而虧損成矣。雖欲補之。將何及矣。又有大虛之症。內實不足。外似有餘。脈浮大而濇。面赤火炎。身浮頭眩。煩躁不寧。此爲出汗暈脫之機。更有精神浮散。徹夜不寐者。其禍尤速。法當養榮歸脾。輩加斂藥以收攝元神。俾浮散之氣退藏於密。庶幾可救。復有陰虛火亢。氣逆上衝。不得眠者。法當滋水以制之。切忌苦寒瀉火之藥。反傷真氣。若誤清之。去生遠矣。古人有言。至虛有盛候。反瀉含冤者。此也。此當補不補之誤也。然亦有不當補而補者何也。病有脈實症實。不能任補者。固無論矣。即其人本體素虛。而客邪初至。病勢方張。若驟補之。未免閉門留寇。更有大實之症。積熱在中。脈反細濇。神昏體倦。甚至憎寒振慄。欲着覆衣。酷肖虛寒之象。而其人必有唇焦口燥。便閉溺赤諸症。與真虛者相隔天淵。倘不明辨精切。誤投補劑。陋矣。古人有言。大實有羸狀。誤補益疾者。此也。此不當補而補之之誤也。然亦有當補而補之不分氣血。不辨寒熱者何也。經曰。氣主煦之。血主濡之。氣用四君子湯。凡一切補氣藥。皆從此出也。血用四物湯。凡

一切補血藥。皆從此出也。然而少火者。生氣之原。丹田者。出氣之海。補氣而不補火者。非也。不思少火生氣。而壯火即食氣。譬如傷暑之人。四肢無力。濕熱成痿。不能舉動者。火傷氣也。人知補火可以益氣。而不知清火亦所以益氣。補則同而寒熱不同也。又如血熱之症。宜補血行血以清之。血寒之症。宜溫經養血以和之。立齋治法。血熱而吐者。謂之陽乘陰。熱迫血而妄行也。治用四生丸。六味湯。血寒而吐者。謂之陰乘陽。如天寒地凍。水凝成冰也。治用理中湯。加當歸。醫家常須識此。勿令誤也。更有去血過多。成升斗者。無分寒熱。皆當補益。所謂血脫者。益其氣。乃陽生陰長之至理。蓋有形之血。不能速生。無形之氣。所當急固。以無形生有形。先天造化本如是耳。此氣血寒熱之分也。然又有補之而不識開閤。不知緩急者。何也。天地之理。有閤必有開。用藥之機。有補必有瀉。如補中湯。用參耆。必用陳皮以開之。六味湯。用熟地。即用澤瀉以導之。古人用藥。補正必兼瀉邪。邪去則補自得。力又况虛中挾邪。正當開其一面。戰我人民。攻彼賊寇。或縱或擒。有收有放。庶幾賊退民安。而國本堅固。更須酌其邪正之強弱。而用藥多寡得宜。方爲合法。是以古方中有補散并行者。參蘇飲。益氣湯是也。有消補并行者。枳朮丸。理中丸是也。

有攻補并行者。瀉心湯、硝石丸是也。有溫補并行者。治中湯、參附湯是也。有清補并行者。參連飲、人參白虎湯是也。更有當峻補者。有當緩補者。有當平補者。如極虛之人。垂危之病。非大劑湯液。不能挽回。予嘗用參附煎膏。日服數兩。而救陽微將脫之症。又嘗用參麥煎膏。服至數兩。而救津液將枯之症。亦有無力服參。而以耆朮代之者。隨時處治。往往有功。至於病邪未盡。元氣雖虛。不任重補。則從容和緩以補之。相其機宜。循序漸進。脈症相安。漸爲減藥。穀肉果菜。食養盡之。以底於平康。其有體質素虛。別無大寒大熱之症。欲服丸散。以葆真元者。則用平和之藥。調理氣血。不敢妄使偏僻之方。久而爭勝。反有傷也。此開閣緩急之意也。然又有補之而不分五臟者何也。夫五臟有正補之法。有相生而補之之法。難經曰。損其肺者。益其氣。損其心者。和其榮衛。損其脾者。調其飲食。適其寒溫。損其肝者。緩其中。損其腎者。益其精。此正補也。又如肺虛者補脾。土生金也。脾虛者補命門。火生土也。心虛者補肝。木生火也。肝虛者補腎。水生木也。腎虛者補肺。金生水也。此相生而補之也。而予更有根本之說焉。胚胎始兆。形骸未成。先生兩腎。腎者先天之根本也。因地一聲。一事未知。先求乳食。是脾者。後天之根本也。然而先天之中。有

水有火。水曰真陰。火曰真陽。名之曰真。則非氣非血。而爲氣血之母。生身生命。全賴乎此。周子曰。無極之真。二五之精。妙合而成。凝然不動。感而遂通。隨吾神以爲往來者此也。古人深知此理。用六味滋水。八味補火。十補斑龍。水火兼濟。法非不善矣。然而以假補真。必其真者未曾盡喪。庶幾有效。若先天祖氣蕩然無存。雖有靈芝。亦難續命。而况庶草乎。至於後天根本。尤當培養。不可忽視。經曰。安穀則昌。絕穀則危。又云。粥漿入胃。則虛者活。古人診脈。必曰胃氣制方。則曰補中。又曰歸脾健脾者。良有以也。夫飲食入胃。分佈五臟。灌溉周身。如兵家之糧餉。民間之烟火。一有不繼。兵民離散矣。然而因餓致病者固多。而因傷致病者亦復不少。過嗜肥甘。則痰生。過嗜醇釀。則飲積。瓜果乳酥。濕從內受。發爲腫滿瀉利。五味偏啖。久而增氣。皆令夭殃。可不慎哉。是知脾腎兩臟。皆爲根本。不可偏廢。古人或謂補脾不如補腎者。以命門之火可生脾土也。或謂補腎不如補脾。故以飲食之精。自能下注於腎也。須知脾弱而腎不虛者。則補脾爲亟。腎弱而脾不虛者。則補腎爲先。若脾腎兩虛。則并補之。藥既補矣。更加攝養有方。斯爲善道。諺有之曰。藥補不如食補。我則曰。食補不如精補。精補不如神補。節飲食。惜精神。用藥得宜。病有不痊。

焉者寡矣。

傷寒綱領

凡看傷寒。以傳經直中四字爲綱領。傳經者。由太陽傳陽明。由陽明傳少陽。由少陽傳太陰。由太陰傳少陰。由少陰傳厥陰。此名循經傳也。亦有越經傳者。如寒邪初客太陽。有不傳陽明而徑傳少陽者。有不傳陽明經而徑入陽明腑者。亦有由陽明不傳少陽而徑入本腑者。亦有少陽不傳三陰而徑入胃腑者。亦有傳一二經而止者。亦有始終只在一經者。雖所傳各各不同。其爲傳經則一也。若夫直中者。謂不由陽經傳入而徑中三陰者也。中太陰則病淺。中少陰則病深。中厥陰則愈深矣。此其所當急溫也。夫傳經之邪。在表爲寒。入裏卽爲熱症。不比直中之邪。則但寒而無熱也。先明傳經直中。庶寒熱之劑。不至混投矣。仲景三陰條下。混同立言。而昧者不察。無怪其意亂心迷也乎。

傷寒主治四字論

傷寒主治四字者。表裏寒熱也。太陽陽明爲表。太陰少陰厥陰爲裏。少陽居表裏之間。謂之半表半裏。凡傷寒自陽經傳入者爲熱邪。不由陽經傳入而直入陰經者。謂之中寒。則爲寒邪。此皆前人要旨也。而予更卽表裏寒熱四字。舉八言以晰之。任傷寒千變萬化。總不出此。夫傷寒症。有表寒。有裏寒。有表熱。有裏熱。有表裏皆熱。有表裏皆寒。有表寒裏熱。有表熱裏寒。何謂表寒。傷寒初客太陽。頭痛發熱。而惡寒者。名曰外感。經所謂體若燔炭。汗出而散者是也。陽明解肌。少陽和解。其理一也。何謂裏寒。凡傷寒不由陽經傳入而直入陰經。手足厥冷。脈微細。下利清穀者。名曰中寒。仲景所謂急溫之宜。四逆湯者是也。何謂表熱。凡人冬不藏精。微寒襲於肌肉之間。醞釀成熱。至春感溫氣而發者。曰溫病。至夏感熱氣而發者。曰熱病。其症頭痛發熱。與正傷寒同。但不惡寒而口渴。與正傷寒異耳。傷寒賦云。溫熱發於春夏。務須柴葛以解肌。言病邪在表。故用柴葛。肌肉韞熱。故用黃芩。知母以佐之。此活法也。何謂裏熱。凡傷寒漸次傳裏。與夫春溫夏熱之症。熱邪入裏。皆爲裏熱。其在太陰。則津液少。少陰則咽乾口燥。厥陰則消渴。仲景所謂急下之。而用大柴胡三承氣者是也。何謂表裏皆熱。如傷寒陽明症傳於本腑。外而肌肉內

而胃腑。熱氣薰蒸。口渴譫語。此散漫之熱。邪未結聚。治用白虎湯。外透肌膚。內清腑臟。俾表裏兩解。不比邪熱結實。專在腸胃。可下而愈也。正傷寒有此。而溫熱之病。更多有此。不可不察。何謂表裏皆寒。凡傷寒表受寒邪。更兼直中於裏。此爲兩感寒症。仲景用麻黃附子細辛湯是也。何謂表寒裏熱。如兩感熱症。一曰太陽與少陰同病。二曰陽明與太陰同病。三曰少陽與厥陰同病。三陽爲寒。三陰已成熱症。豈非表寒而裏熱乎。亦有火鬱在內。而加以外感。亦爲表寒裏熱之候。更有火亢已極。反兼水化。內熱閉結。而外有惡寒之狀者。其表似寒而裏實熱。誤投熱劑。下咽卽敗矣。何謂表熱裏寒。如人本體虛寒。而外感溫熱之邪。此爲標熱本寒。清劑不宜太過。更有陰寒在下。逼其無根失守之火。發揚於上。肌膚大熱。欲坐臥泥水之中。其表似熱。其裏實寒。誤投寒劑。入胃卽危矣。傷寒變症。萬有不齊。而總不外乎表裏寒熱四字。其表裏寒熱變化莫測。而總不出此八言。以爲綱領。予寢食於茲者三十年矣。得之於心。應之於手。今特指出而發明之。學者其可不盡心乎。

經腑論

夫經者。徑也。行於皮之內。肉之中者也。腑者。器也。所以盛水穀者也。傷寒諸書。以經爲腑。以腑爲經。混同立言。惑人滋甚。吾特設經腑論而詳辨之。夫邪之在三陽也。有太陽之經。有陽明之經。有少陽之經。凡三陽在經之邪。未入腑者。可汗而已。邪之在陰也。有太陰之經。有厥陰之經。凡三陰之邪。已入腑者。可下而已。所謂入腑之腑。指陽明胃腑而言也。三陽三陰之邪。一入胃腑。則無復傳矣。胃者。土也。萬物歸土之義也。傷寒論云。有太陽陽明。有正陽陽明。有少陽陽明。此陽明卽胃腑。非陽明之經也。假令邪在太陽。不傳陽明經。而徑入胃腑者。名曰太陽陽明。邪在陽明經。不傳少陽而自入本腑者。名曰正陽陽明。邪在少陽經。不傳三陰而徑入胃腑者。名曰少陽陽明。凡三陽之邪。已入胃腑。俱下之勿疑矣。雖然。三陽入腑。人所共知。三陰入腑。鮮或能識。夫三陽之經。去腑尙遠。三陰之經。與腑爲近。然旣曰經。則猶在徑路之間。而未嘗歸併於一處也。傷寒論云。太陰病。脈浮者。可發汗。宜桂枝湯。少陰中風。脈陽微陰浮者。爲欲愈。厥陰中風。脈微浮。爲欲愈。不浮爲未愈。俱言邪在於經。故有還表向汗之時。若旣入腑。則無外出之路。惟有通其大便。令邪從內出也。此大小承氣調胃承氣所由設也。然則以白虎湯治腑

病。何謂也。夫以白虎治腑病者。乃三陽之邪。初入胃腑。表裏皆熱。邪未結聚。熱勢散漫。而無胃實不大便之症。故用白虎湯。內清胃腑。外透肌膚。令表裏兩解。若邪已結聚。如太陰之大實痛。少陰之咽乾口燥。下利青黃水。心下硬。厥陰之煩滿囊縮。白虎不中與也。亦惟下之而已矣。此無他。經腑既明。則施治不致差舛。然則太陽之邪。自入本腑。何謂也。太陽之腑。膀胱是也。膀胱主盛溺。太陽病盛。則遺邪於腑。而爲口渴溺赤之症。外顯太陽病。而兼有此症者。名曰太陽傳本。當用五苓散。以桂枝解外邪。以猪苓澤瀉等藥通其小便而愈也。或問陽邪入陰。復有還表向汗之時。其信然乎。予曰。古人之言。豈欺我哉。夫經徑也。猶路徑然。三陽之邪。既有路以達三陰。三陰之邪。即有路以返三陽。此循環之至理。非若邪入腑中。更無外出之路也。嘗見病人體質素厚。有傳經盡而自愈者。皆由汗解也。傷寒論云。其不再傳經。不加異氣者。七日太陽病衰。頭痛稍愈。八日陽明病衰。身熱稍歇。九日少陽病衰。耳聾微聞。十日太陰病衰。復減思食。十一日少陰病衰。渴止舌乾已。而嚏也。十二日厥陰病衰。囊縱小腹微下。大氣皆去。病人精神爽慧也。由是觀之。豈非經盡而愈。還表向汗之明驗乎。或曰。陰不得有汗。今太陰脈浮。用桂枝湯。然則三

陰亦可汗解歟。桂枝湯將爲太陰正藥歟。余曰不然。讀仲景書。舉一隅當以三隅反。不可執一而論也。夫邪已入裏。而復發其表。是增其熱矣。故曰陰不得有汗。邪雖入裏。而復返乎表。是邪外出矣。故曰還陽而向汗。夫桂枝湯。太陽傷風藥也。今太陰用桂枝者。實由太陽傷風。爲醫誤下。而傳入太陰者也。太陰脈當沉。今反浮。是症在太陰。脈在太陽。則太陽之邪未盡入於陰。太陰之邪。大有還陽向汗之勢。故用桂枝湯以徹散之。令其從太陽來者。仍有太陽出也。推而論之。若從太陽傷寒來。得傷寒脈。則桂枝可易麻黃。仲景麻黃石膏湯之意。可推也。若從陽明來。得陽明脈。則桂枝可易葛根。仲景葛根黃連黃芩湯之意。可推也。若從少陽來。得少陽脈。則桂枝可易柴胡。是以大柴胡湯。爲少陽傳入太陰之的方也。然必腹中實痛。乃爲脾邪干胃。可用大黃下之。否則只於本方。加芍藥以和之而已。傷寒論云。本太陽症。爲醫誤下。傳入太陰。而腹痛者。桂枝湯加芍藥。大實痛者。桂枝湯加大黃。亦此意也。太陰如此。少陰厥陰。何獨不然。仲景少陰篇內。以四逆散治陽厥。方用柴胡、黃芩、甘草、枳實者。人皆不得其解。豈少陰亦用柴胡散之歟。誠以熱邪傳裏。遊行於少陰經絡之間。尙未結聚成實。內陷於胃腑之中。則用黃芩、甘草以清

傳經之熱邪。用枳實以導胃中之宿滯。使邪氣不得乘機而內合。以作胃實不大便之症。更用柴胡疏通三陽之路。俾其從此來者仍從此出。不必擾動中宮。而病勢已解。此仲景用藥之微權。而其用心亦良苦矣。愚不自揣。每遇陽邪入陰。尙未結實之症。倣古人三黃解毒之意。而加以石膏、柴胡、丹皮之屬。往往獲效。蓋三黃以除三陰之熱邪。用石膏以守陽明之中路。加柴胡者。亦望其返之故道。而還陽向汗也。大抵傷寒治法。急於解表。而緩於攻裏。非惟三陽之邪。務從表散。卽三陰未結之邪。猶且徘徊觀望。冀其還陽而之表。必俟邪氣結實。乃用承氣湯攻下之。且戒曰。欲行大承氣。先與小承氣。腹中轉矢氣者。方與大承氣湯。若不轉矢氣。慎未可再攻。兢兢然不苟下也。有如此。仲景又云。病發於陽。而反下之。熱入。因作結胸。病發於陰。而下之。因作痞。熱入者。言入胃也。三陰下早。雖不至成結胸。而已不免爲痞氣矣。噫嘻。經腑之間。焉可以不辨哉。

陰症有二說

世人論傷寒。輒曰陰症。而不知有三說也。有傳經之陰症。陰中之熱症也。有直中

之陰症。陰中之寒症也。有房室之陰症。陰中之虛症也。既犯房室而得熱症。則灼熱極甚。犯房室而得寒症。則陰寒極甚。熱之甚。清劑宜輕。寒之甚。溫劑宜重。斯無弊耳。乃世人混稱夾陰。而醫者漫不加察。反從而和之。噫。陋矣。

論疫

時疫之症。來路兩條。去路三條。治法五條盡矣。何謂來路兩條。疫有在天者。有在人者。如春應溫而反寒。夏應熱而反涼。秋應涼而反熱。冬應寒而反溫。非其時而有其氣。在天之疫。皆從經絡而入。或爲頭痛發熱咳嗽。或爲頸腫發頤。大頭天行之類。斯在天之疫也。若夫一人之病。染及一室。一室之病。染及一鄉。一鄉之病。染及闔邑。此乃病之穢氣相傳染。其氣息俱從口鼻而入。其見症增寒壯熱。胸膈滿悶。口吐黃涎。乃在人之疫。以氣相感。與天無涉。所謂來路兩條者此也。夫在天之疫。從經絡而入。宜分寒熱。用辛溫辛涼之藥以散邪。如香蘇散。普濟消毒飲之類。俾其從經絡入者。仍從經絡出也。在人之疫。從口鼻而入。宜用芳香之藥以解穢。如神朮散。藿香正氣散之類。俾其從口鼻入者。仍從口鼻出也。至於經絡口鼻所

受之邪。傳入臟腑。漸至潮熱譫語。腹滿脹痛。是爲毒氣歸內。非疏通腸胃。無由以解其毒。法當下之。其大便自行者。則清之下。後而餘熱不盡者。亦清之。須令臟腑之邪從大便出也。所謂去路三條者。此也。夫發散解穢。清中攻下。共四法耳。而謂治法有五。何也。大抵邪之所湊。其氣必虛。體虛受邪。必須以補法駕馭其間。始能收效萬全。如氣虛補氣。血虛補血。古人所用參蘇飲。人參白虎湯。人參敗毒散。黃龍湯。四順清涼飲。方內有人參。當歸。其意可想而知矣。於前四法中。加以補法。乃能左右咸宜。縱橫如意。邪氣退而元氣安。所謂治法五條者。此也。熟此五法。而融會貫通。其於治疫也。何難之有。

六氣相雜須辨論

世間之病。人皆曰傷寒最難。而非難也。難莫難於六氣之相雜而互至耳。六氣者。風寒暑濕燥火是也。然冬月致病。只三字。風寒。火是也。春兼四字。風寒濕。火是也。夏兼五字。風寒暑濕。火是也。秋只四字。風寒燥。火是也。其有非時之燥濕。則又天之變氣也。大抵氣愈雜。則其治愈難。吾姑卽夏間之五氣而明辯之。五氣旣明。則

其少者不煩言而已解。假如脈浮緩自汗。頭痛發熱而惡風者。傷風也。脈浮緊。無汗。頭痛發熱而惡寒者。傷寒也。此隨時感冒。雖在暑月。亦必有之。亦有納涼飲冷。臟受寒侵。遂至嘔吐痛瀉。脈沉遲。手足厥冷。口鼻氣冷。此乃夏月中寒之候。反因避暑太過而得之也。至於暑症。乃夏月之正病。然有傷暑。中暑。閉暑之殊。傷暑者。病之輕者也。其症汗出身熱而口渴也。中暑者。病之重者也。其症汗大泄。昏悶不醒。蒸熱齒燥。或煩心喘喝妄言也。閉暑者。內伏暑氣。而外爲風寒閉之也。其頭痛身痛發熱惡寒者。風寒也。口渴煩心者。暑也。其有霍亂吐瀉而轉筋者。則又因暑而停食伏飲。以致之也。然停食伏飲。濕氣也。或身重體痛。腹滿脹悶。泄利無度。皆濕也。風寒暑濕。四氣動而火隨之。是爲五氣。所謂夏兼五字者。以此。然而各字分見。其爲治也易。五字互見。其爲治也難。假如風暑相搏。名曰暑風。其症多發搐搦。暑濕相搏。名曰濕溫。其症頭痛自汗。譫語身重。腹滿足脛寒。風熱相搏。名曰風溫。其症自汗身重多眠。鼻息鼾。語言難出。濕氣兼風。名曰風濕。濕氣兼寒。名曰寒濕。其症骨節煩疼。不能自轉側。復有風寒挾濕。發爲剛柔二瘕。其症口噤。身反張。更有濕熱相攻。發爲五痿。其症四肢痿廢。不能自收持。此皆五氣相兼而互見者也。

又况冬月傷寒。伏藏於筋骨之間。至夏感熱氣而發者。名曰熱病。天行不正之氣。發作非時者。名曰疫氣。更有病氣相傳染。沿門閭境皆病者。斯爲在人之疫。爲害尤多。失此熱病疫病。傳之臟腑。大便不通。則燥氣隨之。是五氣之中。復兼六氣矣。更有體虛勞倦。注夏等病。紛紜交錯於其間。若不明辨親切。孟浪投劑。傷生匪淺。奈何醫者一見發熱。不問是暑是濕。概行表散。散之不效。隨用和解。解之不去。隨用清涼。涼之不效。繼以補益。其中有幸全者。則引爲己功。而傾危乍至。則委之天數。豈知致病之初。認症投藥。取效甚易。及其日久病深。敗症悉具。雖有善者。亦莫如之何也已。予不自揣。特著此論。先指夏間五氣而發明之。庶紛紜錯雜之症。不至混淆。則觸目洞然。施治如法。亦救世之一端耳。嗟乎。五氣既明。多者已辨。則三氣四氣之雜至者。不難辨矣。况傷寒一症。表裏可分。傳中可別。上中下三焦可憑。而又何難乎。我故曰。傷寒非難。而難於六氣之相雜而互至也。

論中風

中風之症。有中腑。中臟。中血脈之殊。中腑者。中在表也。卽仲景所謂太陽中風。桂

枝湯之類是也。外顯六經之形症。卽如傷寒三陽三陰傳變之症也。其見症旣與傷寒同。則其治法亦與傷寒傳變無異矣。中臟者。中在裏也。如不語中心。脣緩中脾。鼻塞中肺。目瞤中肝。耳聾中腎。此乃風邪直入於裏。而有閉與脫之分焉。閉者。牙關緊急。兩手握固。藥宜疏通開竅。熱閉。牛黃丸。冷閉。橘半薑汁湯。其熱閉極甚。胸滿便結者。或用三化湯以攻之。脫者。口張心絕。眼合肝絕。手撒脾絕。聲如鼾。肺絕。遺尿腎絕。更有髮直。搖頭上攢。面赤如粧。汗出如珠。皆爲脫絕之症。此際須用理中湯加參兩餘。以溫補元氣。若寒痰阻塞。或用三生飲加人參以灌之。庶救十中之二三。中血脈者。中在半表半裏也。如口眼喎斜。半身不遂之屬是也。藥宜和解。用大秦芫湯加竹瀝薑汁。鉤藤主之。而有氣與血之分。氣虛者。偏於右。佐以四君子湯。血虛者。偏於左。倍用四物湯。氣血俱虛者。左右并病。佐以八珍湯。此治中風之大法也。

中風寒熱辨

或謂寒邪中臟。一於寒也。風邪中臟。而有寒有熱。何也。愚謂寒陰邪也。陰主靜。故

其中人特爲寒中而已矣。風陽邪也。陽主動。善行而數變。故其中人。或爲寒中。或爲熱中。初無定體也。然其所以無定體者。亦因乎人之臟腑爲轉移耳。何者。其人臟腑素有鬱熱。則風乘火勢。火借風威。熱氣拂鬱。不得宣通。而風爲熱風矣。其人臟腑本屬虛寒。則風水相遭。寒氣冷冽。水凍冰凝。真陽衰敗。而風爲寒風矣。爲熱風多見閉症。理宜疎導爲先。爲寒風多見脫症。理宜溫補爲急。夫同一中臟。而寒熱之別。相隔千里。其中所以爲熱爲寒之故。舉世皆不求解。則三化湯之寒。三生飲之熱。何以同出於書而屹然並立。是以醫道貴精思審處而自得之。有非語言所能盡也。

中風不語辨

或問不語。有心脾腎三經之異。又風寒客於會厭。亦令不語。何以辨之。愚謂心者。君主之官。神明出焉。若心經不語。必昏冒全不知人。或兼直視搖頭等症。蓋心不受邪。受邪則殆。此敗症也。若包絡受邪。則時昏時醒。或時自喜笑。若脾經不語。則人事明白。或脣緩口角流涎。語言蹇澁。若腎經不語。則腰足痿痺。或耳聾遺尿。以

此爲辨。至若風寒客於會厭。不過喊風聲啞之屬。口能收。舌能轉。樞機皆利。但不發音耳。可用辛散而安。

中風類中辨症法

中風者。真中風也。類中風者。似中風而非中風也。然真中有兼類中者。類中有兼真中者。臨症最難分別。不可無法以處之。大法中風之症。有中腑。中臟。中血脈之分。前論已詳言矣。惟類中與真中。最宜分別。不可不審。真中風者。中於太陽。則與傷寒外感傳經相符。若中血脈。必有偏枯喎斜之症。中臟雖爲在裏。亦必兼有經絡偏枯之症。若類中者。寒則厥冷嘔瀉而暴痛也。暑則赤日中行而卒倒也。濕則痰涎壅盛而閉塞也。火則面赤煩渴。脣燥而便閉也。食則因於過飽而胸脹滿悶也。氣則因於盛怒而閉塞無音也。惡則因登塚入廟。冷屋栖遲而卒然頭面青黯也。虛則面色晄白。鼻息輕微也。見症各殊。與真中之偏枯喎斜自是不同。其間或有相同者。乃真中類中相兼也。症既相兼。必須一一辨明。察其多寡兼並之處。辨其標本緩急之情。審度得宜。用古人經驗良方。隨手而起矣。

雜症主治四字論

雜症主治四字者。氣、血、痰、鬱也。丹溪治法。氣用四君子湯。血用四物湯。痰用二陳湯。鬱用越鞠丸。參差互用。各盡其妙。薛立齋從而廣之。氣用補中。而參以八味。益氣之源也。血用四物。而參以六味。壯水之主也。痰用二陳。而兼以六君。補脾土以勝濕。治痰之本也。鬱用越鞠。而兼以逍遙。所謂以一方治木鬱。而諸鬱皆解也。用藥之妙。愈見精微。以愚論之。氣虛者。宜四君輩。而氣實者。則香蘇、平胃之類可用也。血虛者。宜四物輩。而血實者。則手拈、失笑之類可用也。尋常之痰。可用二陳輩。而頑痰膠固。致生怪症者。自非滾痰丸之類不濟也。些小之鬱。可用越鞠、逍遙輩。而五鬱相混。以致腹膨腫滿。二便不通者。自非神佑、承氣之類弗濟也。大抵尋常治法。取其平善。病勢堅強。必須峻劑以攻之。若一味退縮。則病不除。而不察脈氣。不識形情。浪施攻擊。爲害尤烈。務在平時。將此氣、血、痰、鬱四字反覆討論。曲盡其情。辨明虛實寒熱輕重緩急。一毫不爽。則臨症灼然。而於治療雜症之法。思過半矣。

入門看症訣

凡看症之法。先辨內傷外感。次辨表裏。得其大概。然後切脈問症。與我心中符合。斯用藥無有不當。口鼻之氣。可以察內傷外感。身體動靜。可以觀表裏。口鼻者。氣之門戶也。外感則爲邪氣有餘。邪有餘。則口鼻之氣粗。疾出疾入。內傷則爲正氣虛弱。正氣虛。則口鼻之氣微。徐出徐入。此決內外之大法也。動靜者。表裏之分也。凡發熱靜而默默者。此邪在表也。若動而躁。及譫語者。此邪在裏也。而裏症之中。復有陰陽之分。凡病人臥。須看其向裏向外睡。仰睡覆睡。伸脚蹠脚睡。向裏者陰也。向外者陽也。仰者多熱。覆者多寒。伸脚者爲熱。蹠脚者爲寒。又觀其能受衣被與否。其人衣被全覆。手脚不露。身必惡寒。旣惡寒。非表症。卽直中矣。若揭去衣被。揚手露脚。身必惡熱。旣惡熱。邪必入腑矣。此以身體動靜。並占其寒熱也。然又有陽極似陰。其人衣被全覆。昏昏而睡。復有陰極似陽。假渴煩躁。欲坐臥泥水中。此乃真熱假寒。真寒假熱之象。尤不可以不辨。

色

內經曰。脈以應月。色以應日。色者。視之易見者也。如傷風闕庭必光澤。傷寒闕庭必暗晦。面青黑爲寒。爲直中陰症。紫赤爲熱。爲傳經裏症。若已發汗後。面赤色盛。此表邪出不徹也。當重表之。又陰盛隔陽。閤面赤色。是爲戴陽之候。宜急溫之。以通陽氣。大抵黑色見者多凶。爲病最重。黃色見者多吉。病雖重可治。經云。面黃目青。面黃目赤。面黃目白。面黃目黑者。皆吉。蓋黃屬土。今惡症雖見。土猶未絕。故可救。若面青目赤。面赤目白。面青目黑。面黑目白。面赤目青。皆難治也。言無土色。則胃氣已絕。凡天庭印堂年壽等處。黑色枯槁者凶。黃色明潤者吉。然人有五色。不能齊等。經云。五色者。氣之華也。赤欲如白裏朱。不欲如赭。白欲如鵝羽。不欲如鹽。青欲如蒼璧之澤。不欲如藍。黃欲如羅裏雄黃。不欲如黃土。黑欲如重漆色。不欲如地蒼。五色之欲者。皆取其潤澤。五色之不欲者。皆惡其枯槁也。經又云。五色精微象見矣。其壽不久也。言五色固不宜枯槁。若五色之精華盡發越於外。而中無所蓄。亦非宜也。大抵五色之中。須以明潤爲主。而明潤之中。須有蘊蓄。若一概發華於外。亦凶兆也。察色之妙。不是過矣。

經曰。五色決於明堂。明堂者。鼻也。故鼻頭色青者。腹中痛。微黑者。有痰飲。黃色者。爲濕熱。白色者。爲氣虛。赤色者。爲肺熱。明亮者。爲無病也。若傷寒。鼻孔乾燥者。乃邪熱在陽明肌肉之中。久之必將衄血也。病人欲嚏而不能者。寒也。鼻塞濁涕者。風熱也。鼻息鼾睡者。風溫也。鼻孔乾燥。黑如煙煤者。陽毒熱深也。鼻孔出冷氣。滑而黑者。陰毒冷極也。凡病中鼻黑如煤。乃大凶之兆。若見鼻孔煽張。爲肺氣將絕之症也。凡產婦鼻起黑氣。或鼻衄者。爲胃敗肺絕之危候。古方用二味參蘇飲加附子以救之。多有得生者。

唇口

脣者。肌肉之本。脾之華也。故視其脣之色澤。可以知病之深淺。乾而焦者。爲邪在肌肉。焦而紅者吉。焦而黑者凶。脣口俱赤腫者。肌肉熱甚也。脣口俱青黑者。冷極也。口苦者。膽熱也。口甜者。脾熱也。口燥咽乾者。腎熱也。口噤難言者。或爲瘧。爲痰厥。爲中寒。不相等也。又狐惑症。上脣有瘡。爲狐蟲食其臟。下脣有瘡。爲惑蟲食其肛也。若病中見脣舌捲。脣吻反青。環口黧黑。口張氣直。或如魚口。或氣出不返。或

口脣顫搖不止。皆難治也。

耳

耳者。腎之竅。察耳之枯潤。知腎之強弱。故耳輪紅潤者生。枯槁者難治。薄而白。薄而黑。薄而青。或焦如炭色者。皆爲腎敗。若耳聾及耳中痛。皆屬少陽。此邪在半表半裏。當和解之。若耳聾舌卷脣青。此屬厥陰。爲最重也。

目

目者。五臟精華之所注。能照物者。腎水之精也。熱則昏暗。水足則明。察秋毫。如常而瞭然者。邪未傳裏也。若赤若黃。邪已入裏矣。若昏暗不明。乃邪熱在內。消灼腎水。腎水枯竭。故目不能朗照。急用大承氣湯下之。蓋寒則目清。未有寒甚而目不見者也。凡開目欲見人者。陽症也。閉目不欲見人者。陰症也。目瞑者。將衄血也。目睛黃者。將發黃也。至於目反上視。橫目斜視。瞪目直視。及眼胞忽然陷下者。爲五臟已絕之症也。凡雜病。忽然雙目不明者。此氣脫也。經云。氣脫者。目不明。此氣虛

也。丹溪用人參膏主之。經又云。脫陰者目瞤。此血脫也。邪熱則下之。血虛則補之。以救腎水也。然此症已爲危險之候。

舌

舌者。心之竅。凡傷寒症。津液如常。此邪在表而未傳裏也。見白胎而滑。邪在少陽。半表半裏之間也。見黃胎而乾燥。邪已入裏。胃腑熱甚也。宜下之。見黑胎芒刺。破裂乾枯。邪熱盛極。腎水枯涸。至重之候也。宜急下之。若舌黑津潤。不破裂乾燥。此直中寒證也。宜急溫之。夫寒症舌黑。本色也。而熱症反赤爲黃。反黃爲黑者。何也。蓋熱極反兼水化。若燔柴然。火變成炭。至危之候也。凡舌腫脹。或重舌。木舌。舌生芒刺。舌胎黃燥。皆熱甚也。凡舌硬。舌強。舌短縮。舌捲。神氣昏亂。語言不清者。皆危症也。又陰陽易病。吐舌數寸者。危惡已甚也。

身

大抵病人身輕。自能轉側者爲輕。若身體沉重不能轉側者爲重。然中濕風濕感

寒。皆主身重疼痛。須以兼症辨之。若陰症身重。必厥冷而踈臥。無熱惡寒。閉目不欲向明。懶見人也。又陰毒身痛如被杖。身重如山而不能轉側也。大抵熱則流通。身輕無痛。寒則凝塞。故身重而痛也。若手足抽搐。角弓反張者。瘞也。若頭重視身。此天柱骨倒而元氣敗也。若頭搖而不止。髮直如粧。頭上攢。皆絕症也。凡病中循衣摸牀。兩手撮空。此神去而魂亂也。凡病人皮膚潤澤者生。枯槁者危。若大肉盡脫。九候雖調。猶難治也。

胸

凡看傷寒。欲知邪之傳與不傳。先看目舌。次問病人胸前痛脹否。若不痛滿。知邪氣在表。若脹滿未經下者。即半表半裏證也。已下過而痛甚者。恐成結胸也。故胸者。可以知邪之傳與不傳也。

腹

腹者。至陰也。乃裏證之中。可以辨邪之實與不實也。既問胸前明白。次則以手按

其腹。若未痛脹者。知邪未曾入裏。入裏必脹痛。若邪在表。及半表半裏。腹焉得痛脹乎。若腹脹不減。及裏痛不止。此裏症之實。方可攻之。若腹脹時減。痛則綿綿。此裏證猶未實也。但可清之。故腹者。可以知邪之實與不實也。若直中腹痛。則不由陽經傳來。此爲冷氣在內。脈必沉遲。急當溫之。

小腹

小腹者。陰中之陰。裏症之裏。可以知邪之必結實也。既問胸腹。後以手按其小腹。蓋小腹藏糟粕之處。邪至此必結實。若小腹未硬痛者。知非裏實也。若邪已入裏。小腹必硬痛。硬痛而小便自利。大便黑色。蓄血症也。宜桃仁承氣攻之。若小腹繞臍硬痛。小便數而短者。燥糞症也。當以大承氣攻之。若小腹脹滿。大便如常。恐屬瀉瀉而不通。宜利其小便。凡看病。先觀形色。次及耳目口鼻脣舌身體。次問胸腹及小腹。則病症病情了然矣。

醫學心悟卷一 小腹

醫學心悟

清 天都 程國彭鍾齡撰著

鄞縣 曹赤電炳章圈點

卷二

傷寒類傷寒辨

傷寒者。冬令感寒之正病也。類傷寒者。與傷寒相似。而實不同也。世人一見發熱。輒曰傷寒。率爾發表。表之不去。則以和解清涼諸法繼之。其間有對症而即愈者。有不對症而不愈者。有幸愈而垂危復生者。皆由施治之初。辨症未明也。夫有一病。即有一症。初時錯治。則輕者轉重。重者轉危。即幸安全。性命已如懸縷。大可懼耳。予因著六氣相雜須辨論。提醒斯世。茲更反覆叮嚀。條列于左。俾入門診視。先取而明辨之。初劑不差。勝於救逆良多矣。學者其致思焉。

一、霜降以後。天令嚴寒。感之而即病者。正傷寒也。其症發熱惡寒。頭項痛。腰脊強。

身體痛。但脈浮緊。無汗。爲傷寒。脈浮緩。有汗。爲傷風。寒用麻黃湯。風用桂枝湯。予以加味香蘇散代之。隨手而愈。

一、冬時感寒不即發。伏藏於肌膚。至春。因溫氣感觸而發者。曰溫病。春猶不發。至夏。因熱氣感觸而後發者。曰熱病。其症頭痛發熱。與正傷寒同。但不惡寒而口渴。與正傷寒異爾。柴葛解肌湯主之。

一、四時之中。有不頭痛發熱。卒然惡寒厥冷。口鼻氣冷。嘔吐痛瀉。面青脈遲者。中寒也。薑附湯主之。

一、冬時當寒不寒。乃更溫煖。因而衣被單薄。以致感寒而病者。冬溫也。冬溫之症。表寒內熱。香蘇散加清藥主之。

一、夏秋之間。天時暴寒。人感之而即病者。時行寒疫也。亦有時非寒疫。而其人乘風取冷。遂至頭痛發熱者。名曰感冒。其見症與正傷寒略同。但較輕爾。香蘇散主之。

一、夏月有病。頭痛身熱。自汗煩渴者。傷暑也。加減香薷飲主之。暑症與熱病相似。但熱病初起無汗。暑病初起自汗。熱病脈盛。暑病脈虛。此爲異爾。然有傷暑中

暑、冒暑之別。治法詳本門。

一、夏月有病。頭痛發熱。身重腹滿。譫語自汗。兩脛逆冷者。濕溫也。其人常傷於濕。因而中暑。暑濕相搏。名曰濕溫。切忌發汗。

一、汗之名重竭。爲難治。蒼朮白虎湯主之。按傷寒發厥。脛冷臂亦冷。濕溫發厥。脛冷臂不冷。以此爲別。

一、頭痛身熱。與傷寒同。而人身重。默默但欲眠。鼻息鼾。語言難出。四肢不收者。風溫也。不可發汗。加減萎蕤湯主之。

一、發熱惡寒似傷寒。而脈細身重。不能自轉側。或頭汗出者。風濕也。不嘔不渴。桂枝加附子湯主之。

一、病人嘔吐而利。或頭痛腹痛。惡寒發熱者。霍亂也。藿香正氣散主之。

一、病人身熱面赤。目脈赤。項強。獨頭搖。卒然口噤。背反僵者。瘧也。無汗爲剛瘧。有汗爲柔瘧。加減續命湯主之。瘧病有外感內傷之異。有三陽三陰之別。詳見本門。

一、發熱似傷寒。但身不痛。右手氣口脈緊。中脘痞悶。噯腐吞酸者。此傷食也。保和

湯主之。

一、病人煩熱似傷寒。而脈來虛軟無力。頭痛時止時作。肢體倦怠。語言懶怯者。虛煩也。補中益氣湯主之。

一、病痰喘似傷寒。但胸滿氣急。脈弦滑者。痰也。二陳湯主之。痰亦有挾風寒而發者。宜加散劑。

一、惡寒發熱。與傷寒相似。而病起自脚。兩脛腫滿者。脚氣也。脚氣不離乎濕。檳榔散主之。然亦有兩足忽然枯細者。俗名乾脚氣。此爲風燥之症。四物加牛膝、木瓜主之。

一、病人脈浮數。發熱惡寒。而痛偏着一處。飲食如常者。蓄積有膿也。外癰內癰。皆見此候。何謂內癰。大抵口內咳。胸中隱隱而痛。吐唾腥臭者。肺癰也。腹皮膨急。按之則痛。便數如淋。轉側作水聲者。腸癰也。胃脘隱隱而痛。手不可近。時吐膿者。胃脘癰也。書云。嘔家有膿。不須治。膿盡自愈。不可誤也。

一、發熱似傷寒。而其人或從高墜下。跌撲損傷。或盛怒叫呼。七情過度。或過於作勞。以致胸腹脇間有痛處。着而不移。手不可按者。蓄血也。澤蘭湯主之。此與癰

腫有別也。

以上諸症。有與傷寒相類。而治法不同者。有與傷寒相似。而實不同類者。亦有傷寒與雜症相兼。可互至者。務在臨病之初。辨明投劑。庶一匕回春。實實虛虛之禍。可免矣。

傷寒六經見症法

六經者。太陽、陽明、少陽、太陰、厥陰也。三陽有經有腑。三陰有傳有中。有太陽之經。即有太陽之腑。膀胱是也。有陽明之經。即有陽明之腑。胃是也。有少陽之經。即有少陽之腑。膽是也。然膽爲清淨之腑。無出入之路。故治法如經也。三陰有傳經者。由三陽而傳入三陰。此熱邪也。有直中者。初起不由陽經傳入。而直中三陰。此寒邪也。茲數者。乃傷寒見證之綱領也。

太陽經症

太陽經病。頭痛發熱。項脊強。身體痛。鼻鳴。乾嘔。惡風自汗。脈浮緩者。名曰中風。宜

解肌桂枝湯主之。若前證悉具。惡寒無汗。脈浮緊。或喘嗽者。名曰傷寒。宜發表。麻黃湯主之。

桂枝湯方

桂枝一分錢五

芍

藥五分錢

甘草炙一錢

生薑五分錢

大棗四枚

右五味。以水四大鍾。微火煮取二鍾半。去滓。溫服。服已。須臾飲稀粥數升。以助藥力。溫覆令一時許。偏身漿漿微似有汗者。益佳。不可令如水流漓。病必不除。若一服汗出病瘥。停後服。若不汗。更服依前法。若病重者。一日一夜。周時觀之。若病症猶在者。乃服至三劑。禁生冷粘滑肉麵五辛酒酪等物。

麻黃湯方。此方不宜於東南。多宜於西北。西北稟厚。風氣剛勁。必須此藥開發。乃可疏通。實為冬令正傷寒之的劑。若東南則不可輕用。體虛脈弱者受之。恐有汗多亡陽之慮。

麻黃四錢

桂枝二錢

甘草炙一錢

杏仁十二枚

右四味。以水四大鍾。先煮麻黃減二鍾。去上沫。納諸藥。煮取一鍾。去滓。溫服。覆

取微似汗。不須歠粥。餘如桂枝湯法。

加味香蘇散。有汗不得服麻黃。無汗不得服桂枝。今用此方以代前二方之用。藥穩而效。亦醫門之良法也。不論冬月正傷寒及春夏秋三時感冒。皆可取效。其麻黃湯。若在溫熱之時。則不可妄用。又體虛氣弱。腠理空疎者。亦不可用。其桂枝湯。乃治太陽經中風自汗之症。若裏熱自汗者。誤用之。則危殆立至。又暑風症。有用白虎湯加桂枝者。桂枝微。石膏重。不相妨也。更有春溫夏熱之症。自裏達表。其症不惡寒而口渴。則不可用桂。宜另用柴葛解肌之類。或以本方加柴葛及清涼之味。大凡一切用藥。必須相天時。審地利。觀風氣。看體質。辨經絡。問舊疾。的確對症。方為良劑。

柴蘇葉一錢五分

陳皮

香

附各一錢二分

甘

草七分

荊芥

秦艽

防風

蔓荊子

各錢

川芎五分

生

薑三片

右剉一劑。水煎溫服。微覆似汗。前症若頭腦痛甚者。加羌活八分。蔥白二根。自汗惡風者。加桂枝白芍各一錢。若在春夏之交。惟恐夾雜溫暑之邪。不便

用桂。加白朮一錢五分。若兼停食。胸膈痞悶。加山查、麥芽、荀子各一錢五分。若太陽本症未罷。更兼口渴溺瀉者。此為膀胱腑症。加茯苓、木通各一錢五分。喘嗽加桔梗、前胡一錢五分。杏仁七枚。鼻衄或吐血。本方去生薑。加生地、赤芍、丹參、丹皮各一錢五分。咽喉腫痛。加桔梗、葶子各一錢五分。薄荷五分。便秘。加荀子、枳殼。若兼四肢厥冷。口鼻氣冷。是兼中寒也。加乾薑、肉桂之類。雖有表症。其散藥只用一二味。不必盡方。若挾暑氣。加入知母、黃芩之類。乾嘔發熱而咳。為表有水氣。加半夏、茯苓各一錢五分。時行疫癘。加蒼朮四分。梅核氣症。喉中如有物。吞不入。吐不出者。加桔梗、蘇梗各八分。婦人經水適來。加當歸、丹參。產後受風寒。加黑薑、當歸。其散劑減去大半。若稟質極虛。不任發散者。更用補中兼散之法。

柴葛解肌湯 治春溫夏熱之病。其症發熱頭痛。與正傷寒同。但不惡寒而口渴。與正傷寒異耳。本方主之。

柴	胡	葛	赤	甘
胡	二	根	芍	草
二	錢	五	一	五
錢		錢	錢	分
黃	芩	知	貝	生
五	一	母	母	地
分	錢	一	一	二
錢		錢	錢	錢

丹皮五分錢

水煎服。心煩加淡竹葉十片。譫語加石膏三錢。

頭痛問曰。頭痛何以是太陽症。答曰。三陽經上至於頭。皆有頭痛。惟太陽經脈最長。其痛居多。故頭痛爲表症。又問曰。三陽頭痛有別乎。答曰。太陽之脈從巔入絡腦。還出別下項。循肩膊。由夾脊抵腰中。故太陽頭痛。頭腦痛而連項脊也。陽明之脈起於鼻。絡於目。交額中。凡陽明頭痛。頭額痛而連面目也。少陽之脈起於目銳眥。下耳後。凡少陽頭痛。耳前後痛而上連頭角也。以此爲別。又問曰。三陰本無頭痛。今見直中症亦有頭痛何也。答曰。此直中而兼外感也。又問曰。傷寒傳經至厥陰。亦有頭痛何也。答曰。厥陰症。頭痛脈浮。是裏邪達表。欲得汗解也。宜微表之。又問曰。陽明腑病。口渴便閉。亦有頭痛何也。答曰。陽明之經。絡於頭目。因其腑熱熏蒸。上攻於頭目之間。以致頭痛。夫經病可以傳腑。腑病亦可以連經。此相因之至理。然必其實有腑症。方可用白虎清之。若在惡寒發熱初起之時。則爲外感風寒。不得與陽明腑病同類混稱也。

項脊強問曰。項脊強何以是太陽症。答曰。項脊者。太陽經所過之地。太陽病。則項

脊強也。又問曰。仲景云。結胸症。項脊強。如柔痙狀。何謂也。答曰。本太陽病。爲醫誤下。而成結胸。胸中脹痛。俯仰不舒。有似於項強。非真項強也。蓋太陽項強。強在項後。經脈拘攣而疼痛。胸無病也。結胸項強。強在項前。胸中俯仰不舒。項無病也。且結胸症。誤下而後成。太陽病初起。而卽見自不同耳。

身痛。問曰。身痛。何以是太陽症。答曰。人身之中。氣爲衛。血爲榮。風則傷衛。寒則傷榮。風寒客之。則榮衛不通。故身痛。經云。寒甚則痛。熱甚則肉消咽破。凡內經舉痛諸症。皆以寒名。未有以熱而曰痛者也。故見身痛。卽宜用辛甘發散。令氣血流通。而痛愈耳。又問曰。身痛。旣爲表症。諸書言裏症。亦有身痛。何也。答曰。裏症身痛。屬直中。而不屬傳經也。寒邪直侵臟腑。陽氣衰微。氣血凝滯。致有身痛。宜急溫之。若傳經裏症。則屬熱。熱主血行。則無身痛。總之外有頭痛發熱。而身痛如繩束者。太陽表症也。無頭痛發熱。而身痛如受杖者。直中寒症也。一發散。一溫中。若誤投之。終難取效。可不辨乎。

四肢拘急。問曰。四肢拘急。何以是太陽症。答曰。寒主收引。熱主舒伸。天道之常。秋冬則萬物斂藏。春夏則萬物發舒。此定理也。內經曰。寒則筋攣骨痛。熱則筋弛。

內緩。故拘急爲太陽感寒症。又問曰。裏症亦有拘急何也。答曰。直中陰症。臟受寒侵。經脈因而斂束。若傳經入裏。則爲熱。熱則體舒。又焉得拘急乎。總之發熱頭痛而拘急者。太陽症也。無發熱頭痛而拘急者。直中症也。仲景治法。太陽表症。及風濕相搏而見攣急者。皆處以桂枝加附子湯。甘草附子湯之類。矧三陰直中者乎。亦有汗吐下後。四肢拘急者。此津液內竭。血不能榮潤筋骨。或補或溫。相機而行也。又問曰。拘急屬寒。固無疑矣。常見內熱極甚。身如枯柴。四肢僵硬。不能屈伸者。何也。答曰。此熱甚血枯。肝臟將絕之候。名曰搐搦。非拘急也。仲景云。四肢攣習。脣吻反青。爲肝絕。此之謂也。

發熱問曰。發熱何以是表症。答曰。風寒鬱於腠理。則閉塞而爲熱。翕翕然作。摸之烙手。此熱即發於皮膚之外。而臟腑無熱。名曰表病裏和。試以內經諸論證之。曰風寒客於人。使人毫毛畢直。皮膚閉而爲熱。可汗而已。又曰。因於寒。體若燔炭。汗出而散。又曰。人之傷於寒也。則不免於病熱。大汗熱自解也。由是觀之。熱之屬表明矣。故一見發熱。即屬表邪未解。雖一月半月之久。還當發散。又問曰。發熱固爲表邪。倘譫語發狂。裏症復急者。治從表乎。從裏乎。答曰。經云。解表不

開。切勿攻裏。攻之爲大逆。若裏症甚急。須用清中兼表之法。加芩、連、知母之類。以清裏。而用荊防、葛根之類以發表。大便閉結。裏熱極甚者。先用清散之法。然後用大柴胡湯下之。攻散並行。不相妨也。又問曰。溫熱病亦發熱。不用麻黃、桂枝。而用柴、葛以解之。何也。對曰。溫熱病者。寒邪伏於肌膚之間。醞釀成熱。一旦自裏達表。其症但發熱。不惡寒而口渴。故用柴、葛解肌。湯辛涼以散之。不用麻黃、桂枝之辛溫以助熱邪也。然旣曰解肌。卽爲表症。設亦未嘗以發熱爲裏症也。又問曰。據子之言。凡發熱皆在陽經。而不在陰經。仲景云。少陰症。反發熱者。當用麻黃附子細辛湯。何以故。對曰。少陰發熱者。表裏皆寒。是直中而兼外感。非傳經少陰也。故用麻黃、細辛、附子。溫中發散。令表裏兩解。夫直中少陰。本無發熱。而曰反發熱者。蓋兼太陽表症也。總之。傳經入裏而發熱。清藥中必兼發散。直中入裏而發熱。溫藥中必兼發散。可見發熱屬表症。無可疑惑。故曰三陰無頭痛。無身熱。

惡寒。問曰。惡寒何以是表症。答曰。人身外爲陽。爲表。寒邪屬陰。由表虛爲寒所乘。名曰陰盛陽虛也。陽虛不能溫其膚衛。致表空虛。雖在密室。亦引衣蓋覆。謂之

惡寒。經云。陰盛陽虛。汗之則愈。故惡寒屬表症。又問曰。諸書言裏症亦惡寒。何也。答曰。裏症惡寒。直中也。非傳經也。傳經入裏。則爲熱邪。必然惡熱。豈有惡寒之理。然太陽惡寒。與直中惡寒。何以別之。病人頭痛發熱而惡寒者。表症也。無頭痛發熱而惡寒者。直中裏症也。經曰。發熱惡寒發於陽。無熱惡寒發於陰也。又問曰。陽明腑病。口燥渴而背微惡寒者。豈非傳經裏症乎。答曰。惡寒者。表未盡也。因其燥渴之甚。故用白虎加人參湯。此活法也。仲景云。發熱無汗。表未解者。不可與白虎湯。渴欲飲水。無表症者。白虎加人參湯主之。此症微惡寒。則表邪將解。口燥渴。則裏熱已熾。故用此方。設口不燥渴。亦安得而用之乎。又問曰。誤下而成結胸。脹痛甚急。倘惡寒者。何以治之。答曰。結胸爲醫誤下而成。今惡寒者。是表邪未盡結於胸中。必先解表。方服陷胸湯丸。若誤攻之。表邪又結於胸。則更危矣。故結胸症有一毫惡寒。必先散之。而後攻之。可見惡寒屬太陽表症也。

喘。問曰。喘何以是太陽症。答曰。肺主皮毛。司氣之升降。寒邪侵於皮毛。肺氣不得升降。故喘。試以麻黃湯論之。內有杏仁。爲定喘設也。又云。喘家作桂枝湯。加厚

樸杏子佳。明言喘屬表邪也。又問曰。喘既爲肺。爲表。指掌賦云。喘滿而不惡寒者。當下而痊。何也。答曰。傳經裏症。內熱閉結。大便不通。熱氣上衝。致肺金清肅之令。不得下行。因而喘急。此因胃熱攻肺。故可下之。俾其熱氣流通。而喘定矣。然或有惡寒等症。則不可遽攻。恐成逆候。又問曰。陰症喘促者。何以治之。答曰。陰症喘者。乃少陰中寒。真陽衰微。腎不納氣。以致四肢厥冷。脈沉細。氣促而喘急。宜理中。四逆以溫之。入味以佐之。若汗出髮潤。喘不休者。爲難治也。

脈浮。問曰。脈浮何以是太陽表症。答曰。按之不足。舉之有餘。故曰浮。內經曰。寸口脈浮。主病在外。浮而緊者爲傷寒。浮而緩者爲傷風。皆主表邪也。設若邪氣入裏。則脈必沉。又焉得浮。故浮脈爲太陽表症。又問曰。脈浮固屬表症。倘裏症見而脈尙浮者。治當何如。答曰。裏症脈浮。恐表邪未盡也。必先解表而後攻裏。書云。解表不開。切勿攻裏。仲景云。結胸症。脈浮者不可下。可見脈浮爲在表矣。然有表症已罷。便閉譫語。腹痛口渴。而脈尙浮者。又當從權下之。仲景云。脈浮而大有熱屬臟者。攻之不令發汗。此之謂也。此取症不取脈也。

脈伏。問曰。脈不出。何以是表症。答曰。脈者。血之府。熱則血行。豈有脈伏之理。惟表

受寒深。故脈伏。一手無脈曰單伏。兩手無脈曰雙伏。外顯太陽症。而脈伏不出者。寒氣閉塞也。然此實將汗之機。欲愈之候也。書云。天氣燠蒸。必有大雨。雨過而天氣清。猶汗出而精神爽也。又問曰。裏症脈伏者。何也。答曰。裏症脈伏。惟直中有之。亦寒氣閉塞也。宜用四逆湯加豬膽汁。葱白以溫之。若傳經裏症。則屬熱。熱則血行。何得脈伏。又問曰。亦有陽症脈伏者。何也。答曰。陽症脈伏者。乃鬱熱極深。反見假寒之象。脈瀯滯之甚。似伏而非伏也。然必有脣焦口燥。飲冷便閉諸症。與陰寒脈伏者相隔霄壤。又或有痛處。痛極則脈伏。痛止則脈出也。至於尋常脈伏。非表症即直中矣。

陽明經症

陽明經病。目痛鼻乾。脣焦嗽水不欲嚥。脈長。此陽明本經症。其經去太陽不遠。亦有頭痛發熱。宜用葛根湯解肌。不可誤認爲腑病。而用清涼攻下之法。

葛根湯

葛根二錢

升麻

秦艽

荆芥

赤芍藥各一
生薑二片

蘇葉

白芷各八分

甘草五分

右水煎服。若無汗而口渴者。加知母。自汗而口渴者。加石膏、人參。凡陽明症。口渴之甚。即爲入腑。故加入清涼之藥。若自汗而口不渴者。乃陽明經中風。去蘇葉。加桂枝。若春夏之交。惟恐夾雜溫暑之邪。不使用桂。加白朮一錢五分。目痛、鼻乾。問曰。目痛、鼻乾。何以知邪在陽明經也。答曰。目、鼻者。足陽明胃所布之經絡也。經云。陽明之脈。起於鼻。交額中。旁納太陽之脈。連目眦。下循鼻外。入上齒中。挾口環脣。邪氣傳之。則目痛、鼻乾。至於他經。各行其道。何目痛、鼻乾之有。脣焦。漱水不欲嚥。問曰。脣焦。漱水不欲嚥。何以知邪在陽明經也。答曰。脣者。陽明經所過之地也。今脣焦。漱水以潤之。是知邪在陽明經絡中。然不欲嚥者。則知本腑無熱。表病而裏和也。又問曰。表症既除。重症已見。或亦有漱水而不嚥者。治法從表乎。從裏乎。答曰。既無表症。裏必有熱。熱則能消水。漱當嚥下。若不嚥者。是內有瘀血也。何以知之外無表症。小腹硬滿而痛。小便不利。大便黑色。是也。當用桃仁承氣湯攻之。總之。腹滿而痛。小便不利。是燥糞也。大便自如。小

便不利。此溺瀉也。今小便自利。腹中硬痛。其爲瘀血明矣。
脈長。問曰。尺寸俱長。何以知邪在陽明經也。答曰。長者泛溢也。言脈過於本位也。
陽明爲氣血俱多之經。邪一傳之。則血氣淖溢。故尺寸俱長。又問曰。脈長者邪
在陽明。而用藥有葛根承氣白虎不等者何也。答曰。陽明用葛根者。治陽明經
病也。陽明用承氣者。治陽明腑病。邪氣結實也。不用葛根承氣而用白虎者。治
陽明經病。初傳於腑。邪未結實也。陽明經病。目痛鼻乾。漱水不欲嚥。而無便閉
譫語燥渴之症。是爲表病裏和。則用葛根湯散之。假如邪已入腑。發熱轉爲潮
熱。致有譫語燥渴便閉腹脹等症。是爲邪氣結聚。則用承氣湯下之。假如陽明
經病。初傳於腑。蒸熱自汗燥渴譫語。而無便閉腹脹之症。是爲散漫之熱。邪未
結實。則用白虎湯清中達表而和解之。此治陽明三法也。倘經腑不明。臨症差
忒。誤人匪淺。因知仲景用攻者。攻陽明之腑。不攻陽明之經。用表者。表陽明之
經。非表陽明之腑。辛涼和解者。治腑病散漫之邪。大便未結。腹無所苦也。此陽
明經腑之說所宜急講也。

少陽經症

少陽經症。目眩、口苦、耳聾、胸滿、脇痛、寒熱往來、嘔吐、頭汗、盜汗、舌滑、脈弦。此少陽經受病。宜用小柴胡湯和解之。仲景云。少陽症但見一二症。即是不必悉具。此經有三禁。吐、汗、下是也。然少陽有兼表兼裏者。務在隨時變通。不得以三禁之說而拘泥也。

小柴胡湯

柴胡二錢

赤芍五錢

甘草

半夏錢各一

黃芩五錢

人參五分

生薑二片

大棗三個

水四鍾。煎二鍾半。溫服。若胸中煩而不嘔。是熱氣結聚。去半夏。人參加枳實以瀉熱。若渴者。是津液少。去半夏。加栝蒌根。倍人參以生津液。若腹中痛。是邪氣壅。去黃芩。加白芍藥以通壅。若脇下痞硬。去大棗。加牡蠣以稟堅。若心下悸。小便不利。是水氣。去黃芩。加茯苓以滲泄。若不渴。外有微熱。是表邪未解。去人參加桂枝以解肌。若欬者。為肺寒氣逆。去人參。大棗。黃芩。加前胡。橘皮。乾薑以散寒降氣。

耳聾。問曰。耳聾何以是少陽症。答曰。足少陽膽經。上絡於耳。邪在少陽。則耳聾也。

又問曰。厥陰亦耳聾。何也。答曰。肝膽相爲表裏。肝病連膽。故亦耳聾也。但少陽耳聾。必往來寒熱。厥陰耳聾。則舌蹇囊縮。自有別耳。

胸滿。問曰。胸滿何以是半表半裏症。答曰。胸半以上。乃清陽之分。正在半表半裏。邪至此。將入裏而未深入於裏也。故胸滿而腹未滿者。乃邪氣而非有物也。若腹中脹滿。則爲有物矣。又問曰。痞氣亦胸前脹滿。何以別之。答曰。邪入三陰經。而未結聚成實。醫遽下之。致成痞氣。必須問其曾經下否。若經下而後胸滿者。痞氣也。若未經下而胸前脹滿。卽屬少陽也。陶氏治法。少陽症兼胸滿者。小柴胡加枳桔。如未效。本方對小陷胸湯一服。如神爲妙。是知用藥亦自有相通者。脇痛。問曰。脇痛何以是半表半裏證。答曰。足少陽膽經布之脇下。故有脇痛。至於他經。或出於顛背。或布於面目。則無此症。又問曰。水氣亦有脇痛。何也。答曰。水氣脇痛。必見乾嘔。咳引脇下痛。小半夏加茯苓湯主之。極重者。十棗湯攻之。若半表半裏脇痛。外必兼見少陽症。

目眩。口苦。問曰。目眩。口苦。何以是半表半裏症。答曰。目者肝之竅也。膽附於肝。今少陽膽病。故目眩。口苦者。膽之汁也。熱泄膽汁。故口苦。凡目眩口苦者。卽是少

陽半表半裏症。當和解之。

嘔吐。問曰。嘔吐何以是半表半裏症。答曰。邪氣將入裏。裏氣上衝。邪正分爭。故嘔吐。仲景云。傷寒三日。三陽爲盡。三陰當受邪。其人反能食而不嘔。此爲三陰不受邪也。由此觀之。是知嘔吐者。邪氣入陰之機。然猶在將入未入之間。故和解可愈也。然亦有胃熱而嘔者。有胃寒而嘔者。有停飲而嘔者。有食積而嘔者。病人口燥渴。嘔吐黃水者。胃熱也。嘔吐清涎沫。口鼻氣冷。手足厥冷者。胃寒也。渴飲水而復嘔。咳引脇下痛者。停飲也。嘔吐飲食。胸膈脹痛。吞酸噯腐者。食積也。以此爲別。

往來寒熱。問曰。寒熱往來。何以是半表半裏症。答曰。人身外陽內陰。足少陽膽經。正陰陽交界之所。邪傳至此。陰陽相爭。故寒熱往來。又問曰。陽明亦有寒熱往來。何也。答曰。陽明經病。邪在肌肉中。則身發熱。焉得有往來寒熱。由少陽傳入陽明之腑。表症未除。裏熱已結。故兼見往來寒熱。當用大柴胡湯攻之。書曰。陽明內實。則爲寒熱往來。此說非也。蓋由少陽邪氣未除。故見寒熱。並非陽明正病也。

頭汗。問曰。頭汗何以是半表半裏症。答曰。諸陽經上至於頭。則有頭汗。若諸陰經。皆至頸而還。則頭無汗。故見頭汗出。即半表半裏症。又問曰。諸陽脈上至於頭。今頭汗出。當是表症。何以爲半表半裏也。答曰。若是表症。尙有寒邪閉塞。焉得有汗。今既有汗。是寒邪將化爲熱也。但名曰裏症。則頭與身皆出汗。但名曰表症。則頭無汗。故曰半表半裏也。又問曰。瘀血發黃。水氣皆有頭汗出。何也。答曰。瘀血頭汗出。小便自利。小腹滿痛。大便黑色。發黃。頭汗出。小便不利。目珠黃。水氣頭汗出。胸脇痞滿。咳引脇下痛。若少陽症頭汗出。必見往來寒熱諸症。以此爲別。

盜汗。問曰。盜汗何以是半表半裏症。答曰。熱邪熏灼。腠理開。令人自汗。寒則腠理閉塞而無汗。今汗睡而出。覺而收。是邪將盛於陰。而未深入於陰。故曰半表半裏也。又問曰。雜症盜汗。何也。答曰。雜症盜汗。乃陰虛之症。傷寒盜汗。乃外感之邪。自不同類。

舌胎滑。問曰。舌胎滑。何以是半表半裏症。答曰。舌司腸胃寒熱之變。在表則津液如常。在裏則胎燥黃黑。今舌胎滑。尙有津液。但不如常。是邪將入腑。而未深入

於腑也。既不在表。亦不在裏。故曰半表半裏症。

脈弦。問曰。脈弦何以是半表半裏症。答曰。弦者。肝之本脈也。肝膽相爲表裏。且膽爲乙木。木主風。於時爲春。故脈弦也。太陽脈浮。陽明脈長。少陽脈弦。此三陽診候之法也。

太陰經症

太陰經病。自古混同立言。故方藥多錯亂。今細按之。有三法焉。夫太陰有傳經之邪。有直中之邪。有誤下內陷之邪。不可不辨也。如經所謂腹滿噎乾者。此傳經之陽邪也。法當用小柴胡去人參加芍藥以和之。不已。則下之。經又謂腹滿而吐。食不下。自利益甚。時腹自痛者。此直中之寒邪也。法當理中湯以溫之。又謂太陽症。醫反下之。因而腹滿時痛者。此誤下內陷之邪也。法當用桂枝加芍藥。大實痛者。桂枝加大黃湯。以是知傳經之邪。宜用大小柴胡輩。直中之邪。宜理中。誤下內陷之邪。宜用桂枝湯加減法。今先舉傳入太陰者言之。其見症也。腹滿痛。噎乾。脈沉實。大柴胡湯主之。若自利。去大黃。加黃連以清之。

大柴胡湯

柴胡五分

半夏洗七

黃芩

芍藥各二

枳實一錢

大黃二錢

水煎服。若兼寒熱往來。加生薑五分。大棗三個。

腹滿痛。問曰。腹滿痛。何以是太陰症。答曰。脾為坤土。坤為腹。陰中之至陰也。邪氣

傳之。則腹滿而痛。又問曰。腹滿既為裏症。當投大黃。而先用柴胡。芍藥者。何也。

答曰。此少陽傳入太陰者也。少陽之邪。傳入太陰。肝木乘脾。致成腹痛。故用柴

胡加芍藥以和之。痛甚者。加大黃以下之。又如太陽症為醫誤下。以致邪氣內

陷而成腹痛。用桂枝湯加芍藥。大實痛者。桂枝湯加大黃。意正相等。然腹痛雖

屬太陰。又有傳經直中之分。大抵傳經之邪。由三陽傳入。直中之邪。猝然驟至

也。傳經之邪。則脈沉實。直中之邪。則脈沉細也。傳經之邪。則噤乾口燥。直中之

邪。則口鼻氣冷也。以此為別。

下利。問曰。自下利。何以是太陰症。答曰。下利出於腸胃。熱傳脾藏。熏灼腸胃。故有

下利。又問曰。三陽合病。以及少陽陽明合病。俱有下利。何也。答曰。三陽合病。有

下利者。外合三陽之經。內合陽明之腑也。少陽陽明合病。自下利者。亦合陽明之腑也。陽明內主胃腑。故有下利。若不入腑。必無下利。今少陽之邪。傳入太陰。太陰爲臟。與腑相連。故有下利也。但宜分傳經直中。傳經則下利腸垢。直中則下利清穀。寒熱之藥。由此而分。不可不謹。

脈沉實。問曰。脈沉實。何以是太陰熱症。答曰。沉者病脈也。主病在裏。實者有力也。主病爲熱。今脈沉實。故知太陰經有實熱也。

少陰經症

少陰經病。有傳有中。今先舉傳經者言之。其見症也。口燥咽乾而渴。或咽痛。或下利清水。色純青。心下硬。或下利腸垢。目不明。大小承氣湯並主之。

小承氣湯 治邪傳少陰。口燥咽乾而渴。或目不明。宜急下之。

大黃三錢 厚朴一錢 枳實五錢

水煎服。加芒硝三錢。即大承氣湯。

甘桔湯 治少陰咽痛。

甘草三錢

桔梗三錢

水煎服。按本方加大力子三錢炒研。薄荷葉五分更效。若不瘥。對前小承氣湯服。

口燥咽乾而渴。問曰。口燥咽乾而渴。何以屬傳經少陰也。答曰。少陰之脈。循喉嚨。挾舌本。熱邪傳入少陰。消爍腎水。則真水不得上注於華池。故乾燥異常而渴之甚也。須急下之。以救腎家將涸之水。又問曰。腎氣虛寒而亦口渴者。何也。答曰。腎者。水臟也。虛故引水自救。小便必色白。白者。因下焦虛有寒。不能制水。故令色白也。若傳經熱邪。則小便短濇而赤。且傳經症。口燥咽乾。舌燥唇焦。而渴之甚。腎氣虛寒。則無此等熱症。惟見頻飲熱湯以自灌而已。又或思飲冷而不能下咽。此內真寒而外假熱之候。與口燥咽乾而渴。相隔霄壤。

咽痛。問曰。咽痛何以屬傳經少陰症。答曰。咽者。少陰經脈所過之地也。熱邪攻之。則咽痛。又問曰。寒症亦有咽痛。何也。答曰。寒邪直中下焦。逼其無根失守之火。發揚於上。亦令咽痛。然必有下利清穀。四肢厥冷等症。不若傳經熱邪。口燥咽乾而渴之甚也。

下利清水。問曰。下利清水。何以是傳經少陰症。答曰。邪傳少陰。熱氣熏灼。結糞如磊石在內。所進湯水。不能滲入。遂從結糞空中走出。按其腹。必硬痛。宜急下之。若直中症。下利清穀。俗名漏底傷寒。設誤認此症爲漏底。而用熱藥。是抱薪救火矣。仲景云。少陰症。下利清水。色純青。心下硬痛。急下之。宜大承氣湯。正謂此也。

目不明。問曰。目不明。何以是傳經少陰症。答曰。目能照物。全在瞳人。瞳人屬水。邪氣熏灼。則腎水枯涸。不能照物。故知目不明。屬少陰熱邪。宜急下之。以救腎家將絕之水。又問曰。虛症亦有目不明。何也。答曰。虛症目不明者。氣弱也。血枯也。丹溪用人參膏補氣也。六味地黃湯補血也。此皆內傷之治法。若傷寒目不明。實爲熱邪消燦。腎水急宜清涼攻下。以救援也。如大便自利。腹無所苦。則用三黃解毒湯清之。大便秘利。腹中硬痛。則用承氣下之。不可緩也。

厥陰經症

厥陰經病。亦有傳有中。今先舉傳經者言之。其見症也。少腹滿。舌蹇囊縮。煩燥。厥

逆、消渴。大承氣湯主之。

大承氣湯

陰見少

少腹滿。問曰。少腹滿。何以是傳經厥陰症。答曰。胸膈以上。乃清陽之分。爲少陽之分野。胸膈以下。少腹以上。乃清濁交界之所。爲太陰之分野。當臍者。少陰之分野。少腹者。厥陰之分野。傷寒傳至厥陰。少腹脹滿。乃濁陰凝聚。實爲有物矣。宜急下之。又問曰。瘀血與溺瀦。亦少腹滿。何也。答曰。瘀血者。太陽膀胱經蓄血也。溺瀦者。太陽膀胱經蓄水也。膀胱系於臍下。故少腹滿也。但蓄血症。少腹滿。小便自利。大便黑色。溺瀦症。少腹滿。小便不利。大便如常。若邪傳厥陰。則大便閉結。小便短赤。是爲燥糞症也。且厥陰必有煩滿囊縮。厥逆消渴諸症。與太陽膀胱經症。迥然不同也。

舌蹇囊縮。問曰。舌蹇囊縮。何以是傳經厥陰症。答曰。肝主周身之筋。熱邪內灼。則津液枯。不能榮養於筋。故舌蹇而囊縮。宜急下之。又問曰。直中症。亦舌轉囊縮。何也。答曰。直中於寒。陽氣衰微而斂縮。此冬令萬物閉藏之像。今內熱消爍。此夏令津液乾枯之象。然直中症。脈必沉遲。或見下利清穀。口鼻氣冷。諸寒症。邪

傳厥陰。必煩滿消渴之極。或脣焦口燥。身如枯柴。行情大不相同。且直中症舌雖短縮而潤澤。邪傳厥陰。則舌斂束如荔枝。必然焦燥無津液。又問曰。婦人之診如何。答曰。婦人乳縮。男人囊縮。先驗其舌。已自明白。不待細問矣。是以傷寒驗舌之法。不可不講。

厥逆問曰。厥逆何以屬傳經厥陰症。答曰。傷寒之邪。自表入裏。邪在三陽。則手足熱。傳至太陰。則手足溫。至少陰。則漸冷。至厥陰。則逆冷矣。所謂熱深厥亦深是也。蓋自熱至溫。自溫至厥。自厥而至逆冷。乃傳經之邪。由淺入深。是知厥逆屬傳經厥陰症。又問曰。寒症厥逆者何也。答曰。直中寒邪。初時即厥。不比傳經之厥。以漸而至也。又問曰。仲景云。發熱四日。厥反三日。復熱四日。厥少熱多。主病當愈。厥四日。熱反三日。復厥四日。厥多熱少。其病當進。何謂也。答曰。此指熱厥而言也。傷寒發熱者。其熱尚淺。傷寒發厥者。其熱更深。所謂熱深厥亦深。熱微厥亦微也。厥少熱多。則熱漸退。厥多熱少。則熱更進也。至於直中寒邪。初起即厥。不比傳經熱邪。初時發熱。而後至於厥。厥與熱復相間互發。而進退無常也。消渴問曰。消渴何以屬厥陰熱症。答曰。消渴者。熱甚能消水也。邪傳太陰。則噎乾。

未甚渴也。至少陰。則口燥舌乾而渴。至厥陰。則消渴矣。消渴者。飲水多而小便少。不知消歸何有也。可見厥陰熱甚。則大渴而能消水也。又問曰。三陽經亦口渴。何也。答曰。太陽症。本無渴。其小便不利而渴者。太陽腑病也。外顯太陽症。而又兼口渴。故用五苓散。以分利之。俾小便通而渴自止矣。陽明經病。亦無渴。不過脣焦漱水爾。其有渴者。則陽明腑病也。邪未結聚。熱勢散漫。而口渴者。白虎湯。邪已結實。腹脹便閉。而口渴者。承氣湯。此陽明腑病之治法也。至於少陽。乃表裏交界之所。在表爲寒。在裏爲熱。兼有口渴者。驤驤乎欲入裏矣。故於小柴胡中。去半夏。加栝蒌根。以清其熱。倍人參。以生津液。此少陽經之治法也。至於太陰。雖噤乾而渴。猶未甚也。少陰則燥渴。渴漸甚矣。厥陰則消渴。渴之至而無復加者也。又問曰。陽明腑病。口大渴。與厥陰消渴。何以別之。答曰。陽明居中土也。萬物所歸也。三陽三陰之邪。皆得傳之。今厥陰經消渴者。陽明胃中消之也。夫飲與食。皆入胃者也。胃熱則消。胃寒則不能消也。厥陰邪熱極盛。攻入胃腑。則消渴之症生。非厥陰肝經另有一口。而能飲能消也。因其有囊縮煩滿。厥逆諸症。故名曰厥陰。因其由厥陰症而發消渴。故以消渴屬厥陰也。又問曰。熱甚

亦有不渴者何也。答曰。此熱極神昏。不知渴也。其始極渴。其後則不知渴。口燥唇焦。身如槁木。勢亦危矣。又問曰。直中寒症。亦有渴者何也。答曰。此陰盛隔陽於上。渴欲飲水。而不能飲。名曰假渴。其人煩躁。欲坐臥泥水之中。此內真寒而外假熱也。又或因汗下重亡津寒。胃中乾燥。致令思水。所飲常少而喜溫。又少陰症。腎經虛寒。頻飲熱湯以自救。乃同氣相求之理。但小便色白。而外見清穀厥逆諸寒症。以上諸症。與厥陰囊縮而消渴者。相隔千里。是不可以不辨。

太陽腑病

太陽腑者。足太陽膀胱是也。膀胱有經有腑。邪在於經。則頭痛發熱。邪在於腑。則口渴溺赤。外顯太陽經病。而兼口渴溺赤者。此溺瀆不通。乃太陽腑病。與他臟無涉也。五苓散主之。若表症未罷。可與散劑同用。

五苓散

茯苓三錢
白朮一錢五分

猪苓

澤瀉各八分

桂枝一錢

水煎服。以利爲度。愚按前症。自汗脈浮者。由中風入本腑。可用此方。無汗脈緊者。由傷寒入本腑。卽於香蘇散中。加茯苓。澤瀉。應手而效。口渴溺赤。問曰。膀胱有水。何以反渴也。答曰。水有清濁。濁水不去。則津液不生。故渴也。且水停有濕。邪入則熱。濕熱相聚則渴。今分利之。俾濕熱流通。而渴自止矣。若病在經而未入腑者。切不可用滲利藥。反引邪氣入本腑也。

陽明腑病

足陽明胃。有經有腑。經者。徑也。猶路徑然。腑者。器也。所以盛水穀者也。邪在於經。不過目痛鼻乾。脣焦嗽水而已。邪既入腑。則潮熱譫語。狂亂不得眠。煩渴自汗。便秘。諸症生焉。白虎湯。承氣湯。並主之。但陽明腑病。有由本經入本腑者。有由太陽少陽入本腑者。有由三陰經入本腑者。來路不同。見症則一。治者詳之。

白虎湯方。治陽明腑病。脈洪大。蒸熱。潮熱。譫語。燥渴。自汗。或胃熱發斑。但腹中未堅硬。大便未閉結。此陽明散漫之熱。邪未結聚。故用本方辛涼和解之劑。

石膏五錢

知母三錢

甘草二錢

粳米一撮

水煎服。若熱甚者。倍之。大法自汗多者。加人參。名人參白虎湯。挾濕者。加蒼朮。名蒼朮白虎湯。治濕溫症。按此方必燥渴潮熱。自汗脈洪。有此八字。方可與之。若表症仍在。而不燥渴者。切不可用也。又太陽症。發熱而渴。小便不利者。為膀胱腑病。不可與白虎湯。若直中陰寒。面赤煩熱。似渴非渴。欲坐臥泥水中。此真寒假熱之症。必須溫補。又有血虛發熱。症像白虎。宜用當歸補血湯。若誤投石膏。知母。則傾危可立而待矣。

調胃承氣湯 治陽明腑病。潮熱。譫語。便閉。繞臍硬痛。為有燥屎。此結聚之熱。邪已堅實。宜下之。

大黃三錢

芒硝二錢

甘草五分

水煎服。本方去甘草。加枳實、厚朴。名大承氣湯。竊按枳實消痞。厚朴去滿。芒硝潤燥。大黃瀉實。必痞滿燥實四症兼全者。方可用也。若痞滿而未燥實者。宜用小承氣湯。不用芒硝。恐傷下焦陰血也。燥實而未痞滿者。即用本方。不用枳樸。恐傷上焦陽氣也。

論承氣湯有八禁

一者表不解。惡寒未除。小便清。長知不。

二者心下鞭滿。心下滿。則邪氣尚淺。若

三者合面赤色。面赤。色為邪在表。浮火聚於上。而未結於

四者平素食少。或病中反能食。平素食少。則胃氣虛。故不可攻。然腹中有燥屎。亦

未可攻也。

五者嘔多。嘔吐屬少陽。邪在

六者脈遲。遲為寒。攻之則呃。

七者津液內竭。病人自汗。出小便。宜蜜煎導。而通之。

八者小便少。病人平日小便。宜姑待之。不可妄攻也。知其

潮熱。問曰。潮熱何以屬陽明腑症。答曰。潮熱者。如潮之汐。不失其時。今日午後發

熱。明日亦午後發熱。故名潮熱。若一日發至晚者。便是發熱。而非潮熱矣。若寒

熱相間。便是往來寒熱矣。仲景云。其熱不潮。不可與承氣湯。可見潮熱合用承

氣湯也。又問曰。潮熱固當下。設有表症。何以治之。答曰。潮熱兼表。必先解表。然

後攻裏。若裏症甚急。則用大柴胡法。表裏並治可也。

譫語。問曰。譫語何以屬陽明腑症。答曰。心者。胃之母。肺者。胃之子。心主藏神。精明者也。肺主出聲。清肅者也。今胃中熱盛。上乘心肺。故神氣昏憤。而語言錯亂。輕則呢喃謬妄。重則喊叫罵詈。不避親疎。由其熱有輕重。故譫語亦有輕重也。又問曰。經云。譫語有虛有實者。何也。答曰。實則譫語。虛則鄭聲。譫語者。亂言無次。數數更端。鄭聲者。鄭重其辭。重疊頻言。不換他說也。蓋氣有餘。則能機變而亂語。氣不足。則無機變而只守一音也。又問曰。婦人傷寒。晝則明了。夜則譫語者。何也。答曰。此熱入血室症也。婦人經水適來。血海空虛。邪氣乘之。致有此症。治法無犯胃氣。及上中二焦。必自愈。宜用小柴胡湯。去半夏。加紅花、桃仁、生地、丹皮之屬。

狂亂。問曰。狂亂何以屬陽明腑病。答曰。重陰爲顛。重陽爲狂。諸經之狂。皆陽盛也。傷寒陽熱極盛。至於發狂。勢亦危矣。狂之發也。少臥不飢。妄語妄行。或登高而歌。棄衣而走。甚則踰垣上屋。皆陽熱亢極使之。非下不除。又太陽病不解。熱結膀胱。其人如狂。此乃下焦蓄血。少腹當鞭滿。小便自利。大便黑色。雖則如狂。初不若發狂之甚也。又有以火劫汗。遂至亡陽。發爲驚狂。有慌亂恐懼之象。實非

狂也。是知如狂者。膀胱蓄血。驚狂者。劫汗亡陽。發狂者。陽明胃腑實熱也。又問曰。寒症有發狂者。何也。答曰。此陰盛隔陽之症。其人煩躁。欲坐臥泥水中。是名陰燥。脈必沉遲。或見下利清穀諸寒症。急宜溫補。不可誤用寒涼也。

不得眠。問曰。不得眠。何以是陽明腑症。答曰。不得眠。陰陽皆有之。其狂亂不得眠者。陽明胃熱故也。經云。胃不和則臥不安。胃受熱邪故不和。不和故不眠也。若初時目痛鼻乾不得眠者。陽明經病也。葛根湯主之。若蒸熱自汗。燥渴脈洪。不得眠者。陽明經腑同病。散漫之熱也。白虎加人參湯主之。若潮熱自汗。便閉譫語。不得眠者。陽明腑病結聚之熱也。調胃承氣湯下之。若傷寒邪氣已解。或因食復。遂至煩悶。乾嘔口燥。飲冷不得眠者。以保和陽加苓連主之。又問曰。不眠固屬熱症。有投寒藥轉甚者。何也。答曰。因汗下重亡津液。心蘊虛煩。致不得眠。宜用酸棗仁湯。或真武湯主之。不眠似屬尋常。若少陰脈沉細。自利厥逆。煩躁不得眠者。爲難治也。

燥渴。問曰。燥渴何以屬陽明腑症。答曰。寒邪在表。則不渴。邪氣傳裏。化而爲熱。則渴。太陽症有口渴者。膀胱腑病也。其渴微。陽明經病。但漱水爾。不爲渴也。入腑

則大渴矣。少陽症但口苦亦無渴。其有渴者。將轉入陽明也。仲景云。服柴胡湯已而渴者。屬陽明也。三陰皆有渴。因其連於胃腑故渴也。是知燥渴的屬陽明症。餘詳辨厥陰症消渴條下。

自汗問曰。自汗何以是陽明腑病。答曰。傷寒在表。則腠理緻密而無汗。入腑則熱氣發越。而汗自出矣。今無汗忽變爲有汗者。乃熱邪入腑熏蒸。如鼎沸然。故令汗出也。又問曰。自汗有用桂枝及桂枝加附子湯者。何也。答曰。自汗用桂枝者。太陽傷風症也。用桂枝加附子湯者。因發汗太多。遂漏不止。惡風寒而爲表虛也。若陽明腑病。燥渴譫語。孰敢用桂枝者。仲景於桂枝加附子條下。註曰。不嘔不渴。可見陽明燥渴。則無用桂枝之理矣。大抵頭痛發熱。悉具者。傷風自汗也。因發汗遂漏不止者。陽虛自汗也。煩燥口渴。能消水。不惡風寒。而反惡熱者。陽明腑病自汗也。又問曰。直中症亦自汗。何也。答曰。直中症。令汗自出。脈沉遲。手足厥冷。乃真陽衰微之象。與陽明胃熱自汗熏蒸騰沸之狀。天淵相隔矣。又問曰。中暑自汗。亦口渴。何以別之。答曰。中暑自汗。口雖渴。脈必弦細。乾遲也。經云。脈盛身熱。得之傷寒。脈虛身熱。得之傷暑。實者人參白虎湯。虛者十味香薷飲。

主之。

手足心腋下。有汗。問曰。手足心腋下。有汗。何以是陽明腑病。答曰。胃主四肢。爲津液之主。今熱聚於胃。致令出汗。乃津液之旁流也。經云。手足澱然汗出。大便難而譫語。宜下之。又問曰。陽明中寒。不能食。亦令手足汗出者何也。答曰。此胃中虛冷所致。與傳經熱症。便難譫語者。自是不同。

便閉。問曰。便閉何以屬陽明腑症。答曰。陽明居中土也。萬物所歸。無所復傳。傷寒三陽三陰之邪。皆得傳入。以作胃實不大便之症。法當下之。然經有八禁。詳例於前。不可不辨。

轉失氣。問曰。轉矢氣。何以屬陽明腑症。答曰。失氣者。氣下泄也。病人內有燥糞。結而不通。則氣常下失。仲景云。欲行大承氣。先與小承氣。腹中轉矢氣者。方與大承氣湯。若不轉失氣。慎未可再攻。是知轉矢氣。屬陽明腑也。

論裏中之裏

傷寒之邪。三陽爲表。三陰爲裏。人皆知之。而裏中之裏。人所不知也。何謂裏中之

裏。陽明胃腑是也。三陽三陰之邪。一入胃腑。則無復傳。故曰裏中之裏也。或謂三陰經臟也。陽明胃腑也。豈有腑深於臟者乎。答曰。陽明居乎中土。萬物所歸。無所復傳。猶之谿谷。爲衆水之所趨也。夫以陽經與陰經較。則三陰爲深。以陰經與胃腑較。則胃腑爲尤深也。三陽三陰之經。環繞乎胃腑。處處可入。有自太陽入腑者。有自本經入腑者。有自少陽入腑者。有自太陰入腑者。有自厥陰入腑者。一入胃腑。則無復傳。故曰裏中之裏也。治傷寒者。先明傳經直中。卽於傳經之中。辨明表裏。更於表裏之中。辨明裏中之裏。如此則觸目洞然。治療無不切中矣。

復論陽明本症用藥法

陽明有經有府。陽明經病。發熱頭痛。目痛鼻乾。脣焦漱水。宜解肌。葛根湯。陽明經病傳腑。蒸熱自汗。口渴飲冷。白虎加人參湯。此散漫之熱。可清而不可下。陽明腑病熱邪悉入於裏。其症潮熱譫語。腹滿便閉。宜攻之。調胃承氣湯。此結聚之熱。徒清無益也。夫病當用承氣而只用白虎。則結聚之熱不除。當用白虎而遽用承氣。

則散漫之邪。復聚而爲結熱之症。夫石膏、大黃。同一清劑。而舉用不當。尙關成敗。何況寒熱相反者乎。甚矣司命之難也。

論陽明兼症用藥方

或問經曰。有太陽陽明。有少陽陽明。有正陽陽明。何也。答曰。太陽陽明。由太陽經傳入陽明之腑也。少陽陽明。由少陽經傳入陽明之腑也。正陽陽明。由陽明本經而傳入本腑也。大法太陽陽明。太陽症不解。必從太陽解表爲主。若表症不解。醫誤下之。轉屬陽明。宜下之。小承氣湯。若因誤下而成結胸。先服小陷胸湯。若不瘥。再服大陷胸湯。餘邪未盡。投以枳實理中丸。應手而愈。少陽陽明。脈純弦者。名曰負。負者勝負也。爲難治。若少陽症多者。必從少陽和解爲先。小柴胡湯。若腹滿硬痛。便閉譫語者。下之。大柴胡湯。正陽陽明。在表者。葛根湯。表邪入裏未結聚者。白虎湯。邪已入腑。結聚成實者。下之。調胃承氣湯。凡用下藥。必以腹滿硬痛便閉爲主。或兼下利腸垢。或下利清黃水。色純青。心下硬。其中有燥屎也。攻之。否則雖不大便。亦未可攻。但清之潤之而已。

合病併病

合併病者。傷寒傳經之別名也。或兩經同病。名曰合病。若一經病未已。復連及一經。名曰併病。傷寒書云。三陽有合病。三陰無合病。無併病。果爾。則太陰必不與少陰同病乎。少陰必不與厥陰同病乎。且太陰病未瘥。必不至併於少陰。少陰病未瘥。必不至併於厥陰乎。若然。則三陰之症。何以相兼而併見乎。又何以三陽三陰之邪。互相交錯而爲病乎。是知合病併病。有合於陽者。卽有合於陰者。有併於陽者。卽有併於陰者。仲景謂三陽合病。閉目則汗。面垢譫語遺尿。治用白虎湯。此外合三陽之經。內合陽明之腑。故用辛涼和解之。若不入腑。白虎將焉用乎。治法不論三陽三陰。凡兩經合病。則用兩經藥同治之。三經合病。則用三經藥同治之。若一經病未瘥。復併一經。則相其先後緩急輕重而藥之。斯無弊耳。然則合併病者。豈非傷寒傳經之別名歟。

直中三陰諸症

直中者。初起不由陽經傳入。而徑中三陰者也。中太陰。宜用理中湯。中少陰。宜用四逆湯。中厥陰。宜用白通加猪膽汁湯。大抵臟受寒侵。不溫則殆。急投辛熱。不可遲緩。

附子理中湯 治寒邪中於太陰。嘔吐清涎沫。腹中冷痛。或下利清穀。吐蛔蟲。脈來沉細。急宜溫之。

乾薑

附子

炙甘草各一錢

人參二錢

白朮二錢

水煎服。寒甚者。加乾薑二錢。渴欲得水。加人參白朮各一錢。當臍有動氣。去白朮。加肉桂一錢。吐多者。加生薑一錢五分。下利多者。倍加白朮。悸者。加茯苓一錢五分。腹滿者。去參朮。加陳皮、半夏、砂仁各八分。附子一錢五分。蓋溫即是補。四逆湯 治少陰中寒。手足厥冷。下利清穀。脈沉細。但欲寐。

附子五錢

乾薑五錢

甘草炙二錢

水煎服。如面赤。加葱白二莖。腹痛。加白芍藥二錢。酒炒。嘔者。加生薑二錢。咽痛。加桔梗一錢。利止脈不出。加人參二錢。小便不利。身重疼痛。或眩。此為有水。

氣。去乾薑加白朮、茯苓二錢五分。生薑三片。

白通加豬膽汁湯 治少陰中寒。陰盛隔陽。熱藥相拒不入。故加寒味。以立從治之法。

附子五錢

乾薑五錢

葱白二莖

人尿半杯

豬膽汁匙五茶

水煎服。虛者加人參三錢。

理中安虯散

人參三錢

白朮

白茯苓

乾薑各一錢五分

川椒十粒

烏梅二個

右作一服。水二鍾。煎七分服。凡治虯不可用甘草及甜物。蓋虯得甘則動。得苦則安。得酸則靜。故也。如未止。加黃連、黃柏各三分。川椒倍之。若冷。加附子五七分。甚者倍之。

腹中冷痛。問曰。腹中冷痛。何以屬直中寒症。答曰。寒氣內攻。腹中驟然暴痛。手足口鼻但冷。或腹中寒冷。欲得熱物熨之。不比傳經腹痛。由漸而至也。且寒痛綿

綿不止。熱痛時作時止也。

嘔吐清涎沫。問曰。嘔吐清涎沫。何以是直中寒症。答曰。胃腑寒熱之氣。必見於涎沫。經曰。諸水渾濁。皆屬於熱。諸病水液澄澈清冷。皆屬於寒。今見嘔吐清涎沫。故知爲直中寒症。

下利清穀。問曰。下利清穀。何以是直中寒症。答曰。寒邪內侵。真陽衰少。無以運行三焦。腐化水穀。經曰。食下卽化腐臭而出。是有火也。食下不化。完穀而出。是有寒也。又曰。天寒則水清。天熱則水濁。今見下利清穀。卽是直中寒症。若傳經熱症。則下利腸垢。而不下利清穀矣。又問書云。邪熱不殺穀。何謂也。答曰。邪熱不殺穀者。乃火性急速。不及變化流出。然必雜於腸垢之中。不比直中寒邪。穀和清水。形如鴨澹也。

但欲寐。問曰。但欲寐。何以是直中寒症。答曰。寒邪屬陰。陰主靜。靜則多眠。若傳經熱症。則屬陽。陽主動。則令人煩躁不眠也。又問曰。表症多眠者。何也。答曰。表症多眠。是寒邪外束。陽氣不舒。必見頭痛發熱諸症。若直中多眠。則見下利清穀。手足厥冷諸症。與表邪自是不同。至於傳經裏症。則心煩惡熱。揭去衣被。甚則

膽語發狂。安得多眠。又問曰。熱症亦有昏昏而睡者。何也。答曰。此熱邪傳入心胞。令人神昏不語。或睡中獨語一二句。與之以水則嚔。不與則不思。此乃熱甚神昏。非欲寐也。又風溫症。風熱相搏。亦令神氣昏憤。其症鼻鼾。語言難出。與直中寒邪。厥逆清穀諸症。迥然大異矣。

蹇臥。問曰。蹇臥何以是直中寒症。答曰。熱則手足舒伸。寒則手足斂束。譬如春夏則萬物發舒。秋冬則萬物收藏。此定理也。又問曰。表症亦蹇臥。何也。答曰。表症有蹇臥者。表受寒侵。經絡因而斂束。法當溫散。至於直中蹇臥。必有厥逆清穀諸症相兼。須溫中為主也。又問曰。熱症亦蹇臥。何也。答曰。此熱邪消燦津液。不能榮養於筋。致有攣急之象。乃肝臟將絕。名曰搐搦。不得與蹇臥同語矣。

四肢厥冷。問曰。四肢厥冷。何以是直中寒症。答曰。四肢爲陽。寒邪屬陰。今中寒邪。則陽衰不能溫其四肢。故厥冷。其甚者。過乎肘膝。肘膝爲人之四關。今冷過之。則陰寒極矣。宜大溫之。又問曰。陽症亦厥逆。何也。答曰。此物極則反。熱極而反見厥也。凡病初起。卽厥者。寒厥也。初起發熱。日久變厥者。熱厥也。且熱厥必煩燥口渴。惡熱。小便短赤。大便或閉。或下利腸垢。脈必沉實有力。寒厥則不渴。必

惡寒身痛。小便清長。或下利清穀。脈必沉細無力。安危之機。禍如反掌。不可不辨。

身痛如被杖。問曰。身痛如被杖。何以是直中寒症。答曰。寒邪客於人。則身痛。痛如被杖。寒之極甚者也。又問曰。表症亦身痛何也。答曰。表症身痛。痛如繩縛也。裏症身痛。痛如被杖也。雖有表裏之殊。而爲寒則一也。宜急溫之。表寒則溫散。裏寒則溫中。寒氣散。痛自除矣。

囊縮。問曰。囊縮何以是直中寒症。答曰。熱主舒。寒主斂。定理也。春夏則萬物發舒。秋冬則萬物斂藏。卽此觀之。可見囊縮爲寒矣。又問曰。指掌用承氣治囊縮。何也。答曰。此傳經厥陰症也。傷寒傳至厥陰。六經已盡。厥陰者肝也。肝主周身之筋。又厥陰之脈絡陰器。因熱邪燥其津液。筋脈不榮。故舌捲而囊縮。其症必口渴煩滿。脣焦舌燥。與直中陰寒之症。迥然不同爾。

舌黑而潤。問曰。舌黑而潤。何以是直中寒症。答曰。黑者北方水色也。黑而且潤。則知其爲寒症矣。若傳經熱邪。舌胎先黃而後黑。必乾燥而無津液。此火極似水之象。譬如燔柴變炭之意。乃熱甚也。若舌黑而潤。津液如常。乃寒氣乘心。北方

之水色見也。宜急溫之。故曰舌黑而潤。爲直中寒症也。

脈沉細無力。問曰。脈沉細無力。何以是直中寒症。答曰。脈者陽氣主之也。氣盛則脈旺。氣弱則脈細。今脈沉細無力。則爲中寒無疑矣。又問曰。經云。諸緊爲寒。何也。答曰。緊者。脈如引繩轉索。有風起水湧之象。北方剛勁之氣也。與數脈不同。數以至數名。緊以形象論也。經云。諸緊爲寒。寒之診不一。緊爲寒。沉細無力。亦爲寒。遲爲寒。又脈洪大搏指。按之空虛者。亦爲寒。譬如數則爲熱。洪大爲熱。沉實有力爲熱。脈瀯滯鬱而不痛者。亦爲熱。全在以症互相參考。時而捨脈從症。時而捨症從脈。活活潑潑。不膠己見。其於診法庶矣乎。

吐虵。問曰。吐虵何以是直中寒症。答曰。病人胃寒食少。蛔泛上膈。聞食臭而出。故吐蛔也。宜用理中安胃散以溫之。不可輕用涼藥。又問曰。陽症亦有吐蛔者。何也。答曰。病久胃空。既無穀氣。虵上膈求食。至咽而出。須看兼症如何。若陽黃發斑。口瘡咽燥。大渴消水。或用清劑。可以收功。然而寒症吐蛔者多。熱症吐蛔者少。最宜斟酌。

兩感

兩感者。表裏雙傳也。一日太陽與少陰同病。二日陽明與太陰同病。三日少陽與厥陰同病。如在太陽。則發熱頭痛。在少陰。則喉乾口燥。在陽明。則目痛鼻乾。在太陰。則腹滿自利。在少陽。則耳聾脇痛。在厥陰。則煩滿囊縮。表裏並傳。爲禍最速。此論傳經之兩感也。又如仲景所謂少陰症。反發熱。用麻黃附子細辛湯者。此論直中之兩感也。傳經兩感。以解表爲主。而清裏佐之。直中兩感。以溫中爲主。而發表次之。此治兩感之大法也。或問曰。太陽初得病。尙未傳經。何以卽有少陰熱症也。答曰。此溫熱之候。多有之。本有積熱在內。而外爲風寒鼓之。故表裏並見。陰陽雙傳也。其病至暴。倘治失其宜。去生遠矣。

傷寒兼症

傷寒兼症者。非傳經六經之正病。亦非直中三陰之正病。而實爲傷寒所恆有之症。故皆以兼症名之。其間有見於手經者。有因誤治而變症者。有病中調攝失宜而變症者。有病氣相傳染而變症者。臨症之時。按法取之。曲盡其情。則傷寒無餘蘊矣。

咳嗽者。肺寒也。經云。形寒飲冷則傷肺是也。肺主皮毛。寒邪侵於皮毛。連及於肺。故令人咳。宜用止嗽散。加荊芥、防風、紫蘇子主之。或問曰。少陽症與直中症。水氣症。皆令咳嗽。何也。答曰。少陽症兼咳嗽者。以其肺有寒也。仲景用小柴胡去參、棗、加乾薑者。所以溫肺散寒也。直中症兼咳嗽者。亦寒氣上束於肺也。但溫其中而咳自止。水氣症兼咳嗽者。以寒水上射於肺也。宜分表裏水氣治之。表有水氣而發熱。用小青龍湯發散以行水。裏有水氣而下利。則用本方去麻黃。加薤花以攻之。輕則用小半夏。加茯苓湯以疏之。俾水飲流通而咳自止矣。以上三症。皆感寒水之氣而咳。故謂咳爲肺寒也。又問曰。俗稱熱傷風咳嗽者。何也。答曰。熱傷風者。如冬溫之候。天應寒而反溫。自人受之。則爲頭痛、喉腫、咽乾。咳嗽之屬。與正風寒之咳稍異。又或其人素有鬱熱。而外爲風寒束之。熱在內而寒在外。諺云。寒包火是也。又問曰。咳嗽有不兼風寒而專屬火者。何也。答曰。此雜症嗽也。或夏令暑熱之火。或飲食辛辣之火。或脾肺氣虛之火。或龍雷僭上之火。皆令咳嗽。各有兼症。與傷寒鼻塞聲重、頭痛發熱、惡寒之狀。自是不同。並與熱傷風之咳迥別。宜於本門求之。不得與傷寒同日語矣。

止嗽散

桔梗五分錢

甘草五分

白前五分錢

橘紅七錢

百部五分錢

紫苑五分錢

水煎服。風寒初起。加防風、荊芥、紫蘇子。

小半夏加茯苓湯

半夏三錢

茯苓三錢

甘草一錢

生薑三片

水煎服。

咽痛有表裏寒熱之分。不可不辨也。風寒在表而兼咽痛者。此風火聚於肺也。宜用甘桔湯。加荊芥、防風、薄荷、牛蒡之類以散之。少陰表症兼咽痛者。以少陰之脈循喉嚨。挾舌本也。宜分寒熱治之。凡傳經少陰。口燥舌乾而痛者。熱也。甘桔湯主之。甚者加黃連、元參、牛蒡之屬。凡咽痛以蒡子為主。直中少陰。腎氣虛寒。逼其無根失守之火。浮遊於上。以致咽痛。必兼下利清穀。手足厥冷諸症。但溫其中而痛自止。薑附湯加桔梗主之。夫同一少陰咽痛。而寒熱之別。相隔千里。不可不察。復有陰毒陽毒咽痛者。治如少陰症。更有發汗過多。遂至汗多亡陽。

內損津液而成咽痛者。宜用參、耆、歸、朮。調補元氣。收斂汗液。而痛自除。凡咽痛。通用甘桔湯。在表者。加散藥。在裏者。分別寒熱。而加入溫涼之劑。仲景立法精粹。學者宜致思焉。

甘桔湯

見前少陰症

傷寒吐血者。熱迫血而上行也。然有表裏之殊。如當汗失汗。以致邪蘊於經而吐血者。用麻黃湯散之。後人以加味參蘇飲代之。其法至穩。若邪氣入裏。醞釀成熱。以致吐血者。宜用犀角地黄湯清之。若大便閉結。熱邪上攻者。生地四物湯加大黃下之。釜底抽薪。則火氣頓平。而釜中之水。無騰沸之患矣。切忌尋常滋補藥。姑息容奸。使邪氣流連。反成敗症。更有以熱濟熱而為動陰血者。詳辨於後。

犀角地黄湯

犀角一錢五分

生地黃四錢

牡丹皮

麥冬

白芍各一錢五分

水煎服。

衄者。鼻中出血也。寒氣初客於經。則血凝滯而不行。何得有衄。今見衄者。是寒邪將散。榮血周流。病當解也。古人謂血爲紅汗是也。然衄症亦有表裏之殊。寒邪在經。頭痛發熱而衄者。表也。宜微汗之。加味香蘇散主之。若邪氣入裏。燥渴煩心而成衄者。宜急清之。犀角地黄湯主之。或問曰。動陰血與鼻衄。何以別之。答曰。動陰血者。乃傳經裏症。熱極而反發厥。醫家誤認爲寒。投以乾薑附子。以火濟火。迫血妄行。或從耳目口鼻涌出。名曰動陰血。又謂下厥上竭。爲難治。與鼻衄症。天淵相隔矣。

便膿血者。熱迫血而下行也。此傳經熱邪所致也。法當清之。若瘀血凝聚。少腹痛。拒按。小便自利者。下之。然亦有陰寒爲病。下利膿血者。此下焦虛寒。腸胃不固。譬如天寒地凍。水凝成冰。非溫劑不化。附子理中湯加歸芍主之。斯二者。一爲血熱。一爲血寒。臨症不可不辨。

畜血者。瘀血畜於下焦也。仲景云。太陽症不解。熱結膀胱。其人如狂。血自下者愈。其外不解者。尙未可攻。當先解外。外解已。但少腹急結者。乃可攻之。宜桃核承氣湯。此表症甫除。瘀積始聚。爲畜血之輕者。故用前方。若表邪已盡。裏熱既深。

乃蓄血之重者。則用抵當湯攻之。但蓄血症。與溺瀉燥糞症。相似而不同。宜分別施治。凡傷寒少腹脹滿。按之不痛。小便不利者。為溺瀉也。若按之遶臍硬痛。小便短瀇。大便不通者。此有燥屎也。若按之少腹硬痛。小便自利。或大便黑色。喜忘如狂者。為畜血也。此辨症之大法也。

桃核承氣湯

桃仁十個

大黃二錢五分

芒硝二錢五分

甘草一錢

桂枝五分

水煎服。

抵當湯

水蛭

蟅虫各十枚
去翅

桃仁十枚

大黃五錢

水煎服。

動陰血傷寒傳經熱症。漸至手足厥冷。是為熱極而反見厥。所謂熱深厥亦深。熱微厥亦微是也。醫者不識。誤投熱藥。以火濟火。迫血妄行。其血或從耳目。或從口鼻一擁而出。名曰動陰血。又名下厥上竭。為難治。大抵傷寒初起。即發厥者。

寒厥也。初起發熱燥渴。漸次而厥者。熱厥也。寒厥者。必下利清穀。口鼻氣冷。口舌常潤。脈沉遲。熱厥者。必便閉譫語。或下利腸垢。口渴唇焦。或舌黑而燥。脈滑數。寒熱之際。明然明白。則無動陰血之禍矣。鼻鼾鼻鳴。鼻鼾者。鼻中發聲。如鼾睡也。此爲風熱壅閉。鼻鳴者。鼻氣不清。言響如從甕中出也。多屬風寒壅塞。須按兼症治之。

不能言及語言難出者。有表裏之分。其一太陽症。發汗已。身猶灼熱者。名曰風溫。其脈尺寸俱浮。自汗身重多眠。鼻息鼾。語言難出。此表邪蘊其內熱也。治用萎蕤湯。去麻黃。加秦艽主之。其一少陰病。咽中傷生瘡。不能言。古方治以苦酒湯。然苦酒湯恐傳寫之訛。宜用甘桔湯。加葶子、薄荷、元參、白前之屬以清之。復有風寒客於肺中。聲啞不能言者。當用半夏、生薑、荊防等辛溫以散之。更有中寒之症。口鼻氣冷。口噤難言者。當用溫熱之劑。大抵唇焦齒燥。舌乾口渴者。熱也。唇清口和。口鼻氣冷者。寒也。傷寒辨症。莫先於此。學者宜致思焉。

萎蕤湯

萎蕤

石膏

乾葛各一錢

白薇

羌活

杏仁

甘草

川芎各六分

防風七分用此以代麻黃爲穩當

青木香五分

水煎服。

溫瘧傷寒邪熱未除。復感風邪。變爲風瘧。溫瘧之狀。寒熱依時而作。大抵熱多寒少。或先熱後寒。每致神昏譫語。與時行正瘧不同。治用小柴胡湯去半夏。加黃連。知母。貝母以清之。然溫瘧寒熱以時。又與少陽病寒熱往來。無定時者。自是不同。

身重難轉側。身重大都屬寒。然亦有熱者。經曰。風濕相搏。骨節煩疼。不能自轉側。不嘔不渴。脈虛浮而濇者。桂枝附子湯主之。此表寒也。經曰。少陰病腹痛。四肢沉重。疼痛下利者。治以真武湯。此裏寒也。經曰。發汗已。身猶灼熱。名曰風溫。其症脈浮汗出。身重多眠。鼻息鼾。治以萎蕤湯。此表寒束其裏熱也。經曰。三陽合病。腹滿。身重。口不仁。面垢。譫語遺尿。自汗出。白虎湯主之。此表裏皆熱也。又陰陽易病。身重。少氣。少腹裏急。氣上衝胸。眼中生花。宜用附子理中湯主之。此裏虛且寒也。

真武湯見筋惕肉瞤

發黃濕熱俱盛。則發身黃。傷寒至於發黃。為病亦甚矣。熱而兼濕。如禽麕相似。日久則變為黃也。然不特濕熱發黃。而寒濕亦令人發黃。但寒濕之黃。身如熏黃。色暗而不明。濕熱之黃。黃如橘色。出染着衣。正黃如藥也。又如瘀血發黃。亦濕熱所致。瘀血與積熱熏蒸。故見黃色也。去瘀生新。而黃自退矣。

梔子柏皮湯

傷寒發熱。頭汗出。小便不利。渴飲水漿者。此鬱熱在裏。必發黃。宜

此湯主之。

梔子三錢

甘草炙一錢

黃柏二錢

水煎服。

茵陳蒿湯 身黃如橘子色。腹滿便閉者可下。

茵陳三錢

梔子二錢

大黃二錢

水煎服。小便當如皂角汁。一宿而腹減。黃從小便去也。

茵陳五苓散

陰黃之症。身冷脈沉細。乃太陰經中寒濕。身如熏黃。不若陽黃之

明如橘子色也。當問其小便利與不利。小便不利。宜本方。小便自利。茵陳朮附

湯主之。

茵陳

白朮

茯苓各一錢

猪苓

澤瀉各七

薄桂五分

水煎服。

茵陳朮附湯

茵陳一錢

白朮二錢

附子五分

乾薑五分

甘草炙一

肉桂去皮

水煎服。

瘳者。項背強。頭動搖。口噤。背反張是也。以太陽傷風。復感寒濕所致。其有汗惡風。為柔瘳。無汗惡寒為剛瘳。加減小續命湯主之。然瘳病有三陽經絡之殊。有胃腑實熱所致。有三陰中寒所發。有內傷氣血虛弱而發。不可不辨。假如頭搖口噤。背反張者。太陽瘳也。頭低視下。手足牽引。肘膝相構。陽明瘳也。若眼目斜視。一手一足搐搦者。少陽瘳也。又如口噤胸滿。臥不着席。脚攣急。大便閉結不通。必齟齬。此陽明胃腑實熱所致。宜用三乙承氣湯下之。又如發熱。脈沉細。手足

厥冷。冷汗自出者。爲陰瘧。風寒中於臟也。附子理中湯。加防風、肉桂主之。然亦有內傷發瘧者。病人肝血不足。血燥生風。目斜手搐。逍遙散加人參、桑寄生主之。經云。諸風掉眩。皆屬於肝是也。若脾虛木旺。反傷脾土。用五味異功散。加柴胡、芍藥、木香、鈎藤之屬。脾氣鬱結。用加味歸脾湯。若大病後或產後。氣血大虛。用十全大補湯。加鈎藤、桑寄生。如不應。急加附子。此治瘧病之大法也。

加減小續命湯

麻黃去節

人參

黃芩

芍藥

甘草

川芎

杏仁

防己各一錢

肉桂五分

防風一錢

附子三分

水煎服。此症若兼陽明。須加葛根、升麻。此症若兼少陽。另用小柴胡。加桂枝、鈎藤。

三乙承氣湯

大黃二錢

枳實一錢

厚樸八分

甘草一錢

元明粉一錢五分

水煎服。

斑疹。凡發斑有四症。一曰傷寒。二曰溫毒。三曰時氣。四曰陰症。傷寒發斑者。蓋因當汗不汗。當下不下。或妄投熱藥。以致熱毒蘊結。發爲斑疹。千金方云。紅赤者胃熱。紫赤者熱甚。紫黑者胃爛也。凡斑既出。須得脈洪大有力。身溫足煖爲順。若脈沉小足冷。元氣弱者。爲逆候也。凡治斑症。不宜發汗。汗之則增斑爛。又不宜早下。下早則斑毒內陷。如脈洪數。熱甚煩渴者。用三黃解毒湯。或犀角大青湯以清之。若脈弱者。加人參主之。倘昏悶譫語。大便四五日不通。以調胃承氣湯微利之。如未可下。即用前犀角大青湯加梨汁。蜜糖以潤之。大抵解胃熱胃爛之毒。必以黃連、大青、犀角、元參、升麻、真青黛、石膏、知母、黃芩、山梔、黃蘗之類。要在審察病情合宜而主之。溫毒發斑者。冬因寒而反溫。或冬令感寒。春夏之交。發爲溫熱之病。熱毒蘊蓄。發爲斑也。犀角大青湯主之。時氣發斑者。天時不正之氣也。人感之。或憎寒壯熱。發爲斑疹。凡大紅點發於皮膚之上者。謂之斑。小紅點行於皮膚之中者。謂之疹。蓋疹輕而斑重也。疹發於肺。宜用升麻葛根湯。加大力子以散之。斑出於胃。犀角大青湯以清之。若時氣傳染。中無實

熱。加味道遙散。去白朮。加元參、生地以解之。陰症發斑者。寒伏於下。逼其無根失守之火。聚於胸中。上熏於肺。致發斑點。如蚊蚤咬痕。此非斑也。與調中溫胃之劑。其點自退。理中湯主之。

三黃解毒湯

黃連二錢

黃芩

黃柏

黑山梔各一錢

水煎服。

犀角大青湯 治斑出已盛。心煩大熱。錯語呻吟。不得眠。或咽痛不利。

犀角屑

大青

元參

甘草

升麻

黃連

黃芩

黃蘗

黑山梔各一錢

水煎服。口大渴。加石膏。虛者加人參。

結胸痞氣。經云。病發於陽而反下之。熱入。因作結胸。病發於陰而反下之。因作痞。陽三陽也。陰三陰也。傷寒邪在三陽。固不可下。下之則爲結胸之惡候。即邪已入三陰。而未結聚成實。猶宜清解之。若下之太早。尙不免於痞氣。結胸症重。痞

氣較輕也。大抵從胸至腹。鞭滿而痛。手不可近者。為結胸。胸前痞滿不舒者。為痞氣。結胸症。先用小陷胸湯。如或結實難解。更用大陷胸湯攻之。痞氣症。半夏瀉心湯主之。又有水結胸症。水飲停蓄也。小半夏加茯苓湯主之。復有寒實結胸症。乃寒氣結聚。不應誤下而成。須用白散治之。凡一切結胸痞氣等症。服藥不效者。乃濁氣結而未散。活人俱用枳實理中丸。應手而愈。

小陷胸湯 本太陽症。為醫誤下。從心下至少腹。鞭滿而痛。手不可近者。為結胸。應服大陷胸湯。若手按不痛者。為小結胸。應服本方。然用藥之道。宜先緩後急。有如探試之法。

半夏湯泡二錢

黃連一錢

枳實大者一枚

三味。以水六鍾。先煮枳實減半。去渣。納諸藥。煮取二鍾。溫服。按此方加枳實一錢五分更效。

大陷胸湯 結胸症服前藥不效。須用此方。

大黃六錢

芒硝四錢

甘草

遂二錢

右三味。以水六鍾。先煮大黃減半。去渣。納芒硝。煮二三沸。和甘草末溫服。得快

利。止後服。

半夏瀉心湯 傷寒傳入三陰。而未結聚成實。醫早下之。以致胸中痞悶不舒者。為痞氣。宜用此方。

半夏洗

黃芩

乾薑各一錢

人參

甘草炙各五分

黃連一錢

大棗二枚

水煎服。本方加枳實五七分為妙。

白散湯 治寒實結胸。無熱症者。此寒痰積食結於胸中。故用此方。亦救急之良法。

桔梗

貝母各三錢

巴豆一分去皮心

右三味為末。納巴豆。更於臼中杵之。以白飲和勻。分二服。病在膈上必吐。在膈下必利。如不利。進熱粥一杯。若利不止。進冷粥一杯即止。

枳實理中丸

枳實兩錢

茯苓

白朮各二兩

甘草炙七錢

人參五錢

乾薑炮四錢

右爲末。米飲糊丸。如菉豆大。每服三錢。開水下。日二三服。以瘥爲度。

臟結。病人素有宿積。連於臍旁。更加新邪。痛引陰筋。此邪氣結實之候。爲難治。振戰慄。振者。聳動也。戰者。戰搖也。慄者。心跳也。虛症多有之。而邪正交爭。亦發戰慄也。須按兼症治之。

筋惕肉瞤。經云。陽氣者。精則養神。柔則養筋。發汗多。津液枯少。陽氣大虛。筋肉失養。故惕惕而跳。瞤瞤然而動也。急宜溫經益陽。真武湯主之。

真武湯 治傷寒發汗後。筋惕肉瞤。並治中寒下利。裏有水氣而發咳。或嘔吐腹痛。

茯苓三錢

白

芍三錢酒炒

白

朮二錢

生

薑二錢

附子炮一分

水煎服。若咳者。加五味子十粒。乾薑一錢五分。若小便利。去茯苓。若下

利。去芍藥。若嘔者。去附子。加生薑一倍。

又手冒心。發汗過多。又手自冒心。心下悸。欲得按者。桂枝甘草湯主之。驚悸。心忪也。惕惕然跳動也。有氣虛者。有汗下過多。損津液者。有水氣者。當按兼

症施治可也。

小便不利有數種。因汗下而小便不利者。津液不足也。黃疸熱病。小便不利者。鬱熱內蓄也。風濕相搏。與夫陽明中風。而小便不利者。寒氣所乘也。更有氣虛而小便不利者。宜詳辨之。

遺溺。傷寒遺溺。乃危急之候。下焦虛寒。不能攝水。多致遺溺。理中、四逆輩主之。然三陽合病。每兼此症。有用白虎湯者。此熱甚而陰挺失職也。大抵熱盛神昏者。可治。虛寒逆冷。為難治也。若雜症遺尿。多屬氣虛。參芪歸朮主之。呃逆。即餉也。氣自臍下直衝胸也。或謂欬逆即呃逆。非也。欬逆為欬嗽。與呃逆有何干涉。大法傷寒當下。失下。胃火上衝而呃者。其症燥渴內熱。大便閉結。大柴胡湯下之。便不結。瀉心湯主之。三陰中寒。胃氣欲絕而呃者。其症厥冷惡寒。下利清穀。附子理中湯。合丁香散溫之。呃止則吉。不止則凶也。

扁鵲丁香散

丁香 五個

柿蒂 五個

甘草 炙五

乾薑 一錢

為末。沸湯點服。為妙。

懊憹。懷即惱字。懷懷。心中鬱鬱不舒。比之煩悶。有甚焉者。由表邪未盡。乘虛內陷。

結伏於心胸之間也。梔子豉湯吐之。

梔子豉湯

梔子三錢

香豉五錢

水煎服。服後。隨手探吐之。若加枳實。名枳實梔子豉湯。治前症。並傷飲食。

鬱冒。昏冒而神不清。俗謂昏憤是也。經云。諸虛乘寒者。則為厥。鬱冒不仁。此寒氣上逆也。法當溫補。又陽明症。小便不利。大便乍難乍易。時有微熱。喘冒不得臥。有燥屎也。法當下之。又傷寒傳至五六日間。漸變神昏不語。形貌如醉。或睡中獨語一二句。與之以水則咽。不與則不思。醫者不識。投以承氣。則誤矣。蓋不知此熱傳手厥陰心胞絡經也。與食則咽。邪不在胃也。不與則不思。神昏故也。邪熱既不在胃。而在心胞。宜用導赤散。合黃連解毒湯以清之。

導赤散

木通一錢五分

生地三錢

赤茯苓二錢

燈心二十節。水煎服。

奔豚。氣從少腹上衝心而痛。如江豚之上竄。此下焦陰冷之氣。宜用解毒湯。加肉桂、吳萸、肉苁蓉主之。或以橘核、小茴、川練子佐之。尤效。

身熱惡寒。身寒惡熱。病人身大熱。及欲得近衣者。熱在皮膚。寒在骨髓也。身大寒。反不欲近衣者。寒在皮膚。熱在骨髓也。

竊謂身熱反欲得近衣者。傷寒外感之屬也。身寒反不欲近衣者。熱邪內鬱之候也。然亦有熱者欲得近衣。而爲內熱者。火極似水也。寒者不欲近衣。而爲裏寒者。水極似火也。是不可以不辨。

風溫濕溫。傷寒發汗已。更感於風。身灼熱者。名曰風溫。風溫爲病。脈陰陽俱浮。自汗身重。多眠。鼻息鼾。語言難出。萎蕤湯主之。濕溫者。其人常傷於濕。因而中暑。名曰濕溫。兩脛逆冷。胸滿。頭目痛。妄言。多汗。其脈陽浮而陰小。切忌發汗。汗之名重暍。爲難治。蒼朮白虎湯主之。

風濕相搏。傷寒八九日。風濕相搏。身體煩疼。不能自轉側。不嘔不渴。脈虛浮而濡者。桂枝附子湯主之。此症脈虛浮而濡。且不渴。故用此湯。若兼口渴者。則不可用也。

勞復。食復。女勞復。大病後。不宜勞動。若勞倦傷氣。無力與精神者。名曰勞復。補中益氣湯主之。若飲食傷脾。名曰食復。宜調胃氣。以消積食。枳實梔子豉湯主之。若病後犯房事。以致病復。名曰女勞復。其症頭重不舉。目中生花。腰背疼痛。小腹裏急絞痛。以人參三白湯主之。

人參三白湯

人參二錢

白朮

白芍

白茯苓各一錢

甘草炙五分

附子炮一錢

棗二枚

水煎服。

陰陽易。男子病新瘥。與女子接。其病遂遺於女。女子病新瘥。與男子接。其病遂遺於男。名曰陰陽易。其症頭重不舉。目中生花。腰背疼痛。小腹裏急絞痛。與女勞復症候相似。間有吐舌數寸者。為大危。人參三白湯主之。狐惑。狐疑不決之狀。內熱生蟲之候也。上脣有瘡。則蟲蝕其肺。名曰惑。下脣有瘡。則蟲蝕其肛。名曰狐。雄黃丸主之。

雄黃研

當歸炒各七分

檳榔五錢

蘆薈研

麝香研各二錢五分

右搗研爲末。煮麵糊爲丸。如桐子大。每服二十丸。粥飲下。日三服。

陽毒。陰毒。熱之極。寒之甚。至極而無復加者也。陽毒則斑黃狂亂。陰毒則厥逆清穀。身痛如被杖。陰陽二毒。多有兼咽痛者。各宜按症投劑。大抵五日內可治。過此恐難爲力。陽毒。梔子湯加人中黃主之。陰毒。四逆湯加蔥白主之。

梔子湯 治陽毒

梔子

赤芍

知母

大青各一錢

升麻

黃芩

杏仁

石膏各二錢

甘草五分

柴胡一錢五分

豆豉百粒

水煎服。加人中黃一錢尤效。

百合病。行住坐臥。若有神靈。其人默默然。意趣不樂。謂之百合病。用百合知母湯主之。

百合一枚

知母二錢

水煎服。

壞病。本太陽病。若發汗。若吐。若下。若溫針。仍不解者。此為壞病。桂枝不中與也。知犯何逆。隨症治之。按逆者。治不如法也。隨症治之者。見某症用某藥以救之也。古方悉以羊肉湯主之。恐未盡然。又是齋方。不論陰陽二症。或投藥錯誤。致患人沉困垂危。七日後皆可服。傳者云。千不失一。用好人參一兩。去蘆薄切。水一大升。於銀石器內煎至一盞。坐新汲水內取冷。作一服。汗不自他出。只在鼻梁尖上涓涓如水。是其驗也。余嘗用之屢效。

羊肉湯方

當歸

白芍

各一錢

牡蠣

煨一錢

生薑

二錢

桂枝五分

龍骨

煨四分

黑附子

炮五分

右為末。羊肉二兩。葱白二寸。以水四碗。熬減一半。以布濾絞去渣。溫服。

熱入血室。婦人傷寒。經水適來適斷。邪氣乘虛內陷於血海之中。以致晝則明了。

夜則譫語。如見鬼狀者。是為熱入血室。治法無犯胃氣。及上二焦必自愈。宜用

小柴胡湯。去半夏。加桃仁。紅花。生地。丹皮之類主之。

陰躁似陽躁。陰極反發躁也。傷寒陽症發躁。必口渴便閉。下利腸垢。或譫言妄語。

脈必沉實有力。若直中陰寒。不應有躁。今反煩躁者。是物極則反。水極似火也。其症口渴渴。思得水而不能飲。欲坐臥泥水之中。脈必沉遲無力。名曰陰躁。宜用溫劑。設或認為陽躁而清之。誤之甚矣。

陽厥似陰厥。陽厥者。熱極而反發厥也。直中寒邪。則手足厥冷。今傳經熱症而亦發厥者。乃物極則反。火極似水也。書云。熱深厥亦深。熱微厥亦微是也。但寒厥初病即見。熱厥則漸次而至。大不同爾。

腫有三症。太陽風濕相搏。身微腫者。宜疎風祛濕。陽明風熱。耳前後腫者。宜刺。大病瘥後。腰以下腫者。宜利小便。

除中。傷寒六七日。脈遲遲則為寒。醫者不察。反以涼藥徹其熱。腹中應冷不能食。今反能食。名曰除中。言食下即除去也。為難治。試與素餅食之。得餅發熱者。除中不發熱者。非除中也。

氣上衝心。腹裏氣時時上衝也。傷寒傳至厥陰消渴。氣上衝心。熱症也。經云。諸逆衝上。皆屬於火。是也。病如桂枝症。頭不痛。項不強。寸脈微浮。胸中痞鞅。氣上衝咽喉。不得息者。此為胸有寒也。當吐之。宜瓜蒂散。按寒字當作痰

瓜蒂散

瓜蒂炒黃 赤小豆等分

右研爲細末。取一錢。用豉一撮。湯一碗。先漬之。須臾煎成稀糜。去渣取汁。和末藥五分。溫服。藥下便臥。欲吐且忍之。良久再吐。如不吐。復如前進一服。以手指探之。即吐。如過時又不吐。飲熱湯一升。以助藥力。吐訖便可食。若服藥過多者。飲清水解之。

諸方補遺

薑附湯 溫中回陽。

乾薑三錢 熟附子三錢

水煎服。

香薷飲暑見傷 桂枝附子湯即桂枝湯加附子見太陽經症

藿香正氣散暑見傷 保和湯見心痛

補中益氣湯見類 二陳湯見中風

檳榔散見脚氣 四物湯見虛症

澤蘭湯見腰

甘草附子湯 治風濕。小便不利。大便反快。

甘草炙

熟附子各一錢

白朮

桂枝各一錢

水煎溫服。

麻黃附子細辛湯 溫經發表。

麻黃

附子各一錢

細辛五分

生薑三片

水煎服。

六味湯見類

十棗湯 水停脇下。硬滿而痛不可忍。乾嘔氣短。自汗出。不惡寒。

芫花

甘遂

大戟等分

水一鍾半。先煎大棗十枚。取八分。入藥末三分。溫服。若病不除。再服三分。

桂枝加芍藥湯見太陽

人參膏

用頂參六兩。水五碗。煎取二碗。復煎。用水二碗。煎取一碗。去渣。將三碗

參汁。合為一處。緩火煎熬。以筋嘗攪之。候汁稠厚。即成膏矣。凡救虛危將脫

之症。得此為善。

六味湯中見類

當歸補血湯 治血虛燥熱。症象白虎。誤服白虎者不治。

黃耆八錢 當歸二錢 大棗五枚

水煎服。

酸棗仁湯 治汗下後。虛煩不得眠。

棗仁炒錢一錢 甘草 知母 麥冬

茯苓各六分 乾薑二分

水煎服。

小青龍湯 治表不解。有水氣。乾嘔發熱而咳。

麻黃 桂枝 芍藥各一錢 半夏一錢五分

甘草炙 乾薑 細辛各五分 五味子七粒

水煎服。

逍遙散中見類 五味異功散

歸脾湯 十全大補湯並見
桂枝甘草湯即桂枝湯倍甘
草見太陽經症

醫學心悟卷二 傷寒兼症

醫學心悟

清 天都 程國彭鍾齡撰著

鄞縣 曹赤電炳章圈點

卷二

中風門

中風者。真中風也。有中腑、中臟、中血脈之殊。中腑者。中在表也。外有六經之形症。與傷寒六經傳變之症無異也。中太陽。用桂枝湯。中陽明。葛根湯加桂枝。中少陽。小柴胡湯加桂枝。其法悉具傷寒門。茲不贅。中臟者。中在裏也。其人眩仆昏冒。不醒人事。或痰聲如曳鋸。宜分臟腑寒熱而治之。假如其人素有積熱。或鬱火暴發。則風乘火勢。火借風威。而風爲熱風矣。爲熱風多見閉症。其症牙關緊急。兩手握固。法當疏風開竅。先用搐鼻散吹之。次用牛黃丸灌之。若大便閉結。腹滿脹悶。火勢極盛。

者。以三化湯攻之。爲寒風多見脫症。其症手撒脾絕。眼合肝絕。口張心絕。聲如鼾。肺絕。遺尿腎絕。更有兩目直視。搖頭上竄。髮直如粧。汗出如珠。皆脫絕之症。法當溫補元氣。急用大劑附子理中湯灌之。若痰涎壅盛。以三生飲加人參灌之。間亦有寒痰壅塞。介乎閉脫之間。不便驟補者。用半夏橘紅各一兩。濃煎至一杯。以生薑自然汁對沖。頻頻灌之。其人卽甦。然後按其虛而調之。然予自揣生平用附子理中治愈者甚多。其用牛黃丸治愈者亦恆有之。惟三化湯一方。並未舉用。此必天時地土人事之不同。然寒熱之劑。屹然並立。古方具在。法不可泯。故兩存之。以備參酌。中血脈者。中在經絡之中也。其症口眼歪斜。半身不遂是也。大秦芫湯主之。偏在左。倍用四物湯。偏在右。佐以四君子湯。左右俱病。佐以八珍湯。並虎骨膠丸。此治真中之大法也。

口噤角弓反張。瘳病也。但口噤而兼反張者。是已成瘳也。小續命湯。口噤而不反張者。是未成瘳也。大秦芫湯。其瘳病俱見。前傷寒兼症中。宜細加查核。不語有心脾腎三經之異。又有風寒客於會厭。卒然無音者。大法若因痰迷心竅。當清心火。牛黃丸。神仙解語丹。若因風痰聚於脾經。當導痰涎。二陳湯加竹瀝。

薑汁。並用解語丹。若因腎經虛火上炎。當壯水之主。六味湯加遠志、石菖蒲。若因腎經虛寒厥逆。當益火之源。劉河間地黃飲子。或用虎骨膠丸加鹿茸。若風寒客於會厭。聲音不揚者。用甘桔湯加疎散藥。遺尿謂之腎絕。多難救。然反目遺尿者。為腎絕。若不反目。但遺尿者。多屬氣虛。重用參耆等藥補之則愈。

桂枝湯 葛根湯 小柴胡湯俱見傷寒

搐鼻散 治一切中風不醒人事。用此吹鼻中。有嚏者生。無嚏者難治。

細辛去葉 皂角去皮弦 半夏夏五錢

為極細末。磁瓶收貯。勿泄氣。臨用吹一二分。入鼻孔中取嚏。

牛黃丸 治中風痰火閉結。或癱瘓癰瘻。語言蹇澀。恍惚眩暈。精神昏憤。不省人事。或喘嗽痰壅。煩心等症。

牛黃六錢 麝香 龍腦以上三另研 羚羊角

當歸酒洗 防風 黃芩 柴胡

白朮 麥冬去心 白芍各七錢 桔梗

白茯苓

杏

仁去皮

川芎

大豆黃卷

阿膠

蒲黃

人參去蘆

神麴各一兩二分

雄黃

甘草

白欬

肉桂去皮

乾薑

犀角

乾山藥三兩

大棗五十枚蒸

金箔

犀角

為細末。煉蜜同棗膏丸。每兩作十丸。用金箔為衣。每服一丸。溫水化下。

三化湯

治中風入臟。熱勢極盛。閉結不通。便溺阻隔不行。乃風火相搏而為熱

風者。本方主之。設內有寒氣。大便反鞭。名曰陰結。陰結者。得和氣煖日。寒冰自

化。不可誤用攻藥。誤即不能復救。慎之慎之。

厚朴

大黃

枳實炒

羌活各一錢

水煎服。

附子理中湯

見中

治寒風中臟。陰冷極盛。脫症隨見。此風水相遭。而為寒風者。

急服此藥。猶可得生。夫病屬脫症。設誤用疏通開竅之藥。如人既入井。而又加

之以石也。必須參附大劑飲之。方為合法。

三生飲 治寒風中臟。六脈沉細。痰壅喉響。不省人事。乃寒痰厥逆之候。

生南星

生烏頭去皮尖

生附子各一錢五分

生薑五片

生木香五分

水煎服。薛立齋云。三生飲乃行經絡治寒痰之涼藥。斬關奪旗之神劑。每服必用人參兩許。駕馭而行。庶可驅外邪而補正氣。否則不惟無益。適以取敗。觀先哲用耆附、朮附、參附等湯。其義可見。

大秦芎湯 治風中經絡。口眼歪斜。半身不遂。或語言蹇澀。乃血弱不能養於筋。宜用養血疏風之劑。經云。治風先治血。血行風自滅是也。

秦芎五錢

甘草炙

川芎

當歸

芍藥

生地

熟地自製

茯苓

羌活

獨活

白朮

防風

白芷

黃芩酒炒各八分

細辛二分

水煎服。如或煩躁口渴。加石膏一錢五分。陰雨加生薑三片。春夏加知母八分。竊謂本方初時宜用。若日久。則以四物、四君為主。而以風藥佐之。庶收全功。

四物湯

四君子湯

八珍湯

俱見虛症

虎骨膠丸

見痺症

小續命湯

見傷寒發瘥

六味湯

見後類中門

甘桔梗湯

見傷寒咽痛

神仙解語丹

白附子

炮

石菖蒲

去毛

遠志

去心

甘草炒

天

麻

全蠍

去尾洗

羌活

南星

牛膽製

各一多雨

木香

五錢

右爲末。麵湖丸龍眼大。每服一丸。薄荷湯下。

二陳湯

陳皮

茯苓

半夏

薑汁炒

炙

草

各一錢

加入大棗二枚。水煎服。

地黃飲子

熟地

九蒸曬二錢

巴戟

去心

黃肉

去枝

肉蓯蓉

酒浸焙

石 斛

附 子炮

五 味并炒

白茯苓各一錢

石菖蒲去毛

桂 心

麥 冬去心

遠志去心甘草水
泡炒各五分

入薄荷少許。薑一片。棗二枚。水煎服。

氣虛加人參二錢。

甘桔湯見傷寒
咽痛

類中風

類中風者。謂火中、虛中、溼中、寒中、暑中、氣中、食中、惡中也。共有八種。與真中相類而實不同也。然類中有與真中相兼者。須細察其形症而辨之。凡真中之症。必連經絡。多見歪斜偏廢之候。與類中之專氣致病者。自是不同。然而風乘火勢。邪乘虛入。寒風相搏。暑風相炫。飲食招風。種種變症。所在多有。務在詳辨精細。果其為真中風。則用前驅風法。果其為類中風。則照本門施治。果其為真中類中相兼也。則以兩門醫法合治之。斯無弊耳。茲舉類中諸症。詳列於左。俾學者觸目洞然也。一曰火中。火之自外來者。名曰賊。實火也。火之自內出者。名曰子。虛火也。中火之症。良由將息失宜。心火暴盛。腎水虛衰。不能制之。故卒然昏倒。不可作實火論。

假如怒動肝火。逍遙散。心火鬱結。牛黃清心丸。肺火壅遏。貝母瓜蒌散。思慮傷脾。加味歸脾湯。腎水枯涸。虛火上炎者。六味地黃湯。若腎經陽虛。火不歸原者。八味地黃湯。劉河間地黃飲子並主之。此治火中之法也。或問火中而用桂附者。何也。答曰。腎陽飛越。則丹田虛冷。其痰涎上壅者。水不歸原也。面赤煩躁者。火不歸原也。惟桂附八味能引火歸原。火歸水中。則水能生木。木不生風。而風自熄矣。

二曰虛中。凡人體質虛弱。過於作勞。傷損元氣。以致痰壅氣浮。卒然昏倒。宜用六君子湯主之。中氣下陷者。補中益氣湯主之。

三曰溼中。溼中者。卽痰中也。凡人嗜食肥甘。或醇酒乳酪。則溼從內受。或山嵐瘴氣。久雨陰晦。或遠行涉水。坐臥溼地。則溼從外受。溼生痰。痰生熱。熱生風。故卒然昏倒。無知也。蒼白二陳湯主之。

四曰寒中。凡人暴中於寒。卒然口鼻氣冷。手足厥冷。或腹痛下利清穀。或身體強硬。口噤不語。四肢戰搖。此寒邪直中於裏也。宜用薑附湯。或附子理中湯。加桂主之。

五曰暑中。凡人務農於赤日。行旅於長途。暑氣逼迫。卒然昏倒。自汗面垢。昏不知人。急用千金消暑丸灌之。其人立甦。此藥有回生之功。一切暑藥。皆不及此。村落中各宜預備。灌醒後。以益元散清之。或以四味香薷飲。去厚朴。加丹參、茯苓、黃連治之。虛者。加人參。餘詳論傷暑門。

六曰氣中。七情氣結。或怒動肝氣。以致氣逆痰壅。牙關緊急。極與中風相似。但中風生熱。中氣身涼。中風脈浮。中氣脈沉。且病有根由。必須細究。宜用木香調氣散主之。

七曰食中。醉飽過度。或着腦怒。以致飲食填塞胸中。胃氣不行。卒然昏倒。宜用橘紅二兩。生薑一兩。炒鹽一撮。煎湯灌而吐之。次用神朮散和之。其最甚者。胸高滿悶。閉而不通。或牙關緊急。厥暈不醒。但心口溫者。即以獨行丸攻之。藥既下咽。其人或吐或瀉。自應漸甦。若瀉不止者。以冷粥湯飲之。即止。

八曰惡中。登塚入廟。冷屋棲遲。以致邪氣相侵。卒然錯語妄言。或頭面青黯。昏不知人。急用慈薑湯灌之。次以神朮散調之。蘇合丸亦佳。

加味逍遙散。治肝經鬱火。胸脇脹痛。或作寒熱。甚至肝木生風。眩暈振搖。或咬

牙發痙。一目斜視。一手一足搐搦。此皆肝氣不和之症。經云。木鬱達之是已。

柴胡

甘草

茯苓

白朮

當歸

白芍

丹皮

黑山梔錢各一

薄荷五分

水煎服。

牛黃清心丸。見真中門

貝母瓜蒌散

貝母二錢

瓜蒌仁一錢五分

膽南星五分

黃芩

橘紅

黃連一錢各

甘草

黑山梔錢各五

水煎服。

加味歸脾湯

黃耆一錢五分

人參

白朮

茯苓

當歸

棗仁一錢各

遠志去心

甘草七錢各

丹皮

黑山梔錢各八

元眼肉五枚。水煎服。

六味地黃湯 滋水制火。則無上盛下虛之症。

即六味地黃丸方。水煎服。本方加肉桂、熟附子各五分。名八味地黃丸。

六君子湯 理脾祛痰。

人參

茯苓

白朮陳土炒

陳皮去白

炙甘草

半夏湯泡七次
各一錢

生薑五分。大棗二枚。水煎服。

補中益氣湯 中氣下陷。宜服此以升舉之。

黃耆一錢五分

白朮陳土炒

人參

當歸

甘草炙各一錢

柴胡

升麻

陳皮五分

生薑一片。大棗二枚。水煎服。

蒼白二陳湯見中風

即二陳湯加蒼朮、白朮各一錢。

薑附湯見諸方

四味香薷飲見傷暑

木香調氣散 平肝氣和胃氣。

白蔻仁去殼研

檀香

木香各一兩

丁香三錢

香附五兩

藿香四兩

炙甘草

砂仁

陳皮各二兩

右爲細末。每服二錢。入鹽少許。點服。

神朮散

此藥能治時行不正之氣。發熱頭痛。傷食停飲。胸滿腹痛。嘔吐瀉利。並

能解穢驅邪。除山嵐瘴氣。鬼瘧尸注。中食中惡諸症。其效至速。予嘗合此普送。

藥到病除。罔不應驗。

蒼朮陳土炒

陳皮

厚朴薑汁炒各二斤

甘草炙十兩

藿香八兩

砂仁四兩

共爲末。每服二三錢。開水調下。

獨行丸

治中食。胸高滿悶。吐法不效。須用此藥攻之。若昏暈不醒。四肢僵硬。但

心頭溫者。挾齒灌之。

大黃

巴豆去油

乾薑各一錢

研細。薑汁爲丸。如黃豆大。每服五七丸。用薑湯化下。若服後瀉不止者。用冷粥

飲之。即止。

蘇合丸 治勞瘵骨蒸。怔忡心痛。霍亂吐利。時氣鬼魅。瘴癘疫癘。瘀血月閉。痲癖

丁腫驚癇中風。中氣痰厥。昏迷等證。

白朮

青木香

犀角

香附炒去毛

硃砂

詞犁勒皮煨取

檀香

安息香酒熬膏

沉香

麝香

丁香

華撥各二兩

龍腦

薰陸香別研

蘇合香各二兩

右為細末。研藥勻。用安息香膏。并蘇合香油。煉蜜和丸。丸如彈子大。以蠟圓固。緋絹當心帶之。一切邪祟不敢近。

傷暑 霍亂 絞腸痧

古稱靜而得之為中暑。動而得之為中熱。暑陰而熱陽也。不思暑字以日為首。正言熱氣之襲人耳。夏日烈烈為太陽之亢氣。人觸之則生暑病。至於靜而得之者。乃納涼於深堂水閣。大扇風車。嗜食瓜果。致生寒疾。或頭痛身痛。發熱惡寒者。外

感於寒也。或嘔吐腹痛。四肢厥冷者。直中於寒也。與暑症有何干涉。大抵暑症辨法。以自汗口渴。煩心溺赤。身熱脈虛爲的。然有傷暑中暑閉暑之不同。傷暑者。感之輕者也。其症煩熱口渴。益元散主之。中暑者。感之重者也。其症汗大泄。昏悶不醒。或煩心喘喘妄言也。昏悶之際。以消暑丸灌之立醒。既醒則驗其暑氣之輕重而清之。輕者益元散。重者白虎湯。閉暑者。內伏暑氣。而外爲風寒閉之也。其頭痛身痛。發熱惡寒者。風寒也。口渴煩心者。暑也。四味香薷飲。加荊芥。秦艽主之。又有暑天受溼。嘔吐瀉利。發爲霍亂。此停食伏飲所致。宜分寒熱治之。熱者口必渴。黃連香薷飲主之。寒者口不渴。藿香正氣散主之。更有乾霍亂症。欲吐不得吐。欲瀉不得瀉。攪腸大痛。變在須臾。古方以燒鹽和陰陽水引而吐之。或以陳皮同煎吐之。或用多年陳香櫟煎湯更佳。俗名攪腸痧。烏痧脹。皆此之類。此係穢氣閉塞經隧。氣滯血凝。脾土壅滿。不能轉輸。失天地運行之常。則脹閉而危矣。是以治法宜速。切戒飲粥湯食諸物。入口卽敗。慎之慎之。

消暑丸

益元散

見類中

白虎湯

見陽明腑病

四味香薷飲 治風寒閉暑之症。頭痛發熱。煩心口渴。或嘔吐泄瀉。發爲霍亂。或

兩足轉筋。凡閉暑而不能發越者。非香薷不可。香薷乃消暑之要藥。而方書稱為散劑。俗稱為夏月之禁劑。夏既禁用。則當用於何時乎。此不經之說。致令良藥受屈。殊可扼腕。故辯之。

香薷

扁豆

厚朴

薑汁一錢。炒各五分。

水煎服。若兼風寒。本方加荊芥、秦艽、蔓荊子。若兼霍亂吐瀉。煩心口渴。本

方加黃連。若兩足轉筋。本方加木瓜、茯苓。木瓜治轉筋之神劑。若風暑相

搏而發搐搦者。本方加羌活、鉤藤。凡暑症不宜發汗。今用風藥者。因其暑中挾

風也。若暑溼相搏。名曰溼溫。誤汗則名重暈。多難治。宜用蒼朮、白虎湯。時醫

不論暑溼。概行發散。傷生匪淺。

霍香正氣散 治暑月貪涼飲冷。發為霍亂。腹痛吐瀉。憎寒壯熱。

藿香

砂仁

厚朴

茯苓

紫蘇

陳皮各一錢

白朮土炒

半夏

桔梗

白芷各七分

甘草炙五分

生薑三片。水煎服。

清暑益氣湯 預服此藥。以防暑氣。

黃耆五錢

白朮一錢

人參

當歸

陳皮

麥冬去心

炙甘草各五

扁豆二錢

茯苓七分

升麻

柴胡

北五味各三

神麴四分

黃柏

澤瀉各二

水煎服。

疫癘

疫論已見首卷。分來路兩條。去路三條。治法五條。詳且盡矣。大法天行之氣。從經絡入。其症頭痛發熱。宜微散。香蘇散散之。病氣傳染。從口鼻入。其症嘔噦胸滿。宜解穢。神朮散和之。若兩路之邪。歸併於裏。腹脹滿悶。譫語發狂。唇焦口渴者。治疫清涼散清之。便閉不通者。加大黃下之。其清涼散內。人中黃一味。乃退熱之要藥。解穢之靈丹。醫家缺而不備。安能取效。復有虛人患疫。或病久變虛。或妄治變虛者。須用人參。白朮。當歸等藥。加入清涼藥內。以扶助正氣。如或病氣漸退。正氣大

虛更宜補益正氣為主。夫發散、解穢、清中、攻下、四法外。而以補法駕馭其間。此收效萬全之策也。予嘗用麥冬、生地各一兩。加人參二三錢以救津液。又嘗用人參湯送下加味枳朮丸。以治虛人鬱熱便閉之症。病氣退而元氣安。遂恃為囊中活法。謹告同志。各自存神。又有頭面腫大。名曰大頭瘟者。頸項粗腫。名曰蝦蟆瘟者。古方普濟消毒飲並主之。但頭腫之極。須用針砭。若醫者不究其理。患者畏而不行。多致潰裂腐爛而難救。若頸腫之極。須用橘紅、淡鹽湯吐去其痰。再用前方倍甘桔主之。須宜早治。不可忽也。

香蘇散

見太

神朮散

見類

治疫清涼散

秦 朮

赤 芍

知 母

貝 母

連 翹 各一錢

荷 葉 七分

丹 參 五錢

柴 胡 五分

人中黃 二錢

水煎服。如傷食胸滿。加麥芽、山楂、蘿蔔子、陳皮。脇下痞。加鱉甲、枳殼。昏憤譫語。加黃連。熱甚大渴能消水者。加石膏、天花粉、人參。便閉不通。腹中

脹痛者。加大黃下之。虛人自汗多。倍加人參。津液枯少。更加麥冬、生地。若時行寒疫。不可輕用涼藥。宜斟酌投劑。

普濟消毒飲 針砭法並見 加味枳朮丸見腹

製人中黃法。用竹筒兩頭留節。刮去青皮。開一孔。將甘草裝滿。仍用木屑塞口。鎔松香封固。用繩扎定。於臘月初一日。投廁缸中。一月足取起。用水濯洗。然後劈開竹筒。將甘草曬乾。收貯聽用。

或問香蘇散、神朮散、芳香藥也。人中黃有穢氣者也。而皆以之解疫毒。消穢氣。何也不知邪客上焦。乃清虛之所。故用芳香以解之。邪客中下二焦。乃濁陰之所。疫毒至此。結而為穢。則非芳香所能解。必須以穢攻穢。而穢氣始除。此人中黃之用。所以切當也。夫病有先後。有部位。有更變。而用藥隨之。方為活法。醫家常須識此。不只治疫一端而已。

虛勞

帝曰。陰虛生內熱。奈何。岐伯曰。有所勞倦。形氣衰少。穀氣不盛。上焦不行。下脘不

通。胃氣熱。熱氣熏胸中。故內熱。此言氣虛之候也。東垣宗其說。發補中益氣之論。卓立千古。朱丹溪從而廣之。以爲陽常有餘。陰常不足。人之勞心好色。內損腎元者。多屬真陰虧損。宜用六味湯。加知母。黃柏補其陰。而火自降。此又以血虛爲言也。後人論補氣者。則宗東垣。論補血者。則宗丹溪。且曰水爲天一之元。土爲萬物之母。其說至爲有理。然而陽虛易補。陰虛難療。治虛損者。當就其陰血未枯之時。而早補之。患虛損者。當就其真陰未槁之時。而重養之。亦庶乎其可矣。凡虛勞之症。多見吐血。痰湧。發熱。夢遺。經閉。以及肺痿。肺疽。咽痛。音啞。側臥。傳尸。鬼注諸疾。今照葛仙翁十藥神書例。增損方法。臚列於左。以便觀覽。

甲字號方

止咳嗽爲主。予見虛損之成。多由於吐血。吐血之因。多由於咳嗽。咳嗽之原。多起於風寒。仲景云。咳而喘息有音。甚則吐血者。用麻黃湯。東垣師其意。改用麻黃人參芍藥湯。可見咳嗽吐紅之症。多有因於外感者。不可不察也。予治外感咳嗽。用止嗽散。加荆防。蘇梗以散之。散後肺虛。即用五味異功散。補脾土以生肺金。虛中挾邪。則用團魚丸解之。虛損漸成。咳咳不止。乃用紫苑散。月華丸清

而補之。此治虛咳之要訣也。餘詳本門。

止嗽散見後咳嗽門

五味異功散即四君子後加陳皮方見後

團魚丸 治久咳不止。恐成勞瘵。

貝母去心 知母

前胡 柴胡

杏仁去皮尖及雙仁者各四錢

大團魚一個重十二兩以上者去腸

右藥與魚同熟煮。取肉連汁食之。將藥渣焙乾為末。用魚骨煮汁一盞。和藥為丸。如桐子大。每服二十丸。麥冬湯下。日三服。

海藏紫苑散 潤肺止嗽。並治肺痿。

人參五分

紫苑

知母蒸

貝母去心

桔梗

茯苓

真阿膠

蛤粉炒成珠各一錢 五味子

甘草炙各三分

水煎服。

月華丸 滋陰降火。消痰祛瘀。止咳定喘。保肺平肝。消風熱。殺尸蟲。此陰虛發咳

之聖藥也。

天冬去心蒸

麥冬去心蒸

生地酒洗

熟地九蒸曬

山藥乳蒸

百部蒸

沙參蒸

川貝母去心蒸

真阿膠兩各一

茯苓乳蒸

獺肝

廣三七錢各五

用白菊花二兩。去蒂。桑葉二兩。經霜者。熬膏。將阿膠化入膏內。和藥。稍加煉蜜。爲丸。如彈子大。每服一丸。嚙化。日三服。

乙字號方

止吐血爲主。凡血症。有陽乘陰者。有陰乘陽者。假如數脈內熱。口舌乾燥。或平素血虛火旺。加以醇酒炙博之物。此乃熱氣騰沸。迫血妄行。名曰陽乘陰。法當清降。四生丸等主之。吐止後。則用六味地黃丸補之。又如脈息沉遲。口舌清潤。平素體質虛寒。或兼受風冷之氣。此謂天寒地凍。水凝成冰。名曰陰乘陽。法當溫散。理中湯主之。凡治血症。不論陰陽。俱以照顧脾胃爲收功良策。誠以脾胃者。吉凶之關也。書云。自上損下者。一損損於肺。二損損於肝。三損損於脾。過於脾。則不可治。自下損上者。一損損於腎。二損損於心。三損損於胃。過於胃。則不

可治。所謂過於脾胃者。吐瀉是也。古人有言。不問陰陽與冷熱。先將脾胃與安和。丹溪云。凡血症須用四君子之類以收功。其言深有至理。然而補脾養胃。不專在藥而在飲食之得宜。難經曰。損其脾者。調其飲食。適其寒溫。誠以飲食之補。遠勝於藥耳。世之治損者。亦可恍然悟矣。

四生丸 治陽盛陰虛。熱迫血而妄行。以致吐血、咯血、衄血。法當清降。

生地黃

生荷葉

生側柏葉

生艾葉各等分

細切。同搗極爛。爲丸。如雞子大。每服一丸。水煎去渣服。吐甚者。用此丸煎湯。調下。花蕊散一二錢。尤佳。

花蕊石散 能化瘀血爲水。而不動臟腑。真神藥也。

花蕊石 一斤

明硫黃 四兩

入瓦罐內。封口。鐵線緊扎。鹽泥包裹。晒乾。硬炭圍定。煉二炷香。細研過篩。每服二三錢。童便熱酒調服。

生地黃湯

生地三錢

牛膝

丹皮

黑山梔各一錢

丹參

元參

麥冬

白芍各一錢五分

鬱金

廣三七

荷葉各七分

水煎。加陳墨汁、清童便各半杯和服。

六味地黃丸

滋益先天。生腎水。制虛火。乃醫門要藥。尤紅症之靈丹也。見類

理中湯見中寒門

治陰盛陽虛。不能統血。以致陰血走散。法當溫補。

四君子湯

人參

白朮

茯苓

炙甘草各一錢

大棗二枚。生薑一片。水煎服。

丙字號方

治大吐血成升斗者。先用花蕊散止之。隨用獨參湯補之。所謂血脫益氣。陽生

陰長之理。貧者以歸脾湯代之。

人參

去一兩

水煎服。聽其熟睡。切勿驚醒。則陰血復生矣。

歸脾湯

白朮

人參

當歸

棗仁炒

白芍錢各一

黃耆錢五

遠志去心

甘草炙五

元眼肉五枚

水煎服。

丁字號方

治咳嗽吐紅。漸成骨蒸勞熱之症。如人胃強氣盛。大便結。脈有力。此陽盛生熱。法當清涼。清骨散主之。若胃虛脾弱。大便溏。脈虛細。此陰虛發熱。法當養陰。逍遙散、四物湯主之。若氣血兩虛而發熱者。八珍湯補之。若元氣大虛。變症百出。難以名狀。不問其脈。不論其病。但用人參養榮湯。諸症自退。經云。甘溫能除大熱。如或誤用寒涼。反伐生氣。多至不救。

清骨散

柴胡

白芍錢各一

秦艽七分

甘草五分

丹皮

地骨皮

青蒿

鱉甲各一錢

知母

黃芩

胡黃連各四分

水煎服。加童便尤妙。凡逍遙、四物、八珍方內，皆可加入。
逍遙散方見類中。治肝經血虛。煩燥口渴。胸脇刺痛。頭眩心悸。頰赤口苦。發熱盜汗。
食少嗜臥。又治女人經水不調。臍腹脹痛。寒熱如瘧。並治室女經閉。痰嗽潮熱。
肌瘦勞熱等症。

四物湯

大熟地自製

當歸

白芍各一錢

川芎五分

水煎服。加丹皮、麥冬、玉竹、山藥、茯苓。退虛熱至效。
八珍湯。治氣血虛。發熱潮熱。

人參

白朮

茯苓

甘草炙

熟地

當歸

白芍各一錢

川芎五分

棗二枚。水煎服。

本方加黃耆、肉桂。名十全大補湯。

加丹皮、黑山梔、柴胡。名

加味八珍湯

人參養榮湯

白芍錢二

人參

黃耆蜜炙

當歸

白朮

熟地各一錢五分

甘草炙

茯苓

遠志去心泡七分

北五味

桂心

陳皮各四分

薑一片。棗二枚。水煎服。

戊字號方

治肺痿肺癰。久咳不止。時吐白沫。如米粥者。名曰肺痿。此火盛金傷肺熱而金化也。保和湯主之。咳嗽吐膿血。咳引胸中痛。此肺內生毒也。名曰肺癰。加味桔梗湯主之。

保和湯 治肺痿。

知母蒸五

貝母二錢

天冬去心

麥冬去心一錢

苡仁五錢

北五味十粒

甘草

花梗

馬兜鈴

百合

阿膠蛤粉炒成薄

荷二分

水煎服。飴糖一匙溫服。虛者加人參。

加味桔梗湯 治肺癰。

桔梗去蘆

白芨

橘紅

甜葶藶微炒各八分

甘草節

貝

母各一錢五分

苡仁

金銀花各五錢

水煎服。初起加荊芥、防風各一錢。潰後加人參、黃耆各一錢。

己字號方

治咽痛音啞喉瘡。夫勞病至此，乃真陰枯涸。虛陽上泛之危症。多屬難起。宜用六味丸滋腎水，而以治標之法佐之可也。

百藥煎散 治咽痛。

百藥煎五錢

礪砂五錢

甘草二錢

為末。每服一錢。米飲調。食後細細嚥之。

通音煎 治音啞。

白蜜一斤

川貝母一兩 去

款冬花二兩 去

胡桃肉十二兩 去

右四味和勻。飯上蒸熟。不拘時開水點服。

柳華散 治喉瘡。並口舌生瘡。咽喉腫痛諸症。

真青黛

蒲黃炒

黃柏炒

人中白二兩

冰片三分

礪砂五錢

共爲細末。吹喉極效。

庚字號方

治男子夢遺精滑。其夢而遺者。相火之強也。不夢而遺者。心腎之衰也。宜分別之。

秘精丸 有相火。必生溼熱。則水不清。不清則不固。故本方以理脾導溼爲先。溼祛水清而精自止矣。治濁之法亦然。

白朮

山藥

茯苓

茯神

蓮子肉去心各二兩

芡實四兩

蓮花鬚

牡蠣各一兩五錢

黃柏五錢

車前子三兩

共爲末。金櫻膏爲丸。如桐子大。每服七八十丸。開水下。氣虛者。加人參一兩。

十補丸 氣旺則能攝精。時下體虛者衆。服此累效。

黃耆

白朮各二兩

茯苓

山藥各一兩五錢

人參一兩

大熟地三兩

當歸

白芍各一兩

山萸肉

杜仲

續斷各二兩

棗仁二兩

遠志一兩

北五味

龍骨

牡

蠣各七錢五分

金櫻膏爲丸。每服四錢。開水下。

辛字號方

治女人經水不調。並治室女經閉成損。按女人經水不調。乃氣血不和。其病尤淺。室女經閉。則水源斷絕。其病至深。夫所謂天癸者。癸生於子。天一所生之本也。所謂月經者。經常也。反常則災病至矣。室女乃血氣完足之人。尤不宜閉。閉則鬢髮焦。咳嗽發熱。諸病蜂起。勢難爲也。

澤蘭湯 調經通血脈。治經閉。

澤蘭二錢

柏子仁

當歸

白芍

熟地

牛膝

芫蔚子各一錢五分

水煎服。

益母勝金丹

熟地

當歸

白芍

川

芎各一錢五分

牛膝二兩

白朮

香

附酒醋薑湯鹽水各炒一次

丹參

荒蔚子

各四兩

益母草一斤。酒水各半。熬膏和煉蜜爲丸。每早開水下三錢。晚用清酒下二錢。經水後期而來。小腹冷痛爲寒。加肉桂五錢。經水先期妄行。自覺血熱。加丹皮二兩。酒炒條芩五錢。凡遇經水作痛。乃血凝氣滯。加延胡索一兩。

壬字號方

治傳尸勞瘵。驅邪殺蟲。勞症之有蟲。如樹之有蠹。去其蠹而後培其根。則樹木生長。勞症不去蟲而徒恃補養。未見其受益者。古法具在。不可廢也。

驅蟲丸

明雄黃一兩

蕪荑

雷丸

鬼箭羽各五錢

獺肝一具

丹

參一兩五錢

麝二厘

煉蜜丸。如桐子大。每食後開水下十丸。日三服。紫金丹亦效。或用真蘇合香丸治之尤佳。

癸字號方

補五臟虛損。凡病邪之所淪。其氣必虛。况由虛致病者乎。則補法爲最要。難經

云。損其肺者。益其氣。損其心者。和其榮衛。損其脾者。調其飲食。適其寒溫。損其肝者。緩其中。損其腎者。益其精。按法治之。

補天大造丸 補五臟虛損。

人參二兩

黃耆

白朮陳士三兩

當歸酒蒸

棗仁去殼

遠志去心甘草

白芍酒炒

山藥乳蒸

茯苓乳蒸各一

枸杞子酒蒸

大熟地各九蒸晒

河車一具甘

鹿角一斤

龜版入兩與鹿

以龜鹿膠和藥加煉蜜爲丸。每早開水下四錢。陰虛內熱甚者。加丹皮二兩。陽虛內寒者。加肉桂五錢。

咳嗽

咳嗽症。虛勞門已言之。而未詳及外感諸病。因故再言之。肺體屬金。譬若鐘。然鐘非叩不鳴。風寒暑溼燥火六淫之邪。自外擊之。則鳴。勞慾情志飲食炙博之火。自內攻之。則亦鳴。醫者不去其鳴鐘之具。而日磨銼其鐘。將鐘損聲嘶而鳴之者。如

故也。鐘其能保乎。吾願治咳者。作如是觀。大法風寒初起。頭痛鼻塞。發熱惡寒而咳嗽者。用止嗽散。加荊芥、防風、蘇葉、生薑以散邪。既散而咳不止。專用本方調和肺氣。或兼用人參、胡桃湯以潤之。若汗多食少。此脾虛也。用五味異功散加桔梗、補脾土以生肺金。若中寒入裏而咳者。但溫其中而咳自止。若暑氣傷肺。口渴煩心。溺赤者。其症最重。用止嗽散加黃連、黃芩、花粉以直折其火。若溼氣生痰。痰涎稠粘者。用止嗽散加半夏、茯苓、桑白皮、生薑、大棗以祛其溼。若燥火焚金。乾咳無痰者。用止嗽散加瓜蒌、貝母、知母、柏子仁以潤燥。此外感之治法也。然外感之邪。初病在肺。肺咳不已。則移於五臟。臟咳不已。則移於六腑。須按內經十二經見症。而加減如法。則治無不痊。經云。咳而喘息有音。甚則唾血者。屬肺臟。此即風寒咳血也。止嗽散加荊芥、紫蘇、赤芍、丹參。咳而兩脇痛。不能轉側。屬肝臟。前方加柴胡、枳殼、赤芍。咳而喉中如梗狀。甚則咽腫喉痺。屬心臟。前方加倍桔梗、加旁子。咳而右脇痛。陰引肩背。甚則不可以動。動則咳劇。屬脾臟。前方加葛根、秦艽、鬱金。咳而腰背痛。甚則咳涎者。屬腎臟。前方加附子。咳而嘔苦水者。屬膽腑。前方加黃芩、半夏、生薑。咳而失氣者。屬小腸腑。前方加芍藥。咳而嘔。嘔甚則長蟲出。屬胃腑。前方去

甘草。加烏梅、川椒、乾薑。有熱佐之以黃連。咳而遺尿。屬大腸腑。前方加白朮、赤石脂。咳而遺溺。屬膀胱腑。前方加茯苓、半夏。久咳不止。三焦受之。其症腹滿不食。令入多涕唾。面目浮腫。氣逆以止嗽散。合五味異功散並用。投之對症。其效如神。又以内傷論前症。若七情氣結。鬱火上衝者。用止嗽散。加香附、貝母、柴胡、黑山梔。若腎經陰虛。水衰不能制火。內熱脈細數者。宜朝用地黃丸。滋腎水。午用止嗽散。去荊芥。加知母、貝母。以開火鬱。仍佐以萎蕤、胡桃湯。若客邪混合。肺經生虛。虛熱者。更佐以團魚丸。若病勢深沉。變爲虛損。或尸蟲入肺。喉癢而咳者。更佐以月華丸。若內傷飲食。口乾痞悶。五更咳甚者。乃食積之火。至此時流入肺經。用止嗽散。加連翹、山查、麥牙、蔔子。若脾氣虛弱。飲食不思。此氣弱也。用五味異功散。加桔梗。此內傷之治法也。凡治咳嗽。貴在初起得法爲善。經云。微寒微咳。咳嗽之因。屬風寒者。十居其九。故初治必須發散。而又不可以過散。不散則邪不去。過散則肺氣必虛。皆令纏綿難愈。薛立齋云。肺有火。則風邪易入。治宜解表。兼清肺火。肺氣虛則腠理不固。治宜解表。兼補肺氣。又云。肺屬辛金。生於己土。久咳不已。必須補脾土。以生肺金。此誠格致之言也。然清火之藥。不宜久服。無論脈之洪大滑數。數劑後。

即宜捨去。但用六味丸頻頻服之。而兼以白蜜、胡桃潤之。其咳自住。若脾肺氣虛。則用五味異功散。六君子等藥補土生肺。反掌收功。爲至捷也。治咳者宜細加詳審。患咳者宜戒口慎風。毋令久咳不除。變爲肺痿、肺疽、虛損、勞瘵之候。慎之戒之。止嗽散 治諸般咳嗽。

桔梗炒

荊芥

紫苑

百部

白前蒸各二斤

甘草炒二兩

陳皮水洗去白一斤

共爲末。每服三錢。開水調下。食後臨臥服。初感風寒。生薑湯調下。予製此藥。普送。只前七味。服者多效。或問藥極輕微。而取效甚廣。何也。予曰。藥不貴險峻。惟期中病而已。此方係予苦心揣摩而得也。蓋肺體屬金。畏火者也。過熱則咳。金性剛燥。惡冷者也。過寒亦咳。且肺爲嬌臟。攻擊之劑。既不任受。而外主皮毛。最易受邪。不行表散。則邪氣留連而不解。經曰。微寒微咳。寒之感也。若小寇然。啓門逐之。即去矣。醫者不審。妄用清涼酸瀉之劑。未免閉門留寇。寇欲出而無門。必至穿牆而走。則咳而見紅。肺有二竅。一在鼻。一在喉。鼻竅貴開而不閉。喉竅宜閉而不開。今鼻竅不通。則喉竅將啓。能無慮乎。本方溫潤和平。不寒不熱。

既無攻擊過當之虞。大有啓門驅賊之勢。是以客邪易散。肺氣安寧。宜其投之有效歟。附論於此。以諮明哲。

人參胡桃湯 止嗽定喘。

人

參五分

胡桃肉三錢連衣研

生薑三片

水煎服。本方以委蕤易生姜。名萎蕤胡桃湯。治陰虛症。

又方 用白蜜二觔。胡桃肉二觔。頓湯頓熟。開水點服。不拘時。

五味異功散 六味丸

團魚丸

月華丸

俱見虛勞

六君子湯

見類中

喘

經云。諸病喘滿。皆屬於熱。蓋寒則息微而氣緩。熱則息粗而氣急也。由是觀之。喘之屬火無疑矣。然而外感寒邪。以及脾腎虛寒。皆能令喘。未便概以火斷也。假如風寒外感而喘者。散之。直中於寒而喘者。溫之。熱邪傳裏。便閉而喘者。攻之。暑熱

傷氣而喘者。清而補之。淫痰壅遏而喘者。消之。燥火入肺而喘者。潤之。此外感之治法也。各詳本門。若夫七情氣結。鬱火上衝者。疏而達之。加味逍遙散。腎水虛而火上炎者。壯水制之。知柏八味丸。腎經真陽不足而火上泛者。引火歸根。桂附八味丸。若因脾虛不能潤肺而喘者。五味異功散加桔梗。補土生金。此內傷之治法也。夫外感之喘。多出於肺。內傷之喘。未有不由於腎者。經云。諸痿喘嘔。皆屬於下。定喘之法。當於腎經責其真水真火之不足而主之。如或脾氣大虛。則以人參白朮為主。參朮補脾土以生肺金。生金則能生水。乃隔二隔三之治也。更有哮喘與喘相似。呀呷不已。喘息有音。此表寒束其內熱。致成斯疾。加味甘桔湯主之。止嗽散亦佳。古今治喘哮喘症。方論甚繁。大意總不出此。

加味逍遙散

見類中

知柏八味丸

即六味丸加知母黃柏

桂附八味丸

俱見類中

五味異功散

見虛症

加味甘桔湯

治喘定哮喘。

甘草五分

桔梗

川貝母

百部
旋覆花各一錢五分

水煎服。

止嗽散見傷寒咳嗽

吐血

暴吐血以祛瘀爲主。而兼之降火。久吐血以養陰爲主。而兼之理脾。古方四生丸。十灰散。花蕊石散。祛瘀降火之法也。古方六味湯。四物湯。四君子湯。養陰補脾之法也。然血症有外感內傷之不同。假如咳而喘息有音。甚則吐血者。此風寒也。加味香蘇散散之。務農赤日。行旅長途。口渴自汗而吐血者。此傷暑也。益元散清之。夏令火炎。更乘秋燥。發爲乾咳。脈數大而吐血者。此燥火焚金也。三黃解毒湯降之。此外感之治法也。又如陰虛吐血者。初用四生丸。十灰散以化之。兼用生地黃。黃連以清之。吐止則用地黃丸補之。陽虛大吐血。成升斗者。初用花蕊石散以化之。隨用獨參湯以補之。繼則用四君。八珍等以調之。臟寒吐血。如天寒地凍。水凝成

冰也。用理中湯以溫之。其或七情氣結。怒動肝火者。則用加味逍遙散以疏達之。傷力吐血者。則用澤蘭湯行之。此內傷之治法也。夫血以下行為順。上行為逆。暴吐之時。氣血未衰。飲食如常。大便結實。法當導之下行。病勢既久。氣血衰微。飲食漸減。大便不實。法當養陰血。兼補脾氣。大凡吐血咯血。須用四君子之類以收功。蓋陰血生於陽氣。脾土旺則能生血耳。治者念之。

四生丸

見虛症

十灰散 祛瘀生新。止血之良劑。

大薊

小薊

茅根

茜根

老絲瓜

山梔

蒲黃

荷葉

大黃

亂髮

燒灰存性。每服二三錢。藕湯調下。

花蕊石散 六味湯

四物湯

四君子湯

並見虛症

加味香蘇散

即香蘇散加山梔丹皮

益元散

見類中

三黃解毒湯見傷寒 生地黃湯見虛

獨參湯 八珍湯見虛

理中湯見中寒

加味逍遙散見類

澤蘭湯見後腰痛

頭痛

頭爲諸陽之會。清陽不升。則邪氣乘之。致令頭痛。然有內傷外感之異。外感風寒者。宜散之。熱邪傳入胃腑。熱氣上攻者。宜清之。直中症寒氣上逼者。宜溫之。治法詳見傷寒門。茲不贅。然除正風寒外。復有偏頭風。雷頭風。客寒犯腦。胃火上衝。痰厥頭痛。大頭天行。破腦傷風。眉稜骨痛。眼眶痛等症。更有真頭痛。朝不保暮。勢更危急。皆宜細辨。偏頭風者。半邊頭痛。有風熱。有血虛。風熱者。筋脈抽搐。或鼻塞。常流濁涕。清空膏主之。血虛者。晝輕夜重。痛連眼角。逍遙散主之。雷頭風者。頭痛而起核塊。或頭中雷鳴。多屬痰火。清震湯主之。客寒犯腦者。腦痛連齒。手足厥冷。口

鼻氣冷。羌活附子湯主之。胃火上衝者。脈洪大。口渴飲冷。頭筋扛起者。加味升麻湯主之。痰厥頭痛者。胸膈多痰。動則眩暈。半夏白朮天麻湯主之。腎厥頭痛者。頭重足浮。腰膝痠軟。經所謂下虛上實是也。腎氣衰則下虛。浮火上泛。故上實也。然腎經有真水虛者。脈必數而無力。有真火虛者。脈必大而無力。水虛六味丸。火虛八味丸。大頭天行者。頭腫大甚如斗。時疫之症也。輕者名發頤。腫在耳前後。皆火鬱也。普濟消毒飲主之。更加針砭以佐之。破腦傷風者。風從破處而入。其症多發搐搦。防風散主之。眉稜骨痛。或眼眶痛。俱屬肝經。見光則痛者。屬血虛。逍遙散。痛不可開者。屬風熱。清空膏。真頭痛者。多屬陽衰。頭統諸陽。而腦為髓海。不任受邪。若陽氣大虛。腦受邪侵。則發為真頭痛。手足青至節。勢難為矣。速用補中益氣湯。加蔓荊子。川芎。附子。並進八味丸。間有得生者。不可忽也。

清空膏

羌活

防

風

各六分

柴

胡

五分

黃

芩

半生半炒
一錢二分

川芎

甘

草

炙一錢

薄

荷

三分

黃

連

酒炒
六分

水煎服。

逍遙散見虛勞

加味清震湯

升麻一錢

蒼朮一錢

青荷葉全用一箇

甘草炙

陳皮各八分

蔓荊子

荊芥各一錢五分

薄荷五分

水煎服。

羌活附子散

羌活一錢

附子

乾薑各五分

炙甘草八分

水煎服。

加味升麻湯

升麻

葛根

赤芍

甘草各一錢

石膏二錢

薄荷三分

燈心二十節。水煎服。

半夏白朮天麻湯

半夏一錢五分

白朮

天麻

陳皮

茯苓各一錢

甘草炙五分

生薑二片

大棗三個

蔓荊子一錢

水煎服。虛者加人參。

六味丸 八味丸中見類

普濟消毒飲 治大頭症。腫甚者宜砭之。

甘草

桔梗

黃芩酒炒

黃連酒炒各一錢

馬勃

元參

橘紅

柴胡各五分

薄荷六分

升麻二分

連翹

牛蒡子八分

水煎服。體虛加人參五分。便閉加大黃酒煨一錢。愚按此症須用貝母、

人中黃、荷葉為妙。發頤症倍柴胡加丹皮。喉嚨腫痛倍桔梗、甘草。

砭法。以上細磁鋒。用竹片夾定緊紮。放鋒出半分。對患處另以箸敲之。徧刺腫處。

俾紫血多出為善。刺畢以精肉貼片時。再用雞子清調乳香末潤之。此地不宜

成膿。頭內中空耳前後更多曲折。提膿拔毒。恆多不便。故針砭斷不可少。

針法。以小布針兩枚。手指扣定。露鋒纖少。徧刺腫處。血出立鬆。更數前藥。自然消

散。用針砭時須正心誠意咬定牙齒下手刺之。

防風散 治破腦傷風。

防風

生南星炮等

右爲末。每服二錢。童便沖酒調服。

補中益氣湯中見類

心痛

當胸之下。歧骨陷處。屬心之部位。其發痛者。則曰心痛。然心不受邪。受邪則爲真心痛。旦暮不保矣。凡有痛者。胞絡受病也。胞絡者。心主之宮城也。寇凌宮禁。勢已可危。而况犯主乎。故治之宜亟亟也。心痛有九種。一曰氣。二曰血。三曰熱。四曰寒。五曰飲。六曰食。七曰虛。八曰蟲。九曰疰。宜分而治之。氣痛者。氣壅攻刺而痛。游走不定也。沉香降氣散主之。血痛者。痛有定處而不移。轉側若刀錐之刺。手拈散主之。熱痛者。舌燥唇焦。溺赤便閉。喜冷畏熱。其痛或作或止。脈洪大有力。清中湯主之。寒痛者。其痛暴發。手足厥冷。口鼻氣冷。喜熱畏

寒。其痛綿綿不休。脈沉細無力。薑附湯加肉桂主之。飲痛者。水飲停積也。乾嘔吐涎。或咳或噎。甚則搖之作水聲。脈弦滑。小半夏加茯苓湯主之。食痛者。傷於飲食。心胸脹悶。手不可按。或吞酸噯腐。脈緊滑。保和湯主之。虛痛者。心悸怔忡。以手按之。則痛止。歸脾湯主之。蟲痛者。面白唇紅。或唇之上下有白斑點。或口吐白沫。飢時更甚。化蟲丸主之。疰痛者。觸冒邪祟。卒爾心痛。面目青黯。或昏憤譫語。脈來乍大乍小。或兩手如出兩人。神朮散。葱白酒。生薑湯並主之。此治心痛之大法也。或問久痛無寒。暴痛無火。然乎否乎。答曰。此說亦宜斟酌。如人素有積熱。或受暑溼之熱。或熱食所傷而發。則暴痛亦屬火矣。豈宜熱藥療之。如人本體虛寒。經年累月。憑發無休。是久痛亦屬寒矣。豈宜寒藥療之。且凡病始受熱。中未傳寒。中者。比比皆是。必須臨症審確。逐一明辨。斯無誤也。又或謂諸痛爲實。痛無補法。亦非也。如人果屬實痛。則不可補。若屬虛痛。必須補之。虛而且寒。則宜溫補並行。若寒而不虛。則專以溫劑主之。丹溪云。溫卽是補。若虛而兼火。則補劑中須加涼藥。此治痛之良法。治者宜詳審焉。

沉香降氣散 治氣滯心痛。

沉香三錢

砂仁七錢

甘草炙五錢

香附鹽水炒五錢

元胡索酒炒一兩

川棟子煨去肉一兩

共為末。每服二錢。淡薑湯下。

手拈散 治血積心痛。

元胡索醋炒

香附酒炒

五靈脂去土醋炒

沒藥麝香等分

共為細末。每服三錢。熱酒調下。血老者。用紅花五分。桃仁十粒。煎酒調下。

清中湯 治熱厥心痛。

香附

陳皮各一錢五分

黑山梔

金鈴子即川楝子

元胡索各八分

甘草炙五錢

川黃連薑汁炒一錢

水煎服。

薑附湯見諸方補遺

治寒厥心痛。又真心痛。手足青至節。宜用本方大劑飲之。或

救十中之一二。若痛時喜手緊按。更加人參。

小半夏加茯苓湯見傷寒咳嗽

保和湯 治傷食心痛。

麥芽

山查

葡萄子

厚朴

香附錢各一

甘草

連翹錢各五

陳皮錢五

水煎服。

歸脾湯 治氣血虛弱以致心痛。

黃耆錢五

白朮

人參

茯苓

棗仁

當歸錢各一

遠志七分

木香

甘草錢五

圓眼肉五枚

水煎服。若挾肝火。加柴胡、山梔、丹皮各一錢。

化蟲丸 治蟲嚙心痛。

蕪荑去梗

白雷丸錢各五

檳榔錢五

雄黃錢五

木香

白朮

陳皮錢各三

神麴錢四

以百部二兩。熬膏糊丸。如桐子大。每服一錢五分。米飲下。如取下蟲積。加大黃

五錢。酒炒。

神朮散見中

胸痛

胸者。肺之分野。然少陽膽經受病。亦令胸痛。此邪氣初傳入裏。而未深入於裏。故胸痛也。古方用柴胡湯加枳殼治之。如未應。本方加小陷湯一服。其效如神。又風寒在肺。胸滿痛。氣喘。宜用甘桔湯。加理氣散風之劑。又飲食填塞者。宜用吐法。其肺癰。肺痿二症。詳見虛勞。茲不贅。

柴胡湯

見傷寒少陽症

甘桔湯

見傷寒咽痛

脅痛

傷寒脇痛。屬少陽經受邪。用小柴胡湯。雜症脇痛。左爲肝氣不和。用柴胡疎肝散。七情鬱結。用逍遙散。若兼肝火。痰飲。食積。瘀血。隨症加藥。右爲肝移邪於肺。用推氣散。凡治實症脇痛。左用枳殼。右用鬱金。皆爲的劑。然亦有虛寒作痛。得溫則散。按之則止者。又宜溫補。不可拘執也。

小柴胡湯

見傷寒

柴胡疎肝散 治左脇痛。

柴胡

陳

皮各一錢二分

川芎

赤芍

枳殼麸炒

香

附醋炒一錢

甘草炙五分

水煎服。脣焦口渴。乍痛乍止者。火也。加山梔、黃芩。肝經一條扛起者。食積

也。加青皮、麥芽、山查。痛有定處而不移。日輕夜重者。瘀血也。加歸尾、紅花、桃

仁、牡丹皮。乾嘔、咳引脇下痛者。停飲也。加半夏、茯苓。喜熱畏寒。欲得熱手

按者。寒氣也。加肉桂、吳茱萸。

逍遙散見虛勞

推氣散 治右脇痛。

枳殼一錢

鬱

金一錢

桂心

甘草炙各五分

桔梗

陳

皮各八分

乾薑二片

大棗二枚

水煎服。

瓜蒌散 治肝氣燥急。而脇痛或發水泡。

大瓜蒌皮一枚連

粉甘草二錢

紅花七分

水煎服。按鬱火日久。肝氣燥急。不得發越。故皮膚起泡。轉爲脹痛。經云。損其肝者。緩其中。瓜薑爲物。甘緩而潤。于鬱不逆。又如油之洗物。滑而不清。此其所以奏功也。

胃脘痛

胃脘痛。治法與心痛相倣。但停食一症。其脹痛連胸者。吐之。脹痛連腹者。下之。其食積之輕者。則用神朮散消之。又有胃脘癰症。嘔而吐膿血者。不得妄治。書云。嘔家有膿。不須治。嘔膿盡自愈。神朮散方見食中

腹痛

腹中痛。其寒熱食積氣血蠱蟲。辦法亦與心痛相符。惟有肝木乘脾。攪腸沙。腹內癰。茲三症有不同耳。經云。諸痛皆屬於肝。肝木乘脾。則腹痛。仲景以芍藥甘草湯主之。甘草味甘。甘者己也。芍藥味酸。酸者甲也。甲己化土。則肝木平。而腹痛止矣。

傷寒症中有由少陽傳入太陰而腹痛者。柴胡湯加芍藥。有因誤下傳入太陰而腹痛者。桂枝湯加芍藥。卽同此意。尋常腹痛。全在寒熱食積。分別詳明爲主。凡腹痛乍作乍止。脈洪有力。熱也。以芍藥甘草湯加黃連清之。若噉腐吞酸。飽悶膨脹。腹中有一條扛起者。是食積也。保和丸消之。消之而痛不止。便閉不行。腹痛拒按者。三黃枳朮丸下之。設或下後仍痛。以手按其腹。若更痛者。積未盡也。仍用平藥再消之。若按之痛止者。積已去而中氣虛也。五味異功散補之。若消導攻下之後。漸變寒中。遂至惡冷喜熱。須易溫中之劑。此火補兼食之治法也。若腹痛綿綿不減。脈遲無力者。寒也。香砂理中湯溫之。若兼飽悶脹痛。是有食積。不便驟補。香砂二陳湯加薑桂。查芽厚朴。溫而消之。消之而痛不止。大便反閉。名曰陰結。以木香丸熱藥下之。下後仍以溫劑和之。此寒痛兼食之治法也。若因濁氣壅塞。走注疼痛。木香調氣散散之。若因瘀血積聚。呆痛不移。澤蘭湯行之。蟲嚙而痛。脣有斑點。飢時更甚。化蟲丸消之。傷暑霍亂。四味香薷飲解之。更有乾霍亂症。欲吐不得吐。欲瀉不得瀉。變在須臾。俗名攪腸沙是也。更有偏體紫黑者。名曰烏沙脹。急用燒鹽和陰陽水吐之。或用四陳湯服之。外用武侯平安散。點左右大眼角。其人卽甦。

其腹內癰一症。當臍腫痛。轉側作水聲。小便如淋。千金牡丹皮散化之。古方治腹痛症。多以寒者為虛。熱者為實。未盡然也。蓋寒症亦有實痛者。熱症亦有虛痛者。如寒痛兼食。則為實矣。挾熱久痢。則為虛矣。凡看症之法。寒熱虛實。互相辨明。斯無誤也。

芍藥甘草湯 止腹痛如神。

白芍藥酒炒三錢 甘草炙五分

水煎服。脈遲為寒。加乾薑。脈洪為熱。加黃連。脈緩為溼。加蒼朮。生薑。脈瀦傷血。加當歸。脈弦傷氣。加芍藥。

保和丸見心 消食積。清溼熱。腹中有一條扛起者。是食積也。舌乾口燥。是溼熱也。本方主之。有熱加黃連。

三黃枳朮丸 消熱食。除積滯。腹痛拒按。便閉溺赤。名曰陽結。宜用本方。若冷食所傷。宜用木香丸。若冷熱互傷。須酌其所食冷熱之多寡而並用之。此東垣法也。

黃芩一兩 黃連五錢 大黃七錢 神麴

白朮

枳實

陳皮各五錢

荷葉一枚。煎水。疊為丸。量虛實用。

五味異功散見虛寒

香砂理中湯見中寒

治客寒犯胃。其症手足厥冷。口鼻氣冷。其痛綿綿不止。喜熱畏寒。脈沉細。不比熱痛。乍止乍作。喜冷畏熱。唇焦舌燥。口渴脈洪也。寒熱之別。

相隔千里。

香砂二陳湯見類中即二陳湯加木香砂仁

木香丸 治寒積冷食。腹痛拒按。或大便閉結。謂之冷閉。名曰陰結。本方攻之。

木香

丁香

香各一錢五分

乾薑三錢

麥芽錢五

陳皮三錢

巴豆

豆三十粒去殼炒黑

神麴煮糊為丸。每服十丸。或二十丸。開水下。痛甚者倍之。所食之物。應隨利出。

如利不止。以冷粥飲之。即止。

木香調氣丸見類中

澤蘭湯見吐血

化蟲丸見心痛

四味香薷飲見傷暑

諸葛武侯平安散

硃砂二錢

麝香

冰片各五厘

明雄黃

硼砂各五分

白硝二分

共研極細末。用小磁罐收貯。每用清水。以骨簪點二三厘在大眼角內。如點眼藥法。點後忌熱茶飲食。半日即愈。

四陳湯

陳皮去白

陳香圓去穢

陳枳殼去穢炒

陳茶葉

等分爲末。每服三錢。開水點服。

千金牡丹皮散 治腹內癰。

牡丹皮三錢

苡仁五錢

桃仁十粒

瓜蒌仁去殼去油淨二錢

水煎服。

少腹痛

書云。大腹屬太陰。當臍屬少陰。小腹屬厥陰。傷寒傳至厥陰。少腹痛甚。此熱邪也。

宜下之。若熱結在裏。蓄血下焦。亦宜下之。若直中厥陰。小腹冷痛。則爲寒邪。宜溫之。治法已詳本門。尋常少腹痛。多屬疝瘕奔豚之類。書云。男子外結七疝。女子帶下瘕聚。古人更有瘕癖瘕瘕之名。皆一類也。瘕如弓弦。筋扛起也。癖者隱辟。沉附着骨也。瘕則有塊可徵。猶積也。多屬於血。瘕者假也。忽聚而忽散。氣爲之也。奔豚者。如江豚之上竄。冷氣上衝也。其瘕瘕之氣。聚於小腸。則曰小腸氣。聚於膀胱。則曰膀胱氣也。小腸氣失氣則快。膀胱氣少腹熱。若沃以湯。瀉於小便也。凡治少腹痛。當用墜降之藥。其行氣皆當用核。乃能宣達病所以取效也。橘核丸。奔豚丸。並主之。

橘核丸 通治瘕瘕瘕癖。小腸膀胱等氣。

橘核 鹽酒炒

川棟子 煨去肉

山查子 炒

香

附 薑汁浸炒各一兩五錢

荔枝核 煨研

小茴香 微炒各一兩

神麴四兩。煮糊爲丸。如桐子大。每服三錢。淡鹽水下。寒甚加附子五錢。肉桂三錢。當歸一兩。有熱加黑山梔七錢。又疝氣症表寒束其內熱。丹溪以黑山梔、吳茱萸並用。按此二味若寒熱不調者。加入丸中更佳。若胞痺小便不利。去

小茴。加茯苓、車前子、丹參、黑山梔。

奔豚丸見聚

身痛

身體痛。內傷外感均有之。如身痛而拘急者。外感風寒也。身痛如受杖者。中寒也。身痛而重墜者。溼也。若勞力辛苦之人。一身酸軟無力而痛者。虛也。治法。風則散之。香蘇散。寒則溫之。理中湯。溼則燥之。蒼白二陳湯。虛則補之。補中益氣湯。大抵身痛多屬於寒。蓋熱主流通。寒主閉塞也。無論風溼與虛。挾寒者多。挾熱者少。治者審之。

香蘇散見太理中湯見中

蒼朮二陳湯即二陳湯加蒼朮

補中益氣湯見類

肩背臂膊痛

肩臂痛。古方主以茯苓丸。謂痰飲為患也。而亦有不盡然者。凡背痛多屬於風。胸痛多屬於氣。氣滯見痰凝。臟腑之病也。背為諸臟之所伏。凡風邪襲人。必從腠入。經絡之病也。間有胸痛連背者。氣閉其經也。亦有背痛連胸者。風鼓其氣也。治胸痛者。理痰氣。治背痛者。祛風邪。此一定之理。理痰氣。宜用木香調氣散並前丸。祛風邪。宜用秦艽天麻湯。挾寒者。加附桂。挾虛者。以補中益氣加秦艽天麻主之。如或風邪痰氣。互相鼓煽。痰飲隨風走入經絡。而肩臂腫痛。則煎丸二方。須酌量合用。治法必效矣。

茯苓丸

茯苓

半

夏薑汁炒

風化硝

枳

殼麩炒各五錢

薑汁糊丸。如桐子大。每服二三十九。淡薑湯下。

木香調氣散見類中

秦艽天麻湯

秦艽一錢五分

天麻

羌活

陳皮

歸

川芎各一錢

炙甘草五分

生薑三片

桑枝三錢酒炒

水煎服。挾寒加附子、桂枝。

補中益氣湯中見類

腰痛

腰痛。有風。有寒。有溼。有熱。有瘀血。有氣滯。有痰飲。皆標也。腎虛其本也。腰痛拘急。牽引腿足。脈浮弦者風也。腰冷如冰。喜得熱手熨。脈沉遲或緊者寒也。並用獨活湯主之。腰痛如坐水中。身體沉重。腰間如帶重物。脈濡細者溼也。蒼白二陳湯加獨活主之。若腰重疼痛。腰間發熱。痿軟無力。脈弦數者溼熱也。恐成痿症。前方加黃蘗主之。若因閃挫跌蹠。瘀積於內。轉側若刀錐之刺。大便黑色。脈瀋或芤者。瘀血也。澤蘭湯主之。走注刺痛。忽聚忽散。脈弦急者氣滯也。橘核丸主之。腰間腫。按之濡軟不痛。脈滑者痰也。二陳湯加白朮、草薢、白芥子、竹瀝、薑汁主之。腰痛似脫。重按稍止。脈細弱無力者虛也。六君子湯加杜仲、續斷主之。若兼陰冷。更佐以八味丸。大抵腰痛悉屬腎虛。既挾邪氣。必須祛邪。如無外邪。則惟補腎而已。然腎虛

之中。又須分辨寒熱二症。如脈虛軟無力。溺清便澹。腰間冷痛。此為陽虛。須補命門之火。則用八味丸。若脈細數無力。便結溺赤。虛火時炎。此腎氣熱。髓減骨枯。恐成骨痿。斯為陰虛。須補先天之水。則用六味丸。合補陰丸之類。不可誤用熱藥。以灼其陰。治者審之。

獨活湯 治腎虛兼受風寒溼氣。

獨活

桑寄生

防風

秦艽

威靈仙

牛膝

茯苓各一錢

桂心五分

細辛

甘草炙各三分

當歸

金毛狗脊各二錢

生薑二分

水煎服。丹溪云。久腰痛必用官桂開之方止。寒甚者。更加附子。但有溼熱。則二者皆不宜用。

蒼白二陳湯見類中

澤蘭湯 治閃挫跌撲。瘀血內蓄。轉側若刀錐之刺。

澤蘭三錢

丹皮

牛膝各二錢

桃仁十粒 祛

紅花五分

當歸尾五錢

廣三七一錢

赤芍藥五錢

水煎。熱酒衝服。如二便不通。加酒蒸大黃三錢。凡跌撲傷重。便溺不通者。非大黃不救。若大便已通。則用廣三七煎酒。或山羊血衝酒。青木香煎酒。隨用一味。皆可立止疼痛。

橘核丸

見小腹痛

茯苓丸

見臂痛

六君子湯

見類中

六味丸

八味丸

見虛勞

補陰丸

治腎氣熱。腰軟無力。恐成骨痿。

熟地三兩

丹皮

天冬

當歸

枸杞子

牛膝

山藥

女貞子

茯苓

龜版

杜仲

續斷各一兩二錢

人參

黃柏

各五錢

石斛四兩熬膏。和煉蜜爲丸。每早淡鹽水下三錢。

痺風鶴膝

痺者痛也。風寒溼三氣雜至。合而為痺也。其風氣勝者為行痺。遊走不定也。寒氣勝者為痛痺。筋骨攣痛也。溼氣勝者為著痺。浮腫重墜也。然既曰勝。則受病有偏重矣。治行痺者。散風為主。而以除寒祛溼佐之。大抵參以補血之劑。所謂治風先治血。血行風自滅也。治痛痺者。散寒為主。而以疎風燥溼佐之。大抵參以補火之劑。所謂熱則流通。寒則凝塞。通則不痛。痛則不通也。治著痺者。燥溼為主。而以祛風散寒佐之。大抵參以補脾之劑。蓋土旺則能勝溼。而氣足自無頑麻也。通用蠲痺湯。加減主之。痛甚者。佐以松枝酒。復有患痺日久。腿足枯細。膝頭腫大。名曰鶴膝風。此三陰本虧。寒邪襲於經絡。遂成斯症。宜服虎骨膠丸。外貼普救萬全膏。則漸次可愈。失此不治。則成痼疾。而為廢人矣。

蠲痺湯 通治風寒溼三氣合而成痺。

羌活 活 行上

獨活 活 行下力專

桂心 五分

秦艽 一錢

當歸 三錢

川芎 七分治風

甘草 炙五

海風藤 二錢

桑枝 三錢

乳香 透明

木香 各八分理氣

水煎服。

風氣勝者。更加秦艽防風。

寒氣勝者。加附子。

溼氣勝者。加防己。

草薺、苡仁。痛在上者。去獨活。加荊芥。補在下者。加牛膝。間有濕熱者。其人舌乾喜冷。日渴溺赤。腫處熱辣。此寒久變熱也。去肉桂。加黃柏三分。

松枝酒 治白虎歷節風。走注疼痛。或如蟲行。諸般風氣。

松節

桑枝

桑寄生

勾藤

續斷

天麻

金毛狗脊

虎骨

秦艽

青木香

海風藤

菊花

五加皮各一兩

當歸三兩

每藥一兩。用生酒二觔煮。退火七日飲。痛專在下。加牛膝。

虎骨膏丸 治鶴膝風。並治癱瘓諸症。

虎骨

二觔剉碎洗淨用嫩桑枝金毛狗脊去毛白菊花去蒂各十兩秦艽二兩煎水熬虎骨成膠收起如蜜樣和藥為丸如不足量加煉蜜

大熟地四兩

當歸三兩

牛膝

山藥

茯苓

杜仲

枸杞

續斷

桑寄生各二兩

熟附子七錢

厚肉桂去皮不見火五錢

丹皮

澤瀉八錢

人參二兩貧者以黃耆四兩代之

右爲末。以虎骨膠爲丸。每早開水下三錢。

普救萬全膏。治一切風氣。走注疼痛。以及白虎歷節風。鶴膝風。寒溼流注。癰疽發背。疔瘡癰癰。跌打損傷。腹中食積痞塊。多年瘰癧。頑痰瘀血。停蓄腹痛泄利。小兒疳積。女人癰瘰諸症。並貼患處。咳嗽瘰癧。貼背脊心第七椎。予製此膏。普送。取效神速。倘貼後起泡出水。此病氣本深。盡爲藥力拔出。吉兆也。不必疑懼。記之記之。

大楓子	生地	僵蠶	秦艽	苦參	白鮮皮	赤芍
木香	蘿蔔子	細辛	蜂房	肉桂	羌活	高良薑
白芷	當歸尾	白蔞	丁香	草麻子	防風	蟬退
貝母	烏藥	白芨	檀香	五加皮	丁皮	全蝎
						南星
						元參

度。濾去渣重稱。每藥油十二兩。下濾淨片子松香四觔。同熬至滴水不散。每鍋	冬浸九宿。春秋七宿。夏五宿。分數次入鍋。文武火熬。以藥枯油黑。滴水成珠爲	松香皮一百觔。淨百草霜十觔。細	男人血餘三兩。以上	棟枝	槐枝	青風藤兩五錢。以上各一	牙皂	麻黃	藁本	花百頭	桃仁	蘇木	繁甲
				榆枝	桃枝	大黃三兩	半夏	甘草	骨碎補	杏仁	牛膝	枳殼	荆芥
				楮枝。以上各三	柳枝	蜈蚣三條	草烏	黑山梔	川芎	蒼朮	紅花	連翹	兩頭尖
			真麻油十五兩。秤用二		桑枝	蛇脫五條	紫荊皮	川烏附子	黃芩	艾絨	續斷	威靈仙	獨活

下百草霜細末六兩。勿住手攪。俟火候成。則傾入水缸中。以棒攪和成塊。用兩人扯拔數次。磁鉢收貯。治一切風寒溼氣瘡疽等症。其效如神。又法治瘡疽。用血丹收更妙。每油一觔。用丹六兩。

痿

痿大症也。諸痿生於肺熱。經云。五藏因肺熱葉焦。發爲痿躄。肺氣熱。則皮毛先痿。而爲肺鳴。心氣熱。則脈痿。經縱不任施。肝氣熱。則筋痿。口苦而經攣。脾氣熱。則肉痿。肌膚不仁。腎氣熱。則骨痿。腰脊不舉。丹溪治瀉南方補北方方法。瀉南方則肺金不受刑。補北方則心火自下降。俾西方清肅之令下行。庶肺氣轉清。筋脈骨肉之間。溼熱漸消。而痿可愈也。然經云。治痿獨取陽明。何也。蓋陽明爲臟腑之海。主潤宗筋。宗筋主束骨而利機關也。陽明虛。則宗筋縱。帶脈不引。故足痿不用也。由前論之。則曰五臟有熱。由後論之。則曰陽明之虛。二說似異而實同。蓋陽明胃屬溼土。土虛而感溼熱之化。則母病傳子。肺金受傷。而痿症作矣。是以治痿獨取陽明也。取陽明者。所以祛其溼。瀉南補北者。所以清其熱。治痿之法。不外補中祛溼養

陰清熱而已矣。

五痿湯 治五臟痿。

人參

白朮

茯苓各一錢

甘草分炙四

當歸五錢

苡仁三錢

麥冬二錢

黃柏色炒

知母各五

水煎服。心氣熱加黃連三分。丹參、生地各一錢。肝氣熱加黃芩、丹皮、牛膝

各一錢。脾氣熱加連翹一錢。生地一錢五分。腎氣熱加生地、牛膝、石斛各

一錢五分。肺氣熱加天冬、百合各二錢。挾痰加川貝、竹瀝。溼痰加半夏

麴。瘀血加桃仁、紅花。如氣血兩虛另用十全大補湯。腎肝虛熱髓減骨

枯兼用虎潛丸主之。

十全大補湯 見虛

虎潛丸

龜版四兩

杜仲

熟地各三

黃柏色炒

知母各五

牛膝

白芍藥

虎骨酒炙

當歸各二兩 陳皮四錢 乾薑二錢
爲末。酒糊丸。每服二錢。淡鹽水下。加人參一兩尤妙。

脚氣

脚氣者。脚下腫痛。卽痺症之類也。因其痛專在脚。故以脚氣名之。其腫者名溼脚氣。不腫者名乾脚氣。溼脚氣水氣勝也。檳榔散主之。乾脚氣風氣勝也。四物湯加牛膝、木瓜主之。

檳榔散 脚氣謂之壅疾。不宜驟補。

檳榔

牛膝

防己

獨活

秦艽各一錢

青木香

天麻

赤芍各八分

桑枝二錢

當歸五分

水煎服。

四物湯見虛症

癘風

癘風癩也。俗稱大麻風。溼熱在內。而為風鼓之。則肌肉生蟲。白屑重叠。搔癢頑麻。甚則眉毛脫落。鼻柱崩壞。事不可為矣。治法清溼熱。祛風邪。以苦參湯。地黃酒並主之外。以當歸膏塗之。往往取效。未可據視為廢疾而忽之也。

苦參湯

苦參五分

生地二錢

黃柏五分

當歸

秦艽

牛蒡子

赤芍

白蒺藜

丹皮

丹參

銀花

貝母各一錢

加甘菊三錢。水煎服。

地黃酒

生地二兩

黃柏

苦參

丹參

草薢

菊花

銀花

丹皮

赤芍

當歸

枸杞子

蔓荊子

赤茯苓各一兩

秦艽

獨活

威靈仙各五錢

桑枝一兩五錢

烏梢蛇去頭尾一具

右煮好頭生酒五十斤。退火七日用。

加味當歸膏 治一切瘡疹。並癰腫收口皆效。

當歸

生地各一兩

紫草

木鼈子肉去殼

麻黃

大楓子肉去殼

防風

黃柏

元參各五錢

蘇油八兩

黃蠟二兩

先將前九味入油熬枯。濾去渣。再將油復入鍋內。熬至滴水成珠。再下黃蠟。試水中不散為度。傾入蓋碗內。坐水中出火三日。聽擦。

噎隔

古方治噎隔。多以止吐之劑通用。不思吐。瀉症也。宜燥。噎隔燥症也。宜潤。經云。三陽結謂之隔結。結熱也。熱甚則物乾。凡噎隔症。不出胃脘乾槁四字。槁在上脘者。水飲可行。食物難入。槁在下脘者。食雖可入。久而復出。夫胃既槁矣。而復以燥藥投之。不愈益其燥乎。是以大小半夏二湯。在噎隔門為禁劑。予嘗用啓膈散開關。更佐以四君子湯調理脾胃。挾鬱者則用逍遙散主之。雖然藥逍遙而人不逍遙。

亦無益也。張雞峰云。此症乃神思間病。法當內觀靜養。斯言深中病情。然其間有挾蟲挾血挾痰與食而為患者。皆當按法兼治。不可忽也。

啓膈散 通噎隔。開關之劑。屢效。

沙參三錢 丹參三錢 茯苓一錢 川貝母錢五分

鬱金五分 砂仁殼四分 荷葉蒂二個 杵頭糠五分

水煎服。虛者加人參。前症若兼蟲積。加胡連、蕪荑。甚則用河間雄黃散吐之。若兼血積。加桃仁、紅花。或另以生韭汁飲之。若兼痰積。加廣橘紅。若兼食積。加蔔子、麥芽、山楂。此症有生蛇虺者。華陀以醋蒜食之。令飽。則吐物而出。真神法也。

四君子湯症見虛

調中散 通噎隔。開關和胃。

北沙參三兩 荷葉去筋淨 廣陳皮浸去白 茯苓一兩

川貝母去心粘米拌炒一兩 丹參三兩 陳倉米炒熟 五穀蟲酒炒焦

共為細末。每用米飲調下二錢。日二服。

逍遙散

見類中

河間雄黃散

雄黃

瓜蒂

赤小豆

各錢

共爲細末。每服五分。溫水調。滴入狗油數匙服下。以吐爲度。吐去隔間小蟲。隨用五味異功散安之。續用逍遙散調之。

痢疾

古人治痢。多用墜下之品。如檳榔、枳實、厚朴、大黃之屬。所謂通因通用。法非不善矣。然而效者半。不效者半。其不效者。每至纏綿難愈。或嘔逆不食而成敗症者。比比皆是。予爲此症。仔細揣摩不能置。忽見燭光。遂恍然有得。因思火性炎上者也。何以降下於腸間而爲痢。良由積熱在中。或爲外感風寒所閉。或爲飲食生冷所遏。以致火氣不得舒伸。逼迫於下裏急而後重也。醫者不察。更用檳榔等藥下墜之。則降者愈降。而痢愈甚矣。予因製治痢散。以治痢症。初起之時。方用葛根爲君。鼓舞胃氣上行也。陳茶、苦參爲臣。清溼熱也。麥芽、山查爲佐。消宿食也。赤芍藥、廣

陳皮爲使。所謂行血則便膿自愈。調氣則後重自除也。製藥普送。效者極多。惟於腹中脹痛不可手按者。此有宿食。更佐以樸黃丸下之。若日久脾虛食少痢多者。五味異功散加白芍、黃連、木香清而補之。氣虛下陷者。補中益氣湯升提之。若邪熱穢氣塞於胃脘。嘔逆不食者。開噤散啓之。若久痢變爲虛寒。四肢厥冷。脈微細。飲食不消者。附子理中湯加桂溫之。夫久痢必傷腎。不爲溫煖元陽。誤事者衆矣。可不謹歟。

治痢散 專治痢疾初起之時。不論赤白皆效。

葛根

苦參炒

陳皮

陳松蘿茶各一

赤芍酒炒

麥芽炒

山查炒各十

右藥細末。每服四錢。水煎。連末藥服下。小兒減半。忌暈腥麵食煎炒。閉氣發氣諸物。本方加川連四兩尤妙。

樸黃丸 治痢疾初起。腹中實痛。不得手按。此有宿食也。宜下之。

陳皮

厚朴薑汁炒各大黃酒一觔蒸

廣木香四兩

荷葉水疊爲丸。如菉豆大。每服三錢。開水下。小兒二錢。

五味異功散即六君子湯除中門 補中益氣湯見類

開噤散 治嘔逆食不入。書云食不得入是有火也。故用黃連。痢而不食則氣益虛。故加人參。虛人久痢並用此法。

人參

川黃連薑水炒

石菖蒲七分不

丹參三錢

石蓮子

去殼即建蓮中有黑殼者

茯苓

陳皮

陳米一撮

冬瓜仁去殼一分

荷葉蒂二箇

水煎服。

附子理中湯見中寒門

泄瀉

書云。溼多成五瀉。瀉之屬溼也明矣。然有溼熱。有溼寒。有食積。有脾虛。有腎虛。皆能致瀉。宜分而治之。假如口渴溺赤。下瀉腸垢。溼熱也。溺清口和。下瀉清穀。溼寒也。胸滿痞悶。噯腐吞酸。瀉下臭穢。食積也。食少便頻。面色皓白。脾虛也。五更天明。依時作瀉。腎虛也。治瀉神朮散主之。寒熱食積。隨症加藥。脾虛者。香砂六君子湯。

腎虛者。加減七神丸。凡治瀉。須利小便。然有食積未消者。正不宜利小便。必俟食積既消。然後利之。斯為合法。

神朮散中見類。燥溼理脾。消積滯。為止瀉之良藥。溼熱加連翹。溼寒加炮薑、木香。

食積加山查、麥芽、神麴。

香砂六君子湯。中見類。治脾虛作瀉。挾寒者。加薑桂。甚加附子。

加味七神丸。止腎瀉如神。

肉豆蔻煨裏。吳茱萸去梗湯。廣木香各一。補骨脂鹽酒炒。

白朮陳土。茯苓蒸二。車前子去殼蒸。

大棗煎湯。疊為丸。每服三錢。開水下。

瘧疾

瘧者。暴瘧之狀。因形而得名也。經曰。陰陽相搏而瘧作矣。陰搏陽而為寒。陽搏陰而為熱。如二人交爭。此勝則彼負。彼勝則此負。陰陽互相勝負。故寒熱並作也。善治瘧者。調其陰陽。平其爭勝。察其相兼之症。而用藥得宜。應手可愈。大法瘧症初

起。香蘇散散之。隨用加減小柴胡湯和之。二三發後。止瘧丹截之。久瘧脾虛。六君子湯加柴胡補之。中氣下陷。補中益氣湯舉之。元氣既回。瘧症自止。書云。一日一發者。其病淺。兩日一發者。其病深。三日一發者。其病尤深。然而寒熱往來。總在少陽。久而不愈。總不離乎脾胃。蓋胃虛亦惡寒。脾虛亦發熱也。疎理少陽。扶助脾胃。治瘧無餘蘊矣。

香蘇散

見傷寒太陽症

加減小柴胡湯

治瘧症之通劑。須按加減法主之。

柴胡

秦艽

赤芍各一錢

甘草五分

陳皮五分

生薑一片。桑枝二錢。水煎服。

熱多者。加黃芩一錢。

寒多者。加黑薑五分。

口渴甚者。加知母一錢。貝母一錢五分。嘔噦。加半夏、茯苓各一錢。砂仁七分。

生薑二片。汗少者。加荊芥一錢。川芎五分。汗多者。去秦艽。減柴胡一半。加

人參一錢。白朮一錢五分。飲食停滯。胸膈飽悶。加麥芽、神麴、山楂、厚朴各一

錢。如欲止之。加白蔻仁八分。鼈甲醋炙二錢。更另用止瘧丹一二丸截之。神

效。若體虛氣弱。如人參、黃耆、白朮各二錢。當歸、茯苓各一錢。久病成瘧母。加白朮一錢。木香、枳實各五錢。鱉甲二錢。

止瘧丹 治瘧症二三發後。以此止之。應手取效。

常山火酒炒

草果仁去殼

半夏麴炒薑汁

香附米酒炒

青皮去穢醋炒

真六神麴十二兩為末。用米飲煮糊為丸。如彈子大。硃砂為衣。輕者一丸。重者二丸。紅棗五六枚煎湯化下。清晨面東空腹服。

六君子湯 補中益氣湯類中見

瘧久變虛。宜用前二方主之。但真虛者多挾寒。須加肉桂、附子、炮薑、砂仁之類。溫補元氣。甫克收功。

論水腫鼓脹

問曰。水腫鼓脹。何以別之。答曰。目窠與足先腫。後腹大者水也。先腹大。後四肢腫者脹也。然水腫亦有兼脹者。脹亦有兼水者。須按其先後多寡而治之。今分為兩

門。治者宜合參焉。

水腫

水腫症。有表裏寒熱腎胃之分。大抵四肢腫。腹不腫者表也。四肢腫。腹亦腫者裏也。煩渴口燥。溺赤便閉。飲食喜涼。此屬陽水。熱也。不煩渴。大便自調。飲食喜熱。此屬陰水。寒也。先喘而後腫者。腎經聚水也。先腫而後喘。或但腫而不喘者。胃經蓄水也。經云。腎者胃之關也。關閉則水積。然胃病而關亦自閉矣。治胃者。五皮飲加減主之。治腎者。腎氣丸加減主之。或問。書云。先喘後腫。其病在肺。何也。答曰。喘雖肺病。其本在腎。經云。諸痿喘嘔。皆屬於下是也。若外感致喘。或專屬肺經受邪。內傷致喘。未有不由於腎者。治者詳之。

五皮飲 治胃經聚水。乃通用之劑。華陀中藏經之方也。累用累驗。

大腹皮洗

茯苓皮

陳皮

桑白皮各一錢五分

生薑皮八分

水煎服。仲景云。腰以上腫。宜發汗。加紫蘇、秦艽、荆芥、防風。腰以下腫。宜利小

便。加赤小豆、赤茯苓、澤瀉、車前子、葶藶、防己。若大便不通。宜下之。加大黃、葶藶。腹中脹滿者。荀子、厚朴、陳皮、麥芽、山查。體虛者。加白朮、人參、茯苓。審是陰水。加附子、乾薑、肉桂。審是陽水。加連翹、黃柏、黃芩。挾痰者。加半夏、生薑。既消之後。宜用理中湯健脾胃。或以金匱丸溫煖命門。或以六味加牛膝、車前、滋腎水。清餘熱。庶收全功。

附子理中湯

見中寒

金匱腎氣丸。治腎經聚水。小便不利。腹脹肢腫。或痰喘氣急。漸成水蠱。其效如神。然腎經聚水。亦有陰陽之分。不可不辨也。經云。陰無陽無以生。陽無陰無以化。經又云。膀胱者。州都之官。津液藏焉。氣化則能出矣。假如腎經陽虛。陰無以生。真火不能制水者。宜用此丸。假如腎經陰虛。陽無以化。真陰不能化氣者。宜用本方。去附桂主之。東垣云。土在雨中化為泥。陰水之象也。河間云。夏熱之甚。庶土蒸溽。陽水之象也。知斯意者。可以治水也。

大熟地

八兩

山藥

四兩

山萸肉

丹皮

澤瀉

車前子

牛膝

各二兩

茯苓

六兩

肉桂一兩

附子一兩虛寒甚者倍之

用五加皮八兩。煮水一大碗。濾去渣。和藥。加煉蜜爲丸。如桐子大。每早開水下四錢。前症若屬陰虛。本方去桂附。加文蛤、牡蠣各二兩。溼熱甚者。加黃柏五錢。不用五加皮。以萆薢八兩熬汁代之。

論血分水分

婦人經水先斷後發腫者。名曰血分。通經丸主之。先發水腫。然後經斷者。名曰水分。五皮飲送下。通經丸主之。

通經丸

當歸尾

赤芍藥

生地黃

川芎

牛膝

五靈脂各一兩

紅花

桃仁各五錢

香附三兩

琥珀五錢

蘇木屑二兩。煎酒。和砂糖。熬化爲丸。如桐子大。每服三錢酒下。體虛者。用理中湯送下。若血寒。加肉桂五錢。

鼓脹

或問方書有鼓脹、蠱脹之別。何也。答曰。鼓者。中空無物。有似於鼓。蠱者。中實有物。非蟲卽血也。中空無物。填實則消。經所謂熱因寒用是已。中實有物。消之則平。經所謂堅者削之是已。然脹滿有寒熱虛實淺深部位之不同。若不細辨。何由取效。假如溺赤便閉。脈數有力。色紫黑。氣粗厲。口渴飲冷。脣焦舌燥。多屬於熱。假如溺清便澹。脈細無力。色皓白。氣短促。喜飲熱湯。舌潤口和。多屬於寒。又如腹脹按之不痛。或時脹時減者。爲虛。按之愈痛。腹脹不減者。爲實。凡脹滿。飲食如常者。其病淺。飲食減少者。其病深。且脹有部分。從是通腹脹滿。亦必有脹甚之部。與病先起處。卽可知屬臟腑。而用藥必以之爲主。東垣治脹滿。何不外枳朮。補中二方出入加減。寒熱攻補。隨症施治。予因製和中丸。普送。效者甚多。有力者。當修合以濟貧乏。又氣虛中滿。宜用白朮丸。而以六君子湯佐之。中空無物。不用枳實。恐傷氣也。

枳朮丸

除脹消食。

枳

實一兩

白

朮二兩

共爲末。荷葉包爛飯煨透。并和爲丸。每服二錢。開水下。

補中益氣丸。見類中

和中丸

白朮陳土炒四兩 扁豆炒三兩 茯苓各五錢兩 枳實麵炒二兩

陳皮三兩 神麴炒黑 麥芽炒 山查炒

香附薑汁炒二兩 砂仁一兩五錢 半夏薑汁炒一兩 丹參酒蒸二兩

五穀蟲炒三兩酒拌焦黃色

荷葉一枚煎水疊爲丸。每日上午下午開水下二錢。此方不寒不熱。和平之治法也。若寒氣盛加乾薑、吳萸、肉桂。若濕熱盛加黃連、連翹。若大便閉結。先用三黃枳朮丸下之。隨用本方漸磨之。若兼瘀血加厚朴、赤芍。若脾虛氣弱用六君子湯吞服此丸。或以補中益氣湯送下。此醫門之秘法。不可不講。

白朮丸 治氣虛中滿。

白朮 白茯苓 陳皮各二兩 砂仁

神麴各一兩五錢 五穀蟲四兩

用荷葉、老米煎水。疊爲丸。每服三錢。開水下。

三黃枳朮丸 治熱食所傷。肚腹脹痛。並溼熱脹滿。大便閉結者。

黃芩酒炒一兩

黃連酒炒四錢

大黃分酒蒸五錢

神麴

枳實麵炒

白朮陳土炒

陳皮各五錢

荷葉煎水疊爲丸。如菉豆大。每服一錢五分。或二三錢。量人虛實用。

六君子湯見類中

積聚

積者。推之不移。成於五臟。多屬血病。聚者。推之則移。成於六腑。多屬氣病。治積聚者。當按初中末之三法焉。邪氣初客。積聚未堅。宜直消之而後和之。若積聚日久。邪盛正虛。法從中治。須以補瀉相兼爲用。若塊消及半。便從末治。卽住攻擊之藥。但和中養胃。導達經脈。俾榮衛流通。而塊自消矣。更有虛人患積者。必先補其虛。理其脾。增其飲食。然後用藥攻其積。斯爲善治。此先補後攻之法也。初治太無神功。攻散主之。中治和中丸主之。末治。理中湯主之。予嘗以此三法互相爲用。往往有太無神功散。治痞積。不拘氣血飲食。蟲積痰水。皆效。

地扁蓄

瞿麥穗

大麥芽錢各五

神

麴二錢五分

沉香

木香錢各一錢

甘草錢炙五

大

黃酒蒸二兩

右爲細末。每服二三錢。燈心竹葉煎湯。及無灰酒調服。女以燈心紅花當歸煎湯。及無灰酒送下。忌油膩動氣之物。及房室一月。藥須黃昏服。勿食晚飲。大小便見惡物爲度。

和中丸見鼓

書云。肝之積。在左脇下。名曰肥氣。加柴胡、鼈甲、青皮、莪朮。肺之積。

在右脇下。名曰息賁。加白蔻仁、桑白皮、鬱金。心之積。起臍上。上至心下。大如臂。名曰伏梁。加石菖蒲、厚朴、紅花、莪朮。脾之積。在胃脘。腹大如盤。名曰痞氣。加厚朴。腎之積。在臍下。發於小腹。上衝心而痛。名曰奔豚。另用奔豚丸主之。熱積。加黃連、黃芩。寒積。加肉桂、乾薑。附子。酒積。加葛根。痰積。加半夏。水積。加桑白皮、赤小豆。血積。加桃仁、紅花、乾漆。肉積。加阿魏、山查。

奔豚丸

川練子煨去肉一兩

茯苓

橘核鹽水炒各一兩五錢

桂三錢

附子炮

吳茱萸湯泡七次各五錢

荔枝子煨八錢

小茴香

木香錢各七

熬砂糖爲丸。每服二錢。淡鹽湯下。若有熱者。去附桂。

理中湯見中寒

疝氣

疝者。少腹痛。引臍丸也。經云。任脈爲病。男子外結七疝。女子帶下瘕聚。七疝者。一曰衝疝。氣上衝心。二便不通也。二曰狐疝。臥則入腹。立則出腹也。三曰癰疝。陰囊瘻大如升如斗也。四曰厥疝。肝氣上逆也。五曰瘕疝。腹有瘕痞。痛而熱。時下白濁也。六曰癰疝。內裏膿血也。七曰癰瘰疝。內裏膿血。小便不通也。愚按厥疝卽衝疝。癰瘰疝卽癰疝。其名有七。其實五者而已。疝之根。起於各臟。而歸併總在厥陰。以肝主筋。又主痛也。治疝之法。非一。而分別不外氣也。氣則遊走不定。血則凝聚不散也。橘核丸加減主之。

橘核丸 通治七疝。

橘核二兩鹽酒炒

小茴香

川棟子煨去肉

桃仁去皮尖及雙仁者炒

香附醋炒

山查子炒各一兩

廣木香

紅花錢各五

以神麴三兩打糊爲丸。每服三錢。衝疝用白茯苓一錢。松子仁三錢。煎湯送下。狐疝用當歸二錢。牛膝一錢五分。煎酒送下。癰疝用白茯苓、陳皮、赤茯苓各一錢。煎湯送下。厥疝治同衝疝。瘕疝用丹參、白茯苓各一錢五分。煎湯送下。癰疝本方內加五靈脂一兩。醋炒。赤芍一兩五錢。酒炒。服時用牛膝一錢五分。當歸尾三錢。煎酒送下。癰癰疝治法同上。此症若寒熱深重。本方內加吳茱萸、肉桂心各五錢。甚則加附子一枚。若表寒束其內熱。腹痛熱辣。或流白濁者。本方內加黑山梔五錢。川草薢一兩。吳茱萸三錢。湯泡七次。吳茱萸散表寒。山梔清內熱。二者并行。丹溪心法也。小腸氣者。臍下轉痛。失氣則快。膀胱氣者。臍熱痛。瀦於小便。卽胞痺也。疝者。狀如弦弓。筋病也。癰者。隱伏於內。疼痛着骨也。癰者。有塊可癰。血病也。

瘕者。假也。忽聚忽散。氣病也。以上諸症。雖作痛。不引舉丸。故不以疝名之。然而治法可以彷彿前丸加減。或輕或重。因時制宜也。

痰飲

凡病未有不發熱。不生痰者。是痰與熱。乃雜病兼見之症。似無容專立法門矣。然亦有雜病輕。而痰飲重。則專以痰飲爲主治。書有五痰之名。以五臟分主之也。五飲之名。隨症見也。其實猶未確當。大抵痰以燥溼爲分。飲以表裏爲別。溼痰滑而易出。多生於脾。脾實則消之。二陳湯。甚則滾痰丸。脾虛則補之。六君子湯。兼寒兼熱。隨症加藥。燥痰濇而難出。多生於肺。肺燥則潤之。貝母瓜蒌散。肺受火刑。不能下降。以致真水上泛。則滋其陰。六味丸。飲有在表者。乾燥發熱而咳。面目四肢浮腫。香蘇五皮散。飲有在裏者。或停心下。或伏腋肢。咳則相引而痛。或走腸間。漣漣有聲。用小半夏加茯苓湯。隨其部位而分治之。此治痰飲之大法也。書云。治痰須理脾。以痰屬溼。脾土旺。則能勝溼耳。治痰如此。飲亦宜然。然脾經痰飲。當健脾以

祛其溼。若腎虛水泛。為痰為飲者。必滋其腎。腎水不足。則用六味。若命門真火衰微。寒痰上泛者。則用八味腎氣丸。補火生土。開胃家之關。導泉水下流。而痰飲自消矣。

二陳湯

半夏

茯苓

陳皮去白各一錢

甘草炙五分

生薑二片。大棗二枚。煎服。加人參、白朮各一錢。名六君子湯。

滾痰丸 治實熱老痰。變生怪症。

大黃蒸片切

黃芩炒各四兩

青礞石硝煨色

沉香細切三錢

辰砂細剉水飛二錢

水疊為丸。辰砂為衣。每服一二錢。開水下。此藥但取痰積。並不刮腸大瀉。為老

痰要藥。

貝母瓜蒌散

貝母五分錢

瓜蒌一錢

花粉

茯苓

橘紅

桔梗各八分

水煎服。

香蘇散見太五皮飲見水

小半夏加茯苓湯見傷寒

六味丸 十味腎氣丸即八味丸加車前牛膝並見類中門

嘔吐噦噦逆

嘔者。聲與物俱出。吐者。有物無聲。噦者。有聲無物。世俗謂之乾嘔。東垣以此三者。皆因脾胃虛弱。或寒氣所客。或飲食寒所傷。以致氣逆而食不得下也。香砂二陳湯主之。然嘔吐多有屬火者。經云。食不得入。是有火也。食入反出。是有寒也。若拒格飲食。點滴不入者。必用薑水炒黃連以開之。累用累效。至於食入反出。固為有寒。若大便閉結。須加血藥以潤之。潤之不去。宜蜜煎導而通之。蓋下竅開。上竅即入也。其有因脾胃虛弱而吐者。補中為主。理中湯。其有因痞積滯礙而吐者。消積為主。和中丸。若命門火衰。不能生土者。補火為主。八味丸。復有呃逆之症。氣自臍下直衝上。多因痰飲所致。或氣鬱所發。扁鵲丁香散主之。若火氣上衝。橘皮竹茹湯

主之。至於大病中見呃逆者。是謂土敗木賊。為胃絕。多難治也。

二陳湯

見痰飲

通治嘔吐噦。隨症加減。

前症若脾胃虛弱。加人參、白朮。若寒氣所侵。加薑、桂。甚加附子。若飲食所傷。加山查、麥芽、神麴、香附、砂仁、藿香。若飲食仲口而出不得入者。是為有火。加黃連、山梔。若大便結燥。加當歸、黃芩、知母。若有積滯。且兼服和中丸。

理中湯

見中寒

和中丸

見蟲脹

八味丸

見類中

扁鵲丁香散

見傷寒呃逆

橘皮竹茹湯

陳皮

去白二錢

竹茹

一團

半夏

人參

甘草

各一錢

水煎服。

二消

經云。渴而多飲為上消。消穀善肌為中消。口渴。小水如膏者。為下消。三消之症。皆

燥熱結聚也。大法治上消者。宜潤其肺。兼清其胃。二冬湯主之。治中消者。宜清其胃。兼滋其腎。生地八物湯主之。治下消者。宜滋其腎。兼補其肺。地黃湯。生脈散並主之。夫上消清胃者。使胃火不得傷肺也。中消滋腎者。使相火不得攻胃也。下消清肺者。滋上源以生水也。三消之治。不必專執本經而滋其化源。則病易痊矣。書又云。飲一溲一。或飲一溲二。病勢危急。仲景用八味丸主之。所以安固腎氣也。而河間則用黃耆湯和平之劑。大抵肺腎虛而不寒者。宜用此法。又按仲景少陰篇云。腎經虛。必頻飲熱湯以自救。乃同氣相求之理。今腎經虛寒。則引水自灌。虛寒不能約制。故小便頻數。似此不必與消症同論。宜用理中湯。加益智仁主之。然予嘗見傷暑發喘之症。小便極多。不啻飲一而溲二者。用六味加知柏而效可見此症又由腎經陰虛而得。治宜通變。正當臨症制宜。未可一途而取也。

二冬湯 治上消。

天冬二錢去心

麥冬三錢去心

花粉一錢

黃芩一錢

知母一錢

甘草五分

人參五分

荷葉一錢水煎服。

生地八物湯 治中消。

生地三錢

山藥五錢

知母五錢

麥冬三錢

黃芩一錢

黃連一錢

黃柏一錢

丹皮五錢

荷葉二錢 水煎服。

六味地黃湯 見類中

生服散

麥冬二錢

人參一錢

北五味 粒十五

水煎服。

八味丸 加卽六味附

黃耆湯 治肺腎兩虛。飲少溲多。

黃耆三錢

五味子一錢

人參

麥冬

枸杞子

大熟地 各一錢五分

水煎服。

理中湯 見中寒

熱淋

淋者。小便頻數。不得流通。溺已而痛是也。大抵由膀胱經溼熱所致。然濁有六種。一曰石淋。下如砂石。有似湯瓶久在火中。底結白碱也。益元散加琥珀末主之。二曰膏淋。滴下濁液。如脂膏也。萆薢飲主之。三曰氣淋。氣滯不通。水道阻塞。臍下妨悶。脹痛也。假蘇散主之。四曰血淋。瘀血停蓄。莖中割痛。難忍是也。生地四物湯加紅花、桃仁、花蘆石主之。或兼服代抵當丸。五曰勞淋。勞力辛苦而發。此爲氣虛。以至氣化不及。州都補中益氣湯主之。六曰冷淋。寒氣堅閉。水道不行。其症四肢厥冷。口鼻氣冷。喜飲熱湯是也。金匱腎氣湯主之。更有過服金石熱藥。敗精流注。轉而爲淋者。又老人陰已痿而思色以降其精。則精不出而內敗。以致大小便牽痛如淋。愈淋則愈便。愈便則愈痛。宜用前萆薢飲。去黃柏。加兔絲。遠志。導去其精。然後用六味地黃湯補之。方爲有益。淋症多端。未可執一而論也。

益元散

中見類

萆薢飲 治膏淋。並治諸淋。

草 薺 三錢

文蛤粉 研細

石 葦

車前子

茯苓 各一分

燈 心 二十

蓮子肉

石菖蒲

黃 柏 各八分

假蘇散 治氣淋。

荊 芥

陳 皮

香 附

麥 芽 炒

瞿 麥

木 通

赤 茯苓

各等分爲末。每服三錢。開水下。

生地四物湯 易熱地方見虛勞

代抵當丸

生 地

當 歸

赤 芍 各一兩

川 芎

五靈脂 各七錢

大 黃 錢一兩五

砂糖爲丸。每服三錢。開水下。

補中益氣湯 見類

金匱腎氣丸 見水

小便不通 婦轉脬 孕

小便不通。謂之癃閉。癃閉與淋症不同。淋則便數而莖痛。癃閉則小便點滴而難通。東垣云。渴而小便不利。便熱在上焦。氣分也。宜用四苓散。加山梔、黃芩等藥。以分利之。若大便亦閉。加大黃、元明粉之類。不渴而小便不利者。熱在下焦。血分也。宜用滋陰化氣之法。若滋腎丸之類是已。大法無陽則陰無以生。無陰則陽無以化。下元真陰不足。則陽氣不化。必滋其陰。若下元真陽不足。則陰氣不生。必補其陽。臂如水腫鼓脹。小便不通者。服金匱腎氣丸。而小便自行。陰得陽以生也。復有除桂附服之而亦效者。陽得陰而化也。此陰陽氣化之精義也。更有小便不通。因而吐食者。名曰關格。經云。關則不得小便。格則吐逆。關格者。不得盡其命矣。宜用假蘇散治之。又丹溪治孕婦轉脬。小便不通者。用補中益氣湯。隨服而探吐之。往往有效。譬如滴水之器。上竅閉則下竅不通。必上竅開。然後下竅之水出焉。丹溪初試此法。以爲偶中。後來屢用屢驗。遂恃爲救急良法。每見今人治轉脬症。投補中益氣。而不爲探吐。且曰古法不效。有是理乎。予嘗用茯苓升麻湯。治此有驗。蓋用升麻以舉其胎氣。用茯苓以利小便。用歸芎以活其胎。用苧根理胞系之繚亂。此以升劑爲通之法也。附錄於此。以俟明哲。

四苓散

即五苓散去桂枝在見太陽府病

滋腎丸

黃

柏炒褐

知

母蒸各

肉

桂去一錢皮

煉蜜丸如梧桐子大。每服七八十丸。開水下。

金匱腎氣丸

見水

假蘇散

見淋

補中益氣湯

見類

茯苓升麻湯

茯苓

赤白各五錢

升

麻五錢

當

歸二錢

川

芎一錢

苧

根三錢

急流水煎服。或調琥珀末二錢服。更佳。

大便不通

遺尿 大小腸交 脫肛

經曰。北方黑色。入通於腎。開竅於二陰。是知腎主二便。腎經津液乾枯。則大便閉結矣。然有實閉。虛閉。熱閉。冷閉之不同。如陽明胃實。燥渴譫語。不大便者。實閉也。

小承氣湯下之。若老弱人精血不足。新產婦人氣血乾枯。以致腸胃不潤。此虛閉也。四物湯如松子仁、柏子仁、肉蓯蓉、枸杞、人乳之類以潤之。或以蜜煎導而通之。若氣血兩虛。則用八珍湯。熱閉者口燥唇焦。舌胎黃。小便赤。喜冷惡熱。此名陽結。宜用清藥及攻下之法。三黃枳朮丸主之。冷閉者脣淡口和。舌胎白。小便清。喜熱惡寒。此名陰結。宜用溫藥而兼潤燥之法。理中湯加歸芍主之。凡虛人不大便。未可勉強通之。大便雖閉。腹無所苦。但與潤劑積久自行。不比傷寒邪熱。消燦津液。有不容刻緩之勢也。予嘗治老人虛閉。數至圊而不能便者。用四物湯及滋潤藥加升麻。屢試屢驗。此亦救急之良法也。

大小腸交。陰陽拂逆也。大便前出。小便後出。名曰交腸。五苓散主之。復有老人陰血乾枯。大腸結燥。便溺俱自前出。此非交腸。乃血液枯涸之徵。氣血衰敗之候也。多服大劑八珍湯。或可稍延歲月耳。

遺尿有二症。一因脾胃虛弱。倉廩不固。腸滑而遺者。一因火性急速。逼迫而遺者。宜分別治之。脾虛。理中湯。火盛。芍藥甘草湯加黃連。

脫肛亦有二症。一因氣虛下陷而脫者。補中益氣湯。一因腸胃有火。腫脹下脫者。

四物湯。加升麻、黃芩、荷葉之屬。

小承氣湯

陰傷寒少

四物湯

見虛

蜜煎導法

見傷

理中湯

見傷寒

三黃枳朮丸

見腹痛

八珍湯

見虛

五苓散

見太陽

芍藥甘草湯

見腹痛

補中益氣湯

中見類

小便不禁

經云。膀胱不利爲癰。不約爲遺溺。所以不約者。其因有三。一曰肝熱。肝氣熱。則陰挺失職。書云。肝主疎泄。是已。加味道遙散主之。二曰氣虛。中氣虛。則不能統攝。以致遺溺。十補湯主之。大抵老幼多見此症。悉屬脾氣不固。老人挾寒者多。嬰兒挾熱者衆。挾寒者。用本方。挾熱者。六味地黃丸。三曰腎敗。狂言反目。溲便自遺者。此腎絕也。傷寒日久見之。多難救。中症見之。隨用大劑附子理中湯頻灌。間有得生者。蓋暴脫者。可以暴復。若病勢日深。則不可爲也。然中症亦有陰虛而遺溺者。不

宜偏用熱藥。治者詳之。

加味逍遙散

中見類

十全大補湯

勞見虛

六味地黃丸

勞見虛

附子理中湯

寒見中

便血

便血症。有腸風。有臟毒。有熱有寒。病人臟腑有熱。風邪乘之。則下鮮血。此名腸風。清魂散主之。若腸胃不清。下如魚腸。或如豆汁。此名臟毒。芍藥湯主之。凡下血症。脈數有力。脣焦口燥。喜冷畏熱。是為有火。宜用前方加黃芩、丹皮、生地之屬。若脈細無力。脣淡口和。喜熱畏寒。或四肢厥冷。是為有寒。宜用溫藥止之。理中用歸芍主之。若便久不止。氣血大虛。宜用歸脾。十全輩統血歸經。血本屬陰。生於陽氣。治者宜滋其化源。

清魂散

荆芥三錢

當歸五錢

水煎服。

芍藥湯

見腹痛

理中湯

見中寒

歸脾湯

十全大補湯

俱見虛勞

尿血

心主血。心氣熱。則遺熱於膀胱。陰血妄行而溺出焉。又肝主疎泄。肝火盛。亦令尿血。清心。阿膠散主之。平肝。加味逍遙散主之。若久病氣血俱虛。而見此症。八珍湯主之。凡治尿血。不可輕用止瀉藥。恐積瘀於陰莖。痛楚難當也。

阿膠散

阿

膠

水化開沖服一錢

丹

皮

生

地

各二錢

黑山梔

丹

參

血

餘

即亂髮存性

麥

冬

當

歸

各八分

水煎服。

加味逍遙散

見類中

八珍湯

見虛勞

醫學心悟

清 天都 程國彭鍾齡撰著

鄞縣 曹赤電炳章圈點

卷四

遺精

夢而遺者。謂之遺精。不夢而遺者。謂之精滑。大抵有夢者。由於相火之強。不夢者。由於心腎之虛。然今人體薄。火旺者。十中之一。虛弱者。十中之九。予因以二九分主之。一曰清心丸。瀉火止遺之法也。一曰十補丸。大補氣血。俾氣旺則能攝精也。其有因誦讀勞心而得者。更宜補益。不可輕用涼藥。復有因於濕熱者。濕熱傷腎。則水不清。法當導濕爲先。濕去水清。而精自固矣。秘精丸主之。

清心丸 清心火。瀉相火。安神定志。止夢泄。

生地酒洗

丹參二兩

黃柏五錢

牡蠣

山藥

棗仁炒

茯苓

茯神

麥冬各一兩五錢

北五味

車前子

遠志各一兩

用金櫻膏爲丸。每服三錢。開水下。

十補丸

大熟地四兩

當歸二兩

白芍二兩

黃耆四兩

人參二兩

白朮四兩

茯苓二兩

山藥三兩

棗仁二兩

遠志一兩

山黃肉三兩

杜仲三兩

續斷二兩

北五味一兩

龍骨一兩

牡蠣一兩

用石斛四兩熬膏。和煉蜜爲丸。每早開水下四錢。凡使煎劑彷彿丸方。

秘精丸見虛勞

赤白濁

濁之因有二種。一由腎虛敗。精流注。一由濕熱滲入膀胱。腎氣虛。補腎之中。必兼利水。蓋腎經有二竅。溺竅開。則精竅閉也。濕熱者。導濕之中。必兼理脾。蓋土旺則

能勝濕。且土堅凝。則水自澄清也。補腎。兔絲子丸主之。導濕。草薺分清飲主之。或問濁有赤者何也。答曰。此濁液流多。不及變化也。又或心火盛。亦見赤色。宜加入蓮子心、燈心、丹參等藥則愈矣。

兔絲子丸

兔絲子 四兩

茯苓

山藥

沙苑蒺藜 炒

車前子

遠志 肉

炮去心甘草 各二兩

牡蠣

煨醋碎 一兩

用石斛四兩。熬膏。量加煉蜜爲丸。每服三四錢。開水下。

草薺分清飲

川草薺 二錢

黃柏 炒

色褐

石菖蒲 各五

茯苓

白朮 各一錢

蓮子心 七分

丹參

車前子 各一錢 五分

水煎服。

黃疸

黃疸者。目珠黃。漸及皮膚。皆見黃色也。此濕熱壅遏所致。如金鱗相似。濕蒸熱鬱。

而黃色成矣。然濕熱之黃。黃如橘子。柏皮。因火氣而光彩。此名陽黃。又有寒濕之黃。黃如熏黃色。暗而不明。或手足厥冷。脈沉細。此名陰黃。陽黃者。梔子柏皮湯。如便閉不通。宜用茵陳大黃湯。陰黃者。茵陳五苓散。如不應。用茵陳薑附湯。其間有傷食者。名曰穀疸。傷酒者。名曰酒疸。出汗染衣。名曰黃汗。皆陽黃之類也。穀疸胸膈滿悶。噯腐吞酸。以加味枳朮湯加茵陳治之。應手輒效。酒疸更加葛根。黃汗用梔子蘗皮湯加白朮。其間有女勞疸。及陰黃之類。宜用薑附湯加參朮補之。復有久病之人。及老年人。脾胃虧損。面目發黃。其色黑暗不明。此臟腑之真氣泄露於外。多為難治。宜用六君子湯主之。

梔子蘗皮湯 茵陳大黃湯 茵陳五苓散

茵陳薑附湯 俱用傷寒發見

加味枳朮湯

- | | | | | |
|----|--------------------|----|-------------------|--------------------|
| 茵陳 | 白朮二錢 | 枳實 | 陳皮 | 麥芽 |
| 山查 | 茯苓 | 神麴 | 連翹 | <small>各一錢</small> |
| 荷葉 | <small>各一錢</small> | 澤瀉 | <small>五分</small> | |

水煎服。如兼傷酒。加葛根一錢。若便閉。去白朮。加荀子、黃芩。
六君子湯見類中

不能食

有風寒食不消者。病氣退而食自進。有積滯食不消者。去其積而食自消。古方神朮散。保和湯。枳朮丸。皆消積進食之法也。然有脾氣虛弱不能消化者。有命門火衰不能生脾土而食不消者。東垣云。胃中元氣盛則能食而不傷。過時而不飢。脾胃俱旺則能食而肥。脾胃俱衰則不能食而瘦。坤土虛弱不能消食。豈可更行剋伐。宜用六君子補中益氣湯補之。許學士云。不能食者。未可專責之脾腎經。元陽不足不能熏蒸腐化。譬如釜中水穀。底下無火。其何能熟。火爲土母。虛則補其母。庶元氣蒸騰。飲食增益。八味丸主之。世俗每見不能食症。輒用枳朮查連實者。當之猶可。虛人得之。禍不旋踵矣。大凡不能食而吞酸噯腐。胸隔滿悶。未必盡屬積食也。多有脾虛腎弱而致此者。治者詳之。
神朮散見類中 保和湯見心

枳朮丸

見鼓脹

六君子湯

補中益氣湯

八味丸

俱見類中

不得臥

有胃不和臥不安者。胃中脹悶疼痛。此食積也。保和湯主之。有心血空虛。臥不安者。皆由思慮太過。神不藏也。歸脾湯主之。有風寒邪熱傳心。或暑熱乘心。以致躁擾不安者。清之而神自定。有寒氣在內。而神不安者。溫之而神自藏。有驚恐不安臥者。其人夢中驚跳恍惕是也。安神定志丸主之。有濕痰壅遏。神不安者。其證嘔噦氣悶。胸膈不利。用二陳湯導去其痰。其臥立至。更有被褥冷煖太過。天時寒熱不勻。皆令不得安臥。非關於病。醫家慎勿誤治也。

保和湯

歸脾湯

俱見心痛

安神定志丸

茯苓

茯神

人參

遠志

各一

石菖蒲

龍齒

各五錢

煉蜜爲丸。如桐子大。辰砂爲衣。每服二錢。開水下。
二陳湯見中風

自汗盜汗

自汗症。有風傷衛自汗出者。有熱邪傳裏自汗出者。有中暑自汗出者。有中寒冷汗自出者。治法俱見本門。然風火暑熱症自汗太多。猶恐亡陽。尙當照顧元氣。矧在虛寒者乎。是以人參耆朮爲斂汗之聖藥。挾寒者。則以附子佐之。輕劑不應。則當重劑以投之。設仍不應。則以龍骨牡蠣。北五味等收瀋之品。輔助而行。或以人參養榮湯相兼而用。蓋補可去弱。瀋可固脫。自然之理也。其盜汗症。傷寒邪客少陽。則有之。外此悉屬陰虛。古方當歸六黃湯。藥味過涼。不宜於陰虛之人。陰已虛而更傷其陽。能無損乎。宜用八珍湯加黃耆、麥冬、五味主之。方有人參耆朮以氣旺則能生陰也。

人參養榮湯見虛勞

當歸六黃湯

當歸

黃耆

黃芩

黃柏

黃連

甘草

各等分。水煎服。

八珍湯

見虛勞

癲狂癇

經云。重陰爲癲。重陽爲狂。而癇症則痰涎聚於經絡也。癲者。癡呆之狀。或笑或泣。如醉如夢。言語無序。穢潔不知。此志願太高。而不遂所欲者。多得之。安神定志丸主之。狂則發作剛暴。罵詈不避親疎。甚則登高而歌。棄衣而走。踰垣下屋。此痰火結聚所致。或傷痛。陽明邪熱所發。痰火生鐵落飲。滾痰丸並治之。傷寒邪熱。大承氣湯下之。癇者。忽然發作。眩仆倒地。不省高下。甚則瘈瘲抽掣。目斜口喎。痰涎直流。叫喊作畜聲。醫家聽其五聲。分爲五臟。如犬吠者。肺也。羊嘶者。肝也。馬鳴者。心也。牛吼者。脾也。猪叫者。腎也。雖有五臟之殊。而爲痰涎則一。定癇丸主之。既愈之後。則用河車丸以斷其根。以上三症。皆頻治取驗者也。若妄意求奇。失之遠矣。

安神定志丸見不

生鐵落飲

天冬去心

麥冬去心

貝母各三錢

膽星

橘紅

遠志肉

石菖蒲

連翹

茯苓

茯苓各一錢

元參

鈎藤

丹參各一錢五分

辰砂三分

用生鐵落煎熬三炷線香。取此水煎藥。服後安神靜睡。不可驚駭叫醒。犯之則病復作。難乎爲力。凡狂症服此藥三十餘劑而愈者多矣。若大便閉結。或先用滾痰丸下之。

滾痰丸見痰飲 大承氣湯見傷寒少陰症

定癇丸 男婦小兒癇症並皆治之。凡癲狂症亦有服此藥而愈者。

明天麻一兩

川貝母一兩

膽南星九錢製者

半夏薑汁炒

陳皮洗去白

茯苓各一錢

茯苓去木蒸

丹參酒蒸

麥冬去心

石菖蒲石杵碎取

遠志去心甘草

蠅水去尾甘草

僵蠶甘草水洗去
嘴炒五錢

真琥珀五錢腐
辰砂細研水
飛三錢

用竹瀝一小碗。薑汁一杯。再用甘草四兩熬膏。和藥爲丸。如彈子大。辰砂爲衣。每服一丸。照五癰分引下。犬癰。杏仁五枚煎湯化下。羊癰。薄荷三分煎湯化下。馬癰。麥冬二錢煎湯化下。牛癰。大棗二枚煎湯化下。猪癰。黑料豆三錢煎湯化下。日再服。本方內加人參三錢尤佳。

河車丸

紫河車一具

茯苓

茯神

遠志各一

人參五錢

丹參七錢

煉蜜爲丸。每早開水下三錢。

驚悸恐

驚者。驚駭也。悸者。心動也。恐者。畏懼也。此三者皆發於心。而肝腎因之。方書分爲三門。似可不必。經云。東方青色入通乎肝。其病發驚駭。驚雖屬肝。然心有主持。則不驚矣。心驚然後膽怯。乃一定之理。心氣熱。硃砂安神丸主之。心氣虛。安神定志

丸主之。悸爲心動。謂之怔忡。心築築而跳。搖搖而動也。皆由心虛挾痰所致。定志丸加半夏、橘紅主之。恐爲腎志。亦多由心虛而得。經云。心怵惕思慮則傷神。神傷則恐懼自失。十全大補湯主之。若腎經真陽不足以致恐者。更佐以八味丸。加鹿茸、人參之類。予嘗治驚悸恐懼之症。有用大補數十劑。或百餘劑而後愈者。毋謂七情之病而忽視之也。

朱仁安神丸

黃連酒炒一分

硃砂

水飛一錢

甘草五分

生地黄酒洗五錢

當歸酒拌二錢

蒸餅丸。菴豆大。每服十丸。開水下。

安神定志丸見不

十全大補湯見虛

八味丸見類

眩暈

眩謂眼黑暈者。頭旋也。古稱頭旋眼花是也。其中有肝火內動者。經云。諸風掉眩。

皆屬肝木是也。逍遙散主之。有濕痰壅遏者。書云。頭旋眼花。非天麻。半夏不除是也。半夏白朮天麻湯主之。有氣虛挾痰者。書曰。清陽不升。濁陰不降。則上重下輕也。六君子湯主之。亦有腎水不足。虛火上炎者。六味湯亦有命門火衰。真陽上泛者。八味湯。此治眩暈之大法也。予嘗治大虛之人。眩暈自汗。氣短脈微。其間有用參數觔而愈者。有用參十數觔而愈者。有用附子二三觔者。有用耆朮熬膏近半石者。其所用方。總不離十全八味。六君子等。惟時破格投劑。見者皆驚。堅守不移。聞者盡駭。及至事定功成。甫知非此不可。想因天時薄弱。人稟漸虛。至於如此。攝生者。可不知所慎歟。

加味逍遙散見類中

半夏白朮天麻湯

半夏一錢五分

天麻

茯苓

橘紅各一錢

白朮三錢

甘草五分

生薑一片。大棗二枚。水煎服。

六君子湯

六味湯

八味湯俱見類中

十全大補湯見虛症

健忘

經云。腎者。作強之官。技巧出焉。心者。君主之官。神明出焉。腎主智。腎虛則智不足。故喜忘其前言。又心藏神。神明不充。則遇事遺忘也。健忘之症。大概由於心腎不交。法當補之。歸脾湯。十補丸主之。亦有痰因火動。痰客心胞者。此乃神志昏憤。與健忘症稍不相同。法當清心開竅。二陳湯加竹瀝。薑汁。並硃砂安神丸主之。

歸脾湯

十補丸

見虛勞

二陳湯

硃砂安神丸

見驚悸

嘈雜

嘈雜者。躁擾不寧之貌。得食暫已。少頃復嘈。其中有挾痰與火者。則口燥唇焦。脈滑數也。二陳湯加山梔。黃連之類。有脾虛挾痰者。則氣促食少。脈小弱也。五味異功散主之。嘈雜之症。治失其宜。變為噎塞者衆矣。可不慎乎。更有元氣大虛。心中擾亂不安者。名曰虛煩。此與嘈雜不同。當按其虛而重補之。夫病有兼症。各有情

形。善治者宜斟酌焉。

二陳湯風

見中

五味異功散

見類

咽喉齟齬

咽能咽物。通乎地氣。喉能納氣。通乎天氣。氣之呼吸。食之升降。而人命之存亡。係焉。咽喉之病。挾熱者十之六七。挾寒者十之二三。而風寒包火者。則十中之八九。古人開手一方。只用甘草、桔梗。三因方加以荊芥。其他薄荷、貝母、川連之類。皆出後人續補。可見咽喉之病。不便輕用涼藥。而專主開發升散者。所謂結者開之。火鬱發之。是已。及其火勢極盛。則清劑方施。結熱下焦。而攻法始用。非得已也。方書雜稱咽喉為三十二症。命名各殊。治法亦異。眩人心目。茲予細加訂正。不遺不贅。並選古今治法。而擇其平善至效者。詳列於左。誠以咽喉關要之地。命如懸縷。學者宜致思焉。

一曰喉痺。痺者痛也。經云。一陰一陽結。謂之喉痺。一陰者。手少陰心。一陽者。手少陽三焦也。心為君火。三焦為相火。二火衝擊。咽喉痺痛。法當散之。清之。加味甘

桔湯主之。又有非時暴寒。潛伏於少陰經。越旬日而後發。名曰伏氣咽痛。諺云。腎傷寒是已。法當辛溫以散之。半夏桂甘湯主之。復有少陰中寒之重證。寒客下焦。逼其無根失守之火。發揚於上。遂致咽痛。其症手足厥冷。脈沉細。下利清穀。但用理中四逆湯。療寒而咽痛自止。斯二者寒也。其他悉屬熱症。不可不知。二曰纏喉風。咽喉腫痛。脹塞紅絲纏繞。故名纏喉風。其症口吐涎沫。食物難入。甚則腫達於外。頸如蛇纏。先用黃蘗汁。調元明粉少許。灌喉中。攪去其痰。次用蜜水潤之。若蘗汁不能拔痰。則用土牛膝。連根搗爛。和酸醋灌之。如或頑痰膠固。吐仍不出。咽喉脹閉不通。滴水難入者。則用解毒雄黃丸。極酸醋磨下七丸。自然得吐而通。既通。可用牛黃清心丸。加味甘桔湯。如或腫勢達外。延及頸項。頭面紅如火光。藥力難敵。急用磁鋒砭去惡血。用雞子清調乳香末潤之。立瘥。或用芭蕉根汁潤之。以解其毒。若口中腫脹紫黑。急用銀針刺去其血。或用小刀點之。隨以淡鹽湯洗之。吹上冰片散。更有腫在喉裏。針法難施。急於手少商穴出血。則喉花自開。仍以解毒雄黃丸灌之。自然通透。此等病勢危惡。非吐痰解毒煎丸並進。刀針砭石按法善施。鮮克有濟也。治此者。平時揣摩純熟。臨症庶

能措手。幸毋輕忽怠緩。以誤人也。少商穴在手大姆指內側去爪甲一韭葉許。針時用布針針之。

三曰走馬喉風。喉舌之間。暴發暴腫。轉腫轉大。名曰走馬喉風。又名飛瘍。不急治。即殺人。用小刀點出血。淡鹽湯洗之。吹以冰片散。仍服加味甘桔湯。加金銀花一二兩。若牙關緊急。則用搐鼻散吹鼻中。隨以解毒雄黃丸。醋磨灌之。太乙紫金丹亦佳。紫金丹治咽喉等症。無往不神驗也。

四曰纏舌喉風。硬舌根而爛兩傍。急服加味甘桔湯。吹以冰片散。緩則不救。若有爛處。以頭髮作簪子。用甘草湯洗淨。然後吹藥。

五曰雙單乳蛾。狀如乳頭。生喉間。一邊生者。名單乳蛾。兩邊生者。名雙乳蛾。宜用蘆菜汁調元明粉。灌去痰涎。吹以冰片散。隨服甘桔湯。自應消散。若不消。以小刀點乳頭上。出血立瘥。凡針乳蛾宜針頭尾。不可針中間。鮮血者易治。血黑而少者難痊。凡用刀針血不止者。用廣三七末。嚼敷刀口上即止。凡使刀針。不可誤傷蒂丁。損則不救。慎之慎之。

六曰喉疔。形似靴釘。但差長耳。先用小刀點刺。隨用冰片散吹之。以甘桔湯多加

菊花煎飲之。菊花連根帶葉。皆消疔之聖藥也。每用四兩。煎湯頓服。一切疔腫皆散。自然汁尤效。

七曰木舌。重舌。蓮花舌。此皆心火熾盛致然也。用水洗去舌上白垢。若有黑處。用小刀點破。去瘀血。吹冰片散。服甘桔湯加黃連。若蓮花舌。靠牙而起數峰。中不可針。宜針兩傍。針中間。恐傷舌下根。傷則不能收功。凡口內使刀針。有兩處不可傷。一蒂疔。二舌下根。切記不可傷之。至要至要。又舌衄症。出血不止。於甘桔湯內。倍加生地。丹皮主之。冰片散亦可吹。

八曰懸癰。生於上腭。形如紫李。此脾經蘊熱所致。不急治。恐毒氣上攻腦。則不可救。宜用銀針針破癰頭。用鹽湯攪淨瘀血。然後吹以冰片散。仍服加味甘桔湯。九曰兜腮。癰生腮下。繞喉壅腫。先用齏汁調元明粉。攪去其痰。再看其紫黑處。針之以鹽湯攪去其血。吹以冰片散。仍服甘桔湯。若飲食不入。急用解毒雄黃丸。醋磨下七丸。大凡腮癰。膿從口中出者易治。膿從腮外出者難痊。穿破故也。十曰喉瘡。少陰腎經陰火上衝也。宜用齏汁攪去其痰。若瘡勢瀰膿。以銀針挑破之。隨用荊芥湯洗之。再吹冰片散。飲以甘桔湯。其上腭生瘡。脾熱也。舌上生瘡。

心熱也。吹服如前法。

十一曰走馬牙疳。牙間紅腫。漸變紫黑臭穢。此胃經濕熱也。以午後年干漱之。再吹同氣散。速服清胃散。

十二曰牙癰。牙邊腫痛如豆大。脾胃二經濕熱也。可用小刀點破之。吹以冰片散。仍服清胃散。又牙齦症。牙根盡腫。宣露於外。或齒衄不止。並服前方。仍用陳茶、薄荷、金銀花等頻服之。再用冰片散搽之。

十三曰喉瘤。生於喉傍。形如圓眼。血絲相裹。此肺經蘊熱所致。不可用刀針。宜用麝香散。服甘桔湯。切忌多言耗神。有一人口內生肉毯。有根線長五寸餘。吐毯出。方可飲食。以手輕捻。痛徹至心。因用疎風降火藥。每服加麝香五分。仍用麝香散吹之。三日根化而愈。

十四曰繭唇。唇上起小泡。漸腫漸大如繭。此心脾鬱熱所致。初起時。即用艾絨如麥粒大灸之。仍服甘桔湯。加香附、遠志之類。

十五曰肺絕喉痺。凡射喉日久。頻服清降之藥。以致痰涎壅於咽喉。聲如曳鋸。此肺氣相絕之候也。法在難治。宜用人參膏。加橘紅湯縱飲之。設無參膏。即用獨

參湯加橘紅亦可。每參一錢。用橘紅一分。早服者。可救十中之二三。遲則不救矣。或用四君子湯亦佳。

十六曰經閉喉腫。女人經水不調。壅塞經脈。亦令喉腫。宜用四物湯。加牛膝、羌活、香附、桃仁之類。俾經脈流通。其腫自消也。又有梅核氣症。男婦皆同。喉中如有物吞不入。吐不出。宜用甘桔湯。加蘇梗、橘紅、香附、金沸草之類。漸次可愈。凡治咽喉口舌之症。初則疎風解毒。繼則滋水養陰。若元氣漸虛。急顧脾胃。如六味滋水。四君補脾。皆為要藥。否則真氣虧敗。勢難挽矣。治者審之。

加味甘桔湯

甘草三錢

桔梗

荊芥

牛蒡子炒

貝母各一錢五分

薄荷三分

水煎服。若內熱甚。或飲食到口即吐。加黃連一錢。若口渴、唇焦、舌燥、便閉、溺赤。更加黃柏、黃芩、山梔、黃連。若有腫處。加金銀花五錢。

半夏桂甘湯

見傷寒

理中湯

四逆湯

見中寒

解毒雄黃丸

明雄黃水一兩

鬱金一兩

芭豆三升

共爲末。醋和丸如黃豆大。每服五七丸。清茶下。吐出痰涎立醒。如未吐再服。倘人事昏憤。心頭溫者。急急研末灌之。

牛黃清心丸

牛膽南星一兩製者

麝香五分

珍珠五分

冰片五分

黃連二錢

防風一錢

荊芥二錢

五倍子一錢

桔梗一錢

元參三錢

茯神一錢

天竹黃二錢

明雄黃二錢

當歸一錢

犀角末二錢

辰砂仁飛

右爲細末。和勻。甘草四兩熬膏爲丸。如龍眼大。辰砂爲衣。日中曬乾。入磁瓶中。緊塞勿走氣。臨服薄荷湯化下一丸。

冰片散

冰片一錢

硼砂五錢

明雄黃二錢

黃柏蜜炙二錢

靛花二錢

甘草三錢

雞內金即雞肫皮燒存性一錢

人中白錢五

川黃連二錢

元明粉二錢

銅青分五

薄荷錢三

共為極細末。吹患處。一方加牛黃、熊膽、珍珠各一錢。兒茶八分。麝香三分。

搐鼻散見中風

紫金丹 解諸毒。療瘡腫。主用極弘。立見奇效。凡居家出入。遠遊仕宦者。不可缺。

山茨菇洗淨

五倍子洗淨

千金子去殼去油

紅芽大戟去蘆根洗淨焙乾

明雄黃三錢

硃砂三錢

麝香當門子

以上藥於淨室中。製為極細末。候端午、七夕。或天月二德日合起。以糯米濃粥湯和勻。杵千下。凡合藥。切忌婦人雞犬見。每錠一錢。每服一錠。或半錠。開水磨服。病在上者必吐。在下者必利。吐利後。以溫粥補之。

一、治飲食藥毒。蠱毒。菌毒。河豚中毒。自敗牛馬猪羊等肉毒。人誤食之。必脹悶昏倒。急用水磨一錠灌之。或吐或瀉。其人立甦。

一、南方山嵐瘴氣。霧露水濕。自人感之。即覺滿悶嘔噁。憎寒壯熱。隨用開水磨

服數分即愈。

一、治癰疽發背。對口疔瘡。天蛇毒。楊梅瘡。並用無灰清酒磨服。外用醋磨塗瘡上。日夜數次。覺癢而消。

一、治喉痺。喉風。喉疔。乳蛾等症。并用薄荷煎湯磨服一錠。即見消散。

一、治絞腸沙。烏沙脹。通腹攪痛非常。用清水磨服一錠。即愈。

一、治婦人邪氣鬼胎。用石菖蒲煎湯磨服一錠。即消。

一、治自縊溺水。魘夢。鬼魅迷人。但心頭溫者。俱用生薑汁磨服一錠。立甦。

一、治惡蛇。瘋犬。毒蠍。溪澗諸惡蟲傷人。隨即發腫。攻注走痛。或昏悶喊叫。命在須臾。急用清酒磨下一錠。仍取他人人口涎磨敷患處。再服葱湯一大碗。被蓋出汗。其人必活。

一、治天行時疫。延門傳染。用米醋磨濃塗鼻孔中。仍以開水服少許。即不傳及。

一、治傳尸勞瘵。諸藥不效。每早用清水磨服一錠。三日即下惡物。有一女子患瘵症。方士教服此片時吐下小蟲十餘條。後服蘇合香丸。其病頓愈。以此相傳。活人不計其數。此真濟世衛生之寶藥也。

午後年干漱口方

午後汁

即白馬糞也。如一時不辨，預萬年干，蓋燒灰存性，為末。

用年干三錢和午後汁二鍾漱口去疳毒，再用同氣散吹之。

同氣散

五穀蟲

洗淨焙乾三錢

人中白三錢

黃連去鬚

薄荷葉

細辛

礞砂各一錢

真青黛二錢

冰片二分

共為細末，搽齒縫中。

清胃散

升麻一錢

生地二錢

黃連

連翹

丹皮各一錢

水煎服。

冰黃散 止牙痛神效。

牙硝三錢

礞砂三錢

明雄黃二錢

冰片五分

麝香五厘

共爲末。每用少許擦牙。

麝香散

真射香二錢

冰片三分

黃連一錢

共爲末。一日夜吹五六次。

四君子湯

四物湯

六味湯

俱見症

見類中

目

目有五輪。合乎五臟。眼眶屬脾。爲肉輪。紅絲屬心。爲血輪。白色屬肺。爲氣輪。青色屬肝。爲風輪。瞳人屬腎。爲水輪。是知目者。五臟精華之所繫也。目疾專家呼爲七十二症。著之問答。其實重疊者多。總不若辨明虛實爲的當。凡目疾暴赤腫痛。畏日羞明。名曰外障。實症也。久痛昏花。細小沉陷。名曰內障。虛症也。實者由於風熱。虛者由於血少。實則散風瀉火。虛則滋水養陰。然散風之後。必繼以養血。經曰。目得血而能視也。養陰之中。更加以補氣。經曰。氣旺則能生血也。治外障者。蒺藜湯。蟬花無比散。散之。若兼飲食所傷。加消導藥。如大便久閉不通。四順清涼飲下之。

治內障者。逍遙散。明目地黃丸。補之。若兼氣虛。益氣聰明湯。主之。且如初起翳障。只須服藥散之。不可遽用點藥。恐病反深。當用天然水。乘熱頻洗之。熱能散風。水能制火。故也。水中不用一味藥。蓋目不染塵。藥汁入目。亦見羞澀。更忌刀針。刺血割肉。及點礪砒之類。真爲行險徼倖。刺血者。恐傷肉。用礪砒。恐潰爛。不息。惟宜珍珠散點之。乃眼藥中之至寶也。再凡用散藥。不可太過。以傷其血。用補氣藥。不可太過。以助其火。又不宜過用寒涼。使血脈凝結。反生青黃之障膜。溫存肝腎。調劑和平。而目疾自全愈矣。

蒺藜湯

治暴赤腫痛。

白蒺藜

一錢炒去刺五分

羌活

防

風

各七

甘

草炙五分

荊芥

赤

芍錢各二

葱

白

二連翹用段

水煎服。

若傷煎炒炙煇之物。加連翹。山查。黃連。

若傷酒。更加葛根。

蟬花無比散

通治男婦小兒。遠近目疾。赤腫脹痛。或目胞風粟癢痛。或翳膜遮

睛。或眼眶赤爛。或驚睛努肉。或瞳人突出。或拳毛倒睫。小兒痘疹風眼。並皆治之。其應如響。

蟬 蜋 二兩

羌 活 一兩

川 芎

石決明 一兩 鹽水煮

防 風

茯 苓

赤 芍 各一兩

白蒺藜 刺八兩 去

甘 草 炙

當 歸 各三

蒼 朮 米泔水浸一兩 切片

共為細末。食後。米湯調服三錢。忌生冷油麵煎炒諸物。
四順清涼飲

當 歸

赤 芍

甘 草

大 黃 行各一錢 如不

水煎服。

逍遙散 中見類

明目地黃丸 治內障隱澁羞明。細小沉陷。

生 地 酒洗 一兩

牛 膝 二兩

麥 冬 六兩

當 歸 五兩

枸杞子 三兩

用甘菊花八兩熬膏。和煉蜜為丸。每服三錢。開水下。

益氣聰明湯 治氣虛目不明。有人目忽不見。丹溪用參膏治之。服參飭餘而復。
此氣脫也。予謂血脫者。亦應照此治例。經云血脫益氣是也。

黃耆一錢五分

人參五分

白朮一錢

炙甘草五分

升麻三分

柴胡三分

蔓荊子五分

當歸

白芍各八分

陳皮三分

大棗二枚水煎服。

天然水用潔淨開水。以潔淨茶盞盛之。用潔淨元色絹片乘熱淋洗。洗後水混濁。換水再洗。及洗至水清無垢方止。如此數次即愈。水內並不用藥。故曰天然水也。

珍珠散古歌曰。不用刀針割。全憑此藥方。

珍珠一錢五分

瑪瑙一錢五分

琥珀一錢五分

珊瑚一錢五分

豆腐再研

硼砂五分

熊膽五分

龍腦四分

麝香二厘

瓜竭七厘

硃砂細研水飛

黃連末去鬚蘆研

沒藥乾上炙

蘆甘石一兩五錢按法炮製為主

以上諸藥各為細末。用上細粉羅篩過。再照分數秤定。合為一處。研萬匝。復以棉紙篩下。磁罐收貯聽用。其效如神。

製蘆甘石法。擇上上甘石半觔。用傾銀鋪內大紫土罐一個。入甘石在內。外用紫土泥封口。擇一淨室。於地上安大鐵釘三根。將罐攔穩。四圍用栗炭覆蓋。上下起火。自早至晚為度。研細粉。羅篩下水飛。仍候藥水製再用。

鵝不食草

黃連

黃柏

黃芩

當歸

生地

梔子

連翹

赤芍

薄荷

大黃

細辛

白芷

羌活

獨活

甘草

膽草

紅花

杏仁

白菊

防風

荊芥

蔓荊子

蕤仁

桃葉

桑葉

枇杷葉

槐葉

杏葉

片各七

入水二大碗。煎至一碗。去渣。入金銀箔各七張。再熬至一鍾。用煨過蘆甘石二兩。入潔淨銅器內。和勻。隔湯煮乾。取起。再入金銀箔各加七張。擇清爽天氣。露一宿。晒一日。迎日月之精華。配藥方有神驗。其甘石認法。形如羊腦。白如雪。鬆

如花。方美。若沉重黑黯。即不堪用。用亦無功。而且有損。慎之。
一方用蘆甘石二錢。製過。硃砂。礬砂各五分。研細常點亦效。

面

經云。足陽明之脈。絡面下於鼻。凡面上浮腫而痛者。風也。書云。面腫爲風。足腫爲水。宜用升麻葛根湯。加白芷主之。若兼挾水濕。加入五皮飲。爲至妙也。然又有黃胖面腫者。濕熱也。有痿黃虛浮者。脾虛也。濕熱和中丸主之。脾虛六君子湯主之。若面上生瘡。如水痘蔓延不止者。黃蘗散敷之即愈。

升麻葛根湯

見傷寒陽明經症

五皮飲

見水

和中丸

見鼓脹

六君子湯

見類中

黃柏散 黃柏一塊。猪胰塗炙酥。爲末。濕者乾搽。乾者麻油調搽。

癰癤

癰癤者。肝病也。肝主筋。肝經血燥。有火則筋急而生癰。癰多生於耳前後者。肝之

部位也。其初起即宜消癰丸消散之。不可用刀針及敷潰爛之藥。若病久已經潰爛者。外貼普救萬全膏。內服消癰丸。並逍遙散。自無不愈。更宜戒惱怒。斷煎炒。及發氣閉氣諸物。免致膿水淋漓。漸成虛損。患此者可毋戒歟。

消癰丸 此方奇效。治愈者不可勝計。予亦刻方普送矣。

元參蒸

牡蠣

煨醋

貝母

去心蒸
各四兩

共為末。煉蜜為丸。每服三錢。開水下。日二服。

普救萬全膏門見瘰

逍遙散中見類

鼻

素問曰。西方白色。入通於肺。開竅於鼻。鼻塞者。肺寒也。鼻流清涕者。肺風也。香蘇散散之。若鼻中常出濁涕。源源不斷者。名曰鼻淵。此腦中受寒久而不散。以致濁涕常流。如泉水之涓涓耳。然鼻淵初起。多由於寒。日久則寒化為熱矣。治宜通竅清熱。川芎茶調散主之。更有鼻生瘰肉。名曰鼻痔。息不可近。痛不可搖。宜用白礬散少許點之。頃刻化水而消。又鼻中流血不止。名曰鼻衄。四生丸。生地六味湯主

之。如不止。加犀角。

香蘇散經見太陽

川芎茶調散

川芎酒拌

荊芥

白芷

桔梗

甘草

黃芩酒炒

川貝母去心各

黑山梔二兩

共為細末。每服二錢。食後陳松蘿細茶調下。日三服。

白礬散

白礬煨枯二錢

礪砂五分

共為細末。每用少許。點鼻痔上即消。

四生丸

生地六味湯俱見

耳

耳者。腎之外候。中藏經曰。腎者。精神之舍。性命之根。外通於耳。然足厥陰肝。足少陽膽經。皆絡於耳。凡傷寒邪熱耳聾者。屬少陽症。小柴胡湯主之。若病非外感有

暴發耳聾者。乃氣火上衝。名曰氣閉耳聾。宜用逍遙散。加蔓荊子、石菖蒲、香附主之。若久患耳聾。則屬腎虛。精氣不足。不能上通於耳。宜用六味地黄丸加杞枸、人參、菖蒲、遠志之類。其患耳鳴。如蟬聲如鐘鼓聲。或患膿。以前法治之。若風熱相搏。津液凝聚。變為停豆抵耳。蟬鼓聲。或癢極疼痛。此皆厥陰肝經風熱所致。宜用加味逍遙散。去白朮。加荷葉、木耳、貝母、香附、菖蒲之屬。外用紅棉散吹之。若耳內生瘡。並用前藥加金銀花主之。百蟲入耳。宜用貓尿滴之。次則葱汁猶可。若用蒜油。恐蟲陷耳中。不得出也。又法。以猪肉炙香置耳邊。作枕寢。令蟲聞肉香。則出矣。

小柴胡湯見少陽經病

逍遙散見類中 六味地黄丸見虛勞

紅棉散

白礬二錢 臙脂一錢燒灰存性

右研勻。先用棉杖子攪去膿水。更另用棉杖子蘸藥摻入耳底。即乾。若停豆抵耳。加麝香五厘。

痔瘡

方書有牝牡蟲血之異名。而其實皆大腸經積熱所致。大法宜用石菖蒲、忍冬藤煎水。以瓦罐盛藥。對痔熏透。然後傾入盆中浸洗之。則冷加水。如此頻頻熏洗。並服加減六味丸及國老散。自然漸次消散。可免刀針藥線之苦。此亦醫痔之良法也。又肛門之前腎囊之後。此間若有腫脹出膿。名曰懸癰。又名海底漏。最難收功。若生於肛門之兩傍。則曰臟毒。較懸癰為輕耳。並用前藥主之。此症皆由腎水不足。相火內燦庚金而致然也。患者速宜保養真元。用藥扶持。庶可延生。幸毋忽視是禱。

加減六味丸

大熟地九蒸

大生地酒洗各

山藥乳蒸

茯苓乳蒸

丹皮酒蒸各一

澤瀉鹽水蒸

當歸酒蒸

白芍酒炒

柏子仁紙炒

丹參酒蒸各

自敗龜版浸去穢童便炙

遠志去心甘草水

泡蒸各四兩

共為末。用金釵石斛四兩。金銀花十二兩。熬膏和煉蜜為丸。每早淡鹽湯下四錢。

國老散 治懸癰臈毒神效。

甘草七段。用急流水一碗。浸之。炙乾。又浸又炙。以水盡爲度。研細末。每日空心開水調下一錢。忌煎炒烟酒炙煨辛辣發氣等物。

內癰

口中咳。胸中隱隱而痛。吐痰腥臭者。肺癰也。桔梗湯主之。當臍而痛。腹皮膨急。溺數如淋。轉側搖之。則水聲者。腸癰也。千金牡丹皮散主之。胃脘脹痛。手不可按。時吐膿者。胃脘癰也。忍冬湯主之。書云。嘔家有膿。不須治。嘔膿盡自愈。是胃脘癰之已潰者。不須治也。

桔梗湯

見虛勞

千金牡丹皮散

丹皮五錢

苡仁五錢

瓜蒌仁五兩

桃仁

去皮尖及雙仁者十二枚

水煎服。若大便閉結不通。加大黃一錢五分。當歸三錢。得利止後服。

忍冬湯 一切內外癰腫皆可立消。但宜蚤服。

金銀花四兩 甘草三錢

水煎頓服。能飲者用酒煎服。

諸蟲

蟲之名有九。而猶不足以盡其狀也。然總不外乎濕熱所生。凡物濕蒸熱鬱。則生蟲矣。書云。蟲長尺許。則能殺人。蟲痛貫心。傷人甚速。宜急治之。追蟲丸主之。但胃寒吐蚘。宜用理中安蚘散。與治別蟲之法不同。醫者誌之。

追蟲丸

大黃酒拌三錢 木香五錢

檳榔一兩

蕪荑去梗一兩

白雷丸一兩

白朮陳土炒七錢

陳皮七錢

神麴炒五錢

枳實錢五分

右爲末。用苦楝根皮、猪牙皂角各二兩。濃煎汁一碗。和前藥爲丸。如桐子大。每服五十丸。空心砂糖水送下。若大便不實者。本方內除大黃。

理中安蚘散寒見中

又方用樵子數觔。陸續去殼。空心服一二十枚。一月之後。其蟲盡去。神色大轉矣。

蠱毒

嶺南之地。多有埋蠱害人之法。其法取毒蟲之毒。暗置飲食中。其人即中毒矣。但中毒之人。不知解法。發時即不可救。惟太乙紫金丹可以立解之。是以遠遊川廣。不可無此藥。

紫金丹見咽喉

五絕

五絕者。一自縊。二摧壓。三溺水。四魘魅。五服毒也。自縊者。自旦至暮。雖已冷。必可治。自暮至旦。則難治。陰氣盛也。然予嘗見自暮至旦而猶救活者。不可輕棄也。救治之法。先將人抱下。以被褥塞住穀道。次將繩索徐徐解去。不得遽然截斷。然後將手按摩胸堂。若有氣從口出。微有呼吸。即以好肉桂心二三錢煎湯灌之。若已

僵直。令兩人以竹管吹其兩耳。然後以半仙丸納鼻孔中。並研末。吹入耳中。但心頭溫者。雖一日猶可活也。

摧壓者。或墜墮壓覆打傷。心頭溫者。皆可救也。將本人如僧打坐。令一人提住頭髮。用半仙丸納入鼻中。並以廣三七二三錢煎酒灌之。青木香煎酒灌之亦佳。溺水者。撈起。以其人橫伏牛背上。如無牛。以櫬代之。瀝去其水。用半仙丸納入鼻中。或用搐鼻散吹之。仍以生薑自然汁灌之。但鼻孔無血出者。皆可救也。

魘魅者。夢而不醒也。此濁氣頑痰閉塞所致。先用通天散吹鼻中。隨用蘇合香丸灌之。或用韭菜根搗汁灌之。或用薑汁。或用葱白酒灌之。但臥處原有燈。則存。如無燈。切不可用燈照其面。只可遠遠點燈耳。一法令人痛咬其大拇指。而唾其面。即活。

服毒者。砒信爲重也。用小薊根搗汁飲之。立救。或用黃礬散治之。據云奇效。又救自刎法。若喉管未斷。急以麻線縫定。用金瘡藥厚敷之。以布纏定。旬日自愈。

半仙丸

半夏爲末。水丸。如黃豆大。每用一丸。納鼻中。男左女右。

搐鼻散

見真中風

黃礬散

大黃一兩

明礬五錢

共爲末。每服三四錢。冷水調下。

天下第一金瘡藥。凡刀斧損傷。跌撲打碎。敷上。卽時止痛止血。更不作膿。勝於

他藥多矣。其傷處不可見水。予製此藥。普送。因路遠者。一時難取。故刻方廣傳之。今並筆之於書。則所傳益廣矣。各鄉有力之家。宜修合以濟急也。

雄猪油

一觔四兩
熬化去渣

松

六兩
熬化去渣

黃

六兩
熬化去渣

麵

粉四兩
炒

樟

腦三兩
極細研

麝

香六分

冰

片六分

血

竭一兩

兒茶一兩

乳香

一兩
上煨去油皮

沒

藥一兩
上煨去油皮

以上藥研極細。先將猪油松香黃蠟三味熬化。合爲一處。待將冷。再入藥末攪

勻。磁瓶收貯。不可洩氣。用時卽知其神妙也。

又方用降真香爲末。敷上卽愈。廣三七末。敷之亦效。

醫學心悟

清 天都 程國彭鍾齡撰著

鄞縣 曹赤電炳章圈點

卷五

婦人門

婦人之症。多與男子同。惟經行胎產。與男子異耳。茲特舉其異者。詳述於後。以備參攷。其同者。悉照前法主之。不復贅及。

月經不調

經。常也。一月一行。循乎常道。以象月盈則虧也。經不行則反常。而災沴至矣。方書以趨前爲熱。退後爲寒。其理近似。然亦不可盡拘也。假如臟腑空虛。經水淋漓不絕。頻頻數見。豈可便斷爲熱。又如內熱血枯。經脈遲滯不來。豈可便斷爲寒。必須

察其兼症。如果脈數內熱。唇焦口燥。畏熱喜冷。斯為有熱。如果脈遲腹冷。唇淡口和。喜熱畏寒。斯為有寒。陽臟陰臟。於斯而別。再問其經來血多色鮮者。血有餘也。血少色淡者。血不足也。將行而腹痛拒按者。氣滯血凝也。既行而腹痛喜手按者。氣虛血少也。予以益母勝金丹。及四物湯加減主之。應手取效。

益母勝金丹

大熟地

砂仁酒拌九蒸九晒

當歸

酒蒸四兩

白芍

酒炒三兩

川芎

酒蒸五錢

丹參

酒蒸三兩

羌蔚子

酒蒸四兩

香附

酒炒四兩

醋酒薑汁各炒一兩

白朮

土炒四兩

陳

以益母草八兩。酒水各半熬膏。和煉蜜為丸。每早開水下四錢。血熱者加丹皮、生地各二兩。血寒者加厚肉桂五錢。若不寒不熱。只照本方。四物湯見虛調經養血之要藥。其地黃須九蒸九晒。方能取效。否則滯膈生痰。妨礙飲食。乃製藥之過。非立方之罪也。血熱者加丹參、丹皮、益母草。血寒者加桂心、牛膝。經行而腹痛拒按者。加延胡、香附、木香。經既行而腹痛喜按者。加人參、白朮。血少色淡者。亦並如此。若腹中素有痞。飲食滿悶者。本方

內除熟地。專用三物。加丹參、陳皮、香附之屬。

室女經閉成損

婦人經閉。其治較易。室女經閉。其治較難。婦人胎產乳子之後。血氣空虛。經水一時不至。俟其氣血漸回。而經脈自通矣。室女乃渾全之人。氣血正旺。不應阻塞。其閉也。若非血海乾枯。則經脈逆轉。血海枯。則內熱咳嗽。鬢髮焦而成怯症。經脈逆轉。則失其順行之常。而為吐為衄。夫血以下行為順。上行為逆。速宜調其經脈。俾月水流通。庶幾可救。予以益母勝金丹。加牛膝主之。若其人肝經怒火熾盛者。則頸生瘰癧。或左脇刺痛。更佐以加味逍遙散。及消瘰丸。若其人脾氣虛弱。不能消化飲食。血無從生。更佐以五味異功散。若其人精神倦怠。晡熱內熱。此氣血兩虧。無經可行。更佐以八珍湯。此治室女經閉之良法。倘妄行霸道。破血通經。其不償事者幾希矣。

益母勝金丹

見前

加味逍遙散

見類中

消瘰丸

見瘰癧門

五味異功散

見虛勞

八珍湯

見虛勞

暴崩下血

經云。陰虛陽搏謂之崩。此言熱迫血而妄行也。又曰。陽絡傷則血外溢。陰絡傷則血內溢。外溢者從上出。內溢者從下流也。病人過於作勞。喜怒不節。則絡脈傷損。而血妄行矣。前症若因熱迫血而妄行者。用加味四物湯。若因絡脈傷損者。用八珍湯。若瘀血凝積。佐以獨聖丸。若因肝經火旺。不能藏血者。加味逍遙散。若因脾氣虛。不能統血者。四君子湯。加歸芍主之。若因思慮傷脾。不能攝血歸經者。歸脾湯。若氣血兩虧。血崩不止。更用十全大補湯。丹溪云。凡血症。須用四君子之類。以收功。若大吐大下。毋以脈論。當急用獨參湯救之。若潮熱咳嗽。脈數。乃元氣衰弱。假熱之象。尤當用參朮調補脾土。若服參朮不相安者。即專以和平飲食調理之。此等症候。無不由脾氣先損。故脈息虛浮而大。須令脾胃健旺。後天根本堅固。乃為可法。設或過用寒涼。復傷胃氣。反不能攝血歸經。是速其危也。

加味四物湯

本方內加丹皮阿膠黃芩黑山梔方見虛勞

八珍湯

見虛勞

獨聖丸 治瘀血凝積。瘀血不去。則新血不得歸經。此丸主之。虛人以補藥相間而用。

五靈脂去土炒

為末。醋丸。菴豆大。每服一二錢。淡醋水下。清酒亦得。

加味逍遙散見類中

四君子湯 歸脾湯 十全大補湯並見

帶下

帶下之症。方書以青、黃、赤、白、黑分屬五臟。各立藥方。其實不必拘泥。大抵此症不外脾虛有溼。脾氣壯旺。則飲食之精華生氣血而不生帶。脾氣虛弱。則五味之實秀生帶而不生氣血。南方地土卑溼。人稟常弱。故濁帶之症。十人有九。予以五味異功散。加扁豆、苡仁、山藥之類。投之輒效。倘挾五色。則加本臟藥一二味足矣。夫帶症似屬尋常。若崩而不止。多至髓竭骨枯而成瘵。治此者。寧可忽諸。五味異功散。見虛勞

健脾止濁帶。前症若專下白色。屬肺。倍用苡仁。若兼赤色。屬心。加丹參、當歸。若兼青色。屬肝。加柴胡、山梔。若兼黃色。屬脾。加石斛、荷葉、陳米。若兼黑色。屬腎。加杜仲、續斷。若脈數有熱。加炒黃柏、蓮子心。若脈遲厥冷。加黑薑、大棗。

求嗣

子嗣者。極尋常事。而不得者。則極其艱難。皆由男女之際。調攝未得其方也。男子以保精為主。女子以調經為主。保精之道。莫如寡慾。遠房幃。勿縱飲。少勞神。則精氣足矣。如或先天不足。則用藥培之。大抵左尺無力。或脈數有熱。此真水虛也。六味丸合五子丸以補天一之水。若尺無力。或脈遲厥冷。此真火右衰也。八味丸合五子丸以補地二之火。若二尺俱無力。或中氣餒弱。是水火兩虧。氣血並虛也。用十補丸合五子丸而大補之。倘精薄不凝。更加魚鰔、鹿角膠之屬。精不射遠。更用黃耆、助許、熬膏爲丸。以益其氣。此治男子之法也。調經之道。先在養性。詩云。婦人和平。則樂有子。和則氣血不乖。平則陰陽不爭。書云。和平之氣。三旬一見。是已。如或經事愆期。則用藥調之。大抵先期而至。或脈數有熱。此血熱也。益母勝金丹。加

生地、丹皮主之。若後期而至。或脈遲厥冷。此血寒也。益母勝金丹。加肉桂主之。若將行而腹痛者。是氣滯也。更加順氣之藥。若食少氣虛。面色眊白。四肢無力。是為氣血兩虧。即用前方減香附一半。加人參、黃耆、河車、茯神、棗仁、遠志之屬。俾其氣血充旺。則經脈自調。譬如久旱不雨。河道安得流通。河道不通。而欲其潤澤萬物。不亦難乎。女人經水不通。或淋漓希少。而欲其生子。何可得耶。此論女子之治法也。是以保精之道。責之男子。調經之要。責之女子。各有病處。須細心體認。不可蒙混而失生生之理也。求嗣者念之哉。

六味合五子丸

大熟地 八兩

山藥 四兩

山萸肉 四兩

茯苓

丹皮

澤瀉 各三兩

枸杞子

兔絲子 各四兩

五味子

車前子

覆盆子 各二兩

石斛六兩。熬膏。和煉蜜為丸。每早開水下四錢。

八味丸 中見類

十補丸 即十全大補湯為丸。見虛損門。

益母勝金丹 不見月水。不調。

轉女爲男說

易曰。乾道成男。坤道成女。乾剛用事。得陽氣之專者。則多男。坤柔用事。得陰氣之全者。則多女。此定理也。男子平時清心寡慾。養其乾健之體。則所感而生男矣。至於受胎時日之法。謂斷經一二日。感者成男。三四五日。感者成女。誠以一二日間。陰氣方虧。則陽氣當勝。故生男。三四五日。陰血既回。則陽氣不勝。故生女。此乾坤之性情。剛柔之體用也。今方家備載。轉女爲男之法。有束皮革者。有佩雄黃者。有暗藏雄雞羽于蓆下者。有暗藏斧於床下。而繫刃向下者。種種諸法。或驗或不驗。其驗者。安知其非倖中耶。終不若講究本原。爲合理也。如或男女命運乖舛。速宜修德以祈之。廣積陰功。多行善事。三年五載。勤勉不怠。自應得男。更兼戒殺放生。則所生男。益當聰明長壽。冥冥中有主之者。未可徒恃於藥。而歸怨於命也。求男者。理應敬聽吾言。

診婦人有孕法

經謂婦人有孕者。身有病。而無邪脈也。有病。謂經閉。無邪脈。謂脈息如常。不斷絕也。經又云。手少陰脈動甚者。孕子也。少陰心也。心主血脈。心脈旺。則血旺。而爲孕子之兆。經又云。陰搏陽別。謂之有子。言二尺脈旺。與兩寸迥別。亦爲有孕。以上三者。但得其一。卽爲孕脈。分而治之。合而推之。而孕脈無遁情矣。或謂流利雀啄。亦爲孕脈。何也。答曰。流利者。血正旺。雀啄者。經脈閉塞不行。故脈疾而歇。至此數月之胎也。不知者。斷爲病脈。則令人恥笑。或謂孕有男女。何以脈而知之也。答曰。左寸爲太陽。脈浮大。知爲男也。右寸爲太陰。脈沉實。知爲女也。若兩寸皆浮大。主生二男。兩手皆沉實。主生二女。凡孕脈。弦緊滑利爲順。沉細微弱爲逆也。

驗胎法

婦人經水不行。已經三月。或脈不應指。或經事偶見。法當驗之。用川芎爲細末。煎艾湯。空心調下二錢。腹內微動。則有胎。不動者。非胎也。

食忌

有孕之後。凡忌食之物。切宜戒謹。一食雞子。糯米。令子生寸白蟲。一食羊肝。令子多疾。一食鯉魚。令兒成疳。一食犬肉。令子無聲。一食兔肉。令子缺唇。一食鰾。令子項短。一食鴨子。令子心寒。一食螃蟹。多致橫生。一食雀肉。令子好淫。一食豆醬。令子發哮喘。一食野獸肉。令子多怪疾。一食生薑。令子多指。一食水雞鱧魚。令子生癩。一食騾馬肉。延月難產。如此之類。無不驗者。所當深戒。

藥忌

娠孕藥忌歌。凡數十種。推之尙不止此。然藥中如斑蝥、水蛭、蛇蛻、蜈蚣、水銀、信砒等藥。皆非恆用之品。姑置勿論。茲特選其易犯者。約纂數語。俾醫家舉筆存神。免致差誤。其他怪異險峻之品。在有孕時。自應避忌。不待言也。

烏頭附子與天雄。	牛黃巴豆並桃仁。	芒硝大黃牡丹桂。	牛膝藜蘆茅茜根。
槐角紅花與皂角。	三稜莪朮薏苡仁。	乾漆藺茹瞿麥穗。	半夏南星通草同。
乾薑大蒜馬刀豆。	延胡常山麝莫聞。	此係婦人胎前忌。	常須記念在心胸。

右藥忌禁犯似矣。然安胎止嘔。有用半夏者。娠孕熱病。有用大黃者。娠孕中寒。有用乾薑、桂附者。是何說也。昔黃帝問于岐伯曰。婦人重身。毒之如何。岐伯對曰。有故無殞。亦無殞也。大積大聚。其可犯也。衰其大半而止。有故者。謂有病無殞者。無損乎胎也。亦無損者。於產母亦無損也。蓋有病則病當之。故毒藥無損乎胎氣。然必大積大聚。病勢堅強。乃可投之。又須得半而止。不宜過劑。則慎之又慎矣。用藥者。可不按岐黃之大法也。

惡阻

娠妊之際。經脈不行。濁氣干於清道。以致中脘停痰。眩暈嘔吐。胸膈滿悶。名曰惡阻。法當理脾化痰。升清降濁。以安胃氣。用二陳湯加枳殼主之。若脾虛者。用六君子湯加蘇梗、枳殼、砂仁、香附主之。其半夏雖爲妊中禁藥。然痰氣阻塞中脘。陰陽拂逆。非此不可以薑湯泡七次炒透用之。卽無礙也。若與參朮同行。猶爲穩當。凡安胎氣。止嘔定眩。須用白朮爲君。而以半夏、茯苓、陳皮、砂仁佐之。往往有效。夫娠妊惡阻。似屬尋常。然嘔吐太多。恐傷胎氣。醫者可不善爲調攝乎。

二陳湯

六君子湯

俱見類中

胎動不安

娠妊胎動不安。多因起居不慎。或飲食觸犯禁忌。或風寒搏其衝任之脉。或跌仆傷損。或怒動肝火。或脾氣虛弱。宜各推其因而治之。大法。若因母病而胎動。但治其病而胎自安。若因胎動而致病。但安其胎而母病自愈。再診其色。若面赤舌青。則子難保。若面青舌赤吐沫。母亦難全。娠妊中切宜戒謹。

安胎飲

當歸

川芎

白芍藥

大熟地

茯苓

阿膠

甘草

艾葉

白朮

二錢

水煎服。若起居不慎。加人參、黃耆、杜仲、續斷。若飲食觸犯。加人參。倍加白朮。若風寒相搏。當按經絡以祛風寒。若跌仆傷損。另用佛手散。加青木香、益母草。若怒動肝火。本方加柴胡、山梔。若脾氣虛弱。去熟地。加人參、扁豆。

陳皮。然因時調治。對症處方。全在活法。不可膠執也。

佛手散

當歸五錢

川芎五錢

水煎。酒冲服。若跌仆傷重。加青木香一錢五分。益母草三錢。

胎漏

女人之血。無孕時則為經水。有孕時則聚之以養胎。畜之為乳汁。若經水忽下。名曰漏胎。血瀝盡。則胎不保矣。大法若因風熱動血者。用四物湯。送下防風黃芩丸。若因血虛。用本方加茯神、阿膠、艾葉。若因怒動肝火。用加味逍遙散。若去血太多。用八珍湯。如不應。用補中益氣湯。凡脾虛下陷。不能攝血歸經者。皆宜補中益氣。假如氣血俱盛而見血者。乃小兒飲少也。不必服藥。

四物湯

見虛勞

防風黃芩丸

細實條芩炒焦

防

風

各等分

右爲末。酒糊丸。桐子大。每服二錢。食前開水送下。

加味逍遙散

中見類

八珍湯

見虛

補中益氣湯

中見類

子懸子眩

子懸者。胎上逼也。胎氣上逆。緊塞於胸次之間。名曰子懸。其症由於恚怒傷肝者居多。亦有不慎起居者。亦有脾氣鬱結者。宜用紫蘇飲加減主之。更有氣逆之甚。因而厥暈。名曰子眩。並用前藥主之。然子眩有由脾虛挾痰者。宜用六君子湯。若頑痰閉塞。而脾氣不虛者。二陳湯加竹瀝薑汁。虛實之間。所當深辨也。

紫蘇飲

治子懸。並催生順產神效。

當歸

川芎

紫蘇

各一錢

甘草

人參

白芍藥

酒炒各五錢

大腹皮

黑豆煎水洗八分

右生薑一片。葱白一寸。水煎服。前症若因恚怒傷肝者。加柴胡。若因不慎起居者。加白朮砂仁。若因脾氣鬱結者。加木香。

六君子湯 二陳湯俱見類中

胎不長

娠妊胎不長者。多因產母有宿疾。或不慎起居。不善調攝。以致脾胃虧損。氣血衰弱。而胎不長也。法當祛其宿疾。補其脾胃。培其氣血。更加調攝得宜。而胎自長矣。補脾胃。五味異功散主之。培氣血。八珍湯主之。祛宿疾。隨症治之。

五味異功散

八珍湯

俱見類中

半產

半產者。小產也。或至三五月而胎墮。或未足月而欲生。均謂之小產。小產重於大產。蓋大產如瓜熟自落。小產如生斷其根蒂。豈不重哉。其將產未產之時。當以安胎爲急。安胎飲主之。既產而腹痛拒按者。此瘀血也。法當祛瘀生新。當歸澤蘭湯主之。若小產後血不止。或煩渴面赤。脈虛微者。此氣血大虛也。八珍湯加炮薑以補之。若腹痛嘔瀉。此脾胃虛也。香砂六君子湯加薑桂以溫之。其在產母更宜慎。

風寒。節飲食。多服補藥。以堅固氣血。毋使輕車熟路。每一受孕。卽至期損動。而養育維艱也。戒之慎之。

安胎飲見前胎動不安

當歸澤蘭湯

當歸

澤蘭

白芍酒炒

川芎

大熟地九製各一錢五分

延胡索酒炒

紅花

香附

丹皮各五分

桃仁去皮尖及雙仁者炒研七粒

水煎入童便熱酒各半盞熱服。

八珍湯見虛勞

六君子湯見類中

子煩

娠妊子煩者。煩心悶亂也。書云孕四月。受少陰君火以養精。六月受少陽相火以養氣。子煩之症。大率由此竊謂婦人有孕。則君相二火。皆翕聚以養胎。不獨四六兩月而已。大法火盛內熱而煩者。淡竹葉湯。若氣滯痰凝而悶亂者。二陳湯加白

1
朮、黃芩、蘇梗、枳殼。若脾胃虛弱。嘔噤食少而煩者。用六君子湯。子煩之候。不善調攝。則胎動不安矣。慎之。

淡竹葉湯

淡竹葉七片

黃芩

知母

麥冬各一

茯苓二錢

水煎服。

二陳湯 六君子湯俱見中

子癰

娠妊中血虛受風。以致口噤。腰背反張。名曰子癰。其症最暴且急。審其果挾風邪。宜用羚羊角散定之。若兼怒動肝火。佐以逍遙散加人參。若兼胎氣上逆。佐以紫蘇飲。若兼脾虛挾痰。佐以六君子湯。若因中寒而發者。宜用理中湯加防風、鉤藤。此症必須速愈為善。若頻發無休。非惟胎妊驟下。將見氣血隨胎渙散。母命亦難保全。大抵此症胎氣未動。以補氣養血定風為主。胎氣既下。則以大補氣血為主。

此一定之理。予嘗屢治屢驗矣。

羚羊角散

羚羊角 鎊

獨活

當

歸 錢各一

川芎

茯神

防風

甘

草 炙各一分

鈎

藤 三錢

人參 八分

桑寄生 二錢

薑五分。棗二枚。水煎服。

逍遙散

見類

紫蘇飲

見前

六君子湯

見虛

理中湯

見中

子鳴

娠妊腹內自鳴。係小兒在腹內哭聲也。謂之子鳴。又謂之腹內鐘鳴。古方用鼠穴中土二錢。加麝香少許。清酒調下。或用黃連濃煎呷之。即止。但黃連性寒。麝香開竅。不宜輕用。此症乃臍上疔瘡。兒含口中。因孕婦登高舉臂。脫出兒口。以此作聲。令孕婦曲腰就地。如拾物。一二刻間。疔瘡仍入兒口。其鳴即止。可服四物湯加白

朮、茯苓一二劑。安固胎氣。

四物湯

見虛勞

子瘖

娠妊至八九月間。忽然不語。謂之子瘖。但當飲食調養。不須服藥。昔黃帝問于岐伯曰。人有重身。九月而瘖。何也。岐伯對曰。胞胎繫於腎。腎脈貫繫舌本。故不能言。十月分娩後。自爲之言矣。愚按腎脈貫繫舌本。因胎氣壅閉。腎脈阻塞。致不能言。自應調攝以需之。不必驚畏。或用四物湯加茯苓。遠志數劑亦可。倘妄爲投藥。恐反誤事。慎之。

四物湯

見虛勞

孕婦內癰

孕癰。腹內生癰也。生於有妊之時。猶爲可畏。宜用千金牡丹皮散。或神效瓜蒌散治之。但丹皮、苡仁、桃仁皆動胎之藥。因有病則病當之。故無損也。

千金牡丹皮散 治腸癰之聖藥。

丹皮三兩

苡仁四兩

瓜蒌仁去油

桃仁去皮尖雙仁者各一兩

右爲末。每服五七錢。水煎服。

若腸癰大便閉結。小腹堅腫。加大黃一錢五分。但有孕時。大黃不宜輕用。須斟酌投之。

神效瓜蒌散 治腸癰並乳癰。及一切癰痛初起。腫痛即消。腫成即潰。膿潰即愈。

瓜蒌一枚

生粉草

當歸酒洗

明乳香

沒藥各一錢

水煎。熱酒冲服如量。渣再煎服。即消。

鬼胎夢與鬼交

凡人臟腑安和。血氣充實。精神健旺。榮衛條暢。則妖魅之氣。安得而乘之。惟夫體質虛衰。精神惑亂。以致邪氣交侵。經閉腹大如懷子之狀。其面色青黃不澤。脈瀯細。或乍大乍小。兩手如出兩人。或寒熱往來。此乃肝脾積鬱之氣。非胎也。宜用雄

黃丸攻之。而以各經見症之藥。輔佐元氣。大法。肝經鬱火。佐以逍遙散。脾氣鬱結。佐以歸脾湯。脾虛挾痰。佐以六君子湯。此症乃元氣不足。病氣有餘。或經事愆期。失於調補所致。不可浪行攻擊。而忘根本。則鬼胎行而元氣無傷矣。復有夢與鬼交者。亦由氣血空虛。神志惑亂。宜用安神定志丸主之。

雄黃丸

明雄黃

鬼

甲去毛

丹

砂細研水飛各五錢

延胡索七錢

麝香一錢

川

芎七錢

半

夏汁一兩薑炒

右爲末。蜜丸桐子大。每服三十丸。空心溫酒送下。

逍遙散

見類

歸脾湯

見虛

六君子湯

見類

安神定志丸

見不

熱病胎損

娠妊熱病不解。以致胎損腹中。不能出者。須驗產母。母面赤舌青者。其子已損。若面青舌赤。母亦難全。古方通用黑神散下之。然藥性燥烈。不宜於熱病。應用平胃

散。加朴硝五錢下之為穩當也。

黑神散 隆冬寒月及體氣虛寒者須此。

桂心

當歸

芍藥

甘草炙

乾薑炒

生地黄各一

黑豆二兩去皮

附子炒五錢

右為細末。每服二錢。空心用牛膝三錢煎水調下。

平胃散中見類

又方朴硝三錢。童子小便一鍾。和熱酒調下立出。

妊娠小便不通轉胞

妊娠中小便不通。乃小腸有熱。古方用四物湯加黃芩澤瀉主之。然孕婦胞胎墜下多致壓胞。胞系繚亂。則小便點滴不通。名曰轉胞。其禍最速。法當升舉其胎。俾胎不下墜。則小便通矣。丹溪用補中益氣隨服而探吐之。往往有驗。予用茯苓升麻湯亦多獲效。皆升舉之意也。然則仲景治轉胞用桂附八味湯何也。予曰。此下焦虛寒。胎氣陰冷。無陽則陰不化。寒水斷流。得桂附溫煖命門。則陽氣宣通。寒冰

解凍而小便行矣。况方內復有茯苓、澤瀉爲之疏決乎。然亦有陽亢陰消、孤陽無陰、不能化氣者。必須補其真陰。古方用滋腎丸。予嘗用六味加車前、牛膝。往往收功。斯二者一陰一陽、一水一火、如冰炭相反。最宜深究。大抵右尺偏旺、左尺偏弱。脈細數而無力者、真水虛也。左尺偏旺、右尺偏弱。脈虛而無力者、真火虛也。火虛者、腹中陰冷、喜熱畏寒、小便滴瀝而清、白水虛者、腹中煩熱、喜冷畏熱、小便滴出如黃蘗。脈症自是不同。安危在於反掌。辨之不可不早。辨也。復有分娩之時、穩婆不謹、偏損尿胞。以致小便滴瀝淋漓。不知約束。因思在外肌肉尚可補完。腹中之肉獨不可補乎。遂用大劑八珍湯加紫河車三錢。而以猪胞中湯煎藥飲之。如此數服即愈。但須早治。不可輕忽。

八味湯

見類中

滋腎丸

黃柏

知母各二

肉桂一錢

煉蜜丸。每服三錢。開水下。

胎水腫滿

娠妊胎水腫滿。名曰子腫。又名曰子氣。其症多屬胞胎壅遏。水飲不及通流。或脾虛不能制水。以致停蓄。大法胎水壅遏。用五皮飲加白朮、茯苓主之。脾虛不能制水。用六君子湯主之。凡腰以上腫。宜發汗。加秦艽、荊芥、防風。腰以下腫。宜利小便。加車前、澤瀉。防己。胎水通行。生息順易。宜先時治之。不可俟其既產而自消也。

五皮飲

水

六君子湯

見類中

乳自出

娠妊乳自出。名曰乳泣。生子多不育。然予以爲氣血虛弱。不能統攝。用八珍湯。頻補之。其子遂育。夫醫理有培補之功。贊化之能。豈可執常說而自畫歟。

八珍湯

見虛勞

臨產將護法

凡臨產將護之法有四。一曰善養。當安神靜慮。勿着惱怒。時常行動。不可呆坐。不可多睡。不可飽食。及過飲酒醴。與雜物。惟頻食糜粥。以解飢渴最善。天氣熱。則預

擇涼處免生火暈。天氣寒。則密室溫煖。免致血寒。調養得宜。而生息順易矣。二曰擇穩。須預請老練穩婆。備辦需用之物。臨產時。不許多人喧鬧。免致驚惶。但用老婦二人撐扶。及凭物站立。倦即仰臥。以枕安腿中。徐徐俟之。直待漿水到。腰腹齊痛甚緊時。是胎已離經。令產婦再仰臥。俾兒轉身。頭對產門。稍一用力。即生下矣。人生人係天生。人有自然之造化。不用人爲造作。但順其性產下。三曰服藥。凡新產女子。其臟氣堅固。胞胎緊實。八月宜服保產無憂湯一二劑。臨產再服二三劑。撐開道路。則兒易生。復有用力太早。以致漿水先行。或連日不產。勞倦神疲。中氣不續。宜服加味八珍湯。以助其力。若多胎產婦。更宜預服此藥。復有華陀順生丹。須俟臨產腰腹齊痛時。再與一二丸。用佛手散煎湯送下。不經女人手。凡驗產法。腰痛腹不痛者。未產。腹痛腰不痛者。未產。必腰腹齊痛甚緊時。此真欲產也。如或遲滯。即以順生丹投之。適當其時矣。四曰吉方。凡安產婦床帳。及藏衣。宜擇月空方位。每逢單月。月空在壬丙。逢雙月。月空在甲庚。必須照定方位。不致遊移。無不吉利。

神驗保生無憂散 婦人臨產。先服一二劑。自然易生。或遇橫生倒產。甚至連日

不生。速服一二劑。應手取效。永救孕婦產難之災。常保子母安全之吉。

當歸酒洗五分

川貝母一錢

黃耆八分

甘草五分

白芍

酒炒用一錢二分

兔絲子四錢

厚朴薑汁炒

艾葉七分

荊芥穗八分

枳殼六分

川芎三錢

羌活五分

水二鍾。薑二片。煎至八分。空腹溫服。

此方流傳海內。用者無不響應。而製方之妙。人皆不得其解。是故疑信相半。予因解之。新孕婦人。胎氣完固。腹皮緊窄。氣血裹其胞胎。最難轉動。此方用撐法焉。當歸、川芎、白芍。養血活血者也。厚朴。去瘀血者也。用之撐開血脈。俾惡露不致填塞。羌活、荊芥。疏通太陽。將背後一撐。太陽經脈最長。太陽治而諸經皆治。枳殼疏理結氣。將面前一撐。俾胎氣斂抑。而無阻滯之虞。艾葉溫煖子宮。撐動子宮。則胞胎靈動。川貝、兔絲。最能運胎順產。將胎氣全體一撐。大具天然活潑之趣矣。加黃耆者。所以撐扶元氣。元氣旺。則轉之有力也。生薑通神明。去穢惡。散寒止嘔。所以撐扶正氣而安胃氣。甘草協和諸藥。俾其左宜右宜。而全其撐

法之神者也。此真無上良方。而世人不知所用。即用之而不知製方之妙。則亦惘惘然矣。予故備言之。以醒學者。

加味八珍湯 凡臨產誤自驚惶。用力太早。致漿水去多。乾澹難生。速服此方。補養氣血。以助其力。虛甚者連服二三劑必效。估宜大碗飲之。不可遲疑。誌之誌之。

人

參八分 虛者一錢二分 俗見不用人參。恐胎氣上逆也。不知當歸數倍於人參。則不能上逆。只可助藥力下行耳。且用之。漿水已行時尤為

當歸

白

朮一錢 陳

茯苓八分

當歸五錢

炙甘草三分

川

芎一錢

白芍一錢

大熟地五錢

明乳香五分

丹

參二錢

益母草二錢

水煎服。冬月天寒。加黑薑五分。服藥而嘔。加生薑二片。砂仁五分。如或

漿水去多。橫生倒產。用老練穩婆輕手扶正。隨用此湯。即時分娩清吉。總之。漿水未行。用保生無憂散。以順其胎。漿水去多。必用加味八珍湯。大補氣血。以助其力。保產順生。百無一失。

華陀順生丹

硃砂五錢細研水飛 明乳香一兩著上炙乾

右爲末。端午日猪心血爲丸。如芡實大。每服一丸。用當歸三錢。川芎二錢。煎湯送下。不經女人手。

順生丹

硃砂五錢 丁香五錢 麝香一錢 明乳香一兩

石燕一對一雌一雄圓爲雌長爲雄煨醋淬七次

右爲末。擇天月德日用益母草熬膏爲丸。如芡實大。每服一二丸。用歸芎湯送下。

催生如神散 送逆產橫生。其功甚大。

百草霜 白芷不見火各爲末等分

右每服三錢。以童便、米醋和如膏。加沸湯調下。或用酒加入童便少許熱服。書云。血見黑則止。此藥不但順生。大能固血。又免血枯爲妙。

十產論

楊子建云。凡生產。先知此十症。庶母子兩命。皆得保全。世之收生者。殊少精良妙手。多致誤事。予因痛切而備言之。

一曰正產。懷胎十月。陰陽氣足。忽然腰腹齊痛。兒自轉身。頭向產門。漿破血下。兒即正生。

二曰催生。兒頭至產門。腰腹齊痛。仍不產者。方服藥催之。或經日久。產母困倦難生。宜服藥以助氣血。令兒速生。

三曰傷產。懷胎未足月。有所傷動。以致臍腹疼痛。忽然欲產。或妄服催藥。逼兒速生。如此生息。未必無傷。慎之。

四曰凍產。天氣寒冷。產母血氣凝滯。難以速生。則衣服宜厚。產室宜煖。下衣更宜溫厚。庶兒易生。更不宜火氣大熱。恐致血暈。

五曰熱產。盛暑之月。產婦當溫涼得中。過熱則頭目昏眩而生血暈之症。若涼臺水閣。以及狂風陰雨。更當謹避。

六曰橫生。言兒方轉身。產母用力太急。逼令兒身不正。當着產母安然仰睡。令老練穩婆。先推兒身順重。頭對產門。以中指探兒肩。不令臍帶扳羈。然後用藥催

之。再令產母努力。兒即順生。

七曰倒產。言兒並未轉身。產母妄自努力。致令手脚先出。當着產母安全仰睡。令穩婆輕手推入。候兒自順。若良久不生。令穩婆手入產戶。就一邊撥兒轉順。產門却服催生藥。並努力即出。

八曰偏產。言兒雖已轉身。但未順生路。產母急於努力。逼兒頭偏一邊。雖露項。非也。乃額角耳。當令產母仰睡。穩婆輕手扶正其頭。却服催藥。並努力。兒即下。若兒項後骨偏注穀道。露額。令穩婆以棉衣烘煖裹手。於穀道外傍。輕手托正。令產母努力。兒即生。

九曰礙產。言兒身已正。門路已順。兒頭已露。因兒轉身。臍帶絆其肩。以致不生。令產母仰臥。穩婆輕手推兒向上。以中指按兒肩。脫去臍帶。仍令兒身正順。產母努力。兒即生。

十曰盤腸生。臨產。母腸先出。然後生子。腸出時。以極潔淨不破損漆器盛之。古方用草麻子四十九粒。研爛塗產母頭頂。腸收上。急洗去。其腸若乾。以磨刀水少許。溫潤之。再用磁石煎湯服之。即收上。磁石須陰陽家用。過有驗者。古法有用。

醋水噴母面背者。恐驚則氣散。深爲未便。又方。大指撚麻油潤之。點燈吹熄。以煙熏產婦鼻中。腸卽上。此方平善。宜用。以上十產論。可謂精且密矣。而交骨不開。尙未論及。足見醫道繁難。不容浮躁者問津也。

交骨不開產門不開

交骨不開。有鎖骨者。有血虛不能運達者。令穩婆以麻油調滑石。塗入產門。或用兩指緩緩撐開。並服加味歸芎湯。候藥力行到。卽分娩清吉。若產門不開。氣血虛也。用八珍湯補之。如不應。用十全大補湯加味歸芎湯。

當歸五錢

自敗龜版童便炙川

芎三錢

婦人頭髮一握燒灰存性

水煎服。約人行五里卽生。設是息胎亦下。灼過龜版亦可用。

八珍湯

十全大補湯俱見虛勞

胞衣不下

胞衣不下。或因氣力疲憊。不能努力。宜於剪臍時。用物繫定。再用歸芎湯一服。即下。或血入衣中。脹大而不能下。以致心腹脹痛。喘急。速用清酒下失笑丸三錢。即血散。脹消。其衣自下。如不應。更佐以花蕊石散。或牛膝散亦效。
歸芎湯 見前

失笑丸 治瘀血脹胞。並治兒枕痛神效。

五靈脂去土炒

蒲黃分等炒

共爲末。醋糊丸。如桐子大。每服二三錢。淡醋水下。

花蕊石散 治產後敗血不盡。血迷血暈。胎衣不下。脹急不省人事。但心頭溫者。急用一服灌下。瘀血化水而出。其人即甦。效驗如神。醫家不可缺此。

花蕊石 一觔

上色硫黃 四兩

右爲末。和勻。先用紙泥封固。瓦罐一個。入二藥。仍用紙泥封口。晒乾。用炭煨二炷香。次日取出。細研。每服一錢。童便和熱酒調下。甚者用二三錢。
牛膝散 治胎衣不下。腹中脹急。此藥腐化而下。緩則不救。

牛膝

川芎

蒲黃微炒

丹皮各二兩

當歸一兩五錢 桂心四錢
共爲末。每服五錢。水煎服。

產後將護法

產後將護之法有四。一曰倚坐。婦人產畢。須閉目稍坐。上床以被褥靠之。暑月以櫬靠之。若自己把持不住。則用老練女人靠之。不可遽然倒睡。常以手從心擗至臍下。俾瘀露下行。房內宜燒漆器及醋炭。以防血暈。如或昏暈不醒。更宜用此二法。二曰擇食。凡產後宜專食白粥。數日後以石首魚纖少洗淡食之。至半月後可食鷄子。亦須打開煮之。方能養胃。滿月之後。再食羊肉猪蹄少許。酒雖活血。然氣性慄悍。亦不宜多。如此則產中無病。產後更加健旺矣。三曰避風。養神慎言。凡新產須避風寒。不宜梳頭洗面。更忌濯足。惟恐招風受溼。疾病隨起。又不宜獨宿。恐受虛驚。驚則神氣散亂。變症百出。初生之際。不必問是男是女。恐因言語而泄氣。或以愛憎而動氣。尋常亦不可多言。恐中氣餒弱。皆能致病。慎之戒之。四曰服藥。初產畢。古方用熱童便少許飲之。此物一時難以猝辦。稍冷恐致嘔噦。或用生化

湯服之亦佳。然產後每多心慌自汗之症。予因製歸薑飲投之。殊覺妥適。加減如法。能救產後垂危之厄。凡產後用藥。不宜輕投涼劑。又不宜過於辛熱。產後氣血空虛。用涼劑恐生臟寒。然桂附乾薑氣味辛熱。若臟腑無寒。何處消受。理應和平調治。方為合法。如或有偏寒偏熱之症。又須活法治之。不可膠執也。

生化湯

凡產後服一二劑。去瘀生新為妙。

當

歸三錢

黑

薑五分

川

芎五錢

益母草一錢

桃

仁七粒去皮尖及雙仁者炒研

水煎服。入童便少許尤佳。

歸薑湯

治產後心慌自汗。用此安之。

當

歸三錢

黑

薑七分

棗

仁五錢

大棗五枚。去核。水煎服。若服後自汗仍多。心慌無主。恐其暈脫。即加人參二錢。熟附子一錢。先顧根本。方內重用當歸。則瘀血不得停留。人參可用。世人狐疑不決。多致誤事。予嘗治新產大虛之人。有用人參數兩而治愈者。更有用十全大補加附子數十劑而治愈者。倘瘀血作痛。即以失笑丸間服。攻補並行。不

相妨也。

十全大補湯見虛損

產後血暈

產後血暈。宜燒漆器。熏醋炭。以開其竅。若瘀血上攻。胸腹脹痛拒按者。宜用歸芎湯。下失笑丸。若去血過多。心慌自汗。用歸薑飲。加人參。虛甚者。更加熟附子。若脾胃虛弱。痰厥頭眩而嘔噦者。用六君子湯。大抵產後眩暈。多屬氣虛。察其外症。面白眼閣。口張手撒。皆爲氣虛欲脫之象。若兼口鼻氣冷。手足厥冷。此爲真虛挾寒。速宜溫補。每用人參兩餘。而以薑附佐之。庶得回春。不可忽也。

失笑丸

見胎衣不下

歸薑湯

見前

六君子湯

見類中

產後不語

不語之症。有心病不能上通者。有脾病不能運動舌本者。有腎病不能上交於心者。雖致病之因不同。而受病之處。總不出此三經耳。產後不語。多由心腎不交。氣

血虛弱。縱有微邪。亦皆由元氣不足所致。古方七珍散主之。若兼思慮傷脾。倦怠少食。更佐以歸脾湯。若兼氣血兩虛。內熱晡熱。更佐以八珍湯。若兼脾虛生痰。食少嘔噦。更佐以六君子湯。若兼腎氣虛寒。厥冷痺痛。更佐以地黃飲子。若兼水虛火炎。內熱面赤。更佐以六味地黃湯。如此調治。自應漸愈。倘妄行祛風攻痰。失之違矣。

七珍散

人參

石菖蒲

生地黃

川芎各一兩

防風

辰砂

另研水飛各五錢

細辛二錢

右爲末。每服二錢。薄荷湯調下。

歸脾湯

八珍湯

俱見虛症

六君子湯

地黃飲子

六味湯

俱見中

產後發熱

產後若無風寒而忽發熱者。血虛也。宜用四物湯補陰血也。加以黑乾薑之苦溫從

治。收其浮散使歸依於陰。則熱即退矣。如未應。更加童子小便爲引。自無不效。然產後多有脾虛傷食而發熱者。誤作血虛。即不驗矣。法當調其飲食。理其脾胃。宜用五味異功散。加神麴麥芽。大凡風寒發熱。晝夜不退。血虛與傷食。則日晡發熱。清晨即退。是以二症相似也。然傷食之症。必吞酸噯腐。胸膈滿悶。顯然可辨。若血虛症。則無此等症候。然產後復有氣血大虛。惡寒發熱。煩燥作渴。乃陽隨陰散之危症。宜用十全大補湯。如不應。更加附子。若嘔吐瀉利。食少腹痛。脈沉細。或浮大無力。更佐以理中湯。此皆虛寒假熱之候。設誤認爲火而清之。禍如反掌。

四物湯

五味異功散

大補湯

俱見

理中湯

見中

產後顛狂

產後顛狂。及狂言譫語。乍見鬼神。其間有敗血上衝者。有血虛神不守舍者。大抵敗血上衝。則胸腹脹痛。惡露不行。宜用澤蘭湯。並失笑丸。若血虛神不守舍。則心慌自汗。胸腹無苦。宜用安神定志丸。倍人參。加歸芎主之。歸脾湯亦得。此症多由

心脾氣血不足。神思不寧所致。非補養元氣不可。倘視為實症而攻之。禍不旋踵。
澤蘭湯

澤蘭

生地酒洗

當歸

赤芍各一錢五分

甘草炙五分

生薑一錢

大棗四枚

桂心三分

水煎服。

失笑丸見胞衣不下

安神定志丸見不臥

歸脾湯見虛症

心神驚悸

產後心神驚悸。或目睛不轉。語言健忘。皆由心血空虛所致。夫人之所主者心。心之所主者血。心血一虛。神氣不守。驚悸所由來也。法當補養氣血為主。

汗多變瘕

產後汗出不止。皆由陽氣頓虛。腠理不密。而津液妄泄也。急用十全大補湯止之。如不應。用參附耆附朮附等湯。若病勢危急。則以參耆朮三湯合飲之。如或汗多

亡陽。遂變爲瘧。其症口噤咬牙。角弓反張。尤爲氣血大虛之惡候。更當速服前藥。庶可救療。或問無汗爲剛瘧。有汗爲柔瘧。古人治以小續命湯者。何也。答曰。此外感發瘧也。病屬外感。則當祛邪爲急。若產後汗多發瘧。此內傷元氣。氣血大虧。筋無所養。虛極生風。藉此十全大補加附子。安能斂汗液。定搐搦。而救此垂危之症乎。且傷寒汗下過多。潰瘍膿血大泄。亦多發瘧。並宜補養氣血爲主。則產後之治法更無疑矣。甚矣。察症宜明。而投劑貴審也。

十全大補湯

見虛症

產後身痛

產後偏身疼痛。良由生產時。百節開張。血脈空虛。不能榮養。或敗血乘虛而注於經絡。皆令作痛。大法若偏身疼痛。手按更痛者。是瘀血凝滯也。用四物湯加黑薑、桃仁、紅花、澤蘭補而化之。若按之而痛稍止。此血虛也。用四物湯加黑薑、人參、白朮補而養之。其或有兼風寒者。則發熱惡寒。頭痛鼻塞。口出火氣。斯爲外感。宜用古拜散加當歸、川芎、秦艽、黑薑以散之。散後痛未除。恐血虛也。宜用八珍湯以補

之。此治身痛之大法也。

四物湯

見虛

古拜散 治產後受風。筋脈引急。或發搐搦。或昏憤不省人事。或發熱惡寒。頭痛身痛。

荊芥穗

右爲末。每服三錢。生薑湯調下。

又方。加當歸等分爲末。治症如前。名清魂散。

八珍湯

見虛

產後腰痛

書云。腰以下。皆腎所主。因產時勞傷腎氣。以致風冷客之。則腰痛。凡腰痛上連脊背。下連腿膝者。風也。若獨自腰痛者。虛也。風用獨活寄生湯。虛用八珍湯。加杜仲。續斷。肉桂之屬。若產後惡露不盡。流注腿股。痛如錐刺。手不可按。速用桃仁湯消化之。免作癰腫。凡病虛則補之。實則瀉之。虛中有實。實中有虛。補瀉之間。更宜斟酌焉。

獨活寄生湯見腰

八珍湯見虛

桃仁湯

桃仁十粒

當歸三錢

牛膝二錢

澤蘭三錢

蘇木一錢

水煎熱酒冲空心服。

惡露不絕

產後惡露不絕。大抵因產時勞傷經脈所致也。其症若肝氣不和。不能藏血者。宜用逍遙散。若脾氣虛弱。不能統血者。宜用歸脾湯。若氣血兩虛。經絡虧損者。宜用八珍湯。若瘀血停積。阻礙新血。不得歸經者。其症腹痛拒按。宜用歸芎湯。送下失笑丸。先去其瘀。而後補其新。則血歸經矣。

逍遙散見類

歸脾湯八珍湯俱見

歸芎湯又名佛手散

當歸

川芎等分

右每服五錢。水煎。熱酒沖服。

失笑丸不見胞衣

產後心腹諸痛

產後心腹諸痛。若非風冷客之。飲食停之。則爲瘀血凝積。然產後中氣虛寒。多致暴痛。宜各審其因而藥之。大法風寒者口鼻氣冷。停食者吞酸滿悶。俱用二香散主之。瘀血者轉側若刀錐之刺。手不可按。痛而不移。失笑丸主之。中氣虛寒者腹中冷痛。按之稍止。熱物熨之稍鬆。理中湯加桂心主之。若小腹痛。氣自臍下逆衝而上。忽聚忽散者。此瘕氣也。橘核丸主之。若小腹痛處有塊。不可手按。此瘀血壅滯。名曰兒枕痛。並用前失笑丸。瘀血行而痛止矣。

二香散 散寒消食

砂仁

木香

黑薑

陳皮

炙甘草各一兩

香附三兩薑汁炒

共爲末。每服二錢。生薑湯調下。

失笑丸見胞衣不下

理中湯見中寒

橘核丸見難症小腹疼痛

蓐勞

產後氣血空虛。真元未復。有所作勞。則寒熱食少。頭目四肢脹痛。名曰蓐勞。最難調治。大法陽虛則惡寒。陰虛則發熱。清氣不升。則頭痛。血氣不充。則四肢痛。宜用大劑八珍湯以補之。若脾虛食少。即用六君子加炮薑以溫補之。諸症自退。凡產後調治之法。或補養氣血。或溫補脾土。雖有他症。從末治之。此一定之法也。

八珍湯見虛症

六君子湯見類中

喘促

新產後。喉中氣急喘促。因營血暴竭。衛氣無依。名曰孤陽。最爲難治。宜用六味湯加人參以益其陰。若脾肺兩虛。陽氣不足。宜用四君子湯加黑薑。當歸以益其陽。若自汗厥冷。更加附子。若兼外感。即於四君方內加荊芥、陳皮、炮薑、川芎、當歸以

散之。若瘀血入肺。口鼻起黑氣及鼻衄者。此肺胃將絕之候。急服二味參蘇飲。間有得生者。

六味湯

見虛症

六君子湯

見類中

二味參蘇飲

人參 一兩

蘇木 三錢
枳殼

水煎頓服。若厥冷自汗。更加附子二三錢。

鼻黑鼻衄

足陽明胃脈起於鼻。交頰中。還出挾口。交人中。左之右。右之左。蓋鼻準屬脾土。鼻孔屬肺金。而胃實統之。產後口鼻起黑氣及鼻衄。皆由氣血空虛。榮血散亂。乃胃敗肺絕之危症也。急用二味參蘇飲。加附子。間有得生者。

二味參蘇飲

見前

產後乳疾

婦人產後有乳少者。有吹乳者。有妬乳者。乳爲氣血所化。若元氣虛弱。則乳汁不生。必須補養氣血爲主。若乳房掀脹。是有乳而未通也。宜疏導之。復有乳兒之際。爲兒口氣所吹。致令乳汁不通。壅滯腫痛。不急治。卽成乳癰。速服瓜蒞散。敷以香附餅。立見消散。亦有兒飲不盡。飲乳停蓄。以致腫痛。名曰妬乳。速宜吮通。并敷服前藥。免成癰患。若婦人乳盛。不自乳子。宜用炒麥芽五錢煎服。其乳卽消。若婦人鬱怒而乳腫者。於瓜蒞散內。更加柴胡、赤芍、甘草、橘葉之屬。

瓜蒞散

瓜蒞一個

明乳香一錢

酒煎服。

香附餅 敷乳癰。卽時消散。一切癰腫皆可敷。

香附細末淨

麝香二分

右二味。研勻。以蒲公英二兩煎酒去渣。以酒調藥。頓熱敷患處。

乳癰乳巖乳卽

乳癰者。乳房腫痛。數日之外。焮腫而潰。稠膿湧出。膿盡而愈。此屬膽胃熱毒。氣血壅滯所致。猶爲易治。若乳巖者。初起內結小核如棋子。不赤不痛。積久漸大崩潰。形如熟榴內潰。深洞血水淋漓。有巉巖之勢。故名曰乳巖。此屬脾肺鬱結。氣血虧損。最爲難治。乳癰初起。若服瓜蒞散。敷以香乳餅。卽見消散。如已成膿。則以神仙太乙膏貼之。吸盡膿。自愈矣。乳巖初起。若用加味逍遙散。加味歸脾湯。二方間服。亦可內消。及其病勢已成。雖有盧扁。亦難爲力。但當確服前方。補養氣血。縱未脫體。亦可延生。若妄用行氣破血之劑。是速其危也。更有乳卸症。乳頭拖下長一二尺。此肝經風熱發泄也。用小柴胡湯加羌活。防風主之。外用羌活。防風。白斂。燒烟熏之。仍以葦蕪子四十九粒。麝香一分。研爛塗頂心。俟乳收上。急洗去。此屬怪症。女人盛怒者多得之。不可不識。

瓜蒞散 香附餅前俱見

神仙太乙膏 治一切癰疽。不問膿之成否。並宜貼之。

元參	白芷	當歸	肉桂
生地	赤芍	大黃 <small>各一</small>	黃丹 <small>炒三兩</small>

右用麻油二觔。內諸藥。煎黑。濾去渣。復將油入鍋。熬至滴水成珠。入黃丹十三兩。再熬。滴水中。看其軟硬得中。卽成膏矣。如軟。再加黃丹數錢。

加味逍遙散

見類中

加味歸脾湯

見虛症

小柴胡湯

見傷寒少陽症

婦人隱疾

婦人隱疾。前陰諸疾也。有陰腫、陰癢、陰瘡、陰挺、下脫諸症。其腫也。或如菌。如蛇。如帶。如鷄冠。種種不一。而推其因。總不外於濕熱也。古方九味蘆薈丸主之。若兼怒動肝火。佐以加味逍遙散。若肝經濕熱極盛。佐以龍膽瀉肝湯。若脾虛氣弱。中氣下陷。佐以補中益氣湯。若思慮傷脾。脾氣鬱結。佐以加味歸脾湯。若腎水不足。佐以六味丸加歸芍。庶克收功。夫此症雖屬濕熱。而元氣虛弱者多。若不顧根本。而專用清涼。恐不免寒中之患也。治者慎之。

九味蘆薈丸。治三焦肝膽經風熱。目生雲翳。或頸項瘰癧。耳內生瘡。或牙齦蝕落。頰腮腐爛。下疳。陰蝕。瘡腫諸症。

蘆薈五錢

胡黃連

當歸

芍藥炒

川芎

蕪荑各一兩

木香

甘草各三錢

龍膽草七錢酒浸炒焦

右爲末。米糊丸。麻子仁大。每服一錢。或一錢五分。開水下。

加味逍遙散中見類

龍膽瀉肝湯 治肝經濕熱。兩拘腫痛。或小便澀滯。下疳潰爛等症。

龍膽草酒拌炒黃

澤瀉各一錢

車前子

木通

生地黃酒洗

山梔炒

當歸酒拌

黃芩炒

甘草五錢

水煎服。

補中益氣湯中見類

歸脾湯 六味丸並見虛症

醫學心悟

清 天都 程國彭鍾齡撰著

鄞縣 曹赤電炳章圈點

卷六

外科十法

外科十法者。予歸宗普陀時所作也。余自普陀生長天都。五十有三載。業醫者凡三十年。爰著醫學心悟一書。詳言內症。梓行於世。而外科有未及。壬子冬。還歸普陀修行。適逢聖祖仁皇帝廣發帑金。修葺我菩薩行宮。前後寺僧及工作人等。不下數千人。其中病患不一。予爲調治悉痊。復有患背疽者。有患廣瘡疥癬者。投以膏散。不半月而收功。因思予在天都時。僅著內科。而未及外科。亦一時之闕略也。乃復聚精會神。參悟外科旨要。約以十法。而施治之道。似無餘蘊。言簡而該。方約而效。以之問世。庶幾其有小補乎。將見十法一書。與醫學心悟。

並行於天壤間也。

內消法一

內消者。腫毒初起。隨用藥消散也。凡病癰疽發背對口疔毒。其初起憎寒壯熱。有似傷寒而痛偏一處。飲食如常者。蓄積有膿也。當初起時。膿尚未成。不過氣血乖違。逆於肉裏耳。外敷以遠志膏。或貼普救萬全膏。內服銀花甘草湯。即時消散。若係疔瘡。急宜刺破。或艾灸腫處。搽上蟾蜍餅。貼以萬全膏。內服菊花甘草湯。隨即平伏。菊花連根帶葉。皆治疔瘡之聖藥也。其中亦有挾風寒而發者。宜先用芎芷香蘇散以散之。隨服菊花銀花等藥。即可內消。須及早下手。不可遲滯。

艾灸法二

隔蒜灸法。勝用刀針。書云不痛灸至痛。痛灸不痛時。凡治癰疽疔腫流注。及一切無名腫毒。以大蒜切片安瘡頂上。用陳艾炷安蒜上。香點灸之。其艾炷大小。看瘡毒大小爲取裁。若癰疽之大者。以蒜搗餅敷上灸之。不痛者灸至痛而止。痛者灸

至不痛而止。若內已有膿。即將烏金膏塗灸處。外用普救萬全膏貼之。爛開大口。卸卻瘀膿。易收功也。若口不收。或腐肉不脫。洗用防風湯。敷以海浮散。外貼萬全膏。腐自去。新自生。計日可愈。真神藥也。

神火照法二

凡腫在頭面以上者。不宜艾灸。恐引火氣上攻。宜用火照法。神乎其神。法用火照散安紙燃中。以麻油浸點。每用火三枝。離毒半寸許照之。自外而內。俾氣透入皮。色紫滯者立轉紅活。若瘡熱平塌者。立轉高聳。仍須不時照之。則毒氣頓解。轉陰爲陽。以收全功。且此法不止施於頭上。卽如發背等毒。亦宜用之。其頭面患毒。亦有用艾灸而愈者。因其毒純陰。平塌頑麻。非艾灸無功。但艾炷宜小如黍粒樣式。二法乃瘡疽門之寶筏。宜互相參攷。以神其用。

刀針砭石法四

凡毒有脹痛緊急。膿已成熟。無暇待灼。艾火照者。卽宜用刀法開之。但刀法須在

的確膿熟之時。又須要深淺合度。以左手按腫處。先看膿之成否。如按下軟而不痛。腫隨手起者。膿已成也。按下硬而痛。或凹陷不起者。膿未成也。已成膿者可刺。未成膿者宜姑待之。若脾氣虛弱者。宜托補之。又須看其膿之深淺。以手指按下。軟肉深者。其膿必深。軟肉淺者。其膿亦淺。若膿淺刀深。恐傷好肉。膿深刀淺。恐膿不出而肉敗。最宜斟酌。更有伏骨之疽。膿腐於肉。皮色不變者。宜以刀刺入深處。放出瘀膿。或灸開口放出之。不得姑息。因循俾毒氣越爛越深也。其小刀須利。勿令病者見。恐驚彼耳。砭法施於頭面及耳前後。因其漫腫無頭。急用此法。以瀉其毒。取上細磁鋒。用竹箸夾住。緊紮放鋒出半分。對患處另以箸敲之。徧刺腫處。俾紫血多出為善。刺畢以精肉切片貼。再用雞子清調乳香末潤之。此地不宜成膿。頭肉中空耳。前後更多曲折。提膿拔毒。恆多未便。故砭法斷宜早施。

圍藥法五

書云。用膏貼頂上。敷藥四邊圍。凡腫毒之大者。將以成膿。用烏金膏貼瘡頭上。然後用萬全膏蓋之。四旁用芙蓉膏敷之。貼膏處取其出膿。敷藥處取其消散。並能

箍住根脚。不令展開。其作三層敷圍法。第一層用烏金膏貼瘡頭。若漫腫無頭。以濕紙貼上。先乾處是瘡頭也。第二層萬全膏貼之。第三層芙蓉膏圍之。然予嘗用萬全膏徧覆腫處。連根脚一齊箍住。其中消處自消。潰處自潰。竟收全功。可見膏藥之妙矣。

開口除膿法六

凡治癰疽。口小膿多。則膿不出。或出而不盡。或薄膿可出。硬膿難出。以致瘡不去而新不生。延綿難愈。法當爛開大口。俾瘡膿盡出為善。其爛藥烏金散最佳。祛瘡肉不傷新肉。且不甚掀痛。為至妙也。若有膿管。以綿紙撚裏藥納入。頻換數條。即化去耳。亦有頑硬之極。非烏金散所能去者。則用化腐紫霞膏搽之。然終不若烏金散為至穩。

收口法七

凡治癰疽最難收口者。由瘡肉夾雜惡膿不盡所致。庸工不識。妄用補濇之劑。勉

強收口。恐他日內毒復發。更甚於目前。惟予所用海浮散。堪稱至寶。以此敷上。瘡肉自脫。不必用刀。新肉自生。又不藏毒。萬舉萬當也。大法先用防風湯洗之。再上末藥。洗時須避風為主。書云。頻將湯洗。切忌風吹是已。更有體虛不能收口者。須內服補藥以助之。

總論服藥法八

凡癰疽服藥。宜照顧脾胃為主。不得已而用清涼。但期中病。切勿過劑。大法初起時。設有挾風寒者。宜先用芎芷香蘇散一劑以散之。散後而腫未消。隨用銀花甘草以和解之。若腫勢掀痛。大便閉結。內熱極盛者。則用衛生湯加大黃以疏利之。若病勢雖盛。而元氣漸虛者。則清藥中須兼托補之劑。透膿散主之。若膿水已潰。必須托補元氣為主。參耆內托散主之。如或元氣虛寒。則補托藥中須用辛熱以佐之。脾虛者。理中湯。參苓白朮散。氣虛下陷者。補中益氣湯。胃經受寒。飲食停滯者。藿香正氣散。氣血兩虛者。十全大補湯。加附子。鹿茸輩。間亦有虛而挾熱者。即於前方中去附子。薑桂。加麥冬。銀花。丹皮等藥以收功。是又不可不知也。大抵有

陽毒。有陰毒。有半陰半陽。宜細辨之。陽毒者。瘡勢紅腫。瘡頂尖聳。根脚不散。飲食如常。口渴便結。五心煩熱。脈洪數。陰毒者。瘡勢灰白平塌。頑麻少痛。根脚走散。食少便澹。手足厥冷。口鼻氣冷。脈沉遲。半陰半陽者。瘡腫雖紅不甚尖聳。飲食差減。大便不結。寒熱往來。微渴喜熱。脈虛軟。此三者必須細辨。俾用藥寒溫得宜。方爲合法。治陽者。清涼解毒。治陰者。溫中回陽。半陰半陽之治。清不傷胃。溫不助邪。如斯而已矣。

復論五善七惡救援法九

或問癰疽五善七惡何謂也。答曰五善者。飲食知味一也。便溺調勻二也。膿潰腫消。膿水不臭三也。神氣清爽。動息自寧四也。脈息有神。不違時令五也。七惡者。大渴發熱。泄瀉淋閉一也。膿潰尤腫。膿稀臭穢二也。目睛無神。語聲不亮三也。食少不化。服藥作嘔四也。恍惚嗜臥。氣短乏力。腰背沉重五也。脣青鼻黑。面目浮腫六也。脈息無神。或躁動不和七也。古語云。五善得三則吉。七惡得四則凶。余謂七惡之凶。不待四矣。然而急救之法。正不容以不講。大抵熱渴淋閉。喘急內熱。皆真陰

受傷。宜六味湯加麥冬、五味。如不應。用八珍湯加麥冬、五味。更不應。用十全大補湯兼服六味地黃丸。此乃補陽生陰之說也。若氣短倦怠、昏憤乏力、飲食不化、乃陽虛之候。宜用補中益氣湯。若睡臥不寧。宜用歸脾湯。若飲食減少、面目浮腫。宜用香砂六君子湯。若兼脾胃虛寒。更用理中湯。腎氣虛寒。須用桂附八味丸。兼用十全大補湯加附子。此溫補回陽之法。若癰疽潰後膿血去多。變爲角弓反張、手足搐搦、肢體振搖而發瘳者。並用參膏歸朮併附子等藥以救之。如不應。用十全大補湯。間有可生者。當此時勢。性命急如懸縷。司命者宜叮嚀反覆熟思而審處之。

將息法十

凡病中設有挾風寒者。即宜斷去葷腥油膩。微服散藥。俟外邪祛盡。另用滋味調補。大抵將息癰腫。不可缺少滋味。以血肉能生血肉也。然又不宜過多。使肉氣勝穀氣。更忌生冷滯氣之物。恐反傷脾胃耳。並宜避風邪。戒嗔怒。寡思慮。少言語。兢保養爲貴。至於病後將息。毒大者三年內宜遠帷幙。毒小者期年內宜遠帷幙。

犯之則成虛損。或成偏枯。或陰滅天年。不可不慎也。其他戒怒慎風。亦須常作有病時想。

已上十法。乃治癰疽發背之大綱。大者可爲。小者可知已。余生平善治外症。其心法全在於此。約而能該。確而可守也。至於周身上下所患之病名。備載於後。以資參考。

外科症治方藥

發背

對心發 搭背 手發 腎俞發 足發

生於背。名曰發背。肺經火毒也。生於背下。與心相對。名曰對心發。心經火毒也。生於腰。名曰腎俞發。腎經相火之毒。若生於肩脊。名曰搭背。右爲肺火。左爲肝火也。生於手背。名曰手發。生足背。名曰足發。脾經濕熱之毒也。有如蓮子形者。頭多突起。有如蜂窠形者。孔多內陷。外結螺醫。此二種須防毒陷。大率此症皆由膏粱厚味。或六淫外客。七情內鬱所致。積聚不散。以致榮氣不從。逆於肉裏耳。初覺腫痛。即宜用藥消散之。散而不去。則用艾灸提膿等法。癰疽之症。始爲熱中。末爲寒中。

不可不察也。

遠志膏 凡一切癰疽腫毒初起之時。隨用遠志肉二三兩去心。清酒煮爛。搗如泥。敷患處。用油紙隔布紮定。越一宿。其毒立消。屢試屢驗。其效如神。

普救萬全膏

見卷三

銀花甘草湯 治腫毒初起時。皆可立消。內服此藥。外敷遠志膏。一切惡毒無不消散。但宜早服為妙。倘瘡已成膿。必須外潰。無從消散也。

金銀花

兩

甘草

二錢

水煎。清酒沖服。若毒在下焦。加牛膝二錢。

陳艾圓 每歲端午日。蓄蘄艾一二斤。愈久愈良。用時取葉為炷。或加麝香、木香、雄黃末。搓成團。安蒜上灸之。名藥艾圓。

蟾蜍餅 治疔毒腦疽乳癰。附骨疽臀癰。一切患症。或不痛而大痛。或麻木。用此數貼瘡頭。

蟾蜍

一錢

輕粉

五分

乳香

三分

沒藥

一錢

雄黃

芭豆

各二錢

麝香

三分

珠砂

一錢

朝腦一錢

已上各爲細末。于五月五日午時。在淨室中用蟾蜍酒。和藥丸如菉豆大。每用一丸。口涎調塗。貼疔瘡上。以膏蓋之。

菊花甘草湯 治疔之仙藥也。

白菊花四兩

甘草四兩

水煎頓服。渣隨即再煎。重者不過二劑即消。至穩至效。一切消疔之劑。皆不及此。

芎芷香蘇散 凡毒多有挾風寒而發者。宜先用此散之。如毒不消。隨服銀花、甘

草等藥。

川芎

白芷

紫蘇葉

赤芍

陳皮

甘草

荊芥

香附

秦艽

各一錢五分

連翹葱白二寸。水煎服。

若兼傷食。加山查、麥芽、葡子。

若內熱極盛。加連翹、

芩子。

烏金膏 去腐肉。不傷新肉。最為平善。

芭豆去殼。新瓦上炒黑。研細聽用。多寡看瘡勢酌量。

防風湯

防風

白芷

甘草

赤芍

川芎

歸尾

各二錢

雄豬蹄一節

加連翹葱白五根。用三大碗水煎。以絹片蘸水洗之。拭乾。然後上藥。其深曲處。以羊筆洗之。

海浮散 敷此腐肉自化。新肉自生。此外科回生保命之靈丹也。予治外症全倚之。

乳香

沒藥等分

右二味。安箬皮上火炙乾。為極細末。敷患處。再貼膏藥。此散毒淨則收口。毒不淨則提膿外出。其神妙難以言喻。

火照散

硃砂

血竭

沒藥

明雄黃各三

麝香五分

右五味爲細末。用綿紙條長尺許。每條裹藥三分。真麻油浸點。自外而內。周圍照之。瘡毒隨藥氣解散。自不內侵臟腑。初用三條。漸加至五七條。瘡勢漸平。又漸減之。熏罷隨上烏金膏。貼以萬全膏。若腫勢慢行。周圍用芙蓉膏敷之。如再熏須洗去末藥。其貼膏藥處藥油可不必洗。

芙蓉膏 用赤小豆四兩。芙蓉葉四兩。香附四兩。菊花葉四兩。白芨四兩。爲細末。每末一兩。加麝香一分。米醋調塗住根脚。鷄子清調亦可。

化腐紫霞膏 治癰疽發背。瘀肉不腐。及不作膿者。又治惡瘡內有膿而外肉不穿潰者。

輕粉

蓖麻仁研各三錢

巴豆研白仁五錢

白結二錢

樟腦

螺螄肉錢各一

金頂砒分五

爲末。磁罐收貯。臨用時麻油調搽頑硬肉上。以萬全膏貼之。至頑者不過二次。即軟。其力大於烏金散。

衛生湯 解毒消癰。清熱活血。止痛。初起相宜。

白芷

連翹

花粉各八分

荆芥

甘草節

茅子各一錢

防風

乳香

沒藥各五分

銀花二錢

貝母

歸尾各一錢五分

水煎服。

若大便閉結。熱勢極盛者。加酒炒大黃二三錢。

透膿散 凡癰毒內已成膿。不穿破者。服即破。

黃耆四錢

皂刺

白芷

川芎

牛蒡子

穿山甲炒研各一錢

金銀花

當歸各五分

酒水各半煎服。

參耆內托散 丹溪云。癰疽未潰。以疎托解毒為主。癰疽既潰。以托補元氣為主。

二語可為外科樞要。

人參一錢虛甚者倍用

黃耆三錢酒炒

當歸二錢

川芎酒炒五分

炙草五分

陳皮

金銀花五錢

丹皮一錢

遠志去心甘草水炮炒一錢五分

大棗五枚。水煎服。

理中湯 溫補中氣。挽回元陽。

人參二錢 黑薑五分 甘草炙二錢

白朮三錢陳

附子薑汁甘草

大棗五枚去核水煎服。

參苓白朮散 健脾養胃。

人參一兩 茯苓二兩 山藥炒 苡仁炒

扁豆炒 連肉去心炒 砂仁一兩 神麴炒黑

甘草炒各 白朮四兩陳 陳皮微炒

共為細末。每用三錢。開水下。

補中益氣湯 中氣下陷者舉之。顛頂有病需此。

人參 炙甘草 當歸錢各一 升麻

柴胡各三 陳皮五分 黃耆二錢 白朮五錢

大棗二枚。生薑三片。水煎服。

藿香正氣散 散風寒。消飲食。止嘔吐瀉利。

藿香

砂仁

厚朴

茯苓

紫蘇葉

陳皮錢各一

白朮陳土炒

半夏

桔梗

白芷各七

甘草炙五

生薑三片。水煎服。

十全大補湯 峻補氣血。乃扶危定傾之大藥。為收功保命之神丹。

人參

白朮陳土炒

黃耆蜜炙

茯苓一錢

當歸五錢

大熟地蒸九錢九

白芍酒炒五分

甘草炙八

川芎

肉桂去皮各

大棗五枚。薑三片。水煎服。虛甚者。更加附子、鹿茸。

六味湯 壯水之主。以鎮陽光。凡腎經真水不足。虛火上炎。脈數有熱者宜此。

大熟地四錢

山萸

山藥錢各二

丹皮

茯苓各一錢

澤瀉一錢

水煎服。

八珍湯 即大補湯。去黃耆、肉桂。

歸脾湯 治思慮傷脾。榮血不足。睡臥不寧。

人參

白朮

當歸

棗仁炒

白芍各一錢

黃耆一錢五分

遠志去心炒甘草

甘草七錢

木香五分

圓眼肉五枚。水煎服。

香砂六君子湯 理脾化痰。溫胃進食。

人參

白朮

茯苓

炙甘草

陳皮

半夏各一錢

砂仁

藿香各八分

薑二片。棗三枚。水煎服。

桂附八味湯 益火之原。以消陰翳。凡腎經真陽不足。火衰不能生土。脈虛大無

力者宜此。

大熟地八兩

山萸肉

山藥各四兩

丹皮

茯苓

澤瀉各三兩

附子

肉桂各一兩

用煉蜜丸。每服四錢。淡鹽水下。

紫金錠見卷四咽喉症

腦疽對口 偏對口

生於腦名曰腦疽。生於頸後名曰對口。生於頸旁名曰偏對口。正對口易治。偏對口難治。因其軟肉與喉相近也。多因膏粱醇酒風寒壅遏所攻。宜用神火照法。次用烏金膏搽之。外貼萬全膏。取其易潰。潰後則用防風湯洗之。摻以海浮散。仍貼萬全膏。頻換數次即愈矣。

鬚疽發頤 天行 時毒

生於耳前後名曰鬚疽。生於兩頤名曰發頤。初起宜用銀花甘草湯。加柴胡、荊芥、薄荷、蒺藜以清散之。若腫勢甚極。須用砭法。若已成膿而未潰者。以烏金膏搽瘡頭。貼以萬全膏。自然腐潰。潰後則用海浮散。並貼萬全膏。自應尋愈。頰下漫腫無頭。名曰時毒。俗名蝦蟆瘟是也。頭面盡腫。名曰大頭天行。俗名大頭瘟是也。此皆風火鬱熱所致。初起宜用加味甘桔湯以消散之。散而不去。則用普濟消毒飲以

清之。若腫勢極盛。兼用砭法。

普濟消毒飲

甘草

桔梗

黃芩酒炒

黃連酒炒各

玄參

橘紅

柴胡各五

薄荷六分

升麻二分

連翹

牛蒡子錢炒各一

水煎服。便閉甚。加大黃酒炒一錢。

體虛加人參五分。

井口疽

脇癰

肚癰

穿骨疽

生於心名曰井口疽。生於脇名曰脇癰。生於腹名曰肚癰。生於手足腕名曰穿骨疽。生於腿岔名曰魚口。生於臀名曰臀癰。施治並如前法。護心散。患井口疽者宜多用。他症亦宜用此。

遠志肉

甘草一兩五錢去心

萊菔粉二兩

甘草五錢

明乳香

土炒二兩

辰砂

二錢研細水飛

共為細末。每服三錢。開水下。

九龍丹 治魚口便毒。騎馬癰。橫痃初起。未成膿者宜此。

兒茶

血竭

乳香

沒藥

青木香

穿山甲一炒各兩

右各等分爲末。歸尾三兩。紅花二兩。酒煎膏丸如桐子大。每服二錢。空心熱酒送下。數服自消。

胡桃散 以大胡桃剖開口。將全蝎二枚納入。燒灰存性研末。熱酒冲服。

疔瘡

疔瘡初起。如疥形。如粉刺。或小泡堅硬如疔。故名曰疔。大抵肉色紅腫根脚不散者吉。若平塌漫腫四圍灰白者凶。其狀不一。其色不同。有紅紫黃白黑之五種。以應五臟。若生兩足。多有紅絲至臍。生兩手。多有紅絲至心。生面唇。多有紅絲入喉。俱難治。速宜針紅絲出血。多有生者。若患於肢末之處。毒愈凝滯。藥難導達。艾灸之功爲大。內服菊花甘草湯至效。如妄用疎利之劑。耗損真氣。不惟無以去毒。而害反隨之矣。其治法卽見前十法中。

喉痺

喉間腫痛。名曰喉痺。古人通用甘桔湯主之。然有虛火實火之分。緊喉漫喉之別。不可不審。虛火者色淡微腫。溺清便利。脈虛細。飲食減少。此因神思過度。脾氣不能中護。虛火易至上炎。乃內傷之火。名曰慢喉風。虛症也。午前痛甚者屬陽虛。四君子湯加桔梗、麥冬、五味、當歸。午後痛甚者屬陰虛。四物湯加桔梗、元參。如不效。必加桂附以爲引導之用。加減八味湯加牛膝主之。若脈數有熱。六味湯主之。更有中寒咽痛。治用半夏桂甘湯。不可誤投涼藥。實火者醇酒膏粱。風火積熱。火動生痰。腫痛暴發。甚則風痰壅塞。湯水不入。聲音不出。此外至之火。名曰緊喉風。實症也。宜用燈窩油和漿水灌之。導去痰涎。或用土牛膝搗爛和酸醋灌之。或針刺紅腫之處。發泄毒血。或用金鎖匙吹之。俾喉漸鬆開。飲食可入。聲音得出。乃止。宜用加味甘桔湯。熱甚者兼用三黃解毒湯。諺云。走馬看喉痺是也。凡喉腫不刺血。喉風不吐痰。喉癰不放膿。乳蛾不針破。此皆非法。又有勞嗽日久。咽傷聲損者。無法可療。

纏喉風

纏喉風症。咽喉腫痛。脹塞紅絲纏繞。故名纏喉風。甚則腫達於外頸如蛇纏。探吐
悉如前法。

纏舌喉風

纏舌喉風。硬舌根而爛兩旁。以羊毛筆蘸甘草水洗之。吹以柳花散。

乳蛾

乳蛾生喉間。狀如乳頭。一邊生者名單乳蛾。兩邊生者名雙乳蛾。以小刀點乳頭
出血立瘥。吹以柳花散。再服甘桔湯。凡針乳蛾宜針頭尾。不可針中間。鮮血者易
治。血黑而少者難治。凡用刀針血不止者。用廣三七爲細末。吹刀口上卽止。凡使
刀針。不可傷蒂下及舌下根。切記。

舌劔

舌衄出血不止。用六味湯。加生地、麥冬、牛膝、玄參主之。並吹柳花散。

懸癰

懸癰生於上腭。形如紫李。宜針破癰頭。用甘草湯攪盡瘀血。吹服悉如前法。

腮癰

腮癰生腮下。繞喉壅腫。先用薺汁調玄明粉攪去其痰。再看其紫黑處。針去瘀血。其吹服如前法。

喉瘡

喉瘡命門相火也。瘡勢灌膿。以銀針挑破之。隨用荊芥甘草煎湯洗之。其吹服如前法。

走馬牙疳

牙疳

牙宣

走馬牙疳。牙齦紅腫。漸變紫黑臭穢。胃熱也。牙癰。牙邊腫痛。灌膿也。牙宣。牙根盡腫。宣露於外也。吹以柳花散。兼服清胃散。牙痛療牙止痛散。兼服葛根湯。

喉瘤

喉瘤生於喉旁。形如圓眼。血絲相裹。不可用刀針。宜吹麝香散。並服加味甘桔湯。

蘭唇

蘭唇。唇上起泡如蘭。初起即用小小艾炷灸之。貼以萬全膏。

肺絕喉痺

肺絕喉痺。凡喉痺日久。頻服清降之藥。以致痰湧聲痞。或痰聲如曳鋸。此肺氣將絕之候也。法在難治。宜用獨參湯或兼進八味湯。或兼用十全大補湯。早服者可救十中之一二。

四君子湯

人參

白朮

茯苓

甘草炙各一錢

大棗二枚。生薑一片。水煎服。

四物湯

川芎五分

大熟地

當歸

白芍各一錢五分

水煎服。加丹皮、麥冬、玉竹、山藥、茯苓。退虛熱至效。

加減八味湯

大熟地四錢

山黃去枝

山藥各二錢

丹皮

茯苓

澤瀉各一錢五分

肉桂

五味各五分

水煎服。本方去五味。加附子。名八味腎氣湯。

金鑰匙 治喉閉、纏喉風、痰涎壅塞、口噤不開。湯水難下。

焰硝一兩五錢

硼砂五錢

片腦二釐分

雄黃二錢

白殭蠶一錢

各另研為末和勻。以竹筒吹患處。痰涎即出。如痰雖出。腫痛仍不消。急針患處去惡血。服前藥。

三黃解毒湯

黃連一錢

黃芩

黃柏

黑山梔各一錢

水煎服。

柳花散 治喉瘡並口舌生瘡。走馬牙疳。咽喉腫痛諸症。

真青黛

蒲黃炒

黃柏炒

人中白各一兩

冰片五分

硼砂五錢

共爲細末。吹喉極效。

清胃散

升麻一錢

生地二錢

黃連

連翹

丹皮各一錢

水煎服。

療牙止痛散 止牙痛神效。

牙硝三錢

硼砂三錢

雄黃二錢

冰片五分

麝香五釐

共爲末。每用少許擦牙。

葛根湯

葛根一錢 升麻一錢 甘草五分 赤芍五分

水煎服。風勝加荊芥、防風、薄荷。火勝加連翹、丹皮、生地、麥子。

麝香散

真麝香二錢 冰片三分 黃連一錢

共爲末。一日夜吹五六次。

瘰癧

瘰癧。頸上痰瘰癧串也。此肝火鬱結而成。宜用消瘰癧丸。兼服加味逍遙散。

消瘰癧丸

此方奇效。治愈者不可勝計。予曾刻方普送矣。

玄參 蒸 牡蠣 煅 貝母 去心 醋 蒸

共爲末。煉蜜爲丸。每服三錢。開水下。日二服。

加味逍遙散 治肝經鬱火。頸生瘰癧。並胸脇脹痛。或作寒熱。甚至肝木生風。眩

暈振搖。或咬牙發瘕諸症。經云。木鬱達之是已。

柴胡

茯苓

當歸

白朮

甘草

白芍

丹皮

黑山梔各一錢

薄荷五分

水煎服。

鼻痔鼻淵

鼻痔。鼻生息肉也。起於濕熱。可吹礪砂散。鼻淵。鼻流濁涕不止也。起於風熱。可用

古拜散。

礪砂散

礪砂五分

白礬煨枯一錢

共爲細末。每用少許。點鼻痔上即消。

古拜散

荊芥穗

右爲細末。每服三錢。生薑湯調下。有火者陳茶調下。

聾耳

百蟲入耳

聾耳。抵耳。耳內生疔也。乃肝經鬱火所結。可用紅棉散。兼服加味逍遙散。加菊花。百蟲入耳。以貓尿滴入奇效。

紅棉散

白礬二錢

礬支火一錢燒存性

右研勻。先用棉杖子攪去膿水。更用棉杖子攪藥。摻入於耳底卽乾。若聾耳抵耳。加麝香五釐。

眼丹

眼珠忽突

眼丹。眼旁生泡。潰而流水也。屬風熱。加味逍遙散主之。又眼珠忽然腫脹突出。屬祟症。平祟散主之。

平祟散

黃連二分

甘草

冰片各一

硼砂三分

人乳調點兩眼角立消。

白禿瘡

落髮不生

白禿瘡。此火旺血虛而生蟲也。麥饒散主之。髮落不生。骨碎補爲末。麻油調搽之。麥饒散

用小麥一升。炒枯黃色。乘熱入鉢內爲末。和硫黃末四兩。白砒末五錢。攪勻。待冷取起。加烟膠半斤。川椒末二兩。生枯礬各二兩。共碾極細。臨用葱湯洗淨。末藥二三錢。麻油調搽。油紙蓋紮。三日一換。三次愈。

粉刺雀斑

粉刺雀斑。風熱也。改容丸主之。

改容丸

大貝母去心

白附子

防風

白芷

菊花葉

滑石各五

右爲細末。用大肥皂十筴。蒸熟去筋膜。搗和藥爲丸。早晚洗面。

破傷風

破傷風。因跌打傷頭腦而客邪乘之。以致手足搐搦。人事昏憤。天麻散主之。

天麻散

天麻

生南星泡去

防風各一

荆芥三兩

右爲細末。每用五錢。連鬚葱白煎湯調下。

跌打損傷

跌打損傷之後。凡大小便通利者。可用廣三七二三錢。酒煎飲之。或服澤蘭湯。若二便不通。必加大黃。其破損處可用血竭爲極細末。摻之。並葉散亦良。余用天下第一金瘡藥最佳。可保無虞。

澤蘭湯 通二便。除腸中瘀血。乃活命之靈丹也。

澤蘭

當歸各五錢

紅花一錢

丹皮三錢

清木香五分

桃仁去皮尖

赤芍五錢

水煎熱酒沖服。

如大便不通加大黃二三錢酒炒。

韭菜散 止血如神。

石灰同韭菜葉搗餅貼壁候乾細研篩下聽用。

天下第一金瘡藥 凡刀斧損傷跌仆打碎敷上即時止痛止血更不作膿勝於他藥多矣其傷處不可見水余製此藥普送因路遠者一時難取故刻方廣傳之今並筆之書則此方傳益廣矣各鄉有力之家宜修合以濟急也。

雄猪油四兩

松香六兩

面粉四兩

麝香六分

黃蠟六兩

樟腦三兩

冰片六分

血竭一兩

兒茶一兩

乳香一兩 沒藥一兩 同

已上藥研極細先將猪油松香黃蠟三味熬化濾去渣待將冷再入藥末攪勻磁器收貯不可洩氣。

乳癰乳岩

乳癰者。乳房掀痛作膿。膿盡則愈。其初起宜服瓜蒌散。敷以香附餅。即時消散。若已成膿。則用太乙膏貼之。若潰爛。則用海浮散摻之外。貼膏藥。吸盡膿自愈。乳岩者。初起內結小核如棋子。積久漸大。崩潰有巉巖之勢。故名乳岩。宜服逍遙散、歸脾湯等藥。雖不能愈。亦可延生。若妄行攻伐。是速其危也。

瓜蒌散

瓜蒌一個

明乳香二錢

酒煎服。

香附餅 敷乳岩即時消散。一切癰腫皆可敷。

香附一兩

麝香二分

右二味研勻。以蒲公英二兩煎酒去渣。以酒調藥熱敷患處。

太乙膏 治一切癰疽腫毒。用之提膿極效。

肉桂五錢

白芷

當歸

玄參

赤芍

生地

大黃

土木鱉各五錢

乳香二錢

沒藥二錢

阿魏一錢

輕粉五分

血餘一團

黃丹五六兩

以上各藥用真麻油一斤浸入。春五夏三。秋七冬十日。傾入鍋內。文武火熬。至藥枯浮起爲度。住火片時。用布袋濾淨藥渣。將鍋展淨入油。下血餘再熬。以柳枝挑看。俟血餘熬枯浮起。方算熬熟。每淨油一斤。將炒過黃丹六兩五錢徐徐投入。不住手攪。候鍋內先發青烟。後至白烟。疊疊旋起。其膏已成。將膏滴入水中。試軟得中。端下鍋來。方下阿魏散膏面上。候化盡。次下乳香、沒藥、輕粉攪勻。傾入水內。以柳木攪成一塊。

附骨疽

伏兔

附骨疽。內裏漫腫。而皮色不變也。宜用艾炷灸之。俾其轉陰爲陽乃吉。若生於膝上三寸。名曰伏兔疽。法在不治。

蛇頭毒

蛇頭毒。手足指腫大如蛇頭也。宜用艾炷隔蒜灸之。以雄黃、白芷等分爲末。同大

蒜搗爛敷之。或嚼生粟敷之亦效。

脫疽

脫疽生於手足指。宜用艾灸之。若腫腐潰爛。摻以海浮散。貼以萬全膏。

臁瘡

臁瘡生於足之內。外臁。宜服生熟地黃丸。並敷海浮散。貼以萬全膏。若濕熱甚而潰爛不收口者。於海浮散內加入黃柏散同敷立效。

腸癰

腸癰有生於腸內者。腹內脹急。大小便牽痛如淋。轉側搖之作水聲。潰後則膿從大便出。有生於腸外者。當臍腫痛。腹皮脹急。潰後則膿自臍出。甚則穿潰大腸。食蟲亦自臍出。勢難爲矣。初起宜用千金牡丹皮散以消之。既潰則用參膏內托之劑。

千金牡丹皮散

丹皮五錢

苡仁一兩

瓜蒌仁三錢去油

桃仁二十枚去皮尖研

水煎服。

懸癰

臍毒外痔

內痔脫肛

懸癰生於腎囊之後。肛門之前。又名海底漏。最難收功。臍毒生於肛門之兩旁。初時腫痛。繼則潰膿。總由濕熱相火內灼庚金而然也。宜服國老散。加減地黃丸。並敷海浮散。貼膏藥。此一定之治法也。內痔外痔。亦並可服前藥。洗以忍冬藤。菖蒲草。兼用田螺水搽之。可以立消。脫肛屬氣虛。補中益氣湯。亦有血虛火旺者。四物湯加升麻。

國老散

甘草七段

用急流水一碗浸之。炙乾又浸。又炙。以水盡為度。研細末。每日空心開水調下二錢。忌煎炒烟酒炙博辛辣發氣等物。

生熟地黃丸

大熟地九蒸

大生地酒洗各

山藥乳拌

茯苓乳拌

丹皮酒蒸各

澤瀉鹽水蒸

當歸酒蒸

白芍酒炒

柏子紙炒

丹參酒蒸各

遠志去心甘草水

自敗龜板浸淨童便炙研炒

共末。用金石斛四兩。金銀花十二兩。熬膏和煉蜜杵為丸。每早淡鹽湯下四錢。

田螺水法用大田螺一個。以冰片摻罈中。仰放罈內。少頃。水流出。取搽痔瘡上。其腫立消。

下疳

下疳生瘡濕癢。或陰莖腫爛。或如菌如蛇。此濕熱之甚也。宜服九味蘆薈丸。並用加味逍遙散。氣虛者佐以加味歸脾湯。

九味蘆薈丸

蘆薈五錢

胡黃連

當歸

芍藥

川芎

蕪荑各一

木香

甘草各三錢

膽草七錢酒浸炒焦

右爲末。米粥糊丸。麻子仁大。每服一錢。或一錢五分。開水下。

楊梅結毒

楊梅結毒。不可搽輕粉。恐毒氣入內。宜服忍冬湯。貼以萬全膏。並用金蟬脫甲酒。忍冬湯

金銀花一兩

甘草二錢

黑料豆二兩

土茯苓四兩

水煎。每日一劑。須盡飲。

金蟬脫甲酒 治楊梅瘡。不拘新久輕重皆效。

好酒五斤。用大蝦蟆一個。浸酒封口。煮香二枝。取起。待次日隨量之大小。總以醉爲度。冬夏蓋暖出汗爲效。存酒次日只服量之半。酒盡瘡愈。又治楊梅結毒。筋骨疼痛。諸藥不效者更妙。服酒後七日不許見風爲要。忌口及房事百日。絕根矣。

大麻風赤白遊風 鵝掌風

大麻風。皮膚腫起。搔痒頑麻。如樹皮吐汁之狀。此濕毒生蟲。甚則眉毛剝落。鼻柱崩壞。事不可為也。宜服斬蛇酒。搽以當歸膏。赤白遊風。肌膚搔痒起皮也。鵝掌風。手足心頑厚起皮也。爛脚風。脚下濕爛也。並可搽當歸膏。內服逍遙散。兼用生熟地黃丸。

斬蛇酒烏梢蛇亦可

斬蛇去頭尾一具

生地二兩

黃柏

苦參

丹參

菊花

銀花

丹皮

赤芍

當歸

枸杞子

蔓荊子

赤茯苓

草薢

百部各一兩

秦艽

獨活

靈仙各五錢

桑枝一兩五錢

右煮好生酒五六斤。退火七日飲。

當歸膏 治癰風。並可搽去遊丹、鵝掌諸風。

當歸

生地各一兩

紫草

麻黃

木鼈子去殼

大楓子去殼

防風

黃柏

玄參各五錢

麻油八兩

黃蠟二兩

先將前九味入油熬枯濾去渣。再將油復入鍋內熬至滴水成珠。再下黃蠟。試水中不散為度。候稍冷。傾入蓋碗內。坐水中出火毒三日。聽用。

湯泡火燒

湯泡火燒。不宜見冷水。宜用白芝蔴殼燒灰存性。研細末敷之。若患處乾燥。則用麻油調搽。或用柏子樹皮為末。麻油調敷亦善。

疥瘡天泡瘡

疥瘡有細小不足膿者。多屬風熱。有肥大灌膿者。多屬濕熱。俱用麻黃膏搽之。十日可愈。而不隱瘡。仍多服金銀花為妙。更有天泡瘡腫起。白泡小者如菉豆大。大者如蠶豆大。連片而生。或生頭頂。或生耳前後。宜用黃柏散敷之。立瘥。

麻黃膏

雄猪油四兩

斑 蝥三個

麻 黃五錢

蓖麻子殼研爛去

大楓子殼研爛去

先將猪油化開。下斑蝥煎數沸。隨去斑蝥。再下麻黃煎枯。濾去渣。將大楓、蓖麻肉和勻。聽搽。

黃柏散 黃柏一大塊。以猪脂塗。蝮炙爲末。麻油調搽。

頑癬

頑癬乃濕熱凝聚。蟲行皮中。有頑厚堅硬者。俗稱牛皮癬。是宜用百部膏搽之。

百部膏

百 部

白蘇皮

蓖麻子去殼

鶴 虱

黃 柏

當 歸

生 地各一兩

黃 蠟二兩

明雄黃末五錢

麻 油八兩

先將百部等七味。入油熬枯。濾去渣。復將油熬至滴水成珠。再下黃蠟。試水中不散爲度。端起鍋來。將雄黃末和入。候稍冷。傾入磁盆中收貯。退火聽用。

自刎

救自刎法。凡自刎喉管未斷者。不可見水。急用麻線縫之。外以血竭細末搨之。隨用天下第一金瘡藥厚塗之。綿紙蓋定。然後用狹布裹脚纏住。線扎之。間日加敷藥。頭不可動搖。十日愈。

竹木刺入肉

竹木刺入肉拔不出者。用象牙磨水滴之。良久自出。或用螻蛄搗爛敷之亦出。若日久血凝腫膿者。以花蕊散用象牙水調敷瘀血散而刺並出矣。

花蕊散

花蕊石末 八兩 硫黃末 四兩

和勻。瓦礫盛之。封口鹽泥固。須晒乾。安風爐中。上下著火。煉二炷香。候冷打開。研篩為極細末收貯。此散瘀血之神藥也。

風犬咬

毒蛇咬

風犬咬。用明雄黃末五錢。杏仁去皮尖一百粒。炒研。每服二錢。虎骨煎酒送下。服盡必愈。外並用此敷患處。毒蛇蜈蚣咬。用明雄黃細末。用蒜搗爛敷之。內服白芷護心散。

白芷護心散

白芷一兩 乳香三錢 雄黃五錢 甘草五錢
共爲細末。每服四錢。清酒調下。

誤服砒毒

野菌

誤服砒毒。小薊根搗汁灌之。或用金汁灌之。或用明礬、大黃爲末。新汲水調灌之。得吐利爲效。野菌毒亦用金汁解之。紫金丹亦佳。

自縊

救自縊。抱下徐解繩索。用好肉桂三錢。煎湯灌之。

落水

救落水。以其人橫伏水牛背上。瀝出腹中之水。如無牛。以櫬代之。隨用通天搐鼻散。吹鼻孔中。得嚏則活。獨用半夏末吹之亦佳。

驚夢不醒

驚夢不醒。吹以通天散。更用葱白。生薑煎酒湯之。
搐鼻通天散

猪牙皂角去皮弦 細 辛去葉 半夏各五錢

共為極細末。每用一二分。吹鼻中。得嚏則甦。

補遺

加味甘桔湯在贊

甘草

桔梗各三錢

葶藶子錢二

荊芥三錢

薄荷五分

貝母一錢五分

水煎服。若兩頤腫盛者。加柴胡一錢五分。丹皮三錢。

醫學心悟終

後記

《醫學心悟》六卷。清·程鍾齡撰著于雍正十年（公元一七三二年）。鍾齡，字國彭，天都（今安徽歙縣）人。程氏酷嗜醫學，博極群書，達先賢之旨，融會貫通。凡書理未貫徹者，則晝夜追思，恍然有悟，即援筆而識之。歷經三十載，《醫學心悟》始得著成。

本書是程氏心得之作，言簡意賅，說理明白，方藥效著。全書共六卷，末附載急救要法。卷一爲醫論小品，皆有心得發明。如論子火、賊火，以分別虛實而定補瀉之法。所論醫門八法，以糾時醫偏漏。卷二論傷寒，條分縷析，以表、裏、寒、熱四字論括之，綱舉目張，辨治詳明，有裨于學者領悟其旨。卷三至卷六，述內、婦、外科病證證治，多經驗閱歷之談。如認爲中風寒熱之別，實因人之臟腑爲轉移，則清涼溫熱之劑，各當其可，是發前人所未發。但本書爲有感而筆之，多臨證心得之談，而難免

有簡缺之處，尤以外科爲然。

此次重刊，參校了人民衛生出版社一九六三年版版本，對明顯錯訛之處，作了訂正。

朱 實 貴